

# ВОСТЪ РГНУТЪ Е КЛАСЫ

ВЪ

**ПЕРУ ДУШИ,**

ТО ЕСТЬ

НѢСКОЛЬКО ПЕРЕВООДОВЪ

ИЗЪ СВЯТЫХЪ ОЦЕВЪ

СТАРЦА ПАУСЯ

**ВЕЛИЧКОВСКАГО.**

*Изданіе Козельской Введенской Оптиной Пустыни.*

*Репринтное издание*

---

МОСКВА.

ВЪ УНИВЕРСИТЕТСКОЙ ТИПОГРАФИИ.

1849.

**Иже во Святыхъ Отца нашего Іоанна  
Архієпископа Константина града Злато-  
устаго, о молитвѣ, слово 1-е.**

Обою ради подобаетъ рабовъ Божіихъ блажити и удивлятися имъ, яко надежду спасенія на святыхъ имѣяху молитвы, и яко писаніемъ сохранише пѣсни и службы, яже Богови съ радостію и страхомъ приношаху, и къ намъ преподаша свое ихъ сокровище: да къ ревности своей всѣхъ послѣжде бывшихъ приплещи возмогутъ. Преходити бо приличествуетъ праву учителей на ученики, и ученикомъ Пророковъ подражателемъ приличествуетъ являтися правды онѣхъ, да всяко время съ молитвами, и службою Божіею и поученіемъ живемъ: сіе животь, сіе здравіе и богатство, сіе конецъ благъ быти нещующе, еже молитися Богови съ чистою и нерастлѣнною душею. Якоже бо тѣлу свѣтъ есть солнце, тако души молитва. Аще убо слѣпцу тщета есть еже не зрѣти солнца, то колико паче тщета есть христіанину еже не молитися частъ, и молитвою свѣтъ Христовъ въ душу не вводити? И кто бы не ужаснулся и не удивился о челоуѣколюбіи Божіи, еже къ намъ показываетъ, толику честь челоуѣкомъ даруя, яко и молитвы сподоби и бесѣды Своя? Съ Богомъ бо истинну бесѣдуемъ во время молитвы, еюже и со Ангелы совокупляемъ, и общенія еже къ безслоннымъ являемъ избѣгающе. Ангель бо дѣло есть молитва, превосходящи и онѣхъ достоинство, понеже лучше есть достоинства Ангель еже съ Богомъ бесѣдовати. А яко лучше есть, сами учать насъ, со многимъ убо страхомъ молитвы приносяще, и подающе намъ вѣдѣти и разумѣти, яко подобаетъ къ Богу приступающимъ съ радостію и страхомъ сіе творити.

Со страхомъ убо, боящимся намъ, да не молитвы недостойни явимся: радостию же исполненнымъ бывающимъ, величїя ради чести, яко толика и такова промысла мертвенный сподобился родъ, яко и Божественныя бесѣды наслаждатся часть, еюже и еже мертвенни быти и привременни избѣгаемъ, естествомъ убо суще мертвенни, бесѣдою же яже ко Богу къ безсмертну животу преходяще. Нужно бо есть бесѣдующему съ Богомъ, лучшу быти смерти и всякаго истлѣнїя. И якоже отнюдь нужно есть солнечныя лучи наслаждающемуся избѣгати тмы: тако отнюдь нужно есть наслаждающемуся Божественныя бесѣды, не кому быти мертвенну. Самое бо то величїе чести къ безсмертїю насъ представляет. Аще бо бесѣдующимъ съ царемъ, и чести яже отъ него наслаждающимся, не возможно есть быти убогимъ; много наче не возможно есть Богови молящимся и бесѣдующимъ, мертвенныя имѣти души. Смерть бо души есть нечестїе и житїе законопреступное: тѣмже и животъ души есть, служба Божїя и житїе подобающее сей. Житїе же пренеподобно и службѣ Божїей подобающе молитва собираетъ и сокровиществуетъ чуднѣ въ душахъ нашихъ. Или бо дѣвства кто рачитель сый, или цѣломудрїе еже во брацѣ чтити потщавыйся, или побѣждати гнѣвъ, и съ кротостїю жити, или зависти чисту быти, или ино что отъ приличествующихъ творити, молитвѣ предводящей и предуглаждающей таковыи путь житїя, легко и удобно имѣти будетъ теченїе благочестїя. Не возможно бо есть, не возможно есть просящимъ отъ Бога цѣломудрїя, и правды и кротости, и благости, не получитьи молитвы. Глаголетъ бо: просите, и дастся вамъ: ищите, и обряцете: толците, и отверзется вамъ. Всякъ бо просїи прїемлетъ, и ницїи обрѣтаетъ, и толкущему отверзается. И пакы: кто есть, глаголетъ, отъ васъ чловѣкъ, сгоже аще воспроситъ сынъ его хлѣба, еда камень подасть ему? или аще рыбы проситъ, еда змїю подасть ему? аще убо вы, лукави суще, умѣете

данія блага даяти чадомъ вашимъ, кольми паче Отець вашъ небесный дастъ Духа Святаго просящимъ у Него (1). Таковыми убо словесы и таковыми надеждами къ молитвѣ побуди насъ Господь всяческихъ. Намъ же подобаесть Богови повинующимся присно жити въ пѣснѣхъ и молитвахъ, тщательнѣ службы Божія держащимся, нежели души своєю. Тако бо намъ возможно было бы жити присно подобающею человекомъ жизнию. Иже бо не молится Богови, ниже Божественныя бесѣды наслаждаются желаетъ часть, мертвъ есть и бездушенъ, и нѣсть причастникъ еже разумѣти. Самое бо сіе величайшее есть неразумія знаменіе, еже не вѣдати величія чести, ниже рачительствовати молитвы, ниже смерть вмѣнати души быти еже не поклонитися Богови. Якоже бо тѣло сіе наше, души не присутствующей, мертво есть и злосрадно: тако душа, не движущая себе на молитву, мертва есть и окаянна и злосрадна. Но яко убо смерти всякія горчае непщевати подобаесть еже лишитися молитвы, учитъ добръ насъ Данииль великій Пророкъ, паче изволяя умрети, нежели три дни едины лишитися молитвы. (Не бо нечествовати ему повелѣ царь онъ Персидскій, но три дни точію смотряше обрѣсти). Безъ Божественныя бо помощи не бы что отъ благихъ въ наша приити могло души. Божія же помощь соприкасается трудамъ вмѣстѣ съ нами, и тыя облегчаеъ добръ, аще увидитъ любящихъ молитву, и часть Богови молящихся, и вся отъонуду благая снити чающихъ. Егда убо вижду кого не любяща молитвы, ниже теплое и зѣльное къ ней раченіе имуща, уже явно ми есть, яко таковой ничтоже доблствененъ въ душѣ своей стяжалъ есть. Егда же вижду кого божественныя службы несотно держаща, и еже не молитися часть между величайшими числяща тщетами, заключаю, такового всякія добродѣтели подвижника быти тверда, и Божій храмъ.

(11) Марѳ. 7. 7—11. Лук. 11. 13.

Аще бо одѣяніе мужа, и стопа ноги, и смѣхъ зубовъ, возвѣщаетъ яже о немъ, по премудрому Соломону: много паче молитва и служба Божія знаменіе есть всякія правды, утварь нѣкая сущи духовна и божественна, много благообразіе и доброту сотворяющи въ помышленіихъ нашихъ, коегождо устрояющи житіе, не попускающи ни единому же злу, и ничесому же безмѣстну надъ мыслию власть имѣти, научающи же стыдѣтися Бога и чести яже отъ него, всяко лукаваго чарованіе отражати наказующи, студныя и безмѣстныя отгоняющи помыслы, и въ презрѣвіи сласти сотворяющи душу коегождо. Сіе бо презорство едино подобае чествующимъ Христа, еже ничесому же работати студну, но блюсти въ свободѣ душу и въ житіи очищеніе. Яко убо отнюдъ не возможно есть безъ молитвы съ добродѣтелию жити, и съ сею ходити въ житіи семъ, нещюю ясно всемъ быти. Зане како возмогъ бы кто въ добродѣтели подвизатися, не приступая и не припадая частѣ къ Подателю сея и Даятелю? Како же бы кто пожелалъ быти цѣломудръ, и праведенъ, не бесѣдуя сладце со истязующимъ сія же и многа сихъ отъ насъ? Хощу же показати вкратце, яко аще и грѣховъ исполненныхъ примуть насъ молитвы, скоро очищаютъ. И что бы больше могло быти молитвы или божественше, егда тая является быти врачба нѣкая недугующимъ душами? Тѣмже явѣ есть, яко первіи Ниневитяне молитвою омыша многія ко Богу грѣхи. Егда бо пріятъ ихъ молитва, абіе и праведныхъ сотвори, и градъ навъкъшій съ блудонеудержаніемъ и лукавствомъ и законопреступнымъ житіемъ жити, исправи вскорѣ, ветхаго обычая болѣе возмогши, небесныхъ законовъ исполненъ сотворши градъ оный, спривлекающи съ собою и цѣломудріе, и челоуѣколюбіе, и кротость, и промышленіе о нищихъ. Не бо терпитъ безъ сихъ обитати въ челоуѣцѣхъ: но въ которомъ либо умѣ жити имать, исполнена быти творить всякія правды, обучающи къ добродѣтели, и злобу изгоняющи. И

воистинну тогда аще бы кто вшелъ во градъ онъ Ниневію , первѣ той извѣстнѣ вѣдѣвый , то не бы позналъ града онаго : тако внезапно отъ горша житія къ благочестію прескочилъ есть . Яко же бо жену нищу , рубища носящу , по сихъ кто златыми одеждами украшенну увидѣвъ , не бы позналъ жену ону : тако вѣдѣвый и градъ онъ ниществовавшъ первѣ , и духовныхъ пусть бывшъ сокровищъ , не позналъ бы , кій есть градъ онъ , егоже толико возможе молитва преложивши и правомъ и житіемъ къ добродѣтели возвести . Но и жена нѣкая , въ невоздержаніи и блудѣ все преживши время , егда припаде къ погама Христовыма , абіе спасеніе получи . Прочее не тоцю очищаетъ (молитва) грѣхи , но и бѣды отражаетъ велики . Царь оный , вкупѣ же и Пророкъ , чудный Давидъ , отъ многихъ и тяжкихъ браней молитвою избѣже , симъ тоцю оружіемъ воинство ограждал , и подая воиномъ своимъ еже въ безмолвіи и безопасности получать побѣду . Тѣмже пвиі убо царіе , на искусство воеводъ и художество и на стрѣлцы и оруженники и конники надежду спасенія имѣяху : великій же Давидъ молитвами святыми воинство остѣняше , не изирая на бровь воеводъ и чинопачальниковъ , и конниконачальниковъ , ни пѣнязи собирая , ни оружія сотворяя , но божественное всеоружіе съ небесе низводя . Всеоружіе бо воистинну небесно есть божественная молитва , и едина можетъ хранить твердо предавшихъ себе Божии . Зане крѣпость же убо и вѣжество оруженниковъ , и стрѣлецъ искусство , и предательство множицею изъявляютъ суетно быти и взоры враговъ , и суностать благодущіе , и ина многа къ симъ . Молитва же неборимое оружіе , и безопасное стражище , подобнѣ убо война единого , подобнѣ же и многи отражающитмы . Понеже и Давидъ чудный голиаза онаго , яко бѣса нѣкоего страшна находяща , не оружіи , ни мечами , но молитвами низверже . Тако крѣпко убо царемъ въ ратехъ оружіе есть молитва , крѣпко же и намъ на бѣсы . Тако и царь Езекиа преодолеваетъ бранію

Персовъ, воинство убо не вооруживъ, молитвы же едины противопоставивъ множеству суностей. Тако и смерти избѣже съ приличествовавшимъ благоговѣніемъ къ Богови припадъ, и молитва една даде възожити цареви. А яко и душу согрѣшившую молитва удобнѣ очищаетъ, учить насъ мытарь, помолвися Богови еже получитьи отпущеніе, и получишь: учить же и прокаженный, иже припадъ къ Богови, абіе очистися. Аще ли же тѣло растлѣнно Богъ вскорѣ исцѣлилъ есть, то много паче душу вознедуговавшу исцѣлитъ челоувѣколюбнѣ. Велико бо честнша тѣлесе есть душа, толико паче лѣпотно есть Богови о сей многне тѣшнѣ показовати. И безчисленна бы кто могъ глаголати и ветха и нова, аще бы всѣхъ счисляти хотѣлъ спасшихся молитвою. Негли же кто отъ унывшихъ и нехотящихъ прилѣжнѣ молитися и тѣшнѣ, рекъ бы, яко оны глаголы рече Богъ: не всякъ глаголай ми: Господи, Господи, видеть въ царствіе небесное: но творай волю Отца моего, иже есть на небесѣхъ (2). Азь же аще быхъ едину (молитву) довлѣти ко спасенію нашему нещевалъ, влѣпоту бы кто сія глаголаъ словеса. А понеже главизну быти благъ молитву глаголю, и основаніе и корень полезнаго житія, никтоже извѣта ради унынія тѣя да глаголетъ словеса. Ниже бо цѣломудріе едино можетъ спасати безъ иныхъ благъ, ниже промышленіе о нищихъ, ниже благость, ниже ино что отъ тѣшнѣхъ, но подобаетъ всемъ стещися въ души наша. Молитва же, аки корень и основаніе, подлагается. И якоже корабль и домъ яже снизу крѣпки творить и содержать, тако житіе наше молитвы содержать. Безъ молитвы же ничтоже бы въ насъ благо и спасительно могло быти. Сего ради Павелъ налегаетъ частѣ на ны, повелѣвая и глаголя: въ молитвѣ тершите, бодрствующе въ ней со благодареніемъ (3). И индѣ: непрестанно молитесь, глаголетъ, о всемъ благодарите: сія бо есть воля Божія о Христѣ Исусѣ въ васъ (4). И индѣ паки: молитесь на

всяко время Духомъ, въ сіе истое бдѣще во всякомъ терпѣніи и молитвѣ (3). Тако многими и Божественными гласы къ молитвѣ насъ призываетъ часть вождей Апостоловъ. Подобаеть убо отъ онаго наказуемымъ, съ молитвою ходити все житіе и сею часть мысль напаявати. Требуемъ бо вси человекы сея не мѣе, нежели древеса водъ. Ниже бо она могутъ износити плоды, не піюща чрезъ коренія: ниже мы многоцѣнными плоды благочестія возможемъ исполнитися, не напаяеми молитвами. Тѣмже подобаеть и отъ одра воставшимъ предваряти присно солнце службою Божіею, и трапезы касающимся, и спати имущимъ: паче же и на всякъ часъ едину молитву Богови приносить, равно дню теченіе текущимъ: во время же зимы и воцни множайщую часть на молитвы иждивати, и колѣна преклоняющимъ со многимъ страхомъ моленію внимати, блажащимъ себе службы ради Божія. Рцы ми, како узриши солнце, не поклонився Посылающему очесемъ твоимъ сладчайшій свѣтъ? Какъ насладишися трапезы, не поклонився Дателю и Подателю толикихъ благъ? Съ коєю надеждою къ ноцному придеши времени, съ каковыми часши сонци бесѣдовати, не остѣнивъ себе молитвами, но не охранныи ко сну пришедъ? Удобопрезираемъ и удобосмлемъ лукангійшими бѣсы будещи, иже обходятъ часть временнаблюдающе насъ, кого бы емше нага молитвы похитити вскорѣ. Аще убо прочее увидятъ насъ огражденныхъ молитвами, отекакують абіе, яко разбойницы и злодѣе, при главѣ война мечъ зряще висящъ. Аще ли же убо случится кому нагу быти молитвы; сей исторженъ отъ бѣсовъ ведомъ есть, во грѣхи рѣемъ, и бѣды, и злая. Сихъ подобаеть всѣхъ болящимся намъ молитвами и пѣснями присно остѣняти себе, да всѣхъ Богъ помиловавъ, достойныхъ содѣлаеть царствія небеснаго, Единороднымъ Своимъ Сыномъ, Имуже слава и держава во вѣки вѣковъ, Аминь.



## Тогожде о Молитвѣ, слово 2-е.

Яко убо всякаго блага главизна есть молитва и спасенія и живота вѣчнаго виновна, не не вѣсть отъ всѣхъ никтоже. Нужно же есть обаче яже по силѣ глаголати о вещи сей, да обыкшихъ убо жити въ молитвахъ, и службѣ Божіей внимати прилѣжно, тщательшихъ слово сіе содѣлаетъ: унылье же пожившии, и молитвы пусту душу оставшии, и тцету прешедшаго времени уразумѣютъ, и не приложатъ еще лишати себе спасенія во остающейейся житія сего части. Абіе убо оно величайшее о молитвѣ рещи имамы, яко всякъ молийся съ Богомъ бесѣдуетъ. Елико же есть, человекъ сушу съ Богомъ бесѣдовать, не не вѣсть убо никтоже: представити же словомъ честь оу не бы кто возмогъ. Сія бо честь и Ангеловъ превосходитъ великолѣпіе: еже добрѣ они вѣдающе, вси видятся нѣгдѣ во пророцѣхъ со многымъ страхомъ пѣсни и службы Владыцѣ приносяще, покрывающе убо и лица и ноги отъ многа благоговѣнія, летаніемъ же, и тѣмъ еже не мощи пребывати въ безмолвіи, многій показующе страхъ: наказующе, нещую, и насъ забывати человѣческое естество во время молитвы, усердіемъ же и страхомъ содержимымъ, ничтоже отъ настоящихъ зрѣти: но посредѣ Ангеловъ стояти нещевати, и туюжде со онѣми службу совершати. Зане иная убо вся много раздѣлена суть, яже онѣхъ, глаголю, и наша, и естество, и пребываніе, и премудрость, и разумъ, и все еже рекъ бы кто: молитва же обще есть дѣло Ангельвкупѣ и человѣкѣ, и вѣсть посреднее ничтоже и единого и другаго естества въ разсужденіи молитвы. Сія тя раздѣляетъ отъ безсловесныхъ, сія тя совокупляетъ со Ангелы: негли же кто ко онѣхъ преи-

детъ жителъству, и житію, и пребыванію, и чести, и благородству, и премудрости, и разуму, все житіе въ молитвахъ и службѣ Божіей тѣся упражнятися. Зане, что бы преподобнѣе могло быти бесѣдующихъ съ Богомъ, что же праведнѣе? что же лѣпотнѣе? что же премудрѣе? Аще бо съ премудрыми мужы бесѣдующи, отъ частыя бесѣды въ подобіи мудрости онѣхъ сотворяются скоро: что подобаетъ глаголати о бесѣдующихъ съ Богомъ, и молящихся? Еликія убо премудрости, еликія же добродѣтели и разума, и доброты, и благодати, и цѣломудрія, и нравовъ кротости исполняетъ ихъ молитва и моленіе! Тѣмже не бы кто согрѣшилъ, всякія добродѣтели и правды вину быти молитву со изреченіемъ глаголя, и ничесому же мощи отъ потребныхъ ко благочестію вшити въ душу молитвы и моленія пуста. Но якоже не остѣненъ градъ удобно можетъ покоритися супостатомъ, многія ради пустоты содержащаго и: тако убо и душу, не остѣнену молитвами, удобнѣ діаволь подѣ собою быти творить, и всякаго грѣха удобнѣ исполняетъ. Первѣе убо, егда видитъ душу ограждену молитвами, не смѣетъ приступити близъ, бояся крѣпости оныя и силы, юже молитвы подають, наче питающе душу, нежели тѣлеса нища. Таже молящійся тѣхливо, не терпятъ что пострадати молитвы недостойно, но срамляющеса Бога, съ нимже бесѣдоваша нынѣ, всяку отрѣвають скоро лукаваго кознь, помышляюще въ себѣ, сико есть зло, нынѣ съ Богомъ бесѣдовавшему, и помолвившемуся о цѣломудрїи и преподобїи, абїе къ діаволу прейти, и прїити въ душу студныя сласти, и дати діаволу приходъ во умъ, его же нынѣ Богъ носѣти, и попустити бѣсовомъ входить въ души, въ нихже благодать Духа много показа чловѣколюбїе и промысль: и како, услыши. Недоумѣнно есть чловѣку мощи Божїю стерпѣти бесѣду безъ дѣйствїа Духа; но подобаетъ сей присутствующей и сприкасающейся святымъ подвигомъ, тако вшити и преклонити колѣна,

и моленіе принести и помолитися. Понеже бо выше есть силы челоуѣческія, возбесѣдовати съ Богомъ, сего ради подобасть благодати Духа вшедшей въ ны укрьпити, и дерзновеніе подати, и научиги величію чести сея. Егда бо уразумѣши, яко и съ Богомъ бесѣдуеша, и Духа Свята дѣйство пріялъ еси, бесѣдовати имѣя: то ни единый даси діаволу приходъ въ душу освященную отъ Духа. Якоже бо бесѣдовавши съ царемъ, и словесъ кроткихъ и чести насладившиися, не судятъ достойно быти пріяти въ бесѣду нищенствующихъ и отверженныхъ: тако бесѣдовавый Богу и помоливыйся не бы удостоилъ, лукаваго и нечестиваго бесѣду пріяти. Ибо воистинну, работаяй сластемъ, съ бѣсы бесѣдуетъ, и неистовству онѣхъ поревнова: якоже и цѣломудрствуяй и правдѣ прилѣжай, со Ангелы обитаеть, и великолѣпію онѣхъ ревнуетъ. Мнится же ми кто рекій; яко жили души суть молитвы, истину рещи. Якоже бо, нещую, тѣло жилами содержится, и течеть и стоить, и живеть, и утверждено есть: аще ли же сія кто изсѣчь, то всяко составленіе разоряеть тѣлесно: тако и души святыми молитвами составляются и утверждаются, и теченія благочестія текуть удобнѣ. Аще ли же молитвы лишши себе, тожде сотвориши, якоже аще бы рыбу изъ воды изнеслъ еси на воздухъ: якоже бо онѣй животъ есть вода, тако тебѣ молитва. Сею бо мощно есть, якоже водою, возлетѣти, и небеса превзыти, и Бога быти близь. Довольна убо суть прочее и реченная показати крѣпость святыхъ молитвы: негли же лучше есть, къ божественнымъ пришедшу писаніемъ, отъ изреченій Христовыхъ уразумѣти богатство, еже молитвы сокровиществууютъ хотящихъ въ нихъ во все житіе упражнятися. Глаголаше, рече, и притчу къ нимъ, како подобаеть всегда молитися и не стужати (си), глаголя: судія бѣ нѣкій въ нѣкоемъ градѣ, Бога не бояся, и челоуѣкъ не ерамяляся. Вдова же нѣкая бѣ во градѣ томъ, и прихождаше къ нему глаголющи: отмсти мене отъ соперника моего. И не

хоташе на долзѣ времени: послѣди же рече въ себѣ: аще и Бога не боюся, и чловѣкъ не срамляюся: но зане творить ми труды вдовица сія, отмщу ея: да не до конца приходящи трудить мене. Рече же Господь: слышите, что судія неправды глаголетъ. Богъ же не имать ли сотворити отмщеніе избранныхъ Своихъ, вопіющихъ къ Нему день и ночь, и долготерпя о нихъ? глаголю вамъ, яко сотворить отмщеніе ихъ вскорѣ (6). Уразумѣемъ, братіе, сокровенную премудрость по словесѣхъ Духа, испытующе по силѣ нашей, не елика есть, но елико намъ достигнути мощно. Творишици убо прочее въ мори житіе, въ самую низпущенію глубину, многоцѣнное каменіе еже во глубинѣ износятъ: мы же пучину Божественныхъ писаній испытавше, въ самую глубину премудрости Духа, елико мощно, потецемъ, да принесемъ вамъ сокровище благо, украшающее души лучше, нежели главы царей златосліянны вѣнцы. Зане доброта убо оныхъ съ житіемъ симъ скончавается: вѣнчаяй же душу словеса Духа и нынѣ со всякимъ утверждешемъ проходитъ время сіе, и по кончинѣ житія сего дерзая приступаетъ ко Престолу Христову, полнѣ добродѣтели, и чистѣ сый отъ всякія злобы. Кое убо намъ сокровище отъ глубины писаній приносимъ не самыя глубины касающесе премудрости, но только низпущающесе, елико мощно есть? Къ молитвѣ наставляя чловѣки Христосъ, и пользу яже отъ нея представити хотя душамъ нашимъ, судію вводитъ иѣкоего лукава и зла, всякъ стыдъ отъ очію отвергша, и страхъ Божій отъ души изгнавши. Аще и довольно бѣ праведна и милостива предложити лице, и преиспытавшу правду онаго со чловѣколюбіемъ Божіимъ, показати крѣпость моленія. Аще бо чловѣкъ благій и кроткій кротцѣ приемиетъ приносящихъ мольбу, колми паче Богъ, Его же величіе чловѣколюбія не точію нашу превосходитъ мысль,

но и самыя Ангелы. Довольно убо бѣ прочес, еже рѣхъ, праведна лице предложити судіи: нынѣ же жестока и нечестива и челоуѣконенавистна вводитъ судію, на иныя убо свирѣпа, на молящіяся же блага и кротка: да уразумѣши, яко всяко моленіе и естество лукаво къ милосердію и милости привлекаетъ удобнѣ. Чесого убо ради сіе сотворилъ есть Христосъ? да никтоже не вѣсть отъ всѣхъ молитвы крѣпость. Сего ради горчайшему всѣхъ представивъ вдовицу, и показавъ его противу естеству челоуѣколюбна, отъ лукаваго на Отца Своего преложи слово сіе, благаго, кроткаго, тихаго, челоуѣколюбиваго, превосходящаго беззаконія, прощающаго грѣхи многи, хулимаго на всякъ день и свосящаго, терпящаго зрѣти честь къ бѣсомъ, доеаду на Себе, на Сына своего хулы, глаголема и неизреченна безчисленна люта. Таже хулимъ убо тако кротцѣ терпите. Аще ли же увидитъ съ приличествующимъ страхомъ припадающихъ насъ, то не помилуетъ ли скоро? Слышите, рече, что судія неправды глаголетъ: аще и Бога не боюся, и челоуѣкъ не срамляюся, но зане творить ми труды, отмицу ея. Что глаголеши? еже не возможе страхъ Божій, сіе ли моленіе возможе? И егоже не коснеся срамъ челоуѣчъ, ни прещеніе, ниже наказанія чаяніе приведе къ правдѣ, съ мольбою ли явлшися вдовица свирѣпаго онаго укроти? Что убо разсуждати подобаетъ о челоуѣколюбивѣмъ Бозѣ? Аще жестокаго онаго тако кротка сотвори вдовица припадающа: то колику благость, колико челоуѣколюбіе на насъ Богъ покажетъ, Иже едино точію еже миловати хотя присно, мучити же никогдаже, Иже и муками многого ради челоуѣколюбія угрожалъ намъ, и велики уготовавый чести, да и страхъ и чести надежда, ова убо воздвизаетъ къ добродѣтели, овъ же возбранитъ отъ лукавствованій? Не могу отъ судіи неправды отступити мыслию, зря въ кротости онаго, яже противу естества, неисповѣдимое Божіе челоуѣколюбіе. Аще бо никогдаже ниедино благое показа-

ти восхотѣвый, внезапно предложився, молившуюся помилова: то колико намъ съ небесе попеченіе молитвы принести имуть! Познати же возможесть кто крѣпость и силу святыхъ молитвъ, смотря и зря, еликихъ благъ на всякъ день и часъ наслаждаются всегда ко Богу припадающіи. Кто бо не вѣсть, яко и солнца свѣтъ, и звѣздъ, и луны, и воздухъвъ благо-раствореніе, и пици многообразны, и богатство, и имѣніе, и безчисленна блага веѣмъ челоѣкомъ подобнѣ Богъ даруетъ и праведнымъ и нечестивымъ, многога ради Своего челоѣколюбія, еже имать къ намъ? аще ли же не молящіяся, ни просящія тако милуетъ на всякъ день и упокоеваетъ, то коликихъ влѣноту благъ наслаждаются въ молитвахъ и моленіихъ все житіе упражнявшіися! Гряди же, и елицы отъ праведныхъ молитвами спасоша и языки и грады и вселенную всю, рцемъ къ вамъ. Въ памяти же молитвы, Павелъ первый достоинъ памяти, Павелъ не насыщаемый службы Божія, общій отецъ и прародитель рабовъ Христовыхъ. Онъ убо хранитель вселенныя, молитвою и частымъ моленіемъ вся языки спасе, тѣмже и пища глаголетъ къ намъ: Сего ради преклоняю колѣна моя къ Отцу Господа нашего Исуса Христа, изъ Негоже всяко отечество на небесѣхъ и на земли именуется: да дастъ вамъ по богатству славы Своея силою утвердитися Духомъ Его во внутреннемъ челоѣдѣ: вселитися Христу въроу въ сердца ваша (7). Зриши ли, елико можетъ молитва и моленіе? Храмы Христовы челоѣки дѣлаетъ: и якоже злато и каменіе многоцѣнно и мрамари творятъ храмы царей, тако молитва челоѣки творитъ храмы Христовы. Вселитися, глаголетъ, Христу въ сердца ваша. Кая больша могла бы быти молитвы похвала, нежели яко храмы содѣловаетъ Божія? Егоже не вмѣщаютъ небеса, Сего въ душу вселяетъ молитва! Небо престоль Мой, глаголетъ,

---

(7) Ефес. 3. 14—17.

земля же подножіе ногъ Моихъ. Кій домъ созиждете Ми, или кое мѣсто покоища Моего? Но обаче домъ Павелъ созидаеть свѣтлыми молитвами. Преклоняю, глаголетъ, колѣна моя ко Отцу Господа нашего Иисуса Христа, да вселится Христосъ върою въ сердца ваша. Еще же и отонуду увидѣлъ бы кто силу свѣтыхъ молитвъ, яко Павелъ сквозѣ всю вселенную, яко крылатъ текій, и во узилищи обитая, и біеніа терня, и нося веригу, и живый въ крови и бѣдахъ, и бѣсы изгоняя, и мертвыя воздвиза, и утоляя недуги, ни на едино отъ сихъ упова ко спасенію челоуѣковъ: но молитвами остѣнилъ есть душу (\*), и по знаменіихъ и воскрешеніи мертвыхъ, къ молитвамъ течаше, якоже нѣкій подвижникъ къ борбѣ отъ вѣнца. Ибо и воскрешеніа мертвыхъ и игѣхъ всѣхъ молитва есть податель. И влѣпоту: юже бо во древесѣхъ крѣпость имуть воды, сію въ житіи свѣтыхъ молитвы. Въ нощи, сею напаяя душу Павелъ, вся терпяше удобнѣ лютая, подая плещи ранамъ, якоже столпъ. Тако въ Македоніи узилище потрясе: тако юзы расторже, якоже левъ, молитвами: тако стража темничнаго отъ прелести исхитилъ есть: тако мучительство бѣсовъ разруши. Еще же и она нѣмы, яже пишетъ ко всѣмъ челоуѣкомъ: Въ молитвѣ терните, бодрствующе въ ней со благодареніемъ (8), молящся вкуси и о мнѣ, да дастся ми слово во отверженіе устъ моихъ, съ дерзновеніемъ сказати тайну благоуѣствованія (9). Что глаголеши? толико ли намъ дерзновеніе молитвы даютъ, яко и о Павлѣ смѣти Бога молити? Кій вопль смѣеть о велицѣмъ воеводѣ царя молити? Аще же и ниединъ тако воевода цареви есть другъ, якоже Павелъ Богови: но обаче въ толику привоять насъ молитвы честь, яко и о Павлѣ смѣти Бога молити. Тако и Петръ великій, свѣтлшій небесе, узвѣща избѣже: паче убо

(\*) Въ другихъ Греческихъ спискахъ: „землю.“ (8) Кол. 4. 2.

(9) Ефес. 6. 19.

своея ради добродѣтели, и общаго ради челоуѣковъ спасенія : потому же и молитва церкви затворенныя узилища двери скоро отверзе. Не бо всеу приписа Лука, яко молитва бѣ прилѣжна всея церкви о Петрѣ: но да уразумѣемъ мы, елику крѣпость на небесѣхъ молитвы имуть, яко и Павла и Петра отъ бѣдъ избавляти, столповъ Церкви, Верховныя Апостоль, пресловущая на небеси, стѣну вселенныя, общес стражище всея земли и моря. Рцы же ми, како Моусей Израиля во бранехъ спасе: не оружія ли убо и воинство ученикови предаде, самъ же молитвы противопостави множеству супостатовъ, уча ны, яко и оружіемъ, и коней, и пѣхъ, и воинствъ много большу силу имуть молитвы праведныхъ? Сего ради и все воинство и многи тмы на молитву Пророка онаго надежду спасенія имѣяху. Молящуся бо Моусею, побѣждаху Иудеи: преставшу же отъ молитвы побѣждахуся отъ супостатовъ. Тако прочее и мы, молящеся убо, удобнѣ діавола побѣдимъ: унывающе же, на себе подвизаемъ лукаваго. Еще же и люди нечестовавшія молитвою единою спасе Моусей, и Божественная видѣнія она, и (\*) иная преславна сею получи единою. Сія бо ему и житіе подобно сотвори живущимъ на небеси. Молитва огня силу угаси, и лвы укроти: ово убо на Даниилѣ, ово же на тріехъ содѣлавши отроцѣхъ, имиже, нещую, и явно сотвори всемъ, яко всехъ, сликихъ приметъ бѣдствующихъ, удобнѣ исхищаетъ отъ належащихъ лютыхъ. Молитва спасенія вина, безсмертія виновна, церкви стѣна тверда, стражище непоколебимо, страшно убо бѣсовомъ, спасительно же благочестующимъ намъ. Сія Святаго Пророка Самуила породила есть: понеже бо естество сопротивляющеся матери къ рожденію, молитва явльшися скоро исправила есть умаленіе естества. Таковъ есть молитвы нлодѣ, такова насади молитва Пророка. Тѣм-

(\*) Въ друг. списк. „бесчисленная благал.“



же пресловущъ на (\*) небесѣхъ Самуиль бысть, лучший, нежели по челоуѣку, ревнитель Ангеломъ. Подобаше бо, нещую, такову явится молитвы класу, побѣждающу инѣхъ добротою и благостию и добродѣтелями нравомъ, и толико бывшія прежде себе побѣждати святыя, елико на нивахъ превосходятъ большіи класы. Съ нею Давидъ толикихъ и таковыхъ супостать отринулъ есть, ни оружія двизая, ни копіе потрясал, ни мечъ извлекаая, но молитвами остѣняяся. Съ нею Езекиа множество Персовъ въ бѣгство вскорѣ обрати. И ти убо хитрая орудія къ граду привождашу: сей же молитвами стѣну остѣни, и разорися брань безъ оружія отъ молитвы, трубъ не гласящей, воинству же безмолвствующу, оружіемъ не движимымъ, земли не обагряющейся кровію, но молитвѣ довлѣющей къ страху супостатовъ. Молитва и Ниневиты спасе, и носимый съ небесе гнѣвъ отрази скоро, и житіе растлѣнно исправи вскорѣ. Толику бо крѣпость и силу имать, яко пожина Ниневити все житіе студнѣ и лукаво, вшедши же во градъ молитва, скоро вся преложи; и цѣломудріе, и правду, и любовь, и единоуміе, и о нищихъ промышль, и вся благая совведе съ собою. Яко же бо нѣкоей царицѣ вшедшей во градъ, всему богатству спослѣдовати нужно есть, тако и молитвѣ вшедшей въ душу, всяка добродѣтель совходитъ. Еже бо есть въ дому основаніе, сіе въ душѣ молитва. Тѣмже подобаетъ сію первую, яко основаніе и корень нѣкій, въ души водрузившимъ всѣмъ назидати со тщаніемъ, и цѣломудріе, и кротость, и правду, и промышль о нищихъ, и вся законы Христовы, да по нимъ прочее поживше, получимъ яже на небесѣхъ благая, благодатию и челоуѣколюбіемъ Господа нашего Иисуса Христа, Имже и съ Нимже, Отцу со Святымъ Духомъ слава и держава во вѣки вѣковъ, аминь.

---

(\*) По друг. списк. „въ челоуѣцѣхъ.“

## ТОГОЖДЕ ПОСЛАНІЕ КЪ МОПАХОМЪ ВСЯКІЯ ПОЛЪЗЫ И ТРЕЗВѢНІЯ ИСПОЛНЕНО.

Глаголетъ Божественный Апостоль: непрестанно молитесь (10), безъ гнѣва и размышленія (11). И добръ рече святыи безъ размышленія: всяко бо размышленіе, разлучающее умъ отъ Бога, аще мнитъ и благо быти, по все діаволь есть, да не реку діаволе есть. Весь бо подвигъ діаволь сіе есть, да отлучитъ и отженеть умъ отъ Бога, и въ мірская привлечеть попеченія и сласти: и заповѣди и благодворенія отай глаголетъ внутрѣду въ сердць, и ины нѣкія благословны или паче безсловесны мысли, имже отнюдь не подобаеть внимати. Весь бо подвигъ души есть, еже не разлучати ума отъ Бога, ни сочтоватися и согласоватися съ нечистыми помыслы, ниже внимати тѣмъ, яже образишеть въ сердць всенюд-ражательный и ветхій живописецъ діаволь: овогда бо образы, овогда же виды и шары и лица по сихъ вѣсѣхъ діаволь изображаетъ. И страстный человекъ, на единомъ мѣстѣ стоя, нещуетъ идѣ гдѣ быти прельщаяся, и мнитъ зрѣти нѣкіихъ, и къ лицамъ бесѣдовати, и разпредѣляти вещи, яже прелести суть діавольскія. Подобаеть убо утверждати и управляти умъ и обуздovati его, и всякъ помысль и всяко лукаваго дѣйство мучити призываніемъ имени Господа нашего Исуса Христа: и идѣже тѣло стоитъ, тамо и умъ да будетъ, да посредѣ Бога и сердца ничтоже ино обрѣтается, яко средостѣніе или ограда, пресѣняюще сердце и разлучающе отъ Бога. Аще ли же когда и воскищается кто умомъ, то не подобаеть въ помыслѣхъ коснѣти; да не сосложеніе помысловъ въ дѣяніе ему вмѣнитъ предъ Господемъ въ день суда, егда судити иматъ Богъ тайная человекомъ. Упразднитеся убо выну, и пребудите при

---

(10) I Сол. 5. 18. (11) I Тим. 2. 8.

Господь нашъ, дондеже ущедрить насъ: и ниче-  
гоже иного взыщите, развѣ точію милости отъ Го-  
спода славы. Ищущеже милости, со смиреннымъ и  
умиленнымъ сердцемъ ищите, и вопіте отъ утра  
до вечера, аще мощно есть, и всю ночь сіе: Господи  
Исусе Христе, Сыне Божій, помилуй насъ. И пону-  
дите умъ вашъ въ сіе дѣло даже до смерти. Многа  
бо понужденія требуетъ дѣло сіе, зане узка суть  
врата, и тѣсный путь вводя въ животь, и нудя-  
щіяся входятъ въ оны: нудящихся бо есть царствіе  
небесное. Молю убо васъ, не отлучайте сердцеъ ва-  
шихъ отъ Бога, но присѣдите и храните я съ памя-  
тію Господа нашего Исуса Христа всегда, дондеже  
всадится имя Господне внутрь въ сердцеъ: и ничто-  
же ино помышляйте, точію да возвеличится Христосъ  
въ васъ. Молю убо васъ, правилу молитвы сея ни-  
когдаже престати сотворите, но аще леже, аще піе-  
те, аще путешествуете, аще ино что творите, непре-  
станно зовите: Господи Исусе Христе, Сыне Божій,  
помилуй насъ: да память сія имене Господа нашего  
Исуса Христа раздражитъ на брань противу враговъ.  
Вся бо памятью сею имать обрѣсти нудящаяся душа,  
или блага, или лукава. Перьяе бо злая имать уви-  
дѣти внутрь въ сердцеъ, и тогда добрая. Память бо  
сія имать подвигнути змія, и память сія имать сми-  
рити его, память сія имать обличити живущій въ  
насъ грѣхъ, и память сія имать потребити его: па-  
мять сія имать воздвигнути всю силу вражію въ  
сердцеъ, и память сія имать ю побѣдити и искоре-  
нити по части. Сходящи бо часть имене Господа  
нашего Исуса Христа во глубину сердца, змія  
убо держащаго пажити смиряетъ, душу же спа-  
саетъ и животворитъ. Непрестанно убо пребудите  
въ сердцеъ имя Господа Исуса Христа зовуще, яко  
да поглотитъ сердцеъ Господа, и Господь сердцеъ,  
и будутъ два сія во едино. Дѣло же сіе нѣсть  
единаго дне или двою, но лѣта многа и времење,  
и подвига и труда потреба есть, дондеже изгнанъ

будеть врагъ, и вселится Христосъ. Нѣсть наша брань къ крови и плоти, но къ началомъ, и ко властемъ; и къ міродержителемъ тьмы вѣка сего, къ духовомъ влобы поднебеснымъ (12), якоже глаголетъ Апостоль. Тако подобаетъ молящемуся молитися, яко всю свою собравшу и простирающую мысль призывати Госнода съ болѣзнующею душею: и ниже долга простирающа словеса; ниже въ долготу мольбу простирати, но малы и просты глаголати глаголы: не бо во множествѣ глаголовъ, но во трезвѣнн мысли лежить еже услышану быти. И сіе отъ тѣхъ, лже на матери Самуиловой Аннѣ, мощно есть увидѣти. Подобаетъ убо молящемуся не долга простирати словеса, а частѣ молитися молитвами Христосъ Павломъ повелѣ, да бываютъ отъ малыхъ разстояній. Аще бо въ долготу простираеши слово, то вознерадиши множицею, и многу даси діаволу свободу приступити и запяти тя и мысль отвести отъ глаголемыхъ. Аще ли же учащенны и часты твориши молитвы, то и время все частостію объемиши, и возможеша молитвы со многимъ творити трезвѣніемъ. Хочеша ли научитися бдѣнію, молитвѣ, и трезвѣнію, и присѣдѣнію: отъиди ко Аннѣ, уразумѣй, что сотвори она. Восташа, глаголетъ, вси отъ трапезы: и абіе она не ко сну уклоняшеса, ни къ покою. Тѣмже мнися ми, яко и на трапезѣ сѣдѣши, легкая нѣкая бысть, и не отягчавашеса брашны нѣкими: не бо толики испущала бы слезы. И не понеже свѣтель и великъ испусти гласъ, за сіе услышана бысть, но понеже зѣло внутрь въ сердцѣ вопіаше, гласъ бо ея не слышашеса, глаголетъ, и услыша ю Богъ (13). Ниже бо тако гласа потребно есть, якоже мысли, ниже протяженія руку; якоже спротяженны души, ниже образа; якоже разума. Аще бо и внѣ церкви еси, лови и глаголи: Госноди Исусе Христе, помилуй ми, аще и не движа устнѣ, но мыслию вопіа: и мол-

(12) Евес. 6. 12. (13) I. Цар. 1. 3.

чащихъ бо слышитъ Богъ. Не ищется мѣсто, но правъ: аще бо и гдѣ либо еси, молися: храмъ еси, не ищи мѣста. Море бѣ навреди, создади Египтяне, и посредѣ Моусей ничтоже глаголя: и глагола къ нему Богъ, что воиѣши ко Мнѣ? И ты убо, егда искушеніе наляжетъ на тя, къ Богу прибѣжи, Владыку Иисуса Христа призови. Еда бо чловѣкъ есть, да отыдѣши къ мѣсту; Богъ присно близъ есть. Еще тебѣ глаголющу, речеть: се придохъ. Не у соверпиши молитву, и Той прошеніе дастъ. Аще бо мысль имаши чисту сущу отъ безмѣстныхъ страстей, то аще и на торжищи еси, аще и на пути, аще и на мори, аще и въ гостишницѣ, аще и гдѣ либо еси, возможши Бога призываъ получитьи прошеніе. Множицею, глаголетъ, просихъ, и не пріяхъ. Воистинну, заше злѣ просилъ еси, или безъ вѣры, или съ пареніемъ, или нецѣльныхъ тебѣ: аще ли же и полезныхъ множицею просилъ еси, но не потерпѣлъ еси. Писано бо есть: въ терпѣннн вашемъ стяжите души ваша (14): и, претерпѣвый до конца той спасенъ будетъ (15). Аще бо не имаши просити съ трудомъ и пожданіемъ многимъ, не пріемлѣши. Подобаеть бо первѣе вождѣлѣти, вождѣлѣвшу же възискати воистинну съ вѣрою и терпѣніемъ полезная коемуждо, ни въ чесомъ судиму отъ совѣсти, яко (не) съ нерадѣніемъ или уныніемъ прося: и тогда пріемлѣши, егда хочеть Богъ. Лучше бо тебе вѣсть полезная тебѣ, и негли сего ради отлагаеть, еже къ Себѣ присѣдѣніе твое ухищряя, да познавъ, кій есть даръ Божій, сохраниши данное со страхомъ. Всяко бо еже съ трудомъ многимъ стяжаваеть кто, тщится сіе сохранить, да не погубинъ е, погубитъ и многій свой трудъ, и благодать Господню отвергъ, недостойнъ будетъ вѣчнаго живота. Что бо спользова Соломона, скоро пріемшаго премудрости благодать, и погубившаго ю? Убо не малодушествоуй, аще не скоро пріемлѣши прошеніе

---

(14) Лук. 21. 19. (15) Мате. 10. 22.

твое: зане аще бы вѣдѣль благій Владыка, яко скоро приѣмля благодать, не погубиши ея, готовъ былъ бы и прежде прошенія подати тебѣ. Нынѣ же некійся о тебѣ, сіе творить. Аще бо рабъ ояъ , приѣмый талантъ , и цѣла его сохранилъ , занеже не придѣла , осужденъ бытъ : много паче погубивый той осужденъ будетъ. Внимай себѣ, и отвсюду себе осматривай. Не усыпающе имѣй къ храненію своему и око ума : посреде сѣтей преходиши : сокровенна тенета отъ врага отвсюду потчена суть. Вся убо осматривай, да спасешия, аки сериа отъ тенеть. Она бо не смлема есть тенетами , быстроты ради зрѣнія : тѣмже и тезоименна есть быстрозрѣнію. Обаче оно вѣдати подобаеъ, яко ниже инья коея заповѣди блюденіе, ниже самую ко Богу любовь, ни яже къ ближнему можемъ исправить, отъ инѣхъ ко инымъ мыслію скитающеса: но и обученіе онаго по Евангелію Христову къ Богу благоугожденія во отшествіи отъ попеченій міра сего и всесовершеннѣмъ отчужденіи не полезныхъ мольвъ исправляемо бываеъ. Тако и ученикомъ Господь , по чистѣмъ и непарительнѣмъ расположеніи (душевиѣмъ) свидѣтельствоваше глаголю: вы нѣсте отъ міра (16) сего. И на противъ познаніе Бога міру сему не возможно быти пріяти , ниже Святаго имѣстити Духа засвидѣтельствова, глаголетъ бо: Отче праведный, и міръ Тебе не позна: (17) и, Духъ истинны, Егоже міръ не можетъ пріити (18). Разрѣшитися убо подобаеъ отъ узъ пристрастія житія сего, имущему истинну Богови послѣдствовати. Сіе же всесовершеннымъ отшествіемъ и забвеніемъ ветхихъ обычаевъ исправляемо бываеъ. Сіе же сотворшимъ , всяцѣмъ храненіемъ блюсти подобаеъ сердце свое, никогдаже сущую о Бозѣ мысль изгнати , или память чудесъ Его мечтаніи суетными оскверняти: по всегдашнесю и чистою памятію воображенну имѣти въ душахъ нашихъ, аки печать неизглаждаему, преподоб-

ную о Возѣ мысль. Тако бо пребываетъ въ пастъ любви яже къ Богу, купно и воздвигущи къ дѣланію заповѣдей Господнихъ, и отъ нихъ паки сія соблюдаема, къ пребыванію и нераспаденію. И сіе показываетъ Господь, овогда убо глаголя: Аще любите Мя, заповѣди Моя соблюдайте (19); овогда же: аще заповѣди Моя соблюдете, пребудете въ любви Моей. И еще увѣщательнѣе: якоже Азъ заповѣди Отца Моего соблюдохъ, и пребываю въ Его любви (20). Аще же кто растлѣваетъ въ дѣланіи точное блюденіе заповѣди, явѣ есть, яко о памяти Божіей немоществуетъ. Пользуется же и непарительность души, и еже особлятися по обитанію. Еже бо смѣшенну имѣти жизнь, вредно есть. Тѣмже да не ущима или очима раздраженія пріемлемъ, и да возможемъ пребывать въ молитвѣ, возрособимся прежде по обитанію. Тако бо и предварившій обычай преодолѣемъ, въ немже чуждо пожихомъ отъ заповѣдей Божіихъ, и еже: аще кто грядеть ко Мнѣ, да отвержется себе (21), когда бы едино отъ сихъ кто исполнити возмогъ? Подобаеть бо намъ отвергшимся себе, и вземшмъ крестъ свой, тако послѣдовати Ему. Отверженіе же себе есть всесовершенное прещедшихъ забвеніе, и отъ волей своихъ отшествіе. Аще ли же что оставимъ себе отъ памяти земное въ существѣ нѣкоемъ тлѣннѣ; здѣ уму аки въ нѣкоемъ блатѣ закрыту сушу, нужно есть душѣ невидимѣй быти Богомъ, и къ желанію небесныхъ добротъ и уготоваанныхъ намъ благъ по обѣтованіихъ, недвижимѣй. Отнюдь же ниже о самѣхъ нуждныхъ пещися поущено есть, сирѣчь, о пици и одежди, яко да не будемъ содержими, аки терніемъ, лукавыми помысленіи міра сего, вметаемаго съмене отъ Воздѣлателя душъ нашихъ плодоносію возбраняющими: Господу нашему Іисусу Христу рекшу: Сіи же суть въ терніи падшии, иже

---

(19) Іоан. 14. 5. (20) Іоан. 15. 10. (21) Лук. 14. 26.  
Матѣ. 16. 24.

отъ попеченій, и богатства, и сластей житейскихъ подавляются, и не совершаютъ плода. Ниже бо грѣхомъ время кое дамы, ни врачу мѣсто въ сердцахъ нашихъ оставимъ, частою памятію всельника имуще Бога. Но и вниманіе мысли, и еже не парити навывноненіе удобіи бы правымъ наказаніемъ въ таковыя отроки приходило, аще бы отъ настоятелей частъ истязаемы были, гдѣ имуть мысль, и что обращаютъ въ помыслѣхъ. Простота бо возраста и неелестность, и ко лжи неготовность исповѣдуетъ убо удобіи тайная души: а за еже не быти частъ уловлему въ твореніи запрещенныхъ, таковой бѣгаетъ безмѣстныхъ мыслей, срама бояся иже отъ обличеній....

И рече Богъ: сотворимъ челоуѣка по образу нашему: внутренняго челоуѣка глаголя. По речешиты: не глаголетъ намъ о помыслѣхъ: челоуѣка, рече, по образу Божию; помысль же, како есть челоуѣкъ? Слыши Апостола глаголюща: Аще и внѣшній нашъ челоуѣкъ тлѣетъ, обаче внутренній обновляется по вся дни (22). Два прочее сказую быти челоуѣка, единого видимаго, а другаго сокровеннаго въ видимѣмъ. Внутрь убо имама челоуѣка, и сугуби нѣцны есмы челоуѣцы: и тогда истинно глаголемъ, яко челоуѣцы есмы, егда внутреннее тако нарицаемъ, внѣшнее же ни, совершенство въ (\*) словесствѣ души имуще. Тѣмже тѣло убо, орудіе есть души челоуѣка: челоуѣкъ же свойственнѣ, еже по самѣй души. И еже: да обладають, убо ли рече: обладають тѣломъ, или словесствомъ? въ души ли обладательность, или во плоти? Но въ чесомъ обладательность есть, аще не въ преносхожденіи словесства? Елико бо оскудѣваетъ силою тѣла челоуѣкъ, толико превосходитъ устроеніемъ словесства. Не рече: сотворимъ по образу Нашему, и да ярятея. Не бо страсти по образу Божию пріащася, но словесство, страстей владыка. Дано ти есть обладати безсловесными, яко да и безсловесною страстію

(22) 2 Кор. 4, 16. (\*) Въ разумности.



владѣши. Аще убо звѣрьми обладаеши, то почто и внутренними звѣрьми не обладаеши? Аще внѣшними обладаеши, то почто внутренняя не царствуема оставляеши? Князь прочее созданъ еси: не убо помыслы имѣй парящи, ни легкокъ буди и неностоянень мыслию. Безмѣстно бо есть, аще летающія убо вѣ низлагаеши, самага же себе легцѣ тако и нарительнѣ превозносящася не низлагаеши. Да не убо воскичишися, превознесся наче еже еси, и болѣе возмудрствуеши челоувѣческаго естества: ниже похваляемъ надмишися, ни славы взыскуй, ни веліе что себе быти да вознепщуети: понеже будеши аки птица не утверждена, здѣ и ондѣ обносима. Обладай сущими въ тебѣ помыслы, да будеши всѣхъ господниъ. Даннос бо намъ начальство надъ животными, управлять насъ должно есть къ тому, да самими собою обладаемъ. Якоже никакаяже польза есть дому, ни граду, ни дверемъ, аще не будутъ стрегущи и вѣдѣщи, когда убо затворяти, когда же отверзати: тако ни монаху иныхъ исправленій польза есть, аще не будетъ словесство вратарь совѣтовъ его, смуже затвореніе и отверженіе сердца со опасствомъ и многимъ вѣдѣніемъ увѣрено есть, вѣдущему, кая убо износити подобаетъ, кая же вводити. И аще помысль нѣкій понуждати будетъ, подавляти его внутрь подобаетъ, и не оставляти въ словеса произноситися, но изсушати сей корень, и твердо дверь имѣти, и опасну стражу, и лукавыя совѣты не оставляти раждатися и раждаемое удавляти. Тѣмже и Богъ, внутрь самыя лукавыя помыслы убиваетъ, глаголя: Иже воззрѣтъ на жену, ко еже вожделѣти, и прочая. Зриши ли, како не оставяеть я изрости, ни пріяти начала, ниже похоть, ни гнѣвъ? Глаголетъ бо: Гнѣваяйся на брата своего, повинень будетъ геснѣ огненнѣй. Да будутъ врата сія заключенна глаголетъ, и лукави помыслы скоро убіени будутъ. Отъ ярости бо и похоти, всякъ грѣхъ бываеть въ души. Сего ради и Давидъ молится къ Богу, глаголя: Не уклони сердце

мое. Не яко Богъ уклоняеть е (да не будеть!); но еже глаголетъ, таково есть: да не попустиши уклонитися или предложитися въ лукавы мысли: отонуду бо источникъ есть злобы и лукавствія. Яко же бо окомъ обводимымъ частъ, овогда убо обносимымъ къ боковымъ, овогда же къ горнимъ и долнимъ частъ обращаемымъ, увидѣти яснѣ подлежащее невозможно есть, но подобаеть утверждатися умомъ къ видимѣй вещи, аще хоцещи истинно творити видѣніе: тако и уму чловѣчу отъ безчисленныхъ попеченій одержиму, невозможно есть яснѣ въззрѣти на истину, и готову быти пріяти сердцемъ бывающая отъ Божественнаго учительства изображенія, отъ лукава обычая предъудержавшимъ е ученіемъ. Инако бо написатися внутрь души Божественнымъ исвозможно есть, аще не изымутся предпріятія ея, яже отъ обычая. Умъ бо не расточаемъ на вишняя, ниже отъ чувствъ на міръ сей проливаемъ, возвращается убо къ себѣ, собою же къ мысли, яже о Бозѣ восходитъ: и оною добротою осіяваемъ и просвѣщаемъ, и самага сего естества забвеніе пріемлетъ, ниже къ попеченію о ници, ни къ попеченію о одеждахъ душею низвлекался: но упраздняся отъ земныхъ попеченій, все тцаніе свое къ стяжанію вѣчныхъ благъ прилагаетъ: яже да будетъ намъ получитьи о Христѣ Исусѣ Господѣ нашемъ.



### ТОГОЖДЕ, КАКО ВОСТАВАТИ ВЪ НОЩИ МОЛТИСЯ.

Щитъ пріими, о чловѣче, рекше святыя молитвы, и оградися ими. Востани отъ сна и извлецы твоей мечъ, си есть молитву, и стани крѣпцѣ по силѣ твоей, и помолися отъ всея души желаніемъ твоимъ, и Богъ поможетъ ти скоро, и подастъ ти крѣпость и силу, побѣждати врага невидимаго на

тя дерзающа. Не того бо ради есть, братіе, ноцъ сотворена, да присно спимъ и праздни будемъ, но раздѣлити ю подобаетъ, ово убо на дѣло, ово же на цокой. Смотрите, како убо встають въ полунощи рукодѣльницы, ратаи же и кушцы. Тѣмже и вы вси встаните кійждо отъ васъ въ ноцъ, и перебе всѣхъ дѣль молитву къ Богу сотворите, да милость Свою подасть намъ. А егда ложившия снати, то не погрѣши миединныя ноци, еже не кланятся, но, елико убо можещи, по силѣ поклоненію сотвори: тѣмъ бо поклоненіемъ побѣждаетъ человекъ діаволу силу, и тѣмъ избываетъ грѣховъ, иже согрѣшилъ того дне. Тогда бо ноцію, и умъ твой есть легче къ Богу, и могутъ тя убо на покаяніе обратити нощныя молитвы: паче твоихъ дневныхъ молебъ нощныя послушаетъ Богъ. Аще же и изъ храма изникнеши, то слышиши изрядное молчаніе. Тогда же ти и душа чистѣйша есть, и умъ твой легче на мольбы. Тѣмже, возлюбленне, встани въ ноцъ, и приклони колѣна, и приади къ Богу молся. И паче ти дневныхъ молебъ, приклонитъ ухо Свое Господь къ нощныя мольбы. Воспомяни Давида Царя, како глаголаше: седмижды днемъ хвалихъ Тя, и пакы: полунощи востахъ, и исповѣдася о судбахъ правды Твоея: и утрудихся въздыханіемъ моимъ, измыю на всяку ноцъ ложе мое, слезами моими постелю мою омочу. Помыслите, братіе, аще царь сый, толико имый печали, тако творяше по вся ноци: то мы како отвѣтъ дамы Богу, въ лѣности пребывающе? Глаголю вамъ, братіе и сестры, встанемъ ноцію молитися Богу о грѣсѣхъ нашихъ и исповѣдася ему. Тогда бо въ ноцъ ни тѣлая словеса мятуть умъ: како бо мутити и муть всѣмъ снющимъ и не зрящу никому-же? ни зяеть бо кто тогда, ни пакостить. Како же можетъ быти такова мольба въ день, уму вѣдящу многъ мятежъ, и помыслы имупу многи? Аще бо и вельми крѣпшиися въ днь, по не можещи такихъ молитвъ принести Богу. И да будетъ, аки церковь,

обнощъ домъ нашъ, мужы и женами составленъ: рече бо Господь : идѣже еста два или трѣ о имени Моемъ собрани , ту есмь посредѣ ихъ. Добрѣ Богу единъ творяй волю Его , неже тма беззаконныхъ. Аще у кого въ васъ дѣти суть , возбуди я въ нощи помолитися Богу, и научи я, да тако всегда творять. Нѣсть бо ничтоже такова храма добрѣ , идѣже въ нощъ мольбы творимы суть. Слышите, что Пророкъ глаголетъ : Аще поминахъ Тя на постели моей , на утреннихъ поучахся въ Тя. Потщимся молитися братіе по вся нощи, да разрешимъ узы грѣховныя. Глаголю убо вамъ , востанемъ нощю , аще не въ полунощи , поне къ свѣту. Нощъ бо на двое разлучена есть, тѣлу убо на покой, а души на спасеніе. Востани убо въ нощъ, и молися Богу: припади въздыхая о грѣхахъ. Аще бо и милостыню творимъ, а сами лѣпимся на молитву, то не можемъ спастися. Сего ради не лѣпимся молитися Зиждителя нашему, да спасеть души наша, яко благъ и чловѣколюбець. Бъуже слава нынѣ и присно , и во вѣки вѣковъ. Аминь.

---

**Тогожде о молитвѣ, яко не продолжити ея,  
но вкратцѣ со умиленіемъ молитися.**

Подобаеть убо молящемуся , не долгія словеса простирати, но частѣ молитися. Малы убо и часты творити молитвы Христось и Павлу повелѣ , и отъ малыхъ сложеній. Аще бо на множество прострещися словесъ , то вмалѣ облѣнився , велико мѣсто даси діаволу: приступитъ бо заняти тя, и отъ ума извести глаголемая. Аще ли я кратки твориши молитвы, на всякое время часто воспріемля , можеша удобъ цѣломудръ быти , творити же молитвы , со многою бодростію. Да никтоже извѣта имѣеть глагола: нѣсть

удобно молитися кому житейскими пекущюся вещьми, а не близъ обрѣтающемуся дому молитвеннаго. Идѣ же бо аще еси, можеша поставити жертвенникъ: никакоже бранить мѣсто, ни возбраняеть мѣсту время. Аще ни колѣнь поклониши, аще ни въ церси толчеша, ни рукъ на небо въздѣжеша, но токмо умъ покажеша теплъ, то всю исполниль еси молитву. Лѣтъ есть, и на торгъ изшедшу, и особъ шествующу, молитвы прилѣжно творити. Мощно есть и за куплями стоящу молитися прилѣжно, и кожи шіующу прострети душу ко Владыцѣ, егда нѣсть мощно въ церковь внити, ни есть гдѣ творити прилѣжно молитвы. Ни бо постыдится мѣстомъ Богъ, но единаго ищетъ токмо ума тепла и души цѣломудренны. Что же глаголати молящемуся? — Якоже Хананея она глаголаше: Помилуй мя Господи, яко дщи моя злѣ бѣсится; тако и ты глаголи: Господи помилуй мя, яко душа моя злѣ бѣсится: великъ бо есть бѣсъ грѣхъ.



### ТОГОЖДЕ СЛОВО О ИЖЕ СЪ ВѢРОЮ МОЛЯЩИХСЯ НА ВСЯКОМЪ МѢСТѢ.

Ибо Павелъ не въ храмъ святѣмъ помолися, но затворенъ въ темницѣ, и къ кладѣ забіенъ, ни прямо стоя, ни колѣнь приклоняя, не бо мощно съ древомъ стояти, въ немже нозѣ заключени: но понеже съ вѣрою моляшеса лежа въ темницѣ, темницу потрясе, и узникомъ вериги спадоша, и стража темничнаго ко крещенію приведе. Езекія же не въ церкви стоя, ни колѣнь преклоняя, но възакъ (\*) лежа на одрѣ болѣзни, призва душею умилленною, и отвѣтъ о смерти, реченный на него, отврати, первое здравіе пріять живота и приложеніе лѣтъ, и всему граду спа-

(\*) Т. е. навзничь.

сеніе отъ ратныхъ. Разбойникъ же, на крестѣ распя-  
 тый отъ малыхъ словесъ царство небесное получи.  
 Іеремія въ ямѣ тинѣ помолися, и Богъ услыша его.  
 Даниль, въ ровъ ко львомъ ввержень, призва Бога,  
 и спасеся. Іона во чревѣ китовъ Бога умоли. И нынѣ  
 мнози молитвою одержащая ихъ злая разрушиша  
 вся, и Божию помощь воспріаша. Такожде и нынѣ  
 мнози молитвою многихъ бѣдъ и злыхъ свободишася  
 Божією помощію. Тѣмже и мы, братіе, не ищемъ  
 мѣста молитвеннаго, ни изытіемъ глаголати долгихъ  
 словесъ, но якоже Хананея глаголаше: Помилуй мя,  
 яко дщи моя злѣ бѣснуется. (Великъ бо есть бѣсъ  
 въ насъ грѣхъ: бѣсайбоя милуемъ есть, а согрѣша-  
 ющаго вси ненавидятъ): тако и ты глаголи: Господи  
 помилуй мя. Аще и мало сіе слово, но пучина че-  
 ловѣколюбія Божія: а идѣже есть милость Божія,  
 тамо все благо. Гдѣ либо еси сице глаголи: Господи  
 Іисусе Христе, Сыне Божій, помилуй мя грѣшнаго.  
 Аще и не движеши усты, но умомъ въ сердцѣ сицѣ  
 поній, и молчащихъ бо слышитъ Богъ. Самъ бо ты  
 церковъ еси, да не ищещи мѣста молитвъ. Многа  
 писанія глаголють о скорости молитвеннѣй: Моусей  
 убо бѣжаше изъ Египта предъ Фараономъ: море баше  
 среди, Фараонъ же создади, среди же Моусей: велика  
 тѣснота ему бѣ, не бѣ бо мощно молити ему Бога;  
 и рече ему Богъ: что воиещи ко мнѣ? Такожде и  
 тріе отроцы, уже вмѣщеми въ пещь, молишася и  
 молитва ихъ угаси пламень, и узы ихъ разрѣши, и  
 живы я изведе и преславны показа. Такожде и Іовъ  
 на гнощи помолися, и Бога милостива сотвори. Аще  
 убо на тя и напасть приидеть, къ Богу прибѣгни, и  
 молися Ему, да избавить тя. Богъ бо есть вездѣ и  
 близъ тебе: еще бо ти не изглаголавшу, речеть: Се  
 азъ есмь, и не скончаеши молитвы, и Той исцѣленіе  
 ти подасть, аще умъ твой очистиши отъ скверныхъ  
 страстей, и помысловъ лукавыхъ. Аминь.



**ИЖЕ ВО СВЯТЫХЪ ОЦА НАШЕГО ГРИГОРІЯ  
ПАЛАМЫ АРХІЕПИСКОПА ФЕССАЛОНИТСКАГО,  
О МОЛИТВѢ.**

*Изъ житія его Греческія книги.*

Да не вознещуетъ кто, братія моя Христіане, яко освященніи и мощаси точію должны суть молитися всегда и непрестанно, а не и міретіи. Ни, ни: вси обще христіане должны есмы всегда обрѣтатися въ молитвѣ. Занеже Святыишій Патріархъ Константина града Филовей пишеть въ житіи Святаго Григорія Фессалонитскаго, яко Божественный Григорій имѣяше единого друга возлюбленна именуема Юва, простѣйша человекъ и добродѣтельна зѣло, съ нимже собесѣдуя единою Святыи рече ему и о молитвѣ, и яко коемуждо христіанину простѣ подобаеть подвизатися на молитву и молитися непрестанно, якоже заповѣдуетъ Апостоль Павелъ обще всеѣмъ христіаномъ: непрестанно молитесь. И якоже глаголетъ и Пророкъ Давидъ, аще и царь бѣ, и имѣя вся попеченія царства своего: предарѣхъ Господа предо мною выну, сирѣчь, вижду умнѣ молитвою предо мною Господа всегда. И Богословъ Григорій учитъ вся христіаны и глаголетъ къ нимъ: яко многократнѣе подобаеть поминати молитвою имя Божіе, нежели елижды дышемъ. И глаголя сія Святыи ко другу своему Юву и ина многша, глаголаше ему еще, яко подобаеть и намъ творити послушаніе къ заповѣдемъ Святыхъ, и не точію молитися намъ всегда, но и учити прочіихъ всеѣхъ обще и монаховъ и людянъ, и премудрыхъ и невѣждъ, и мужей и женъ, и дѣтей, и побуждати ихъ молитися непрестанно. Егда же слыша сія старецъ онъ Ювъ, возмнѣся ему нова

быти вещь, и начать любопретися, и глаголати ко Святому, яко еже молитися кому всегда есть точію постникѡвъ и монаховъ, внѣ сущихъ отъ міра и отъ попеченій, а не мірскихъ, имущихъ толика попеченія и служенія. Святой же паки глаголаше къ нему и ина свидѣтельства и укаванія непрекословна: но старецъ Іовъ не покаряшеся. Божественный же Григорій бѣгая многословія и любопренія, умолча, и иде кій-ждо въ келлію свою. Послѣжде же, егда Іовъ моляшеся въ келліи своей на единѣ, явися Ангель Господень предъ нимъ, посланъ отъ Бога, хотящаго и съмъ челоукомъ спасенія ихъ. И по еже обличити его аѣло, почто любопреся со святымъ Григоріемъ и сопротивляшеся вещемъ явнымъ, и ниже вина бышаеть спасенія христіаномъ, заповѣда ему отъ страны святаго Бога, внимати добрѣ во прочее, и сохранитися множае не бесѣдовати, что противно подобному душеполезнѣйшему дѣлу, зане, тако творя, сопротивляется воли Божіей, но ниже умомъ своимъ кому да посмѣеть пріяти сопротивенъ помысль, и мудрствовати инако отъ онаго, еже рече ему Божественный Григорій. Тогда простѣйшій онъ старецъ Іовъ иде абіе ко Святому, и припаде къ ногамъ его, проси прощенія о сопротивленіи ономъ и любопреніи, и явилъ есть ему, елика рече ему Ангель Господень. Видите, братія моя, яко должны суть вси обще христіане отъ мала до велика, молитися всегда умною молитвою, то есть: Господи Іисусе Христе, помилуй мя, и всегда да обыкнетъ глаголати сіе умъ ихъ и сердце ихъ. И разсудите, колико благоугождаемъ бываетъ Богъ о семъ, и колика польза происходитъ отъ сего, яко посла крайнимъ своимъ челоуколюбіемъ и небесна Ангела, да открьеть намъ сіе, яко да не ктому инамы кое сумнѣніе о семъ. Но что глаголють мірстія: мы есмы посреде толкихъ службъ и попеченій міра сего, и како возможно есть, да молимся непрестанно? И азъ отвѣщаваю къ нимъ: яко Богъ не заповѣда намъ ничто невозможно, развѣ



точію вся, яже можемъ творити, она намъ заповѣда: сего ради и сіе возможно есть исправити коемуждо ищущему приболѣзненнѣ спасенія души своея. Занеже еще бы невозможно было, то было бы обще всѣмъ мірскимъ невозможно, и не быша обрѣлися толицы и толицы посредѣ міра исправльшии сіе: изъ нихже да будетъ во приуказъ многимъ отецъ вышереченнаго святаго Григорія, Константинъ онъ дивный: иже еще и бѣ въ царскихъ палатахъ, и именуемъ бѣ отецъ и учитель царя Андроника, и упражняшеся на всякъ день въ царскихъ службахъ, особнѣ же имѣяше и службы дому своего, зане бѣ зѣло богатъ и имѣяше стяжанія многа, и рабы и дѣти и жену, но со всѣми сими толико бѣ нераздѣленъ отъ Бога, и толико бѣ вдался во умную и непрестанную молитву, яко многократнѣ забываше она, яже бесѣдоваше царь и князіе палаты съ нимъ за дѣла царска, и вопрошаше наки о тѣхже дѣлахъ единою и дважды: егоже ради множицею прочіи князи, иже не вѣдяху вины, смущахуся и поношаху ему, яко тако скоро забываетъ, и вторыми вопросами своими стужаетъ царю. Царь же, вѣдый вину, защищаше его, и глаголаше: Константинъ имать попеченія своя блаженный, и она не оставляють его внимати словесемъ нашимъ, яже суть о дѣлахъ привременныхъ и суетныхъ: умъ же благоговѣйнаго сего пригвожденъ есть ко истиннымъ и небеснымъ, и сего ради забываетъ земная, понеже и все вниманіе его есть въ молитвѣ и въ Бозѣ. Тѣмже честенъ Константинъ сей (якоже повѣдаеть Святѣйшій Патріархъ Филофей) и достолюбитимъ и отъ царя, и отъ всѣхъ вельможъ царствія и князей: якоже бѣ возлюбленъ и отъ Бога, и сподобися приспоминаемый сей творити и чудеса. Понеже единожды (глаголетъ Святѣйшій Филофей въ житіи Святаго Григорія сына его) вшедь во единъ кораблець со всѣмъ домою своимъ, да идетъ въ гору отъ Галаты къ единому отшельнику, иже безмолвствоваше тамо, молитвы ради и благо-

словенія , на пути , иже пловяху , спросилъ естъ слугъ своихъ , взяша ли нѣкое приснѣдіе , да несутъ ко Аввѣ оному еже угостити : иже рѣша ему , яко лбыша отъ понужденія , и не взяша ничтоже . Поскорбѣ мало благоговѣйный , обаче отнюдь ничтоже рече , точію плывъ напередъ кораблемъ , и вложивъ руку свою въ море , съ молчаливою и умною молитвою моляше Бога , Владыку моря , да дастъ ему нѣкій ловъ : послѣжде же помалѣ часѣ , — о чудныхъ дѣль , Христе Царю ! иже предивнѣ прославляеши рабы твои , — изводитъ руку свою отъ моря , держа единого лавраки величайша , егоже повергъ въ кораблець предъ слугами своими , рече : се Господь нашъ попечеся и о Аввѣ рабѣ своемъ , и посла ему приснѣдіе . Видите ли , братія моя , каковою славою прославляетъ Иисусъ Христосъ рабовъ своихъ , сущихъ съ Нимъ всегда , и призывающихъ выну всесвятое имя Его ?

Еще и праведный онъ Евдокимъ не баше ли и той въ Константинополи , и въ царскихъ палатахъ ; и царскихъ службахъ ? не пребываше ли съ Царемъ и князи палатными , съ толикими попеченьми и молвами ? Но обаче имѣваше умную молитву всегда нерядѣльну отъ Него (якоже повѣдаетъ въ житіи его Симеонъ Метафрастъ) . Тѣмже обрѣтаеся и въ мірѣ , и въ мірскихъ треблаженный сей поживе воистинну житіемъ нѣкиимъ Ангельскимъ и прелірнымъ , и сподобися отъ мздовоздателя Бога пріяти и конецъ блаженъ и божественъ . И пни мнози и безчисленни , иже блху въ мірѣ , и блху всеотнюдь вдавшеся во умную сію и спасительную молитву , якоже обрѣтаеся во исторіяхъ . Прочее , братія моя христіане , молю ны и азъ съ Божественнымъ Златоустомъ , спасенія ради души вашей , не вознерадите о такомъ дѣль молитвы . Восподражайте тѣхъ , иже рѣхомъ , и елико возможно естъ , воспослѣдуйте тѣмъ . И аще мнитсѣ намъ неудобна быти вещь сія въ началѣхъ , то да будете пзвѣстни и пзвѣщени , якоже отъ лица Все-

держителя Бога, яко самое то имя Господа нашего Иисуса Христа, призываемо на всякъ день непрестанно отъ насъ, имать удобна сотворити намъ вся неудобства она, и аще многовременіемъ обыкнемъ въ томъ, и усладимся въ томъ, тогда познаемъ искусство, яко нѣсть невозможно, ниже неудобно, но возможно есть и удобно. Сего ради и Божественный Павелъ, въдый лучше насъ великую пользу, юже имать молитва, заповѣда намъ непрестанно молитися. И никогдаже бы совѣтоваль намъ вещь неудобну и невозможну, зане не быхомъ возмогли творити ю, и послѣдованіи нужно бы было, да явимся преслушницы и преступницы заповѣди его, и сего ради да будемъ осуждени. Но разумъ оный Апостола рекша: непрестанно молитесь, бѣ сей: да молимся умомъ нашимъ, еже возможно есть творити намъ всегда. Занеже и егда творимъ рукодѣліе, и егда ходимъ, и егда сѣдимъ, и егда ямы, и егда пиемъ, всегда можемъ молитися умомъ нашимъ, и творити молитву умну, благоугодну Богови и истинну. Тѣломъ да работаемъ, а душею да молимся. Внѣшній челоуѣкъ да творитъ послуженіе тѣлесно, а внутренній челоуѣкъ да будетъ присно весь освященъ на службу Божию, и да никогдаже оскудѣетъ отъ дѣла сего духовнаго умнаго молитвы, яко же заповѣдуетъ намъ Богочелоуѣкъ Иисусъ, во Евангеліи глаголя: ты же егда молннися, вниди въ клѣтъ твою, и затворивъ двери твоя, помолися Отцу твоему, иже втайнѣ. Клѣтъ души есть тѣло, двери наша пять чувствъ. Душа входитъ въ клѣтъ свою, егда не ходитъ умъ здѣ и ондѣ въ вещехъ міра сего, но обрѣтается въ сердце нашемъ, и чувства наша затворяются и пребываютъ затворенна, егда не оставляемъ ихъ пригвождатися къ чувственнымъ и видимымъ вещемъ: симъ образомъ пребываетъ умъ нашъ свободенъ отъ всякаго пристрастія мірскаго, и тайною и умною молитвою соединяешия Богови Отцу твоему: и тогда Отецъ твой, видяи въ тайнѣ, воздастъ те-

бѣ явѣ. Видить Сердцевѣдецъ Богъ умную молитву твою, и воздасть ей явными и великими дарованіи. Понеже та есть истинная и совершенная молитва, и та исполняетъ душу Божественныя благодати и духовныхъ дарованій. Яко же бо муро, елико множая затворяеши въ сосудѣ, толико множае облагоуховаеть сосудъ: тако и молитва, елико множае затвориши ю въ сердцѣ твоємъ, толико множае исполняетъ е Божественныя благодати. Блажени и благополучни суть, пообычавающіяся въ семь небесномъ дѣлѣ; занеже симъ побѣждаютъ всяко искушеніе лукавыхъ бѣсовъ, якоже и Давидъ побѣдилъ есть гордаго Голиава; симъ угашаютъ безчинныя похоти плоти, якоже и тріе отроцы угасиша пламень пещный; симъ дѣломъ умныя молитвы укропаваютъ страсти, якоже и Даниилъ укротилъ есть свирѣпыя львы; симъ сводятъ росу Святаго Духа въ сердце свое, якоже и Илія снеде дождь на Кармилъ. Сія умная молитва восходитъ даже до Престола Божія и хранима бываетъ во платныхъ фіалахъ, да покаждаемъ тою бываетъ Господь: якоже глаголетъ Іоаннъ Богословъ во Апокалипсисѣ: И двадесять и четыре старцы падоша предъ Агнецемъ, имуще кійждо гусли и фіалы златы полны оуміама, иже суть молитвы святыхъ (\*). Сія умная молитва есть единъ свѣтъ, просвѣщайи всегда душу чловѣка и возжизайи въ сердцѣ его пламень любви Божія. Сія есть верига нѣкая держащая соединенна и совокупленна Бога съ чловѣкомъ. О благодать несравнима умныя молитвы! Сія творить чловѣка, да собесѣдуетъ всегда съ Богомъ. О вещь воистинну дивна и изрядна, да будеши купно съ чловѣки тѣлеснѣ, и да обрѣтаешися купно съ Богомъ умнѣ. Ангели не имуть гласа вещественна, но умомъ своимъ приносятъ Богу непрестанно славословіе: сіе есть дѣло ихъ, на сіе освященъ есть весь ихъ животъ. И ты убо, брате, егда входиши въ клѣтъ твою и затвориши

(\*) Апок. 5, 8.

дверь: сирѣчь, егда умъ твой не расточается здѣ и ондѣ, но входитъ внутрь въ сердце твое, и чувства твоя суть затворена, и не суть пригвожденна къ вещемъ міра сего, и тако молишися всегда умомъ твоимъ, тогда бываеши подобенъ святымъ Ангеломъ, и Отець твой, видѣи таинственную молитву твою, юже приносиши ему въ тайнѣ сердца твоего, велика дарованія духовна воздаеть тебѣ явѣ. Но что ино больше и многше хочещи паче сего, яко да обрѣтаешися всегда кунно съ Богомъ, якоже рѣхомъ, умъ, и да собесѣдуеши непрестанно съ Нимъ, безъ негоже никогда же можетъ человекъ иѣкій быти блаженъ ни здѣ, ни во иной жизни? Прочее, брате, кій либо еси, егда возмещи въ руцѣ твои настоящую книгу, и чтя ю примещи искусь пользы въ души твоей, малю теплѣ, вспомни творити поне едино моленіе къ Богу, единымъ *Господи помилуй*, грѣшныя ради души потрудившагося о сей книзѣ, и пждевеніе подавашаго напечатати ю, пже требуютъ великія молитвы твоя, да обрѣщутъ милость Божественну въ душахъ своихъ: кунно же съ ними и ты да стяжещи милость Божию твоей души, еже буди, буди!

---

### Преподобнаго Отца нашего Мелетія Исповѣдника, въ Галисійскѣй горѣ подвижавшагося: О МОЛИТВѢ.

Зареносное терпѣніе, глаголетъ нѣкто отъ святыхъ, егда одушевлено молитвами и благодареніи, тогда совершеннѣ не падательно воевѣхъ бываесть. Но и пѣхъ вкупѣ добрыхъ, отъ Бога данныхъ, виновно сіе, и источникъ, и среду, и конецъ обрящещи, и невещественныхъ воинствъ дѣло и жителство. Прочее отвержи со тщаніемъ пощеченія, и всякаго попеченія вынѣшнихъ отвержися крѣпко. И красное, и вождельное, и чудное, и божественное, и дивное, и прехвальное, и веѣмъ пужное, Ангельскимъ воин-

ствамъ и челоѣкомъ земнороднымъ, дѣло, глаголю, молитвы, растворено имѣи и совокуплено отвсюду и совилстено съ Божественнымъ и честнымъ терпѣниемъ, якоже рѣхъ. Образа же наче шемли различію, а не мѣста, на гвищи убо Іова, Давида въ рѣѣ, въ китѣ же Іону, и Назла связана, и разбойника на крестѣ разумѣвалъ спасаемыхъ, и простѣ всѣхъ святыхъ, якоже предваривъ прежде прочель еси, въ всѣхъ, во градѣхъ, въ домѣхъ, въ вертенахъ, въ горахъ, на улицахъ, на стезяхъ, на стогахъ. Иже всѣхъ подражая, гдѣ либо ни пребываеши, тѣсно, часто, выну ко Богу молися: близъ бо Господь присно призывающимъ Его.

Молитва, вселюбезнѣйше, отнюдь нѣсть ино, точію упраздненіе повсемественно всякія мысли шныя. Любовь истинну молитвы не можетъ кто имѣти, точію аще всяку любовь ину отвергнетъ. Истинно бо дѣло ино молитвы есть, точію міра отчужденіе, и, да сице рску, двохъ зрѣнія прекращеніе, обращеніе же ума и мысли отъ земли къ невестественнымъ и лучшимъ и Божественнымъ. Кромѣ убо осязанія и дыханія, ваѣ прочіихъ бывай во время молитвы, и молитву обрящеши. Молитва, молитвы шцуци, и вождельвающа, отнюдь обрящеть молитку: шемли убо, како слышиши: послѣдствуетъ бо не ино, точію сія, на шже и тѣатися подобаетъ. Аще богословъ еси, то истинно молитися имаша: аще не истинно молитися имаша, то богословъ еси. Устроеніе свое въ молитвѣ познаеши, ибо сія яко зеркало есть монаховъ. Всяку душу, Жениха раченыи узвлелену, молитва совокуплати во присно можетъ Женихови. Сея добротѣ краснѣи и красотѣ сладчайшей аще кто прикоснется, то бѣжитъ отъ челоѣкъ, яко ошгрь пустынный, удалялся отъ всѣхъ, и узвлеленіемъ сея душу измѣнену нося. Никтоже бо сея супругъ есть, точію всякъ всѣхъ устранившийся и пребывавшій единъ со единою. Иже бо чистыхъ молитвъ Богу не приносить, безолезны претерпѣвасть труды: ка-

ко бо умилостивить Бога безъ сихъ сый? Молитва  
 убо въ качествахъ, а не въ количествахъ имать силу.  
 Обаче количество скорѣйше и къ качеству тя при-  
 водить. Пользу молитвы сея отъ силы яже на бѣ-  
 совъ уразумѣнии, и паче егда чистъ сея прикосне-  
 шися, чадо. Елицы бо воистинну молитвъ употреб-  
 ляють зблншихъ, отъ свирѣпыхъ искушеній выну гони-  
 ми бывають: обаче нѣсть ино таково мученіе лукавымъ  
 бѣсовомъ, ни рана, ни искупеніе, якоже молитва  
 искренняя. Якоже бо огонь желѣзо, аще бы съ нимъ  
 совокупился, некасаемо, не осязно, неприкасаемо по-  
 казуетъ: тако и молитва земнородныя бѣсомъ непри-  
 ступными совершаетъ, сущи огонь Утѣшителя. Тѣмже  
 и противное явственнѣе есть, и смотри, како слы-  
 пиши, яко нѣсть ино горшее, ниже тлжчайшее па-  
 че еже забывать Бога: памяти бо Его отсутствующей,  
 вселяются въ сердца душелительныя страсти,  
 и что либо люто есть, приносятъ бѣсове челоуѣкомъ.  
 Едино всѣхъ сихъ намѣреніе есть, еже отъ Бога  
 насъ отлучити. Молитва же, якоже свѣтъ, хранину  
 осіявающу и всякопресемякающуюся въ нощи далече от-  
 гоняющую, домъ души облистывающую, отгонитъ всяко  
 злосрадіе. Аще молитвы вождельваеши, ненавиждь  
 ярость и гнѣвопробытность. Злопомнящихъ бо моли-  
 твы — съятва на камени. Желая помолитися, никого  
 же опечаливай, никогда-же оскорбляй душу, ни при-  
 ражайся къ ближнему. Да будетъ ти души твоея  
 риза исткана пряжею, паче же залогомъ, якоже гла-  
 голеть Великій, любве, вѣры, радости, злонепомни-  
 выхъ нравовъ, простоты, и надежды, и смиренному-  
 дрія. Аще не явится молитвамъ дѣяніе согласующе,  
 то молитва молящагося ничимъ возможетъ спользо-  
 вати. Аще бо кто молится о убѣжаніи чесога либо,  
 не ктому сіе содѣетъ. Зритъ убо всѣхъ Богъ; Бога  
 же зрять никакоже въ молитвахъ зряціи что отъ  
 міра сего: сихъ убо слышаваетъ и Богъ, сихъ и  
 молитвамъ внимлетъ. Молися убо кротцѣ, не криво-  
 мо, нематежно; благочинно же и разумно мой, гла-

голетъ, и будещи яко птенець орлій на высоту вознесенъ. Бій перси всегда, и скорбе умалиши нечувствие сердца и окаменение, обрящещи же злата мытарскаго руду, и обогатишися.

Молитва, вселюбезнѣйше, учителя не хоцеть, но тѣзнія, но раченія и множайша усердія, и бышасть учитель ея Богъ во всѣхъ.

Всякъ ищай выну, и толца долготерпѣливо, обрѣтаеть отверженіе достойнъ, и пріемлетъ, и аще и не пріемлетъ просимаго, то пріемлетъ величайшее всѣхъ. И что бо ино лучше есть, паче неже къ Богу прильпятися? Хлѣбъ пріемъ несть множицею бѣжитъ... Капли убо росныя бразды уповаютъ земли, душу же воздыханія, со слезами смѣшена. Плаче воиствїя, и рыданія, и біенія, еже валятися смиренно предъ Господемъ, теплоту духовную внутрь въ сердць добрѣйше возжизаютъ, радостотворяща є, и души утѣшеніе подають Божественное. Славенъ воистинну и честенъ есть молитвы сея трудъ: во Святыхъ бо Святая всѣхъ привлекаеть. Ся убо держася, на стояніи единомъ стани, ногама непреходными, и умъ собери отъ дольнихъ. Возведи зѣницы чувственны и мысленны на высоту, и самаго себе и всяку вкунъ тварь, остави низу. И избавленія кроши отъ страстей, и умерщвленія отъ здѣшнихъ, и царства небеснаго: прочая же вся отнюдь, яко отецъ чадолюбивъ, якоже рече, подасть. Молитва, вселюбезнѣйше, якоже рече Великій, по качеству убо соузрѣніе и сочетаніе чловѣка съ Богомъ и союзъ есть: по дѣйству же, состояніе всего міра, примиреніе земнородныхъ къ Богу и Зиждителю, слезъ мати воистинну, ихже дщи есть, рече, о грѣсѣхъ умилоствїленіе, и отъ искушеній избавленіе: мость къ небесн, сокрушеніе лютыхъ браней, скорбей отгнаніе, безплотныхъ дѣло, наслажденіе, пированіе ихъ и веселіе, неизреченно воистинну веселіе горнимъ воиствамъ, и симъ дѣяніе непрестанно во вся вѣки: источникъ всѣхъ благихъ, виновна Божественныхъ даровъ, и



невидимо предусѣяніе, наслажденіе души во всѣхъ, и просвѣщеніе словесства, отсѣченіе невѣрія, надежды Божественны указаніе, печали безсловесны преестатіе, безмолвниковъ сокровище, монашествующихъ богатство, ярости и горести умаленіе, и зависти и злобы: зеркало великаго предусѣянія, явленіе мѣрь, изъявленіе устроенія, и возвышеніе будущахъ, судъ и судище, и престолю судища Владыченъ молищимся разумѣ и добрѣ смотрящимъ. Да перечешы: не исправихъ, въ молитвахъ уиражняся; зѣло бо веліе пѣчто неправиль еси, бесѣдуй со Зиждителемъ. Аще же чегого и не достягль еси, аще что и пріяти не возмогль еси, обаче пріаль еси, вшегда не пріяти, волю Господню: воля бо Божія сія есть отноудь, еже къ Нему приаблиятися молитвами, и безъ поиченія съ нимъ пребывати умоу, и сердцемъ трезвितися. Но аще и прошеніе ему принося не пріемлешы, лучше есть еже не пріяти, нежели еже пріяти просимое, якоже вѣсть полезнѣ устроявалі вся. Сего же, еже пріяти прошевіе, пять глаголють быти вины: еже просящему полученія достойну быти, еже по закопомъ изыскovati, еже часто молитися, еже, ничтоже житейско потщаватися стяжавати, еже вся своя не-оскуднѣ вносити. Обаче вѣждь, яко еже часть прошеніе творити, совершаеть вся и исполняеть и къ концу приводитъ. Еже бо поминати присно Господа и глаголати съ нимъ, равны творитъ земнородныи Ангеломъ невещественнымъ наче же домы Божія сотвориеть ихъ. Всякъ пребывавай во мнѣ, Христовъ глаголетъ, и Азь пребуду, и сиребуду съ нимъ, и нынѣ и тогда: невозможно бо безъ Мене отноудь возмощи содѣлати что отъ добрыхъ и Богоугодныхъ дѣлъ. Всякъ не пребывавай во Мнѣ, и отноудь не совокупленъ, якоже розга съ лозою, далече нѣгдѣ изверженъ будетъ во огнь горѣти.

Еже къ Богу прошеніе и еже къ Зиждителю воззрѣтіе, соединеніе есть и сораствореніе и сово-

купленіе съ Богомъ, виновно всёхъ добрыхъ, якоже выше речеся. Онахже просимъ Бога, въ сихъ благополучиі есмы. Аще не Господь, глаголетъ, созидаетъ домъ душевный, воистинну всеу зиждемъ. Ни текущаго бо, глаголетъ, ни трудящагося, но Бога хотящаго, и соблаговолящаго. Ты убо просиши хотимыхъ и волимыхъ прошеній: Богъ же сихъ исполняетъ праведнѣ событія, хотяй всёхъ всегда на вся управляти. Тщайся себе благоустроити подобающаго не отстуеть: не отступаяй же подобающаго никако же преданъ будетъ. Богъ, избыльнѣйшій ко благодѣліямъ, коегождо произволенія множицею ждетъ. Подвигомъ произволенія всеблагосовѣршеннѣйшаго, съ помощію Божіею, всяко благо совершаемо бываеть. Ъбгаяй же Божественны воли, ни камо не убѣжить, и приидеть наки къ Богу, всеу потрудився. Еже кто дѣлаеть, и размышляеть, и глаголетъ по шамбрисію не Божеску, отнюдь ничтоже приобрѣтаеть. Проси воли Божіей, и ищи, по слову Христову, и приими всяко прошеніе, въ конецъ приходящо.

Коснѣніе, о любезнѣйше, и еже не соисполнятися скоро прошенію твоему, отнюдь да не ошечалаетъ тебе: по и паче тщися искреннѣ отъ него просити, егда явишися не улучишь тѣхъ, ихже просити предвариль еси. Молится третицею и Христось тщаливо съ подвигомъ, прося да совѣтъ Отеческій и воля совершается. И къ своимъ ученикомъ вѣщаеть: бдите и молитесь выну, паче же во искушеніихъ. Проси убо, проси всегда крѣпко, долготерпѣливо, ничимже разслабляиши въ лютыхъ, ниже коснѣніемъ огорчаяся. Богъ бо вѣсть добръ, и еже дасть, и како, и колико дасть ти, и всёми обладаетъ, и вся зѣло удобна Управителю всёхъ. Отъ недоумѣнныхъ скорѣйше бываеть сему доумѣнію. Вкупнѣ всёхъ невозможная всеудобнѣ Того силою исполняются, паче же егда бы человекъ до конца отчаялся, егда бы изнемогла крѣпость человеческая: тогда бо скорѣе съоборствуетъ, оканчивая прошенія. Не бо просящимъ

простѣ даетъ Богъ дары, но съ прошеніемъ и права въ добродѣтельныхъ приносящимъ исправленіе и Божественно жителство. Творящимъ бо дастъ, а не слышащимъ, царствіе Богъ, отъ дѣлъ, а не отъ словесъ. Молитва, вселюбезнѣйше, якоже прежде речеся, со истиннымъ вниманіемъ неотторжно сплетшися, паче же спасительное Богочеловѣчнаго Слова призываніе всевождѣленное, всѣмъ рачительнос, всѣхъ благихъ виновна есть: егда бо по частости въ навывкновение окончится, творить стрегома быти человекъ отъ Бога по ощущенію и уразумѣнію, якоже блюдетъ кто во присно очію зѣницы человекъ, и всяко люто земныхъ всѣхъ, тѣлесно и душевно, далече отгонитъ. Возлюби сіе, возлюби, яко же любить любимо быти, зареносное, свѣтозарное, сладостнѣйшее, красное, всѣмъ сладчайшее призываніе, и якоже Божественну молнію обращай въ сердцѣ твоємъ, тайно гласы воція тайныхъ Вѣдду: Сыне Божій, помози мнѣ, Христе мой, сохрани мя. И сіе глаголи всегда, и во умѣ твоємъ носи, и проснѣтшиися, и упремудришися, и прїимши Божественну благодать, и плотоносенъ Ангель скоро будеши.

Не ждетъ Господь словесъ отъ устенъ и воплей отъ усть, елико неизглаголаныхъ отъ сердца воздыханій и воплей внутреннихъ. Сей бо благогласенъ гласъ, и сладокъ, и даже до ушесъ Владыки скоро восходитъ, и къ милосердію скоро привлекаетъ Его. Иже съ пѣснями мусикійскими, и съ пѣснопѣніемъ, съ мятежемъ и воплемъ яснѣ изглашаемый, человекомъ убо слышимъ бываетъ: Богу же и Создателю, гласъ иже отъ совѣсти и Божественны мысли благопрїятенъ есть, оный же отрѣваемъ бываетъ. Но и едина стремленія, и движенія едина Богъ вѣсть и исполняетъ, предваряя прошенія. Двизай убо, двизай всегда устнѣ сердца, зови воплемъ немолчнымъ, непрестанно глаголи: Сыне Божій, помози мнѣ, Христе мой, сохрани мя. Сіе творя выну, отъ приснопоученія удержиши во обычаи, отъ него же и въ навывк-

повеніе достигнеші. И имѣти будеші яко естественну, нераздѣльну вещь, въ естество отъ навькновенія претворену. Оттолѣ же, вселюбснѣйше, спя, усыпая, лдя, дѣлая, кая либо хочеші дѣя, бодрость имаші внутреннюю и трезвишися сердцемъ, храмъ и престолъ Божій, и Ангеломъ равенъ, аще и плотоносець на земли ходиши, пребывая. Коль же благо и красно, и свѣтозарно и Божественно, трезвеніе, отъ тебе, Христе, добрѣ благопоспѣшествуемо! Аще воистинну отврещи всякъ срамъ хочеші, аще хитрости бѣсовскія желаеші обличити, трезвѣніе имѣй, любснѣйше, и сія исправиши. Призываніе спасительное присно съ тобою да пребудеть, дыханія твоего частѣе память онаго имѣй: яко да мпромъ непрестаннымъ, и помысла тишиною, обогатишися въ души во малѣхъ днехъ. Отнюдъ бо никтоже инъ благоносно умирить, точію Христоръ, ни инъ утвердить сердце твое. Аще призыванія Исусова, истиннаго безмолвія подательна и хранительна, потщався не стяжеші, то всуе потрудился еси, никое же тебѣ пріобрѣтеніе будетъ. Мира бо подательно есть, превосходящаго умъ. Сія яко оружіе предложи на сопротивныя. Симъ уязвляй, бій, закалай суцостаты, и скорѣе ихъ извержеші отъ сердца твоего, вскорѣ опровержеші, скоро потребиши, и память ихъ до конца погубиши. И сего ради глаголють всечестніи отцы: всякъ благочестивъ память Исуса долженъ есть носити, призываніе сіе во умѣ не отторжѣ имѣти, якоже тѣло отъ дыханія невозможно есть разлучити. Тако бо бывасть душа храмъ освященъ, молніеносецъ воистинну и огнесвѣтоносенъ, и зареносія исполненъ, и полнъ свѣтозарія.

Коль же свойственнѣ, коль подобательнѣ, коль зѣло приличнѣ молитва сія и вниманіемъ ума наименованъ! Зане крайнее убо вниманіе отъ молитвы непрестанны, сія же паки вниманія помысла притребуеть. Ея же возрачительствовавше, воистинну отъ злодѣйцевъ, сквернавыхъ, неспѣждныхъ, согрѣшательныхъ, непра-

ведныхъ, неразумныхъ, — благоразумни, и чисти, и праведни, и Божественни, святи и блази можемъ быти, и таинственна, и чудна, и дивна взирати, богословити свѣтлѣйше, добрѣйше догматствовати, и приимати блещанія Трисвѣтлаго Существа. Лѣствицу Іаковлю трезвѣніе образуєть, на ней же Богъ утвердися и соборъ Ангеловъ восходитъ и нисходитъ Бога славослова. Поминай Іисуса, праведнѣ не вводитъ во внутреннюю и мысленную келлію нѣчто отъ странныхъ. Со мнозѣма быти лучше хочеть, иже не вѣсть стяжавати Іисуса: имущему же Іисуса отъ всѣхъ отходити подобаєть. Аще хочещи, яко безтѣлесенъ, еще нося плоть, жертву приноси ти Богу и служити съ воинствомъ Ангеловъ, усокровиществу Іисуса приснопоученіємъ. Не видить свѣта солнечна, иже слѣвъ родися: ниже трезвѣнія не исправляяи получить Божественную зарю. Сіе глаголють родительницу быти невечернихъ свѣтовъ, сіе матеръ быти глаголють Богосвѣтныхъ свѣщей, и просвѣщеніе къ заповѣдемъ, и свѣтильникъ къ законамъ. Трезвѣніе съ молитвою, якоже око тѣло, тако душу наставляєть на стези спасительны. Якоже огня не раждаетъ снѣгъ, вода не источитъ пламени, и терніе смоквами не украсится, и гроздіємъ купина: тако не свободится сердце челоуѣческо отъ нечистыхъ помысль, отъ страстей многоразличныхъ, аще трезвѣніємъ сквернѣ не отмыєши, аще призываніе Іисуса съ молитвою не совокушиши. Сей єсть воинстину монахъ, исправлей трезвѣніе, во бранѣхъ неборимое и твердое основаніе. Сіе источникъ єсть просвѣщенія, и дверь неизреченныхъ. Сіе бѣсовъ єсть погибель, и помысловъ миръ, и сокровище вѣры, надежды безопасство, пристанище избавляюще челоуѣка отъ всякаго треволненія, заблуждающимъ наставникъ, помраченнымъ свѣтъ, утвержденіе и стояніе немощныхъ, искушаемыхъ покровъ, оружіе души хранительно, изощренна стрѣла, рающаи безилотныя враждебники, и ударяющаи, и уязвляющаи. Цвѣтъ, прозябшій вмѣ-

стилице есть плодоносія: ума же блуденія и молитвы непрестанны — отъ многихъ снѣдей удаленіе, и разлученіе отъ питія, смущенія отложено и попеченій многоразличныхъ: зане же всенедоумѣнно есть отъ лѣва и отъ десна уму смотрѣти себе въ сихъ обоихъ. Вседобротнѣйшее блуденіе помысловъ есть трезвѣніе, возымѣвшо призываніе Иисуса срастворено съ нимъ свѣтлое, зареносное, всѣхъ освѣщающее, еже благихъ многоразличныхъ виновно бываетъ, и знаменія предлагаетъ, ими же, аще и внутрь утаевается, ливственно бываетъ: еже ничесого желати низу движимыхъ, паче же славы и чести, и молвы похваляющей, но и бѣгати сихъ отъ души необратно: и храни ти разумѣніа простоту, нравъ смиренномудрый, кроткій, блажайшій, и челоуѣколюбіе. И что мнѣ подобаетъ многословити? Да наикратчае убо реку: Иисуса возлюби отъ всея крѣпости, Сего твори прибесѣдованіе, Сего присно усмотрѣвай, бесѣдуй къ Нему во умѣ, изыѣй Сего размышленіе, Сего доброты вождедѣй, Сего красоту люби, Сего чувствами стяжи; зря, слыша, дыхая, сѣдя, стоя, присно къ Сему изирай, и получиши вся добрая, нынѣшняя и будущая, ниже бо будетъ отъ тебе далече, яко да съ трудомъ достигнеша. Да не утаится слуха твоего, что глаголють уста твоя. Еда бо далече есть отъ души твоя плоть, еда бо умъ душевная не усмотрѣвается и видитъ? Исполняетъ тварь Иисусъ, якоже и душа тѣло, и грѣеть, и животворить, яко же и сія жилище свое.



# МАРКА ПОДВИЖНИКА

СЕМЬ СЛОВЪ.

**СВЯТѢЙШАГО ФОТІА, ПАТРИАРХА КОНСТАНТИНОПОЛЬСКАГО, СВИДѢТЕЛЬСТВО О КНИЗѢ ПРЕНОДОВНАГО ОТЦА НАШЕГО АВВЫ МАРКА.**

Прочтеса книга Марка инока во осьми словесѣхъ, ихже первое убо, надписаніе получи о законѣ духовнѣ: и полезно есть постническое произволившимъ житіе: якоже и послѣдствующее, еже мнящияся отъ дѣлъ оправдаться, въ суетенъ испадати глоголетъ помысль: паче же и отъ зѣло погрѣшныхъ сіе быти показующо, въ нихже и ини соткаваются совѣти, къ духовному и сія сприличествующе житію и закону. И третіе же, о покаяніи всегда приличествующемъ поправляюще разумъ, на тойжде пользы степень востекаетъ. Ясна убо есть прочее, общевравнительности ради реченій, и за еже главизненнѣ произнестися, бесѣда сія, аще (а) и не ко Аггическому изонаствовашася вся языку: аще ли же гдѣ и неясность въ ней зрится, то за еже дѣянїемъ та обычай имѣти паче разумѣваться, отстуетъ отъ словесы сказанія, а не за еже неудобнѣ глаголема быти. Таковое же не въ реченныхъ точію изъясняется словесѣхъ, но и въ прочіихъ, и не точію въ единѣмъ семъ мужи, но мало и не во всѣхъ, имже постническія заковы и страсти и завѣщанія, дѣлы вмѣщающаяся, извѣщавати бысть тщаніе, образъ таковыя неясности нѣгдѣ спрорисходитъ: познаніе бо, еже отъ самѣхъ дѣлъ, не зѣло прїемлетъ изъясненія яже чрезъ глаголы. Но тако убо о семъ. Четвертое же слово во

---

(а) То есть: хотя и не вездѣ соблюдена въ ней съ точностію чистота Аггическаго языка. Если же гдѣ видна въ ней и неясность, то сіе происходитъ не отъ темноты изложенія, а отъ того, что истины въ ней излагаемыя обыкновенно бывають лучше понимаемы посредствомъ дѣланія, съ ними сообразнаго, и не могутъ быть объяснены одними словами.



образъ вопроса и отвѣта воображенно, являеть, яко спасительное крещеніе свободу и очищеніе отъ грѣховъ таинственнѣ дарова намъ, и благодать пресвятаго всели Духа, и такоша ина. Пятое же воображаетъ ума къ души своей аки совѣтъ возеѣщающа, имже не инѣхъ виновныхъ согрѣшеній, но самѣхъ насъ явственпо глаголетъ. Но и шестое въ бесѣду воображаетъ, схоластика вводящо нѣкоего къ Марку самому бесѣдующа, ихже главы суть: яко подобаетъ обидимому не отищевати, ниже осуждати обидящихъ, но своихъ грѣховъ истязанія неощевати яже отъ инѣхъ наносимая намъ стуженія: и яко люта вещь есть челоуѣкоугодіе: и яко подобаетъ паче всякаго тѣлеснаго дѣла многою посредностію (б) молитву предучиняти, и что есть воля плоти. Седмое же (не во глаголы отвѣщающыя воображаемо) о постѣ объемлетъ. Осьмое же къ Николаю нѣкоему иноку писано, кіими усынаема бываетъ паче ярость и гнѣвъ, или и совершеннѣ упраздняется, научаетъ: и кіими похоть плотская. Сія убо, аще и по большему и меньшему едина отъ другихъ различествуютъ, обаче къ дѣятельному руководять любомудрію осмь сія словеса. Девятое же на Мелхіседекиты подвизающося, ничимже мнѣ рождшаго є ереси повинна не мѣрншія обличаетъ (в). Обаче желающему отъсюду обрѣтати пользу, не бесполезно ему ниже отъ сего чтеніе оно будетъ. Чинъ же реченныхъ словесъ не вси подлинники тойжде хранять, но ови убо предполагають, ини же подполагають, яко нѣкимъ и послѣднее первымъ опредѣляти мѣсто.

---

(б) Т. е. тщательно остерегался крайностей. (в) Должно думать, что это слово было писано хвѣмъ нибудь другимъ, и по недоразумѣнію приложено къ словамъ Препод. Марка. Ни въ печатныхъ изданіяхъ книги его, ни въ переводахъ Старца Павсія Величковскаго, нѣтъ сего слова.

## ПРЕПОДОБНАГО И БОГОНОСНАГО ОТЦА НАШЕГО МАРКА, СЛОВО 4-Е.

*О покаяніи вѣзмъ всегда прилигезствующемъ (а) при  
оной силѣ дѣйствія, юже вѣрніи, и прежде дѣланія,  
Благодатію Крещенія пріяша.*

Господь нашъ Іисусъ Христосъ, Божія Сила и Божія Премудрость, Боголѣпно, якоже вѣсть Самъ, о вѣсѣхъ промыслѣхъ спасенія, различными вѣлѣніи (б) законъ свободы положивъ, едино намѣреніе, подобающее вѣзмъ, опредѣли, глаголя: Покаяйтесь (Матѣ. 4, 17). Тѣмже отъ сего мощно есть намъ познати, яко всяко разнообразіе заповѣдей въ единомъ скончавается покаяніа предѣлѣ, якоже и Апостоломъ во главизнѣ (в) заповѣда, рекъ: глаголите имъ, покайтесь, приближися бо царствіе небесное. Отнюдь не временное рекъ приближеніе царствія, яко абіе належащее міру: не бо бы истина несоотвѣтственное что либо вѣщемъ опредѣлила: се бо, и иже тогда живяху, и иже по онѣхъ, успоша, не бывше причастницы всеобщаго скончанія: но вѣдый слово Свое Господь, и царства и покаяніа силу имущо, Покайтесь, глаголетъ: приближися бо царствіе небесное (Матѣ. 4, 15). Аще бо не дастся (г) сіе, како убо подобно есть царствіе небесное квасу, его же приѣмши жена скры въ сатѣхъ (д) тріехъ муки, дондеже вскисе исъ? Развѣ точію, (е) яко слово Господне подъемшая

---

(а) Нужномъ. (б) Постановленіями. (в) Въ одной главной заповѣди Господь заключилъ нужнѣйшее. (г) Если же согласется такъ понимать сіе. (д) Мѣрахъ. (е) Не то ли означается сымъ, что....

мысль (ж), скры въ тричастнѣй ипостаси, тѣла, глаголю, и духа, и души, по Апостолу, и всяку ихъ яже въ помыслѣхъ тонкость, аки муку, многочастнѣ разлиану, (s) въ единѣ вѣры квась (з) собра, уподобитися дѣйствующему слову повсему ожидаа. Тако (и) уподоби слово истины зерну горушичну, еже мало убо въ сердце слышащихъ всѣваемо, приличествуящимъ же дѣланіемъ возрастающе, якоже древо зѣло велико на висоцѣ мѣстѣ, тако въ домъ прибѣжища бываетъ приближающимся мыслемъ. Сіе же воистинну тогда могло быти, егда чисты и Апостолы быти рече за слово (Іоан. 15, 5), еже слышаша, совносимую со словомъ силу къ дѣланію употребивша, и сего ради чисты бывша. Живо бо слово Божіе и дѣйственно есть (Евр. 4, 13). Тѣмже и не употребившыя (i) такового совношенія, яко невѣрны, осуди, рекъ: аще не быхъ пришелъ и глаголахъ имъ, грѣха не быша вмѣли: явнѣ же извннелія не имуть о грѣсѣ своемъ (Іоан. 15, 22). Сіе же рѣхомъ, не яко невѣрующе о будущемъ царствіи, еже во своя и неопредѣленная неуреступно приидеть времена: но яко слово Господне туюжде царствія содержитъ силу, бывшо вѣрнымъ уповаемыхъ извѣщеніе, обрученіе будущаго наслѣдія, начатокъ вѣчныхъ благъ: невѣрнымъ же и сквернымъ нестерпимо (к) безбожія обличеніе. Тѣмже глаголетъ: покайтеся, приближися бо царствіе небесное.

Аще убо точію слышащихъ должники быти дѣла слово показываетъ, совнося въ сердце глаголемыхъ силу: что постраждемъ (л) мы, не точію словесъ, но

---

(ж) (a) Умъ. (s) Размѣсивъ. (з) Закваску. (и) Такимъ же образомъ Господь.... (i) Не воспользовавшихся.... (к) Ἐπιπόρευτον. А подругому чтенію: ἐπιπόρευτον, осуществленное въ нихъ. (л) По друг. чтенію: что сотворимъ....

и многихъ и великихъ .благодѣлній совнедшія силы отвергшеса, и не точію единъ талантъ, но и пять, и два въ земли скрывше тѣлеснѣ, благодаренія Господни злоупотребивше: имиже влѣпоту и безсловесная благодарительствуема, повинуются руководящему, поколику имуть естества силу, якоже и звѣрей свирѣность прелагается по мѣрѣ послушанія благодарителю. Потолику мы, самовластіемъ паче всѣхъ животныхъ почтени сущія, звѣрей свирѣпши и безсловеснши явихомся. Она бо другъ къ другу приближеніе сладцѣ имуть, тѣмже и засушася, каждо доплѣтеть приключшима, и независтно другому оставлеть прилежащее (м): мы же безсловесными настоятельствовати и господствовати учиненнии, естеству злобу предпочтохомъ: яко и иединой повудительной нишѣ понуждающей насъ, немилостиво и призавистно обрѣтаемся къ единоплеменнымъ. Таковыхъ, мню, змѣя порожденія эхиднова Іоаннъ именована, бѣжати будущаго гнѣва, покаянїе обрѣтша, и достойны того сотнорити плоды побуждая и отъ двою ризы подати немущему, и о брашнѣхъ такожде творити запоидавъ. Аще же прежде вѣры подобающаго не разумѣвшыя змѣемъ за несострадательность (н) приуподоби: то не приуподобляемо бы (о) было зло, еже по мѣрѣ и разумѣ и дарованїихъ, яже прїихомъ, безъ страха согрѣшати. Тѣмже тайная убо оставлю, еже каждо помыслениѣ во власти иматъ совершати: реку же паче о свѣхъ, яже противу другъ другу печалующе (п), ухищряемъ, паче же противу мнѣщимся обидѣти ны, ниже съ малыми, ниже съ великими по

- 
- (м) Что передъ нимъ находится. (н) Τὸ ἀσπλαγξέζ. По другому членію: τὸ σπλαγξέζ, т. е. за подобныя (змѣинныя) свойства.  
 (о) Не найдемъ подобія тому злу, чтобы послѣ вѣры и знаши, и дарованїи.... (п) Другъ на друга досадул.

Божѣ собесѣдующе (р). Зане на безвѣстншыя убо или нищшыя явственнѣ возносимся, якоже наемниками или рабами обладати хотище: не къ тому о Христвѣ, но во плоти и богатствѣ защищающе благородство. И егда убо кого отъ кичителншихъ согрѣшающа увидимъ, обличити не смѣемъ, глаголемъ же приключаящымся, яко писано есть: прежде времени ничтоже судите, дондеже придетъ Господь. (1 Кор. 4, 5). На смиреншыя же, малу нѣкую вину обрѣтше, абие налагаемъ, являтся хотяще и глаголюще, яко писано есть: согрѣшающаго предъ всѣми обличай (1 Тим. 3, 20). И тако свое убо лицемѣрие, или злобу, свидѣтельства Писанія развращеннѣ покрываемъ: онѣхъ же, яко по Божѣ обличающе, обрѣтаемся. Проче сія убо о низшихъ: равносильныхъ же сущихъ, за малы нѣкія вины, абие отвращаемся, всяку кознь умышляюще во отмщеніе: и не первѣе съ ними пріязнь стяжаваемъ, дондеже въ тѣхъ, еже по произволению нашему, будемъ. Извѣта же такога емшеся, яко о блазѣ радующеся, лукавство показуемъ. И по еже отмстити, и злобы исполнитися (с), тогда любовнѣе съ ними бесѣдуемъ: втораго любленія предваршую злаго распрію (т), основаніе предположше. Нужно же есть отнюдъ, да дѣло подобно основанію припослѣдствуетъ, и пакы да ищетъ распріи, иже хочетъ побѣждати, яко никогдаже безратно любленіе пребудеть у него: но присно припослѣдствуетъ распріи ненависть, якоже глаголетъ Божественное Писаніе: ненависть воздвизаетъ распрію. (Прич. 10 12). Недугъ же таковой приключается въ славѣ и имѣніихъ первенство гонящимъ, якоже первому во островѣ (Дѣян.

---

(р) Обращаясь. (с) Сихъ словъ: „и злобы исполнитися,“ въ печатной книгѣ (1524 г. Париж. изд.) нѣтъ. (т) По изд. печатному: „положивъ основаніемъ втораго любленія предшествовавшую ему побѣду зла.

28. 7). чревобольніе (у). Сей убо недугъ и нынѣ блаженный Павелъ исцѣляетъ, глаголя: Смиренномудріемъ другъ друга честію больша себе творяще (Филип. 2, 5). Противу смиреннымъ (ф) убо, таже и равночестнымъ, тако расположены есмы. Лукавство же еже противу силнымъ, сокровенно суще и многообразно, ниже рещи, якоже есть, или уразумѣти удобно есть: не-бо, яко заповѣдь блюдуще, обрѣтаемъ съ вышшими, но подъ оныхъ убо притекаемъ, ихже обидѣти не можемъ: и окомъ убо завистнымъ благополучія ихъ взираемъ горцѣ, блаженство же жизни ихъ ниже проповѣдуемо сладцѣ слышимъ: и образы убо и словеса мирными ласкаемъ таковыя, сопротивнѣ же мыслями противу тѣмъ расположены есмы, якоже въ насъ исполнятся глаголемому: глаголющими миръ съ ближними своими, злая же въ сердцахъ своихъ. (Псал. 27, 5). Сія же рѣхомъ о неволею обносимыхъ (х): волею согрѣшающихъ, кромѣшнихъ показати хотяще (ц), и къ покаянію неудобъ преклоняющихся: како бо не волею, не хотящія творити Даніилово, и обрѣсти оставленіе, глаголющаго (ч): грѣхи твоя милостынями искупи, и неправды твоя щедротами (убогихъ Дан. 4, 24)?

Но негли речеши: не имамъ пѣнязей, како ущедрю убогаго? Не имаша пѣнязей; но имаша хотѣнія: отрещыся тѣхъ, и тѣми дѣлай благое. Не можеша благосотворити рукою тѣлесною; благосотвори деснымъ произволеніемъ: егда согрѣшитъ къ тебѣ братъ

---

(у) Подобно какъ упоминаемый въ Дѣяніяхъ Апостольскихъ отецъ Шублія, начальствовавшего надъ островомъ Мальтою, страдалъ рязомъ въ животѣ (διεσπτερία). (ф) Къ низшимъ. (х) Увлекаемыхъ. (ц) Желая показать, что произвольно согрѣшающіе еще болѣе удалены (отъ добраго пути)... (ч) Ибо какъ можно сказать, что они грѣшатъ не произвольно, когда не хотятъ они, для пріобрѣтенія оставленія грѣхотъ, исполнить слово Даніила....

твоемъ, остави ему (Лук. 17, 3), по словеси Господню, и будетъ ти милостыня велика. Аще ищемъ оставленія грѣховъ отъ Бога, сіе творити должни есмы о всякомъ погрѣшеніи къ комуждо: яко да сбудется, еже, отпущайте и отпустится вамъ (Лук. 6, 57). Велие убо есть еже имущему пѣнязи преподавати убогимъ: миловати же ближнія о согрѣшеніихъ толико больше есть ко отпущенію, елико душа честнша тѣла по естеству есть. Елицы же просивше отпущенія, отъ Бога пріяхомъ множицею, яко сего ради ничтоже намъ здѣ зло терпѣти, а ближнія тогожде причастны быти не пріемлемъ: подобни есмы рабу оному лукавому, иже тмы талантъ отпущеніе пріемъ отъ владыки, клевету, стомъ пѣнязь должну бывшу, не прости: съ нимже и законнѣ Господь стязаяся, рече: рабе лукавый, весь долгъ онъ отпустихъ тебѣ, понеже умолилъ мя еси: но подобаше ли и тебѣ помиловати клеветета твоего, и отпустити ему долгъ, якоже и азъ тя помиловахъ? И прогнѣвався, глаголетъ, предаде его мучителемъ, дондеже воздасть весь долгъ. И наводитъ глаголя: тако сотворитъ вамъ и Отець мой иже на небесѣхъ, аще не отпустите кійждо брату своему прегрѣшенія отъ сердець вашихъ (Матѣ. 18, 32—35). Тѣмже и индѣ различными благодѣянніи отъ него обогатившыся, немилостивъ же и неосрадателенъ нравъ имущыя, окалваетъ глаголя: горе вамъ богатымъ: яко воспріемлете утѣшеніе ваше (Лук. 6, 24). Воистинну бо богатство въ насъ есть изобиліе различныхъ намъ дарованій: горе же намъ, яко умоливше, и множицею помиловани бывше, сами молими, никого же помпловахомъ, но воспріемлемъ утѣшеніе ваше. Рекъ же о богатыхъ, не всѣхъ обвиняетъ богатыящихся: суть бо въ нихъ, и воистинну богатство управляти вѣдущи, по воли давшего Бога, и сторицею, якоже писано есть, во вѣдѣ семъ пріемлющии: якоже блаженный Авраамъ, и праведный Іовъ, милостиви бывше, множае обогатѣша, и здѣ, и въ будущемъ вѣдѣ: но, якоже предрекохомъ, ли-

хонимственъ нравъ имуща, или во имѣніихъ, или въ различныхъ щедротахъ присоволяюща себѣ дарованія Божія, и ближняго не хотяща милости поприцаетъ. Не бо данное отъ Господа стяжаніе, имущаго обидитъ (ш) : но отъ неправды прибывающее лихоимство, и мати сего немилосердіе: иже отнюдъ бѣжаще извѣствовѣрній (щ), внезапно (ъ) настоящихъ отрекошася: не твореніе Божіе неразумно возненавидѣвши: но вѣровавши Христу, сіе творити тѣмъ заповѣдавшему, отъ Него дневное самодовольство приѣмлюще. Можетъ убо, кто и безъ имѣній богатѣти, содѣржа въ лишнействѣ иди слово, или разумъ (ы), или какое либо милосердіе, обще вѣмъ дарованвал; приѣмлетъ бо, да преподаетъ ницмущему. Аще же немилостиво къ ближнему расположенъ есть, горе приѣмлетъ: яко поприѣмлетъ утѣшеніе свое. Подобнѣ же симъ и святой Іаковъ Апостоль тако богатѣющимъ глаголетъ: приидите нынѣ богатіи, и плачитесь рыдающе о людехъ скорбехъ вашихъ, грядущихъ на вы. (Іак. 5, 1, 2), Плакати же и рыдати увѣщавая, къ покаянію ны подвизаетъ. Свѣдѣй же, яко страсть сія (ь) и прилѣжнѣйшимъ стараніемъ не удоодолима есть, глаголетъ: богатство ваше изгни, аки бы рсци: непотребно есть, аще и другимъ преподано не будетъ: а богатство оное мнози и безъ имѣній имама, во умныхъ клѣтехъ лихоимство, аки злато, погребше. О чемъ и Пророкъ изъявительнѣйше глаголетъ: возмердѣша и согниша раны моя (Псал. 37, 6.), неблаголюбивый и лишнействительный (ѣ) нравъ раны глаголя: а еже, возмердѣша и согниша, еже до исхода нерадѣніе, возмердѣніе и согнитіе быти вмѣ-

---

(ш) Ницмущему причинлетъ вредъ: (щ) Твердовѣрныи. (ъ) Всецѣло. (ы) Или знаніе, или какое либо другое средство къ оказанію сострадательности. (ь) Любостяжаніе. (ѣ) Любостяжаніа.



нивъ (э): ибо нѣдѣи изволяемъ паче подѣ землею покрыти имѣніе, нежели преподати неимущему. Тогда же, исходу постигшу, возсмердѣваетъ въ души таковая язва, яко гнилости и безумія вина: и вѣчна рана (ю) тѣмъ прибывающа не оставляетъ (я) внити въ небесное царство первородныхъ, якоже законъ о имущихъ пороки завѣщааетъ. Негли же время бы было и тягчайшыя раны обнажити, и врачеви душъ показати: святому бо Павлу рекшу, ваше избыточествіе (да будетъ) во онѣхъ лишеніе (2 Кор. 8, 14.), мы противное творимъ: лишеніе убогихъ похищающе и прилагающе къ нашему избытку. Сіе же и безъ имѣній содѣловаемъ: внигда прегрѣшимъ ко брату въ нѣкоей вещи, и не точію неисцѣльна оставляемъ, но и отвѣтствіе (о), имже мы должны бѣхомъ, сіе отъ онаго мучительно пріемлемъ: ничтоже ино творяще, точію якоже предречеса, онѣхъ лишеніе прилагающе къ нашему избытку: писанію, якоже рещи, противящеса.

Но сего ради не подобаетъ намъ отчаяватися: да не будетъ! Не бо за множество золь осуждаемъ, но за еже не хотѣти покаятися и познати чудеса Христова, якоже свидѣтельствуеть сама Истина: мните ли бо, глаголетъ, яко Галилеане сіи, ихже кровь смѣси Пелать съ жертвами ихъ, грѣшнѣйши бяху паче всѣхъ чловѣкъ, иже на земли? Ни, глаголю вамъ: но аще не покаетесь, такожде погибнете. И они осмынадесяте, на нихже наде столпъ Силоамскій, и побии ихъ, мните ли, яко грѣшнѣйши бяху паче всѣхъ чловѣкъ, живущихъ во Іерусалимѣ? Ни, глаголю вамъ: но аще не покаетесь, такожде погибнете (Лук. 13, 2—5). Зриши ли, яко, за еже не имѣти покаянія, осуждаемъ? Покаяніе же, якоже мню, ниже времены, ниже дѣлы кѣими опредѣлено есть: но

---

(э) А подѣ словами: возсмердѣша и согниша, разумѣя продолжающееся даже до смерти всрадѣніе, какбы нѣкій смрадъ и согнитіе. (ю) Рубецъ. (я) Не допускаетъ. (о) Извиненіе.

заповѣдми Христовыми, соразмѣрнѣ онымъ, содѣловается. Заповѣди же нѣкія обдержителныя (v) суть, многи отъ единичныхъ въ себѣ обдержаше, и многи части злобы (а) единою отсѣцающе: якоже писано есть: „всякому просящему у тебе дай: и отъ взимающаго твоя не истязуй“ (Лук. 6, 30); и, „хотящаго зяяти отъ тебе, не отврати“ (Матв. 5, 42): сія убо единична суть. Обдержательно же надъ сими, еже, „продаждь имѣніе твое, и даждь нищимъ“ (Матв. 19, 21); и, „вземь крестъ твой, гряди въ слѣдъ мене“ (Марк. 10, 21), Крестъ глаголя терпѣніе находящихъ скорбей. Вся убо раздавый нищимъ, и вземый крестъ свой, вся заповѣди предреченныя единою сотвори. И паки: „хощу, глаголетъ, да молитвы творять мужіе на всякомъ мѣстѣ, воздѣюще преподобныя руки,“ (1. Тим. 2, 8); и надъ сими: „вниди въ клѣть твою, и помолися Отцу твоему иже въ тайнѣ“ (Матв. 6, 6); и паки: „непрестанно молитесь,“ (Сол. 5, 17): вшедый же въ клѣть свою, и непрестанно молайся, юже на всякомъ мѣстѣ молитву отсюду заключи (б). И паки глаголетъ: „не соблуди, не прелюбы сотвори, не убій,“ и елика такова; и надъ сими: „помышленіи низлагающе, и всяко возношеніе взимающееся на разумъ Божій“ (2 Кор. 10, 5). Очищай же (в) помышленія, пса предреченныя злобы прегради. Сего ради Боголюбивіи и извѣствовѣрніи, на обдержителныя заповѣди нудятся, и частныя же, по случаю ерѣтающыя, не препущаютъ. Тѣмже нешую, покавѣи дѣлу трети сими добродѣтелями (г) содѣловатися: симъ, еже помыслы очищати (д), и непрестанно молитися, и находящыя скорби терпѣти: яже не точію

---

(v) болѣе общи. (а) порочности. (б) Въ этомъ самомъ заключилъ исполнѣ. (в) По другому чтенію: низлагаай же. (г) Друг. Чт. зяповѣдми. (д) Друг. Чт. низлагати.

явное, но и умное дѣланіе имѣти должна суть, яко, укоснѣвшия безстрастны сотворити (е).

Понеже убо, безъ предреченныхъ тріехъ добродѣтелей не можетъ, (ж) совершенно быти дѣло покаянія, якоже слово указа : всѣмъ всегда приличествовати мню покаяніе, грѣшникомъ же и праведникомъ, хотящимъ спасеніе получитьи : занеже иже единъ есть предѣлъ совершенства, не требуяй дѣланія предреченныхъ добродѣтелей; ибо начинающимъ убо, благочестія ввожденіе: среднимъ же предспѣяніе : совершеннымъ же, утверженіе тѣмъ прибываетъ, занеже тыя ни времены, ни (з) оправданія не пресѣщаются: Развѣ точію зловѣріемъ еже отъ неразумія (и), егда кто, симъ, удобъ на сласти преклоняется, и извѣтомъ (і) отчаянія сластолюбствуетъ, и Наватіановъ мудрованіе приемень, и покаяніе отместеть, аще и утверждается на Апостолѣ, иже бесѣдуя ко Евреемъ, волею согрѣшающимъ и на всякъ девъ крещающимся глаголетъ: „не паки основаніе покаянія полагающе отъ мертвыхъ дѣлъ, и вѣры въ Бога, крещеній ученія“ (Евр. 6, 1). Сіе же рече, не покаяніе отместа, якоже тѣя глаголють: да не будетъ: но во всякомъ дѣланіи покаянія едино основаніе быти крещеніе во Христа уча, во еже не на всякъ день креститися вѣровавшимъ отъ обрѣзанія, и наводитъ: „невозможно бо просвѣщенныхъ единою, и вкусившихъ дара небеснаго, и причастниковъ бывшихъ Духа Святаго, и добраго вкусившихъ Божія глагола, и силы грядущаго вѣка, и отпадшихъ паки обновляти въ покая-

(е) И все сіе должно быти совершаемо не только наружнымъ образомъ, но и въ умномъ дѣланіи, такъ чтобы долго потрудившіеся сдѣлались чрезъ сіе безстрастными. (ж) *Друг.* Чт. предреченными тремя добродѣтелями можетъ.... (з) Ни сознаниемъ своихъ правыхъ дѣлъ. (и) *Друг.* Чт. неразуміемъ и зловѣріемъ. (і) Подъ тѣмъ предлогомъ, что нѣтъ уже надежды.

ше“ (Евр. 6, 4—6): едино въдый (к) обновленіе и основаніе, во всякомъ покаяніи подлежащее, — святое крещеніе. И помалѣхъ наводитъ: „волею бо согрѣшающимъ намъ по пріятіи разума истины, ктому не обрѣтается жертва о грѣсѣхъ“ (Евр. 10, 26). Понеже убо, идѣже суть дѣла сія, тамо приличествуютъ свойственнѣ глаголемая; явѣ есть, яко не точію Іудеемъ глаголетъ, но и всѣмъ волею согрѣшающимъ: отъ нихже первіи суть, иже глаголють, по крещеніи не быти покаянію, и сего ради прочее, самопроизвольнѣ отводимы, беззаконіе дѣлають. Глаголы же сія Святой Павелъ послѣжде первая рече, и сіе смотрителнѣ творя, якоже мню: яко да благоговѣйнымъ убо испытаніемъ писаній, ясенъ будетъ разумъ (л): нерадивѣйшимъ же и презрителемъ, недообрѣтенъ: да не извѣтомъ будущаго покаянія безъ страха согрѣшають.

Понеже убо ови извѣтомъ покаянія по предложенію (м) лежатъ во злыхъ; ови же, за еже не вѣрвати быти покаянію, отчаявшеся предаша себе діаволу; обоемъ же страсть сія лукава есть и неудобоисцѣльна: сего ради Истина всѣмъ прилично приноситъ помоществованіе, глаголющи: „покайтесь, приближися бо царствіе небесное,“ яко да ниже духовніи и въ предсѣянїи сущїи возверадятъ о повелѣніи семъ, на самыхъ тѣхъ якоже рещи тонкихъ и малыхъ утверждающесея (н); глаголетъ бо: „уничижай мїлія по малѣ упадетъ“ (Ис. Сирак. 19, 1).

И да не речеши: како можетъ духовный пасти? — Тиконъ убо пребывая, не низпадетъ: егда же мало что отъ сопротивныхъ прїиметь, и въ томъ пребудеть непокаявенъ, оно малое укоснѣвшо и возрастшо, не ктому терпѣть сиротственнѣ съ нимъ быти; но млчеть того къ своему сродству, аки ужемъ, дол-

(к) Друг. Чит. яко да увѣси, едино быти. (л) Смысль словъ.

(м) Съ намѣреніемъ. (н) Обезпечивалась относительно тонкихъ и малыхъ погрѣшностей.

гимъ любленіемъ нужднѣ привлекаема. И аще убо молитвою ратовався отсѣчеть, то пребудеть (о) во своихъ мѣрахъ: обаче преставъ отъ приличествующаго ему безстрастія толико, отсѣче и прилучшагося зла пристрастіе. Аще же въ конецъ сведень будетъ натязаніемъ (п) владыющаго, рати и молитвы трудъ востыгая (р): нужно будетъ прелцаватися и отъ иныхъ страстей; и тако отъ преемства коеюждо помалу обычнѣ отводимъ, по мѣрѣ отведенія лишается Божественныя Божія помощи, и отводимъ бываетъ прочее и въ болша зла, негли и не хотя, отъ понужденія предпообладавшихъ. Всяко же речеши ми: не можаше ли въ началѣ зла смѣ, умолити Бога не впасти въ послѣднее? И азъ ти глаголю, яко можаше: но охудивъ (с) малое, и волею то пріемъ яко ничтоже, не ктому молится о томъ, не вѣдый, яко малое оно бываетъ введеніе и вина большаго: тако и о блазѣ, тако и о злѣ. Егда же возвеличится страсть и пажить удержитъ волею; прочее и противу воли насильно нанъ возносится. Тогда разумѣвъ, молитъ Бога, брань творя со врагомъ, егоже не вѣдый защищаше прежде, ратуяся занъ съ челоуѣки. Негли же и услышанъ бывъ отъ Господа, помощи не пріять (т): зане не прииде (у), яко же вознепщеваль есть челоуѣкъ, но якоже устроилъ есть Господь на пользу. Вѣдый бо удобопреклонность нашу и презрительность, многа помоществованія скорбми подаетъ челоуѣкомъ: да не безскорбно избавлшеся, паки тажже со тщаніемъ дѣлаемъ согрѣшенія. Тѣмже нужно быти глаголемъ, терцѣти находящая, и зѣло (ф) приличнѣ есть быти въ покаяніи.

---

(о) По друг. чт. всё однакожь пребудеть онъ отставшимъ отъ свойственнаго ему безстрастія на столько, на сколько отклонился онъ къ пристрастію, допустившему зло, съ нимъ случившееся. (п) Возрастающею силою того, что обладаетъ имъ. (р) Сокращая. (с) Презрѣвъ. (т) Не пріемлетъ. (у) Не приходитъ (помощь). (ф) И сіе совершенно свойственно покаянію.

Но речеш ми всяко : иже воистинну благоудившии Богу , и въ совершенство достигшии , коего еще требуютъ покаянія ? — Яко убо быша такови челоуѣцы и суть , соисновѣдую : но слыши разумно , и уразумѣши , яко и такови требуютъ того . Лжу отъ діавола быти рече Богъ (Іоан. 8, 44.); и еже воззрѣти на жену , ко еже вожделѣти , любодѣйство вмѣни; и иже на ближняго гнѣвъ , убійству приуподоби: и о иразднѣ глаголѣ слово воздати яви (Мато. 5, 28. 23. гл. 12, 56): кто убо лжи пенкусень , и всякаго по зрѣнію вожделѣнія невѣжда , и никогда же прогнѣвався на ближняго всеу (х) , ниже ираздну глаголу новинень обрѣтєся , яко не требовати покаянія? Аще бо нынѣ и нѣсть таковъ , нѣкогда же бысть: сего ради покаяніемъ должень есть до смерти . Но положимъ , яко и кромѣ сихъ нѣцыи глаголются быти , и отъ рожденія всякія злобы чужди: еже невозможно есть , Святому Павлу глаголющу: „ вси согрѣшиша , и лишени суть славы Божія , оправдаеми туне благодатію Его “ (Рим. 3, 23. 24.). Обаче , аще бы и были такови , но отъ Адама суть , и подѣ грѣхомъ преступленія вси родишася , и сего ради на смерть чрезъ изреченіе осудишася , спастися безъ Христа немогуще . Распеншуся же Христу и Своею кровію всехъ искупившу , тогда и ти избавляются . Таже и самъ Избавитель всемъ полагаетъ предѣль единъ , обдержителемъ для многихъ дѣль , и глаголетъ ко Апостоламъ : глаголите тѣмъ , покайтесь , приближися бо царствіе небесное : положивъ купно зановѣди , заповѣдающыя (ц) покаяніе , и исполненіе ихъ до смерти опредѣли , рекъ : „ иже погубить душу свою мене риди и евангелія , въ животъ вѣчный сохранивъ ю “ (Марк. 8, 35. Іо. 12, 25); и паки , отврещися всехъ поклѣвая , прилагаетъ : „ еще и своя души , “ и запечатлѣваетъ глаголя : „ иже аще разорить едину запо-

(х) *По друг. чтенію:* въ спорѣ съ нимъ . (ц) *По друг. чт. сохранивающія .*

вѣдѣй свхъ малыхъ, мнѣй наречетя въ царствїи небеснѣмъ“ (Матѣ. 5, 19). Аще убо до смерти опредѣлилъ есть покаяніе, якоже указася: иже прежде смерти тлаголай тому совершитися, разоряетъ заповѣдь, отъемля смерть, и преступникъ есть заповѣдей Христовыхъ. Тѣмже малымъ же и великимъ до смерти некончасмо есть покаяніе. Аще бо дѣяніемъ до ондѣ достигнути и не возможемъ, намѣреніемъ же обучатися должни есмы: да не по предложенію (ч) разоряюще заповѣдь, подвержени будемъ осужденію, менши нарекшеся въ царствїи небеснѣмъ... Взыщи отъ вѣка житіе сіе прешедшья, и обрящещи покаяніемъ таинство благочестія во благоугодившихъ совершившеся. Никтоже осужденъ бысть, аще сіе не презрѣ: и никтоже оправданъ бысть, аще о семъ не прилѣжа. Самсонъ, и Саулъ и Илій съ сынама своима уже частныя (ш) святыни причастницы бывше, прежде убо сію погубиша, о покаяніи вознерадѣвше: таже, опредѣленію (щ) прешедшу, напоследокъ лютою (ъ) смертію надоша... Аще діаволь не престаеъ ратуясь съ нами, ниже покаяніе праздно быти должно есть когда... Святїи и о ближнихъ приносити то нудятся, безъ дѣйственыя любве совершени быти не могуще... Разумѣй, како естество учить ны до смерти каитися (ы). Умъ словесенъ празденъ быти не можетъ: но аще бы и совершенъ былъ, егда здравъ есть, въ десныхъ дѣлаетъ: аще же, извѣтомъ (ь) совершенства, престанетъ отъ дѣланія благихъ, всяко на шее преклоняется; удалився же напротивъ отъ шуїаго, паки на десное естественнѣ привлекается. Десныхъ же дѣланіе, и начинающимъ, и среднимъ, и совершеннымъ есть: молитва, и помысловъ очищеніе, (ѳ) и нахо-

---

(ч) Съ намѣреніемъ. (ш) Частно. (щ) Когда время отсрочки прошло. (ъ) Утодіаго, присужденною имъ. (ы) По друг. чт. не оставлять покаянія. Умъ, согласно съ разумомъ... (ь) Подъ предлогомъ. (ѳ) По друг. чт. изложеніе.

дящихъ терпѣніе; безъ нихже невозможно есть исправити прочія добродѣтели, имиже бываетъ благопріятно покаяніе.... Аще прошеніе милости есть покаяніе (э), прилѣжати потребно есть имущему, да не услышитъ: „се сыти есте“ (1. Кор. 4, 8); просити же, яко потреба есть иаче не имущему: „всякъ бо просяи пріемлетъ“ (Матѳ. 7, 8). Аще убо милуай помилуванъ будетъ: покаяніемъ, якоже мню, весь міръ стоитъ, егда единъ отъ другаго строителнѣ помоществуемъ бываетъ. Тѣмъ Богъ Нїневітянъ спасе: перадившыя же о немъ Содомляны пошлѣ... Аще же даже и до смерти кающеся подвизатися будемъ, ни тако подобающее исполнимъ: ничтоже бо равнодостоинно царствія небеснаго сотворихомъ. Якоже бо ямы и пісмъ, и глаголемъ, и слышимъ, тако и каются естественнѣ должны есмы. Вдиноу достойный смерти по закону умерщвляемъ бываетъ: а еже живеть, вѣроу живеть покаянія ради, аще и не за свой (ю), но за преступленія грѣхъ, крестившеся, очистихомся: очищеся, заповѣди пріяхомъ: не творяй же второе, первое оскверни, „забвеніе пріемъ очищеніа древнихъ своихъ грѣховъ“ (2 Петр. 1, 9.), ихже никтоже скуденъ на всякъ день ѡбрѣтается, никогдаже что отъ новелѣнныхъ оставль. Сего ради всѣмъ убо есть нужно покаяніе: то бо илѣкогда вольная, нынѣ же невольная показываетъ, за еже возненавидѣти страсти, и удалятися отъ нихъ (я). Опредѣляя (ѳ) то, обращается на задняя, и обнов-

- (э) Ежели покаяніе есть прошеніе милости. (ю) Старець Павсій имѣлъ въ виду чтеніе:  $\mu\eta\ \delta\epsilon\ \iota\delta\iota\alpha\nu$ , т. е. ради покаянія не за свой грѣхъ, а за грѣхъ преступленія (Адамова). А въ книгѣ, изд. въ 1624 г., напечатано такъ:  $\mu\epsilon\tau\alpha\nu\omicron\lambda\alpha\varsigma\ \epsilon\upsilon\epsilon\chi\epsilon\nu$ ,  $\kappa\alpha\iota\ \mu\eta\ \delta\iota\ \alpha\delta\epsilon\alpha\nu$ . Ἄλλα... и пр. Т. е. ради покаянія, а не для безстрашіа. Но, по причинѣ грѣха состоявшаго въ преступленіи заповѣди, мы очищены крещеніемъ... (и) *Друг. чт.* отъ дѣла (страстями требуемаго). (ѳ) Изгоняющій оное.



ляетъ ветхая прегрѣшенія. Имѣй разумъ истины, вѣсть, яко требуетъ и покаяніа: коеждо бо отъ нихъ во другъ другѣ исправляется. Христось за ны о покаяніи испоручилъся есть: оставляя то, отмѣняетъ Испоручившагося... Безъ покаяніа, по дѣлюю, ничтоже достойно сотворити можемъ: милуемъ же есмь зѣло предложенія (v) ради. Нудійся и держай то до исхода, аще въ пѣкнхъ и прегрѣшитъ, за понужденіе спасется: сіе бо Господь во евангеліихъ обща. Глаголай не требовати (а) покаяніа, праведна себе судить быти, и порожденіе зло отъ писанія вменуется: мнѣніемъ бо правды, яко совершивъ то, обрѣтайся, яко же не вѣсть, вмѣсто расенатія (б) сочтывается со сластми, понеже само мнѣніе и киченіе сласти суть. Имѣй самомнѣніе не можетъ снастися, писано бо есть: „презорливый же и обидливый (в) мужъ и величавый ничесоже скончаеть,“ (Аввак. 2, 8). ... Аще ничтоже вредитъ совершеннаго смиренномудріе, ниже той да оставляетъ вину сего покаяніе. Вѣрный Авраамъ и праведный Іовъ смиренномудрствующе, землю и пепель себе нарекоста: сіи же глаголи, смиренномудріа знаменіе: насыщенный же покаяніа, смиренномудрствовати не можетъ. Тріе отроцы, поистинѣ великодушніи и величии мученицы, посредѣ горяща пламене испокѣдовахуся: и еже согрѣшити и беззаконновати глаголюще, о нѣкогдашнихъ злыхъ каяхуся, прочее совершени суще: и вся почти пѣснь ихъ покаяніа содержитъ силу. Аще убо и зѣло благоугодившии и совершени дѣлы обрѣтшіися сего до смерти употребиша помоществованія; кто есть прочее извѣтомъ правды надѣйся на себе, и покаяніе презирай? Азь убо мню, яко аще бы кто, якоже Павелъ или Петръ, святъ былъ, то ни сей произволитъ вину

---

(v) Намѣренія. (а) Что онъ не имѣетъ нужды въ пок....

(б) Кто, считая себя праведнымъ, расположенъ въ духъ свое-  
емъ такъ, какъ будто бы онъ совершилъ покаяніе; тотъ  
вмѣсто сего, самъ того не зная.... (в) Пренебрегающій....

смиреномудрія покаянiе оставити когда. Сего ради Петръ Корнилию себе уподоби : сокрывъ убо Божiе въ части сей, свое же явивъ , рече : востани : и азъ самъ человекъ есмь , и яко инединаго скверца или нечиста глаголати (Дѣян. 10, 26, 28) отъ Бога научился есть, исповѣда. Павелъ же , данный ему отъ Христа благодати прайдна быти себе николиже до смерти вмѣнивъ, (г) тако рече: „гоню аще и постигну, о немже и постиженъ быхъ отъ Христа Иисуса“ (Филип. 3, 12): постиженiе, еже даже до исхода терпѣнiе рекъ : якоже и върному Тимоѳею писаше въ посланiи, явственно тому приближенiе исхода показуя и глаголи: „подвигомъ добрымъ подвизахся, теченiе скончахъ, въру соблюдохъ“ (2. Тим. 4, 7): не остановленiе и предѣлъ времененъ намѣривъ себѣ , яко преставъ отъ теченiя за совершенство, и не ктому требуя подвиговъ , никогдаже на земли престающихъ , „за тѣло Христово, еже есть церковь“ (Кол. 1, 24); но исходъ свой конецъ теченiя и подвиговъ рече , глаголетъ бо : „уже жренъ бываю и время моего отшествiя наста“ (2. Тим. 4, 7). Зриши ли, яко не рече : почиваю, но : уже жренъ бываю ; таковыми глаголы же и дѣлы , показуя всѣмъ , яко предѣлъ покаянiя до разрѣшенiя и смерти долженствусмъ есть отъ насъ небесному Царю Христу : съ Нимже Отцу, купно со святымъ Духомъ, слава, честь и поклоненiе , нынѣ и присно и во вѣки вѣковъ, Аминь.



(г) Признавъ, что ему никогда, до самой смерти, не должно переставать дѣйствовать силою благодати.

СЛОВО ВТОРОЕ.

Слыши (а), душе словесна общнице моихъ совѣтованій: хощу ти тайную и обшую вещь исповѣсти, юже, не очищенъ бывъ отъ страстей, но благодатию Божіею мало почишь, постигохъ (б). Познахъ явь, о душе, яко азъ же и ты, противу естества дѣйстви, отъ невидѣнія прелщася, и сего ради о своихъ грѣсѣхъ инѣхъ обвиняемъ, и буду насъ быти злобу глаголюще: и овогда убо Адама, овогда же сатану, овогда же человекѣи обвиняемъ: и симъ мнящеса инѣхъ ратовати, себе ратуемъ: и испущающе другъ друга защищати, азъ же и ты, другъ на друга воюемъ: и себе благодѣтелствовати мнящеса, подобнѣ неистовящемуся, себѣ досаждаемъ: труды и поношенія несмыслена (в) праведнѣ страждемъ: заповѣди убо мнѣніемъ (г) любяще, вины же ихъ за прелесть (д) нашу возненавидѣвше. Тѣмже нынѣ познахъ извѣстно, яко ни во злое, ни во благое отъ нѣкія власти неправеднѣ влекомы есмы: но отъ времени крещенія, въ началѣхъ вещей, ему же аще по воли поработасемъ, или Богу, или діаволу, той насъ праведнѣ прочее во свою поощряеть часть. Прилоги же (е) вещей неразмысленны суть два: похвала человекѣска, и отрада (ж) тѣла: яже, невольнѣ прилогствующе (з) прежде воли нашея, ниже злобы суть

- 
- (а) Разумная. (б) По друг. чт. которою, какъ я постигнуть, ты не очистишься отъ страстей, а развѣ только благодатию Христовою нѣсколько успокоишься. (в) По друг. чт. бесполезная. (г) По нашему мнѣнію. (д) По причинѣ нашего самообольщенія. (е) По друг. чт. А начала вещей суть два приращенія, не разсмотрѣнныя размышленіемъ: (ж) Послабленіе. (з) Когда невольно приражаются.

ниже добродѣтели; но обличенія нашего преклоненія, гдѣ (и) клонимся. Господу бо хотящу намъ терпѣти поношенія и злостраданіе, діаволу же сопротивная хотящу, мы егда убо радуемся о приложѣхъ онѣхъ, явно есть, яко преклоненіе дахомъ сластолюбивому духу, преслушавше Господа: егда же о предреченныхъ приложѣхъ скорбимъ, явно есть, яко преклоненіе дахомъ Богови, тѣсный возлюбивше путь. Сего ради убо два сія прилога чловѣкомъ неразумителнѣ (і) прилогствовати поупущена быста, яко да заповѣдь любящии и улаждающіися о ней, дадутъ Христови преклоненіе воли, и Той входъ обрѣтъ, наставитъ умъ на истину. Тако же ми и сопротивное разумѣй: есліцы бо, противнѣ сему, любятъ чловѣческую славу и отраду тѣла, подають входъ діаволу, иже и самъ обрѣтъ свой входъ, своя прочее подлагаетъ злая, и поколику сладѣ та помышляемъ, прибавленія творити не престають: дондеже предреченная два прилога отъ сердца возненавидимъ. Мы же тако та любимъ, яко не точію добродѣтель за тыя предаемъ, но и сама та единъ на другомъ во время (к) измѣняемъ: овогда убо озлобляемъ тѣло, тщеславія ради; овогда же тершимъ безчестіе ради сластолюбія. Егда же съ нима и безпечалнѣ сложимся; прочее растящихъ я веществъ ищемъ. Вещество же тщеславія и тѣлесныя сласти есть сребролюбіе, „корень веѣмъ злымъ,“ (1. Тим. 6, 10), по Божественному Писанію. Всяко же речеши ми, о другинѣ душе, яко ниже злато сокровиществуемъ, ниже стяжанія имамы. И азъ ти глаголю, яко ниже злато, ниже стяжанія сама о себѣ вредъ имуть (л), но, якоже предрекохомъ, пристрастное тѣхъ злоупотребленіе. Се бо нѣщцы, безстрастнѣ богати бывше, благоугодиша Богови, якоже Святый Авраамъ, и праведный Іоанъ и Давидъ. Нѣщцы же и безъ богатства страсть любимѣнія въ худѣйшихъ веществахъ воспитахомъ:

(и) Куда. (і) Непресташо. (к) При случаѣ. (л) Приносятъ.

тѣмже многастязавшихъ есмы окаянпѣйши; занеже оставлене соборное (м) злостраданіе, съ коварствомъ сладостраствуемъ, аки Бога утаитися хотяще: сребролюбія бо убѣгающе, сластолюбія не бѣжимъ; злата не сокровиществуемъ, а мала вещества собираемъ: начальствъ и владычествъ не приедемъ, славы же ихъ и похвалы всяцѣмъ образомъ лонимъ; стязанія оставихомъ, а наслажденій ихъ не оставляемъ; егда же и оставляти возмнимся, не яко лихоимства бѣжаще, но яко созданій Божиихъ гнушающесе: „не коснися, ниже вкуси, ниже осяжи“ (Кол. 2, 21), помышляюще.

Егда же услышати, о другине душе, преступленіе Адама и Евы: въ началъ убо собственнъ на онѣхъ бывшее вѣруй; нынѣ же мысленнъ на мнѣ и тебѣ вывающе обрящеши. „Ся бо образнъ прилучахуся онѣмъ: писана же быша въ наученіе наше, въ нижне концы вѣкъ достигоша“ (1 Кор. 10, 11.). Се бо крещеніемъ возродшесе, и въ рай Церкви положени бывше, заповѣдь возродшаго ны преступихомъ: зане, Господу всѣхъ единовѣрныхъ любити, и отъ всѣхъ грядущій плодъ терпѣніемъ ясти повелѣвшу, по реченному: „отъ всякаго древа, еже въ рай, съѣдоу съѣси“ (Быт. 2, 16.), мы помысловъ змія употребивше, овѣхъ убо, яко добрыхъ, возлюбихомъ; овѣхъ же, яко лукавыхъ, возненавидѣхомъ: еже есть древо еже вѣдѣти добро и лукаво, егоже вкусивше, мыслию умерщвляемся: не Богу смерть сотворшу, но челоуѣку, иже ближняго возненавидѣ: „Богъ бо смерти не сотвори, ни веселится о погибели живыхъ“ (Прем. Сол. 1, 13.); ни подвижется страстію гнѣва, ни умышляетъ вещь ко отмщенію, ни измѣняется по коегождо достоинству: по „вся премудростію сотвориль“ есть (Псал. 105, 24.), по закону духовному судитися предоуредѣливъ. Сего ради не глаголетъ Адаму: вонъ же аще день съѣсте, Азъ умерщвлю вы:

(м) Вообще,

ио утверждад тѣхъ, предѣль правды предглаголетъ (и) и глаголетъ: „вонъ же аще день снѣсте, смертію умрете“ (Быт. 2, 16.). И отнюдь (о) коейждо вещи, доброй же и злой, естественнѣ припослѣдствовать подобающее отдѣлили есть, а не умыслителнѣ, якоже пѣцми неощують, духовнаго не вѣдящии закона: мы же частнѣ сего вѣдящии, знати должны есмы, яко, аще кого отъ единовѣрныхъ, яко зла, возненавидимъ, и мы, яко зли суще, отъ Бога возненавидѣни будемъ; и аще кого, яко грѣшника, отъ покаяніи отметаемъ, и мы, яко грѣшницы суще, отвержени будемъ; и аще не отпущаемъ ближнему согрѣшеній, ниже намъ отпущитися подобнѣ. Сей законъ объявляя, законоположникъ Христосъ глаголаше: „не судите, и не судятъ вамъ: не осуждайте, и не осуждени будете: отпущайте, и отпущитися вамъ“ (Лук. 6, 37.). Сей законъ вѣдый Святый Павелъ, явно глаголаше: „судий иного, себе осуждаеши“ (Рим. 2, 1.). И Пророкъ же, не невѣдый сего, вопіаше къ Богу, глаголя: „яко ты воздаси комуждо по дѣломъ его“ (Псал. 61, 15.); и другій Пророкъ, яко отъ лица Божія, глаголетъ: „Мнѣ отмщеніе, Азь воздамъ, глаголетъ Господь“ (Второз. 32, 35.). И что глаголюю по единому, идѣже Божественное писаніе. ветхое же и новое, паче же великій Псалмопѣвецъ, ясенѣ намъ показуеть сей законъ, яко да духовна того обрѣтше, и таинственнѣ предопредѣленна, о всякомъ нашемъ преложеніи убоявшеся, не точію явственнѣ, но и тайнѣ любити братію потщимся? Не бо есть сей Моисейскій законъ видимал судлій, но духовенъ и тайнѣ обличаяй: и онаго убо тойжде Богъ законоположи, во свое время подобающа: сей же онаго исполниль есть, благодатію Госнода нашего Исуса Христа рекшаго: „не придохъ разорити законъ, но исполнити“ (Мато. 5, 17.). Сего ради потреба есть о всл-

---

(и) Но, ограждая Себя, предвозвѣщаетъ законъ правды. (о) И вообще.

кой вещи единою возглаголати, и прочее прощати мнящемуся, (п) яко обидѣль есть, аще бы и благословно было, аще и безсловесно (р) обидѣніе оно: всякія добродѣтели вѣдяще болшу быти мзду (с) прощенія. А понеже не можемъ сіе творити за предудержавшій грѣхъ: то должны есмы со бдѣніемъ и всякимъ злостраданіемъ Бога молити, дондеже обращемъ умилостивленіе, и примемъ такую силу. Къ симъ, о другіиѣ душе, едино намѣреніе имѣти должны есмы во всякомъ времени и мѣстѣ и вещи, еже отъ человекъ различнѣ обидимъ радоватися, а не скорбѣти: радоватися же не простѣ, ниже неразумнѣ: но яко обрѣтохомъ вину, отпускаи согрѣшившему, и пріяти отпущеніе нашихъ грѣховъ. Сіе бо есть истинное богоразуміе (т), всякаго разума обдержителнѣйше, имже можемъ умолати Бога, и услышани быти; сіе есть вѣры (у) плодоносіе; симъ, яже во Христа вѣра указывается; симъ крестъ взяти и послѣдоваги Христу можемъ; сіе первыхъ и великихъ заповѣдей мати есть: симъ бо любити Бога отъ всего сердца, и ближняго яко самаго себе, можемъ: сего ради поститися и бдѣти и злострадати должны есмы, яко да сердце и утробы отверзены бывше, внутрь пріямутъ то, и не отвергуть. Тогда бѣ и тайнѣ данную намъ святымъ крещеніемъ благодать, не ктому безвѣстнѣ, но во всякомъ извѣствованіи и уразумѣніи (ф) дѣйствующу обращемъ, за еже отпускаи ближнему согрѣшенія.

Сей же добродѣтели возбранителны суть двѣ злобы, тщеславіе и сласть: ихже подобаетъ первѣѣ во умѣ отрещися, и тако добродѣтель сію удержати.

- 
- (п) Тому, о которомъ думаемъ, что онъ обидѣль насъ. (р) Хотя бы сія обида имѣла правильное основаніе, хотя бы не имѣла.  
 (с) Добродѣтель. (т) Боговѣдѣніе, которое многообъятнѣ всякаго знанія, и которымъ.... (у) По друг. чт. Молитвы,  
 (ф) Чувствованіи.

Сего ради, о душе, предавши себе двоимъ симъ злобамъ волею, никого же обвиняй: ни Адама, ни сатану, ни человекѣки: но брань сотвори съ волею твою, и да не презриши: междуособна (х) бо есть брань; нѣсть отъ вѣбуду, да съ сущею съ нами братією брань сотворимъ: внутрьду есть, и никтоже отъ человекѣкъ споборствовать имать съ нами. Единого имамы споборника таинственнѣ въ насъ крещеніемъ сокровеннаго Христа, непобѣдимаго и неутаеннаго (ц), крѣпнѣть же насъ, аще заповѣди его по силѣ творимъ. Ратующая же насъ, якоже предрекохомъ, суть сласть, смѣшанна тѣлеси, и тщеславіе, еже и мене и тебе предсодержать. Сія два, Еву прелестоша, и Адама обольстиша: сласть убо показа древо, яко „добро въ снѣдь, и красно есть еже разумѣти;“ тщеславіе же, еже, „будете яко бози, вѣдяще доброе и лукавое“ (Быт. 3, 6, 5). Якоже убо нервозданный Адамъ и Ева стыдятся другъ друга, тако и мы, незлобіе отъ мысленныхъ очесъ отвергши, и себе наги зряще, другъ друга въ совѣсти стыдимся; и се листвіе смоковное себѣ шиваемъ: внѣшними глаголы и образы и словооправданіи облакающеся. Господь же творить намъ отъ кожъ одежду, и глаголетъ: „въ терпѣннѣи нашемъ стяжите души ваша“ (Лук. 21, 19); и согласная совѣтуетъ, глаголя: обрѣтый душу свою, то есть въ злопомнѣннѣи, или въ нѣкоемъ грѣсѣ, погубить ю: а въ семъ погубивый ю, въ животъ вѣчный сохранить ю, о Христѣ Исусѣ Господѣ нашемъ, Ему же подобаетъ всякая слава, честь и поклоненіе, со безначальнымъ Его Отцемъ, и животворящимъ Духомъ, во вѣки, Аминь.



(х) Внутренняя. (ц) Отъ котораго ничто не сокрыто. Онь будетъ намъ споборствовать.



# ТОГОЖДЕ, ОТВѢТЬ НЕДОУМЪВАЮЩИМЪ О СВЯТЫМЪ КРЕЩЕНІИ.

## СЛОВО ТРЕТІЕ.

*Вопросъ.* Понеже ови убо совершенно глаголють быти святое крещеніе, утврждающеся на Писаніи глаголющемъ: „воставъ крестися, и омый грѣхи твоя“ (Дѣян. 22, 16); и еже, „измыйтеся, и чисти будите“ (Ис. 1, 16); и паки, „но омытеся, но освятитесь, но оиравдистесь“ (1 Кор. 6, 11), и многа такова во свидѣтельство приводяще: друзіи же отъ подвиговъ глаголють убиватися ветхому грѣху, щиводище и тѣмъ свидѣтельство Писанія глаголющаго: „очистимъ себе отъ всякія скверны плоти и духа“ (2 Кор. 7, 1), купно же и само то дѣйствіе грѣха по крещеніи въ себѣ обрѣтающе: на сія мы что речемъ, или кому вѣру имемъ?

*Отвѣтъ.* Подобаше убо намъ Апостольской проповѣди вѣровати, и пребывати въ тѣхъже исповѣданіяхъ: а не искушати силу Божию человѣческими мнѣніи, ниже волею паки подъ игомъ работы держатися; но держати свободу дѣланіемъ заповѣдей, имже соразмѣрнѣ всяка истина обрѣтается, и вѣдѣти яснѣ, яко за сихъ оскуднѣніе по соразмѣрности отъ грѣха дѣйствуемы есмы. А понеже суетну вѣнѣисте проповѣдь, любопытству паче, нежели слову Божию, покаряющеся: сего ради суетна есть и вѣра ваша, и еще есте во грѣсѣхъ вашихъ.

*Вопросъ.* Мы не глаголемъ суетну быти проповѣдь: но ищемъ научитися истинѣ.

*Отвѣтъ.* Аще убо проповѣдь истинну имамы (а), совершимъ вся заповѣди: и тогда увидимъ, аще отъ грѣха дѣйствуемы есмы. Святое бо Крещеніе совер-

---

(а) Почитаемъ за истинную.

шенно убо есть и подателно совершенства: не творить же совершенна не творящаго заповѣдей. Да не убо чловѣческимъ мнѣніемъ, но Божественному писанію паче вѣру имемъ, глаголющему: „яко Христось умре грѣхъ нашихъ ради, по писаніемъ“ (1 Кор. 15, 3), и яко „спогребохомся Ему крещеніемъ:“ и „умерый свободися отъ грѣха,“ и яко „грѣхъ нами кому да не обладаетъ“ (Рим. 6, 4, 7, 14), аще заповѣди Его творимъ: аще же не творимъ, невѣрни есмы, и праведнѣ отъ грѣха держими есмы. Вѣра бо есть, не точію еже креститися во Христа, но и еже творити заповѣди Его: зане, яко убо таинственнѣ „спогребохомся Ему крещеніемъ“ (Кол. 2, 12), и „съ Нимъ воскреси насъ (б), и спосади на небесныхъ“ (Еф. 2, 6), по Писанію, явно есть: обаче даде и заповѣди, да сія сотворше, обрящемъ данную намъ благодать совершенства: аще же не сотворимъ, волею лвимся дѣйствиуеми отъ грѣха. Аще же глаголемъ, отъ дѣль убиватися грѣху, „убо Христось туне умре“ (Гал. 2, 21), и реченная вся ложна суть, и нѣсть совершенно святое крещеніе: но отъ подвигъ глаголють имѣти совершенство. Суетенъ убо у онѣхъ есть законъ свободы, и всяко новаго завѣта законоположеніе отъемлется: неправедна же и Христа вводятъ, крестившимся дѣлѣ свободы повелѣвшаго, еще внѣ произволенія порабощеннымъ грѣху, якоже глаголють; и благодать Божія нѣсть благодать, но нашихъ подвигъ воздаяніе. Аще бо отъ дѣль, то не благодатію: аще же благодатію, то дѣло нѣсть дѣло, но заповѣдь свободнаго и дѣло свободы и вѣры. Такова и къ Галатамъ святый Павелъ смотрителнѣ преднаписа, наказуя (в) и тѣхъ, подобнымъ образомъ не вѣровавшихъ. Мы же не тако отметаемъ (г) благодать Божию; да не будетъ; ниже вѣры, яже во проповѣди, отрицаемся: но аще и по крещеніи отъ грѣха держими есмы, не яко крещенію несовершену суцу, но

---

(б) Богъ Отець. (в) Вразумляя. (г) Не вѣруемъ благодати Божіей.

яко намъ о заповѣди нерадящимъ и лежащимъ во сластехъ произволеніемъ. Тѣмже и обличаетъ ны Божественное писаніе глаголюще: „якоже песь возвращающа на свою блевотину: тако человекъ возвращающа на свой грѣхъ“ (Притч. 26, 11) самовластною волею: волю бо и по крещеніи ниже Богъ, ниже сатана понуждаетъ. Убо ли не слышалъ еси, яко заповѣди Христовы, по крещеніи даемыя, законъ свободы суть? якоже глаголетъ Писаніе: „такъ глаголите, и такъ творите, яко закономъ свободнымъ имущи судъ пріяти“ (Іак. 2, 12). И паки блаженный (д) Петръ: „подадите въ вѣръ вашей добродѣтель,“ и прочая рекъ, наводитъ глаголя: „емуже бо иѣсть сихъ, слышь есть, жжай, забвеніе пріемъ очищенія древнихъ своихъ согрѣшеній“ (2 Петр. 1, 5, 9) Разумѣлъ ли еси отъ реченныхъ, крещеніемъ очищеніе, таинственнѣ убо бывающо, дѣйственнѣ же заповѣдми обрѣтаемо? Аще же крестившеся не свободихомся отеческаго грѣха, явно есть, яко ниже дѣла свободы творити можемъ. Аще же можемъ творити я, явно есть, яко таинственнѣ отъ работы грѣховныя свободихомся, по писанному: яко „законъ духа жизни свободилъ мя есть отъ закона грѣховнаго и смерти“ (Рим. 8, 2): нерадѣніяже ради о дѣланіи заповѣдей Очищаго ны, отъ грѣха дѣйствуема есмы. Или убо да покажутъ, крещенымъ не мощи заповѣди свободы дѣлати, и сего ради не быти совершенну святому крещенію: или намъ показующимъ, яко пріиша тѣи такуюю силу, да исповѣдаютъ, яко свободишася убо благодатию Христовою, но сами себе предаша работѣ злыхъ, за еже не совершаху всѣхъ заповѣдей, и сего ради паки подручни содѣлахуся. Да примуть же и отъ собственныхъ свидѣтельствъ обличеніе: „очистимъ бо, глаголетъ, себе отъ всякія скверны плоти и духа“ (2 Кор. 7, 1). Рабъ убо сый грѣха, како можетъ себе очистити отъ всякія скверны,

(д) По друг. чт. Святой.

не имѣя таковыя свободы и силы, но отъ грѣха держимъ? Аще ли же имаши державу на страсти, то разумѣй, яко не содержать властію, но виною воли. Блика убо намъ Божественное писаніе о очищеніи бесѣдуетъ, яко свободнымъ совѣтуетъ, еже не пребывати въ таковыхъ помыслѣхъ, но любити свободу: власть имущимъ преклонятися на неже бы ни хотѣли, или на благое, или на сопротивное (е).

*Вопросъ.* Аще свободихомся святымъ крещеніемъ, почто не ѹ видѣхомъ воздуха свободы, якоже видятъ подвижающіися?

*Отвѣтъ.* Помрачаютъ ны яже по хотѣнію сласти и нерадѣніе о заповѣдехъ, яже они исправиша. Предрекохомъ бо, яко свободяется убо челоувѣкъ даромъ Христовымъ: по своей же воли, идѣже любить, тамо и пребываетъ, аще и крестися, занеже не понуждено есть самовластіе. Егда убо глаголетъ, яко нуждницы восхищаютъ царствіе небесное (Матѳ. 11, 12), сіе о своей воли глаголетъ, да понудится кійждо отъ насъ по крещеніи, не прелагатися на злое, но пребывати во благомъ. Аще бо насиліе страдали быхомъ отъ духовъ лукавствія, всяко можаше свободивый насъ Богъ, и непреложны нуждею сотворити: нынѣ же не тако: но Той убо крещеніемъ отъ лже по насилію работы изведе, испразднивъ грѣхъ крестомъ, и заповѣди свободы положи: пребывати же, или не пребывати въ заповѣдехъ, попусти самовластной нашей воли. Тѣмже заповѣди поколику совершаются, потому и свободу и къ Свободящему любовь знаменуютъ: а поколику небрегомы суть, или оскудѣваютъ, потому и еже къ сластемъ пристрастіе показываютъ. Ови же своими словесы (ж) претыкаются, и глаголютъ: „хочемъ сотворити заповѣди, и не можемъ, отъ грѣха властію держими: тѣмже подобаетъ прежде подвизатися и изгладити грѣхъ,

(\*) По друг. чт. Злое. (ж) По друг. чт. Помыслами.

да возможемъ совершити заповѣди свободы:“ — не разумѣюще ни яже глаголють, ни о нихже утверждають. Аще бо отнюдь не имаши свободы, и не можеша совершити заповѣдей: то кѣими дѣлы и подвиги прочее глаголеши изгладити грѣхъ? Подвизи вѣрныхъ, заповѣди суть. — Ты убо глаголеши, яко не могу сотворити заповѣдей, аще не первѣе чрезъ подвиги очищуся. Покажи ми кромѣ заповѣдей яже глаголеши подвиги, и покорюся твоему мудрованію. Аще бо и молитву речеши, заповѣдь есть: аще и помысль изложеніе, заповѣдь есть: аще и постъ и бдѣніе, заповѣдь есть: аще и подаваніе, аще и души своя отверженіе, заповѣдь есть: аще и смерть, аще и крестъ, аще и коелико дѣло добродѣтели речеши, вся заповѣди суть. Тѣмже пріившымъ силу заповѣдей, яко вѣрнымъ, заповѣдуетъ, еже подвизатися тѣми (з), не обратитися вспять: не яко сими изгладити грѣхъ, но яко не ктому нанѣ возвратитися. И сія убо заповѣди не грѣхъ изсѣцають: сіе бо единѣмъ Крестомъ бысть: но предѣлы данныя намъ свободы хранятъ. Зане рцы ми ты, аще дѣлы грѣхъ Адамъ изсѣцаеши, како Христось умре грѣхъ нашихъ ради, по писаніемъ? Но къ симъ убо противоглаголати не могутъ: безъ послѣдованія же точію попрошають, по своимъ мнѣніемъ все смотряюще, истинѣ же Писанія не повинующеся. Ибо глаголють: „Крещеніемъ убивается грѣхъ; почто убо паки дѣйствуетъ въ сердцѣ?“ Мы же множицею рекохомъ вину, яко не оставленъ бывъ внутрь, паки дѣйствуетъ по крещеніи, но отъ насъ любимъ оскуднѣніемъ заповѣдей. Зане святое убо крещеніе даетъ совершенное рѣшеніе: связати же паки себе пристрастіемъ, или разрѣшену пребыти дѣланіемъ заповѣдей, самовластнаго есть произволенія. Помысль бо въ нѣкоей сласти или ярости укоснѣвая, не сего, яко грѣхъ внутрь оставленъ бысть, но самовластна пристрастія

---

(з) По печатному: тѣмъ самымъ, чтобъ не возвращаться назадъ.

есть знаменіе. Занеже имама власть „помышленія низлагати, и всяко возношеніе взимающеся на разумъ Божій“, по Писанію (2 Кор. 10, 8). Помысль убо лукавъ низлагающимъ его въ себѣ, боголюбія, а не грѣха есть знаменіе: не бо прилогъ помысла есть грѣхъ, но ума къ нему любовная бесѣда. Аще же не любимъ его, чесога ради съ нимъ укоснѣваемъ? Невозможно бо естъ, да что либо, отъ сердца ненавидимо, сердцу протязателнѣ (и) прибесѣдуетъ кромѣ нашего злодѣланія. Аще убо и ненавидимъ помысль державствуетъ и обладаетъ умомъ (случается бо то, и не противоглаголю): обаче сіе нѣсть остатокъ внутрь, грѣха Адамова, но преступленія, еже по крещеніи: егда бо по святѣмъ крещеніи могуще творити вся заповѣди, не творимъ я: тогда и не хотяще отъ грѣха держими есмы, дондеже покаянїемъ Бога умолимъ, ко всѣмъ заповѣдемъ Его направляющеся, и изгладитъ отъ насъ грѣхъ самовластія. Двѣ убо нинѣ дѣйствія зла: и сія двѣ отъ насъ суть: едина убо дѣйствующи по мѣрѣ оскудѣнія заповѣдей, друга же, неизбѣжно держащи злодѣланія ради еже по крещеніи, еже Богъ единъ убиваетъ, милостынсю и молитвою, и находящихъ терпѣнїемъ умоляемъ. Иже и та подастъ намъ отай крещенїемъ дарованная намъ совершенная Благодать.

*Вопросъ.* Павелъ убо по крещеніи не согрѣшилъ, зане неволигѣ дѣйствуемъ блше? глаголетъ бо, яко вижду игы законъ, противу воюющъ закону ума моего (Римъ. 7, 23).

*Отвѣтъ.* Тако и прочая Писанія злѣ разумѣвающимъ развращаютъ, и прелщуются. Восприими бо свыше главу сію, и обрящещи, яко святой Павелъ не глаголетъ о себѣ по крещеніи: но неврѣныхъ и некрещенныхъ Іудей лице прїемлетъ, увѣщавая тѣхъ, яко безъ благодати Христовы, крещенїемъ даемыя,

---

(и) Продолжительно.

невозможно есть одолѣти грѣхъ. Рекъ бо: яко „ока-  
 лененъ азъ челоувѣкъ: кто мя избавить отъ тѣла смерти  
 сея?“ наводитъ глаголя: „Благодарю Бога Иисусъ Хри-  
 стомъ Господемъ нашимъ.“ Сего ради глаголетъ: „за-  
 конъ духовенъ есть: азъ же плотянь есмь, проданъ  
 подъ грѣхъ“ (Рим. 7, 24. 25. 14). Тѣмже и вся, яже  
 закона, духовнѣ сказуеть, не хотя тѣхъ быти подъ  
 закономъ, но подъ благодатию, еже есть духовенъ  
 законъ, въ васъ написанъ. Аще убо разумѣваемъ гла-  
 голы святаго Павла, духовными духовная (i) сразу-  
 ждати (1 Кор. 2, 13.) мугуще: то убо сими можемъ  
 уразумѣти истину, како яже храма и закона и  
 жертвъ въ насъ сбываются, благодать святаго Духа  
 святымъ крещеніемъ таинственнѣ приѣмшихъ. Храмъ  
 бо Духа насъ рече быти, и возносити жертвы ду-  
 ховны (1 Петръ. 2, 5.) побуждаетъ; Іудеа глаголя въ  
 тайнѣ, а не явѣ, и обрѣзаніе сердца духомъ, а не  
 писменемъ (Рим. 2, 29), и самъ же той законъ ду-  
 ховенъ небесный Законоположникъ Христось Духомъ  
 въ вѣрныхъ написа, не на скрижалѣхъ каменныхъ,  
 но на скрижалѣхъ сердца плотяныхъ (2 Кор. 3, 5).  
 Якоже убо сія въ тайнѣ рече быти, тако ми разумѣй  
 и каждо отъ образнѣ реченныхъ, сирѣчь бывшихъ.  
 А понеже не у утверженнѣ вѣровахомъ Христови,  
 ниже всѣхъ заповѣдей Его должники себе быти вмѣ-  
 нимомъ, ниже отвергохомся себе по словеси Его: се-  
 го ради предреченныя тайны, отъ крещенія приѣмше,  
 не вѣмы. Егда же о маловѣрїи семъ себе зазримъ,  
 и чистѣ Ему по всѣмъ заповѣдемъ вѣровати будемъ:  
 тогда предреченныхъ вещей искусь приѣмше въ себѣ,  
 исповѣмы воистинну, совершенно быти святое креще-  
 ніе, и благодать Христову изобилно изліяну, (к)  
 ожидающу же прочее нашего послушанія и дѣланія  
 заповѣдей, ихже силу тою предприяхомъ. Сего ради  
 елицы не ѹ заповѣди содѣлахомъ свободы, не ѹ сво-

(i) духовное излагать духовно. (к) *По друг. чт. непленнѣ въ  
 немъ сокровенну.*

боднаго Іерусалима достигнухомъ : вышній бо Іерусалимъ свободъ есть, иже есть мати всѣмъ намъ (Галат. 4, 26), возраждаючи насъ банею каки бытія и обновленія Духа святаго (Тит. 3, 5). Но еще на пути семы, или негли (л) и заблуждаемъ, по безпутіямъ шествующе: еще бо любопрѣтися и противоглаголати истинѣ, невѣжествуящему пути суть примѣненія, а не правожденія. Сего ради и къ совершенному пути (м) зря ны коснящя блаженный Павель, глаголетъ: тако тецете, да достигнете (1 Кор. 9, 26). Аще же града не ѹ достигнухомъ, когда храмъ увидимъ, и вшедше внутреннѣе, получимъ жертвеника (н) приращеніе? И что глаголю о градѣ и храмѣ и жертвеницѣ, идѣже ниже звѣри тростныя преидохомъ, имже запретити (Исал. 67, 31), Бога молить Пророкъ, да не звѣролы будутъ первородныя ума жертвы, яже ниже въ тайнѣ Іудей возносити повелѣнъ бысть? Или по тебѣ Іудей убо есть въ тайнѣ, по словеси Павла: храмъ же отъ сына Давидова не ѹ создаея, и очистилище отъ него не ѹ сооружися, но отъ тебе иматъ пынѣ сооружатися? Сіе бо яснѣ вопіеши глаголяй, отъ подвигъ убиваему быти грѣху Адамлю, а не благодатию Христовою, яже въ насъ убо тайнѣ есть крещеніемъ, тогда же увидится, егда путь заповѣдей добро совершивше, помыслы естества нашего Архисресви Христу, яко жертвы принесемъ здравыя, а не звѣролытыя: звѣролыты бо воистинну бывають мнужайшій помыслами, елицы уклоняются отъ праваго пути, (о) глаголюже, отъ терпѣнія скорбныхъ, и отскачуще отъ праваго, по безпутіямъ ходять, внѣхъ наче, нежели себе, о безчестнѣхъ (и) сихъ порицающе. Едва же мали нѣщыи отъ нихъ правымъ путемъ ходять, и сіе молитвою храними: (р) и тако

(1) Но друг. Чит. семы Каинопомъ, и заблуждаемъ. (м) Восхожденію. (н) Къ жертвенику. (о) Отъ заповѣдей. (и) О вилахъ. (р) Къ сему въ печатн. изданіи дополнено: „надеждами связуемъ, искушеніями біемъ.“



и града и храма достигаютъ, и на жертву возносятся. Градъ же есть свѣтлое и законное во Христѣ разсужденіе, еже егда убо благочестиво управляетъ дѣла, миръ имать и исправляетъ; егда же погрѣшастъ, врагомъ предается въ разореніе свое (с). Храмъ же Богозданное есть души и тѣла святилище: жертвенникъ же во храмѣ семь есть надежды водруженіе, въ немже всякаго примѣренія (т) первороденъ помысль, яко первородно животно, отъ ума возносимъ жрется во очищеніе возносящаго, аще точію непорочна того вознести. Имать же храмъ сей и внутреннѣйшее заѣмы, идѣже предтеча о насъ вииде Иисусъ, (Евр. 6, 19), и живетъ въ насъ, по Апостолу глаголющему: или не знаете, яко Христосъ Иисусъ живетъ въ васъ, развѣ точію чимъ неискусни есте (2 Кор. 13, 5)? Еже есть внутреннѣйшее и тайное и чистое сердца вмѣстилище, еже аще не соборною (у) и словесною и умною надеждою и вѣрою правою и несомнѣнною отверзется, не возможно есть утвержденно познати въ насъ живущаго, или увѣдѣти, пріяты ли быша наша словесныя жертвы, или ни. Якоже бо во первыхъ при Израили огонь потребляше останки, тако и здѣ случается: отверзшуся бо вѣрному сердцу предреченною надеждою, небесный Архіерей пріемлетъ первородныя ума помыслы, и иждиваетъ Божественнымъ огнемъ, онемже рече: огня пріидохъ во вренци въ міръ, и хотѣлъ быхъ, аще уже возгорѣлся бы (Лук. 12, 49) Первородны же помыслы рекохомъ, не бышшы во второмыслии сердца, но отъ перваго прилога и прозябенія (ф) абіе Христу приносимыя: отъ многомыслия бо Ему приносимыя, храма и слѣпа и щудна (х) именова Божественное Пи-

- 
- (с) человекъ имать миръ и дѣйствуетъ правильно; а когда онъ погрѣшаетъ, тогда предается прагамъ на разореніе разсужденія. (т) Συμβάσιως, о всякомъ встрѣчающемся случаѣ. (у) По друг. Чит. „не Богомъ.“ (ф) возникновенія. (х) Чудовищныя, уроды.

саніе, и сего ради не быти пріятна Владыцѣ и небесному Царю и Богу (ц). Прочее яко убо по крещеніи всякія лукавыя мысли мы есмы виновни, уже свидѣтельство Писанія показася. Аще подобаетъ и естественнымъ послѣдованіемъ сіе явно сотворити, каки речется, о человѣче глаголай, кромѣ твоея вины дѣйствуемъ быти отъ Адамля грѣха по крещеніи, и твоими подвиги сего изсѣдати исповѣдаіи, разумѣй извѣстно, яко противишися и претыкаешися глаголы твоими. Аще бо глаголеши, лукавыя помыслы быти грѣхъ Адамовъ, научися отъ святаго Павла, яко крещеніемъ во Христа облекся (Гал. 5, 27), имаши силу и оружія, еще низлагати я: оружія бо, глаголетъ, воинства нашего не плотская, но силна Богомъ, на разореніе твердемъ, помышленія низлагающе, и велико возношеніе взимающееся на разумъ Божій (2 Кор. 10, 4). Аще же, имѣя на ны силу, не низлагаеши я отъ перваго прилога: явѣ есть яко сластолюбствующи отъ невѣрія, и сочетаваешися съ ними, и сослагаешися: и повиненъ еси ты таковаго дѣйства, а не Адамь.

**Вопросъ.** Како можетъ отъ невѣрія сластолюбовствовати и сочетаватися съ помыслы, себе затворивый въ келліи, и на всякъ день постыяея и воздержавайся, и ниществуяй, и страпствуяй (ч), и бдяй, и долугагаяй, и молийся, и многи таковы скорби теряй?

**Отвѣтъ.** Добрѣ реклъ еси яко многи скорби творяй сія терять. Аще бо безскорбно и съ радостію и трудолюбіемъ предреченныя явныя добродѣтели совершали быхомъ, не быхомъ были во умѣ сластолюбцы. Невозможно бо есть о тѣлесныхъ трудѣхъ болѣзнующему, по мѣрѣ сего не бесѣдовать съ прилоги, и не утѣшати еже при трудѣхъ безсластіе:

---

(ц) По друг. чт. Небесному Архіерею, Владыцѣ Христу.

(ч) Живущій, какъ странникъ.

аще бо сего не бы хотѣлъ таковѣй, то ниже отъхъ скорбѣлъ бы: сіе же страждемъ, понеже не ради желанія будущихъ благъ злостраждемъ: но ради страха точію на ны нынѣ находящихъ пскушеній: тѣмже злое убо дѣланіе свой грѣхъ быти мнимъ: помысль же, ниже прежде сего, чуждо глаголемъ дѣйство. Невозможно же есть дѣйствія сего отвратитися, не свое то, но чуждо быти вмѣняющимъ. Овогда же и безъ сочетанія помысль нѣкій гнусень и ненавидимъ, яко разбойникъ, не предзримо нападъ, нуждею содержитъ умъ у себе. Обаче разумѣй извѣстно, яко и сей отъ насъ имать вины: или бо по крещеніи нѣкоему лукавому помыслу до дѣланія себе предахомъ, и сего ради и внѣ разсмотренія (ш) виновни быхомъ: или нѣкая сѣмена злобы въ себѣ вольнѣ держимъ, и сего ради утверждается лукавый: и сей убо, лукавыми сѣмены удержавъ насъ, не отходить, дождеже сія отвержемъ: гнусный же помысль злымъ дѣланіемъ пребывая, тогда изгонится, егда труды достойны покаянія Богови принесемъ. Тѣмже ниже сіе азъ глаголю быти Адамовъ грѣхъ, но наче грѣхъ содѣявшаго злое, и держащаго сѣмена. Аще же ми глаголеши, яко и два сія помысль предвари, и ищещи, кто есть сихъ виновный, азъ ти возглаголю: яко ты, имѣяи власть очистити его въ началѣ перваго прилога, и не очистивый, но до дѣланія собесѣдовавый съ нимъ: аще же отнюдь прежде дѣланія не могль еси того низложити за немощь ума, како по дѣланіи исповѣдаеши изсѣцати его, уже и дѣлы утверждаема и пранеднѣ ты содержаща? Аще же исповѣдаеши помощію Божіею изсѣцати его: разумѣй, яко и прежде дѣланія, аще бы хотѣлъ еси, Богъ помогль бы ти. И егда увидиши въ сердцѣ твоємъ бывающу ти помощь, разумѣй извѣстно, яко не отвѣду преходителнѣ прииде благодать она: но данная ти крещеніемъ тайно нынѣ дѣйствова толико, слико и ты, воз-

(ш) И ненамѣренно сдѣлаемъ виновными.

ненавидѣвъ помысль, отвратился еси. Сего ради, избавивъ ны всякаго насилія Христоуеъ, прилогъ помысловъ не возбраняи отъ сердца: да ови убо ненавидими отъ сердца, абіе потребляютея, ови же елико любими суть, толико и пребываютъ: яко да покажется и благодать Христова, и воля челоуѣча, что любить: труды ли благодати ради, или помыслы сласти ради. И да не дивимся, яко не точію отъ любимыхъ, но и отъ ненавидимыхъ насилно дѣйствуеми есмы: зане, якоже лукаво нѣкое сродство (щ), тако похоти наши и прилоги вкупу дѣйствуютъ другъ со другомъ: и кійждо (ъ) во своемъ дѣлатели укорнѣвъ, прочее ближнему (ы) предаеть: яко отъ втораго (ъ) и внѣ произволенія негли отводитися, обычаемъ къ первому насилно влекому (ъ). Кто бо тщеславія исполненъ бывъ, гордости избѣгнути возможетъ? Или кто сна насытився и наслажденія насладився, помысловъ блуда не удержанъ будетъ? Или кто, лихоимству себе предавъ, отъ немилосердія не стягается? Како же сихъ всѣхъ насыщающіися (э), отъ ярости и гнѣва томими не будутъ? Тѣмже подобаетъ разумѣти, яко нашея ради вины, отъ грѣха дѣйствуеми есмы: работы бо (ю) яже по насилію свободихомся. Законъ бо Духа жизни, глаголетъ, свободилъ мя есть отъ закона грѣха и смерти (Рим. 8, 2), и въ нашемъ уже произволеніи есть, услышавши заповѣданія Духа, и научившиися имъ, пли по плоти ходити, или по Духу. Невозможно же есть по Духу ходити, похвалу челоуѣкъ и отраду тѣла возлюбившимъ: и невозможно по плоти жити, будущая паче настоящихъ внутреннѣ предизбирающимъ. Тѣмже подобаетъ много заблуждшимъ намъ, отнынѣ возненавидѣти похвалу челоуѣкъ и отраду тѣла, имиже

---

(ш) Ихъ сродство. (ъ) *По другому чт.* Каждая изъ похотей.

(ы) Ближайшей. (ы) отъ втораго. (ъ) Бывъ насилно влекомъ привычкою къ первой. (э) *По друг. чт.* Противъ желанія своего лишаемъ. (ю) *Друг. Чт.* По Духу же, работы....

лукавіи помысли и не хотящымъ намъ прозлбають, и отъ расположенія душевнаго рещи ко Господу глаголь пророческій: Не ненавидящия ли Тя Господи возненавидѣхъ, и о вразѣхъ Твоихъ истаяхъ? Совершенною ненавистію возненавидѣхъ я: во враги быша ми (Псал. 138, 21, 22). Ибо воистинну врази Божіи суть лукавіи помысли, воли Его быти возбраняющіи: зане Той убо хочеть всѣмъ человѣкомъ спастися, и въ разумъ истины пріити (1 Тим. 2, 4): они же возбраняють (я). О нихже и Господь рече, яко не отъ Адама, но отъ сердца исходятъ, и сего ради скверняютъ человѣка (Матѳ. 15, 19): явѣ яко не отъ вѣрна сердца, но отъ тщеславна: како бо можете, глаголетъ, вѣровати, славу отъ человѣкъ приѣмлюще, и славы, яже отъ единаго Бога, не ищуще (Іоан. 5, 44)? Егда убо тщеславіе возненавидимъ, и о всѣхъ Ему (ѳ) увѣруемъ, всякъ помысль сердечною и единопомысленною надеждою о Него разбивающе: тогда, якоже въ началѣ вѣры, яже крещеніемъ, бысть тѣло Христово брашно вѣрнымъ, тако во умнѣй надеждѣ и отверженіи помысловъ, бываетъ извѣствовѣрный и чистый умъ брашно Іисуса рекшаго: Мое брашно есть, да сотворю волю Отца Моего (Іоан. 4, 54), иже хочеть всѣмъ человѣкомъ спастися, и въ разумъ истины пріити (1 Тим. 2, 4), по словеси Павлову: истину же глаголетъ, въ надеждѣ умнѣй обрѣтаемую (v), якоже предрекохомъ: яже не къ тому отъ слуха является, но отъ дѣйства (а) Духа вѣруется быти: яже есть уповаемыхъ извѣщеніе (Евр. 11, 1), по Писанію (б). Некрещенъ же или тщеславенъ въ разумъ сея истины пріити не мо-

---

(л) *По друг. чт.* А они, посредствомъ пристрастія, вводятъ насъ въ заблужденіе, и препятствуютъ намъ достигнуть спасенія. (ѳ) Богу. (v) *По Друг. Чт.* въ надеждѣ обрѣтаемую умную вѣру. (а) Всесвятаго Духа. (б) Въ печатн. изд. до полнею: Есть бо вѣра отъ слуха (Рим. 10, 17.), и есть вѣра — уповаемыхъ извѣщеніе.

жеть. Первѣе бо крестившимся въ соборный Церк-  
ви, крещеніемъ дается (в) таинственнѣ, и живеть  
въ нихъ сокровеннѣ: таже, по мѣрѣ дѣланія запо-  
вѣдей и умныя надежды, открывається тако въру-  
ющимъ Господу рещу: въруай въ мя, якоже рече  
Писаніе, рѣки отъ чрева его истекуть воды живы.  
Сіе же, рече о Душѣ, егоже хотяху пріимати въру-  
ющіи въ Него (Іоа. 7, 38. 39). Тѣмже мы въруемъ  
яко крещеніемъ свободу и очищеніе таинственнѣ прі-  
яхомъ, по Апостолу глаголющему: Нынѣ же омысте-  
ся, нынѣ же очиститесь, нынѣ же оправдистесь, нынѣ  
же освятитесь (1 Кор. 6, 11.): и таковая пишеть къ  
Коринтояномъ, не ѱ по надеждѣ умный отверженіемъ  
помысловъ очищеннымъ, и сердечнымъ Духа дѣй-  
ствомъ освященнымъ, но еще злымъ сущимъ и оби-  
дящимъ и лишающимъ, да еще братію (1 Кор. 6, 8.):  
да покажетъ, яко крестившійся, носилъ (г) убо Хри-  
стовой, очищеніе и освященіе таинственнѣ пріяша:  
по своему же маловѣрью, кійждо дѣйствуемъ есть,  
отъ своей похоти влекомъ и прелщаемъ, якоже пи-  
сано есть: таже похоть заченши раждаетъ грѣхъ:  
грѣхъ же содѣянъ раждаетъ смерть (Іак. 1, 14. 15).  
Тѣмже отъ своей похоти словесный (д) есть нашъ  
грѣхъ: отъ сего же, совершеніе сообразнаго тому дѣ-  
лннѣ, еже Писаніе именована смерть. А яко отъ кре-  
щенія въ насъ есть благодать Духа, учащая насъ вся-  
кой истинѣ (Іоа. 16, 13.), по словесн Господню, ра-  
зумъѣ паки отъ Божественнаго Писанія и отъ дѣлъ.  
Первѣе сматрий въ дѣланіяхъ Апостольскихъ, что глаго-  
летъ ко множеству блаженный Петръ: покайтесь, глаго-  
летъ, и да креститесь кійждо васъ во имя Господа  
нашего Іисуса Христа, во оставленіе грѣховъ, и прі-  
имете даръ святаго Духа (Дѣян. 2, 38). Убо поне  
пишеть разумѣль ли еси, како крещеніемъ оставленіе  
грѣховъ и даръ святаго Духа дается по мѣрѣ въры?

(в) Дополн. Благодать. (г) Друг. Чит. по дару убо Христову

(д) Раждается въ разумъ находящійся (λογική) грѣхъ.

По елику же аще кто отступитъ, (е) абіе отъ грѣха держимъ есть, се и иже во Ефесѣ дванадесять мужей не вѣрно крестившихся како обличаетъ святыи Павелъ, и глаголетъ: аще убо Духъ святыи пріяли есте вѣровавше? Они же къ нему рѣша, но иже аще Духъ святыи есть, слышахомъ. Рече же къ нимъ, во что убо креститесь? Они же рекоша: во Иоанново крещеніе. Рече же Павелъ: Иоаннъ убо крести крещеніемъ покаянія, людсмъ глаголя, да во грядущаго по немъ вѣрують, сирѣчь во Христа Иисуса. Слышавше же крестившася во имя Господа Иисуса. И возложшу Паллу на ня руцѣ, прииде Духъ святыи на ня (Дѣл. 19, 2—6). Увѣрился ли еси убо поне нынѣ, яко абіе отъ крещенія дается Духъ святыи извѣстновѣрнымъ, невѣрнымъ же и зловѣрнымъ и крещымымъ (е) не дается? А яко мы есмы оскорбляющіи Его, и въ себѣ угашающіи, научися отъ тогожде Апостола глаголюща: Духа не угашайте (1 Сол. 5, 19): и ваки: не оскорбляйте Духа святаго, иже знаменается въ день избавленія (Ефес. 4, 50). Сія же свидѣтельства приведохомъ, не яко всякаго чловѣка крещенна и приѣмша благодать прочее непреложна быти глаголюще, и ктому не требующа покаянія; но яко отъ крещенія, по дару убо Христову, совершенна намъ благодать Божія даровася ко исполненію всѣхъ заповѣдей, кійждо же прочее, ту приѣмъ таинственнѣ, и не совершеннодѣствуя заповѣдей, по мѣрѣ оскудѣнія: дѣствуемъ есть отъ грѣха, иже нѣсть Адамль: но согрѣшившаго: (ж) яко приѣмъ дѣствія силу, дѣла не совершаетъ, Оскудѣніе же, отъ невѣрія есть: невѣріе же, нѣсть чуждѣ грѣхъ, но самаго того невѣровавшаго, еже прочее, всякаго грѣха мати и введеніе бываеть. Или убо скоро совершенни быти хоцемъ или

---

(е) *Друг. Чит.* не вѣруеть. (е) *По друг. Чит.* и не крещившимся.  
 (ж) *По друг. Чит.* вознерадѣвшаго. (з) *По въ обихъ об-*  
*емли частниа,* такимъ образомъ должны совершать всѣ за-  
 повѣди ократцѣ.

косно, должницы есмы совершениѣ Христу вѣровати, и вся Его заповѣди содѣлати, приѣмше такового дѣланія отъ Него силу; и сіе же не яко по одной заповѣди должни есмы, и единочасниѣ куюждо дѣлати; но обдержителными сообщемше единичныя, тако вся совершеносодѣлати вкратцѣ: суть бо заповѣди главнѣйшіе, въ себѣ многое множество прочіихъ обдержажце. Симъ точію подвигомъ должни есмы мы невѣріе свое побѣждати, и не вознерадѣти о обдержителныхъ заповѣдехъ, имиже данная намъ благодать дѣйствениѣ (и) открывається, еже и святой Павелъ, да бываетъ въ насъ, молится, глаголя: *сега ради преклоняю колѣна моя ко Отцу Господу нашего Исуса Христа, да дастъ вамъ Господь силу утвердитися Духомъ Его во внутреннѣмъ желаніи, вселитися Христу во всякомъ извѣствованіи и разумѣ (і) въ сердца ваша вѣрою.* (Ефес. 3, 14. 16. 17). — Время же убо есть прочее, якоже предрекохомъ, и дѣлами свидѣтельство сіе утвердити. Се бо, елико вѣрующе заповѣди Божія дѣлаемъ, толико и своя плоды въ насъ дѣйствуетъ Духъ святой. Плоди же Духа, по святому Павлу, суть: любви, радость, миръ долготерпѣніе, благость, милосердіе, вѣра, кротость, воздержаніе (Гал. 5, 22). Кто убо отнюдь сихъ дѣйствіи не причастенъ по крещеніи есть, да отвержется глаголя, (к) благодать Духа не пріяти отъ крещенія? Ктѣ же таки на всякъ день непрестанно отъ плодовъ сихъ дѣйствуемъ есть, не ѹ содѣлавъ заповѣдей, да речеть: совершенъ есмь и непреложенъ? Тѣмже явѣ, яко совершенна убо въ насъ благодать есть, мы же несовершенни оскудѣнія ради помысловъ (л). Тако же и святое крещеніе, совершенно убо есть въ насъ:

(и) Явно. (і) И чувствіи, (к) Кто же вовсе не посвященъ (ἀμύητος, non est initiatus) въ сін дѣйствія (Духа) по крещеніи, такъ чтобы могъ отречься отъ того и сказать, что онъ не принялъ.... (л) По друг. Читенію: по причинѣ опущенія заповѣдей.



мы же несовершенны въ немъ есмь. Ты убо, о чело-  
вѣче, во Христа крещенный, точію даждь дѣланіе,  
егоже силу пріишь еси, и себе къ явленію живу-  
щаго въ тебѣ уготови: и тако тебѣ явить Себе, по  
обѣтованію Своему, Господь духовнѣ, якоже вѣсть  
Самъ. Господь же Духъ есть: а идѣже Духъ Госпо-  
день, ту свобода (2 Кор. 5, 17.): и тогда уразумѣ-  
ши реченное, яко *царствіе* небесное *внутрь васъ*  
*есть* (Лук. 17, 21). И сіе же нуждѣ въдѣти подо-  
баетъ, яко и частнѣ заповѣди содѣланшии, соразмѣрно  
тому въ царство входятъ: хотящи же въ совершен-  
ство достигнути, должны суть обдержителнѣ вся  
содѣлати: обдержително же (м) всѣхъ заповѣдей есть,  
отреченіе души, еже есть смерть. И якоже живыи  
во плоти скуденъ есть совершенодѣістія сего, та-  
ко до исхода неприятенъ быти прилога (п) не мо-  
жетъ, за предреченное оскуднѣіе. Аще убо кто отъ  
вѣрныхъ добрѣ заповѣдми жителствовавъ нѣкое ду-  
ховно соразмѣрное тому обрѣте дѣйство, да вѣруеть,  
яко уже пріять сего силу: зане пріять крещеніемъ  
благодать Духа, всѣхъ благихъ вину: глаголю же,  
не точію тайныхъ и духовныхъ, но и явныхъ до-  
бродѣтелей виновну. И никтоже отъ добродѣтел-  
ныхъ да нещуетъ, единою своею силою сотво-  
рити что благо: блгій бо человекъ не отъ себе,  
глаголетъ Слово, но отъ благаго сокровища сердца  
приноситъ благое (Мато. 12, 35), сокровище гла-  
голя, Духа святаго въ сердцахъ вѣрныхъ сокро-  
венна. Подобно бо есть царствіе небесное сокро-  
вищу сокровенну на селѣ, еже обрѣтъ человекъ  
скры: и шедъ продаде вся, и купи село оно (Мато.  
13, 44). Сіе же зѣло реченнымъ прилично есть:  
разумѣвый бо извѣстно, яко Христа отъ крещенія  
въ себѣ сокровенна имать, по Апостолу, вся повергъ.

---

(м) Общая же сила. (п) Не подверженъ быти прираженію (иску-  
шеній) не можетъ.

міра сего вѣщи, пребываетъ во своемъ сердцѣ, всяцѣмъ храненіемъ блюды е (Притч. 4, 23), и ища исхода живота (Притч. 8, 35), по притчи. Сего ради не подобасть мнѣти, яко подвигами изсѣцается Адамъ грѣхъ, но ниже своя по крещеніи бывающыя, точію Исусъ Христомъ: Той бо есть дѣйствующій въ насъ, и еже хотѣти, и еже дѣяти о благоволеніи (Филип. 2, 13). Приложивъ же еже, о благоволеніи, показуеть, яко еже убо благоволити о добродѣтеляхъ, въ нашемъ самовластіи есть: а еже сотворити я, или извѣсти грѣхи, кромѣ Бога невозможно есть, но и реченное: яко безъ Мене не можете творити ничегоже (Іоан. 15, 5): и еже, не вы Мене избрасте, но Азь избрахъ васъ (Іоан. 15, 16), къ тому же взираеть разуму. Негли же тако разумѣти подобасть и еже, вся Тѣмъ быша, и безъ Него ничтоже быеть, еже быеть (Іоан. 1, 3): понеже во всѣхъ суть и наша (о). Сего ради и Пророкъ не рече: отъ Іерусалима во храмъ Твой привесуть Тебѣ царіе дары, еже въ льноту и бываше: но напротивъ: отъ храма Твоего во Іерусалимъ Тебѣ привесуть царіе дары (Псал. 67, 30): занеже коегождо царственнѣйшій умъ отъ тайнаго сердечнаго храма перше пріемлетъ добрыя и благія совѣты отъ внутрь живущаго Христа, и приводитъ ѿ въ добродѣтельное житіе, еже Іерусалимъ именована: и наки тыя самому приносить прежде даровавшему благою мыслию Христу. Сія же рѣхомъ, не затворяюще будущая, но исповѣдающе, яко силу заповѣдей пріяхомъ, и отъ узъ смерти разрѣшихомся повинны же есмы дѣланія прочее, и аще не содѣлаемъ заповѣдей Божіихъ, данна намъ благодать, не открывається: како бо умершии во грѣсѣхъ доброе отъ себе творити возможемъ, аще не бы Самъ Господь насъ бачею накибытія оживотворилъ, и благодать Духа намъ дароваль? Тѣмъ же разумѣемъ,

(о) *Дополн.* Такожде: никтоже приходитъ ко Отцу, токмо Мною (Іоан. 14, 6).

яко совершенна намъ благодать даровася Духа во исполненіе всѣхъ заповѣдей, прилога отъ насъ не приѣмлющи, но намъ прилогъ еже во Христъ ращснїя подающи, и укрѣпляющи до смерти дѣлатели своя: дондеже достигнемъ вси въ соединеніе вѣры и познанїя Сына Божїа, въ мужа совершенна, въ мѣру возраста исполненїа Христова, (Ефес. 4, 13), по духовному послѣдованїю, еже предрекохомъ.

*Вопросъ.* Крестивыйся убо кого приѣмлетъ таинственнѣ, Христа ли, или Святаго Духа? зане овогда убо реклъ еси Христу внутрь жити, овогдаже Святому Духу.

*Отвѣтъ.* Святаго Духа приѣмлемъ крещенїемъ: а понеже и Духъ Божїй глаголется, и Духъ Христовъ: сего ради крещенїемъ и Отца и Сына приѣмлемъ, но рекшему: азъ и Отець приидемъ, и обитель у него сотворимъ (п).

*Вопросъ.* Тѣмже Духъ Троица ли есть?

*Отвѣтъ.* Того единоличнѣ не глаголемъ быти Троицу, но понеже не раздѣлїся отъ Отца и Сына, сего ради въ Немъ Троицу исповѣдуемъ по Божеству Его и силѣ. Якоже бо во Отцѣ есть Сынъ и Духъ, и пакы въ Сынѣ Отецъ и Духъ: тако и въ Дусѣ и Отець и Сынъ есть: не сляніемъ трїехъ ипостасей единаго Божества, но соединенїемъ тогожде единаго совѣта и Божества и существа. Тѣмже и мы аще убо Отца единочастнѣ именуемъ, ащеже Сына, или Святаго Духа: то во единомъ имени Троицу именуемъ, по образу, его же предрекохомъ.

*Вопросъ.* Како Писанїе глаголетъ, небесному быти Іерусалиму (Евр. 12, 22), ты же реклъ еси, въ сердцѣ тому быти?

*Отвѣтъ.* Не точїю Іерусалимъ, но и прочая благая, елика имуть въ воскресенїи прїимати правед-

---

(п) Сїихъ словъ: (по рекшему: и пр.) въ печатн. книгѣ нѣтъ.

пш, вѣмы, яко горѣ суть: сихъ же обрученія и начатки въ сердцахъ извѣствовѣрныхъ отнынѣ духовнѣ дѣйствуютъ: яко да извѣствовани быше о будущихъ, настоящая вся презримъ, и до смерти Бога возлюбимъ. Сего ради не рече: приступати имате: но приступите къ Сионскѣй горѣ, и ко граду Бога живаго, Иерусалиму небесному (Евр. 12, 22): пріятелни (р) бо сихъ отъ крещенія вси быхомъ: получить же тѣхъ едини сподобляются извѣствовѣрнѣи, иже любве ради Христовы на всякъ день умирающіи: то есть всяку мысль здѣшнѣи жизни преспосходящіи, и ничтоже ино помышляющіи, развѣ точію когда достигнуть жь совершенну любовь Христову, яже есть внутреннѣйшее отверженіе сердца, идѣже предтеча о насъ видѣ Іисусъ (Евр. 6, 20). Сіе ища въ началѣхъ святый Павелъ, глаголаше: *гоно же аще и постигну, о немже и постиженъ быхъ, то есть, да возлюблю, въ немже и возлюбленъ быхъ, оны Христи* (Филип. 3, 12): и по еже постигнути сію любовь, ктому ино ничтоже помышляти пріятъ, ни скорбная тѣла, ни дивная твари, но всю явѣ остави, и глаголетъ: (с) кто ны разлучитъ отъ любве Христовы? скорбь ли, или тѣснота, или гоненіе, или гладъ, или нагота, или бѣда, или мечь? и паки: извѣстихся, глаголетъ, яко ни смерть, ни животь, ни Ангели, ни начала, ни власти, ниже силы, ни истоящая, ни грядущая, ни высота, ни глубина, ни ина тварь кая возможетъ насъ разлучити отъ любве Божіа, яже о Христѣ Іисусѣ Господѣ нашемъ (Рим. в. 38, 39, 59): зане ничтоже отъ сихъ помышляти теряше, развѣ точію тамо пребывати.

*Вопросъ.* Како прежде мала рекль еси, яко сошершеннѣи внутрь живеть въ насъ Духъ, и прилога

---

(р) Способны къ принятію. (с) *Друг. чт.* Но всяку мысль абіе отверже, ниже къ единому часу дѣйствія Духа лишитисѣ желал. Яви же, елика духовныи ради любве отверже, глагола: кто....

отъ насъ не пріемлетъ : Апостоль же противное глаголетъ , яко начатокъ Духа имама , а не совершенна Духа ?

*Отвѣтъ.* Начатокъ рече , не часть нѣкую всего , ниже яко съченіе нѣкое Духа вводя : ниже бо съчется , ниже измѣняется : по наше вмѣщательное являя , не могущее вмѣстити всякое дѣйствіе Духа , точію совершенною заповѣдію , то есть смертію : зане и яже о истинѣ (т) смерть заповѣдь Божія есть . Якоже убо солнце , суще совершенно , совершенну и просту и равну всѣмъ отъ себе благодать прилагаетъ ; прочее же кійждо , поелику убо иматъ око очищено , по тому и солнечный пріемлетъ свѣтъ : тако и Духъ Святый всѣхъ убо дѣйствій и даровъ , вѣрующа Ему , пріятелны отъ крещенія сотвори : прочее не всѣмъ (у) . единочестнѣ дары дѣйствуютъ , но комуждо по мѣрѣ дѣланія заповѣдей , елико возсвидѣтелствуетъ благими дѣлами , и явѣ сотворитъ мѣру вѣры яже во Христа . Тѣмже , глаголетъ , посла Богъ Духа Сына Своего въ сердца ваша , вопіюща , Авва Отче (Гал. 4, 6) и , самый Духъ спослушествуетъ духови нашему , яко есмы чада Божія (Рим. 8, 16) . А яко никтоже самъ собою изсѣцаетъ Адамовъ грѣхъ , но Христосъ точію по мѣрѣ вѣры въ Него , слыши Апостола глаголюща : яко Христосъ умре грѣхъ нашихъ ради по писаніемъ (1 Кор. 15, 3) : и паки : составляетъ же свою любовь къ намъ Богъ , яко грѣшникомъ намъ сущимъ , Христосъ за ны умре (Рим. 5, 8) : и паки : спогребохомся Ему крещеніемъ въ смерть : да якоже воста Христосъ отъ мертвыхъ , тако и мы во обновленіи жизни ходити начнемъ , и проч . и , яко умерый свободися отъ грѣха (Рим. 6, 4, 7) : и , яко благодатію есте спасени чрезъ вѣру , а не отъ дѣлъ , да не кто похвалитя (Ефес. 2, 8) : и паки : бѣете бо иногда тма , нынѣ же свѣтъ о Господѣ : якоже чада свѣта ходите (Еф. 5, 8) :

---

(т) По друг. Чит. за истину Христову. (у) Не во всѣхъ... по въ коемждо соответственно достоинству.

и паки : мы же пѣсмы рабыни чада, по свободныя. Свободою убо, сюже Христось насъ свободи, стойте (Гал. 4, 31. 5, 1) : и паки : яко свободна, а не яко прикровеніе имуще злобы свободу (1 Петр. 2, 16). Видиши ли, како имиже ты глаголеши подвиги изсѣцати грѣхъ, сія быти дѣла обновленія и свободы и свѣта глаголетъ Писаніе ? Являетъ же и самовластія прелоги (ф), яже ты глаголеши быти : грѣхъ Адамовъ еже бо, яко прикровеніе имѣти сердца, паче же злобы, свободу, и оскорбляти Духа Святаго, и творити полю плоти и помышлений (Ефес. 2, 5), и еже : наченше духомъ, нынѣ плотію скончаваете (Гал. 3, 5), и, яко должны есмы не плоти, еже по плоти жити (Рим. 8, 12) : сія и таковая вѣдущо божественное писаніе, яко творити та намъ, или не творити въ нашемъ самовластіи есть, сего ради не сатану, ниже Адамовъ грѣхъ, но насъ порицаетъ. Аще ли же хочещи разумѣть услышати, реку ти всѣхъ главнѣйшее. Ты воображенія помысловъ (х) глаголеши быти грѣхъ Адамовъ : и се блаженный Павелъ явнѣ и явственнѣ о злоуміи семъ насъ, яко виновныхъ, обличаетъ, глаголя : Не сообразуйтесь вѣку ссму, но преобразуйтесь обновленіемъ ума вашего (Рим. 12, 2). Аще же сія не суть отъ нашея воли, но отъ сатанина мучительства, и останокъ Адамля грѣха : то почто мы о грѣсѣ (ц) обличаемы есмы, неволею отъ грѣха дѣйствуемы, и отъ сатаны мучителствуеминъ ? Убо ли и неповиннѣ имамы мучитися ? Или по тебѣ негли и неправеденъ есть Богъ, яже паче естества повелѣвый, и ищай отъ насъ яже паче силы ? Но нѣсть сіе, да не будетъ ! Зане азъ тя вопрошу, и даждь ми отвѣтъ. Елику имать естество наше благочестія силу, сію на всякъ день приносити Богу должны ли есмы, или ни ? Всяко речеши ми, яко ей, понеже сіе Богъ естеству дарова, и по силѣ

---

(ф) Превратныя направленія. (х) По друг. Чит. преобразующіе-  
ся въ иной видъ помысли. (ц) По друг. Чит. отъ Писанія.

заповѣди положи. Тѣмже еще днесь Ему приносимое благо днешній долгъ есть: покажи ми прочее древняго грѣха воздаяніе (ч), или твоея, или Адамля. Азъ же ти глаголю, яко не точію сіе не имаша показати, но ни еже на всякъ день (ш) безъ оскудѣнія воздати. И откуда явно есть сіе? отъ еже не всегда въ тѣхже добродѣтелехъ обрѣтатися: елико бо еще днесь приложиши къ добродѣтели, толико обличился еси должникъ быти прешедшія, явѣ сотворивъ естества силу: показася бо днешнимъ приложеніемъ, яко не естества, но воли вчерашнее есть оскудѣніе: и сего ради отъ грѣха дѣйствиемы есмы (ш).

*Вопросъ.* Да попустится сія тако быти: обаче едино вѣмъ: еще не бы Адамъ преступилъ, азъ искуса (ъ) злобы не быхъ прималъ.

*Отвѣтъ.* Ниже сіе право реклъ еси: еже бо прилога злобы пенскусу быти, непреложна естества есть, а не человѣческаго: еще бо мы и Адамъ единого естества есмы, и оубо и оному по намъ (ы) быти, и намъ по оному. Тѣмже да увѣритъ тя самъ онъ первый человѣкъ, яко ниже непреложень бѣ, ниже единочастнѣ злонаренъ (ъ), но вольнопреложень, и не нуждею естества преступи заповѣдь, по благоволеніемъ воли. Прочее, якоже онъ пріятелень убо бѣ сатаниша прилога, послушати же, или не послушати, имѣаше власть: тако и мы.

*Діаконикъ (ъ).* Пегли (э) нынѣ терплю тебе, зане прилога сатанина не отъемлещи.

*Постникъ (ю).* Азъ убо ниже въ предреченныхъ отъяхъ когда: вѣмъ бо и Юва искушена бывша отъ

---

(ч) Т. е. что заплатилъ ты за древній грѣхъ? (ш) Т. е. не только древняго, но и съ каждымъ днемъ возлагаемаго на тебя долга не можешь выплатить вполне. (ш) *По друг. чт.* умерщвляемы есмы. (ъ) Я не испытывалъ бы прилога (прираженія) зла. (ы) Подобно намъ. (и) Преклонень только на одну сторону зла. (ъ) Значить: служащій въ судѣ. *По друг. чт.* Вопросъ, (э) Легко. (ю) *По друг. чт.* Отвѣтъ.

дiавола; и Писанiе глаголющо: яко нѣсть наша брань противу крови и плоти, но къ началомъ и ко властямъ, и къ мiродержителемъ тмы вѣка сего, къ духовомъ злобы (Ефес. 6, 12): и наки: противитися дiаволу, и бѣжить отъ насъ (Іак. 4, 7): и наки: суностать ванъ дiаволь, яко левъ рыкая, ходитъ, искій кого поглотити (1 Петр. 5, 8). Но понеже вы лукавыя помыслы, не наша, но инѣхъ нѣкихъ быти непууете, овогда убо глаголюще ѿ быти Адамовъ грѣхъ, овогда же самага того сатану, овогда же, прилогъ сатанинъ: сего ради мы глаголемъ, яко ино что есть грѣхъ Адамовъ, и ино сатана, и ино прилогъ сатанинъ, и ино лукавіи наши помысли, аще и отъ прилога вины (и) имуть. Зане сатана убо есть само то дiаволе лице, еже и Господа искушати покусившеся: грѣхъ же Адамовъ есть заповѣди преступленіе перваго челоуѣка: прилогъ же сатанинъ есть, единопомысленно (о) явленіе вещи лукавы, еже и самимъ тѣмъ (v) еже приближитися къ уму нашему, по маловѣрiю (нашему), обрѣтаеть (удобство). Заповѣдь бо намъ приемшымъ ни о чесомъ же пещися, но всяцѣмъ храненіемъ блюсти свое сердце (Притч. 4, 25), и искати внутрь насъ сущаго царствiя небеснаго, егда отступитъ умъ отъ сердца и отъ предреченнаго взысканiя, абіе даетъ мѣсто дiаволу прилогу, и прiятеленъ бываетъ лукаваго совѣта. Но ниже тогда дiаволь двизати наша помыслы во власти имать: зане не бы насъ пощадѣлъ, всяку злу мысль нонудителвѣ наводя, и ничтоже благо помышляти попуская: власть же точію имать единопомысленнѣ въ перномыслии показовати лукавыя вещи (а), еже искушати наше внутреннее расположеніе, камо клонитися: къ совѣту ли онаго, или къ заповѣди Господней: понеже сіи другъ другу противятся. Тѣмже

---

(и) Поводъ. (о) Только въ помышленіи представляющееся. (v) *Друг. чт.* и самой той (вещи). (а) *Друг. чт.* Изволенiя (опредѣленiя).



мы, въ тѣхъ убо, яже любимъ, абіе ко указанію  
 оному воздвигаемъ помыслы, и встраственнѣ бесѣ-  
 дуемъ въ мысли съ показавшеюся вещию: а въ тѣхъ,  
 яже ненавидимъ коснѣти не можемъ, но и самый  
 той ненавидимъ прилогъ. Аще же и ненавидимъ  
 бывъ, пребываетъ (случается бо и сіе), обаче не отъ  
 нова расположенія нашего, но отъ древня пріятія  
 укрѣпляется: тѣмже и непередшественъ (б) стоитъ на  
 мѣстѣ, и единопомысленъ, отъ сердечнаго негодова-  
 нія во многомисліе и страсть предъйти возбрааемъ:  
 не бо имать естество единоличное явленіе, ненави-  
 димо отъ внимающаго себѣ, нуждею низвлекати умъ  
 въ страсть многомислія, точію сладострастіемъ сер-  
 дечнымъ единѣмъ. Тѣмже аще мы отъ сладострастія  
 отнюдь отступимъ, то ниже единопомысленное пред-  
 пріятій (в) явленіе повредить насъ ктому можетъ,  
 или и совѣсть о утвержденіи будущихъ (г) осужда-  
 ти. Познавшу бо умъ праздное предпріятія против-  
 леніе (д), и несовѣдующу Богови древною виною,  
 абіе и само то отъемлетел искушеніе: и паки умъ  
 власть имать внимати сердцу, и всяцѣмъ хранені-  
 емъ молитвою блюсти то, во внутреннѣйшія и не-  
 стужаемыя клѣти сердца внити покушаяся, видѣже  
 не суть лукавыхъ помыслъ вѣтри, бурно рѣющія и  
 душу и тѣло во стремнины сладострастія, и въ кла-  
 дязь смолы низмещущія, ниже широкъ и простран-  
 ненъ путь, глаголами же и образами мірскія пре-  
 мудрости посланъ, и прелщающъ въ слѣдъ ся иду-  
 щыя, аще и зѣло мудри суть: чистыя бо внутрен-  
 нѣйшія клѣти души и домъ Христовъ шагъ умъ  
 внутрь пріемлютъ, ничтоже приносящъ отъ вѣка  
 сего, ни благословно, ни безсловесно (е), развѣ точію

- 
- (б) Безпреткновененъ, не вводитъ насъ въ преткновеніе. (в)  
 Прежде приплтыхъ образоть. (г) Т. е. за то, что мы не  
 обезопасили себя касательно будущаго. (д) Безуспѣшное  
 упорство. (е) *Иначе*: будетъ ли то оправдываемо разумомъ,  
 или нѣтъ.

три сія, яже рече Апостоль: вѣру, надежду, любовь. Можетъ бо кто истиннолюбивъ съи и сердцемъ трудится хотяи, ниже отъ предиритій изрѣкаться, по послѣдованію (ж), еже предрскохомъ: но внимати сердцу и предусиѣвати во внутреннѣйшее, и приближатся къ Богу: точию о трудѣхъ молитвы и пребыванія да не негодуеть: не можетъ бо сердцемъ не трудиться, иже вниматели отъ помысленныхъ нареній и плотскихъ сластей (з) себе востязаяи, въ нихже множицею и мыслию и дѣланіемъ обращаешя. Тѣмже единомысленный убо прилогъ понудителенъ къмы быти, понеже и невидимъ бывъ, еще пребываетъ: по бесѣду съ приходящими помыслами быти произволителну. Показана же сіе и не согрѣшившии по подобію преступленія Адамова, прилогъ убо возбранити не возмогше, бесѣду же съ нимъ и пристрастіе по всему отвергше.

*Вопросъ.* Тѣмже преступленіе Адамле по нуждѣ пріяхомъ, еже есть помысленный (и) папъ грѣхъ?

*Отвѣтъ.* Нѣсть сіе Адамле преступленіе, по облпченіе сладострастія коегождо. Но ниже преступленіе преемствовахомъ: зане понуждѣ, яже отъ преемства, подобаше (і) вѣмъ намъ преступникомъ быти, и не обвинятися отъ Бога, по нуждѣ естественнѣй и преемству (к) преступающымъ. Нынѣ же не тако: ниже бо вси преступаемъ заповѣдь, ниже вси хранимъ: тѣмже явѣ, яко не нужды есть, но сладострастія сіе преступленіе.

*Вопросъ.* Понеже, якоже глаголеши, сего ради (преступленія) пріде Господь, то почто не потребилъ

---

(ж) Не увлекаться прежде принятыми впечатлѣніями, въ слѣдствіе того, что.... (з) Въ печатн. книгѣ дополнено: на всякъ день, не виѣшии точию, но и внутреннѣ.... (и) Въ помыслахъ состоящій. (і) Ибо, Если бы мы преступали законъ по причинѣ преемствованія, то необходимо надлежало бы.... (к) По необходимости естественнаго преемствованія.

есть то во крещеніи, но еще и нынѣ власть ямать кійждо преступити, или не преступити?

*Отвѣтъ.* Преступленіе произволительно суще, якоже указася, никтоже нужднѣ преемствова: но юже отъ сего смерть, понудителну сущу, преемствовахомъ, еже есть отъ Бога отчужденіе: умершу бо первому челоувѣку, то есть отчуждившуся отъ Бога, ниже мы жити въ Бозѣ можахомъ. Сего ради прииде Господь, да насъ банею пакибытія оживотворить и примирить со Богомъ, еже и сотвори. Тѣмже не преступленіе преемствовахомъ, понеже и самъ той Адамъ не нуждею имѣяше то, но волею: смерть же нужднѣ преемствовахомъ, понеже и онаго нужднѣ удержа: яже царствоваше и надъ не согрѣшившими по подобію преступленія Адамова (Рим. 3, 14).

*Вопросъ.* Уступимъ, яко преступленіе волею имѣ Адамъ, и сего ради, единосоственни суще, и мы волею отпадаемъ: еда ли и прилога не имѣ нужднѣ?

*Отвѣтъ.* Поистинѣ, прилогъ нужднѣ имѣ: но прилогъ ниже грѣхъ есть, ниже правда: но обличеніе самовластныя нашея воли. Тѣмже и прилогствовати (л) намъ поущенъ быть: да къ заповѣди убо преклоняющыяся, вѣчници покажетъ, яко вѣрныя: къ сласти же, (м) осужденны, яко невѣрныя. И сіе же вѣдѣти намъ подобаетъ, яко не о коемждо прелозѣ нашемъ абіе искусни, или отвержени судими есмы: (н) но егда во весь нашъ во плоти животъ прилоги исытани будемъ, побѣждающе и побѣждаемы, падающе и востающе, блуждающе и на благой путь наставляеми тогда убо въ день исхода по со-

---

(л) Приражатися. (м) къ сласти же привергающихся покажетъ осужденными. (н) Т. е. не тотчасъ послѣ каждаго поступка (тѣспѣу, собств. поворота) нашего дается по оному суду, что мы или то, чѣмъ быть должны (δὲξιμος), или же достойны отверженія.

чтеніи всего соразмѣрно сему судимы есмы, или похваляемъ. Ниже убо прилогъ есть грѣхъ; да не будетъ! Аще бо и по нуждѣ единомыслениѣ покажутъ вещи, но мы отъ Господа пріяхомъ власть духовнаго дѣланія, и въ нашемъ самовластіи есть отъ первыя мысли искушати и вредное и полезное, и или отстати или пріимати помыслы, не нужднѣ, но отъ расположенія душевнаго мяжащыяся. Но положимъ по тебѣ, яко и сіи нужднѣ и по преемствованію возникаютъ: почто же насъ Божественное писаніе осуждаетъ олукавыхъ помыслѣхъ? Или како можемъ нозбранити, нужднѣ и по преемствованію намъ стужающыя? Аще ли же ми глаголеши, яко можемъ благодатію Христовою, юже пріяхомъ отъ крещенія, востыгати ѧ, по Писаніемъ: то разумѣй, яко и тако мы есмы виновни, власть имущи и силу отъ Бога, возбраняти ѧ отъ перваго прилога, и не возбраняющи. Аще же кто иного кого виновна поставляетъ своихъ золь, то не токмо безъ страха согрѣшаетъ, но и хулить на Бога, аки виновны (о) челоуѣки ратуемы быти попустившаго.

*Вопросъ.* Почто убо азъ крещень сый, и Бога молю, и благодать Его призываю, и всею волею хочу избавитися и свободитися отъ лукавыхъ помыслѣхъ, и не могу? Или не явно есть, яко преступленіе Адамле, сіе намъ неизбѣжное наслѣдіе остави?

*Отвѣтъ.* Подобаше убо намъ, словеснымъ (п) сущымъ, видѣти, еже слышимъ: а понеже отъ сластолюбія и тщеславія помрачившия душа во глупину невѣжества низпаде, то, ни заповѣди Писанія слышитъ, ни естественнаго послѣдованія, ни искусныхъ (р) разсмотренія: развѣ точію своимъ умышленіемъ послѣдуетъ. Кто бо вѣруя Божественному Писанію, и творя заповѣди Господни, по мѣрѣ того не

---

(о) Въ печат. кн. безвинно. (п) Разумнымъ. (р) Опытныхъ.

обрѣтаетъ разсмотренія (с) помысловъ , и не извѣщается яко не по власти держать, по по маловѣрію нашему и оскудѣнію (т) заповѣдей? Тѣмже , ниже вси устроеніемъ равни есмы, ниже тѣмже мысли стужаеми есмы : понеже произволительны суть вины помысловъ? Аще бо были быша понудительны отъ Адама, вси быхомъ подобны отъ грѣха стужаеми и неизбѣжно держими были : и ниже писателна разсмотренія, (у) ниже Апостольскаго совѣта требовали быхомъ: естеству держашу по преемствованію и (ф) сластолюбивой воли. Нынѣ же не тако есть , да не будетъ : се бо видимъ , яко не вси подобны отъ помысловъ стужаеми есмы , ниже въ тѣхже временахъ, ниже о тѣхже вещехъ: но кійждо, якоже върова Господени о будущихъ благихъ , человѣческую славу и сладострастіе презрѣвъ , толико и помыслы возбрани, и отъ сладостраствующаго безмолвній (х) есть : сего ради и единъ отъ другаго и мыслию и житіемъ разствуемъ. Понеже убо мнози и въ семь обольщаемъ (ц) истину, и ищемъ не отъ вѣры Иисусовы, сирѣчь не дѣланіемъ заповѣдей Его, ниже худостію (ч) и смиренномудріемъ , сердцемъ боляще, угасити помыслы ; но съ тайнымъ сладострастіемъ , тщеславіемъ глаголю и человѣкоугодіемъ, мнѣніемъ же и являтелствомъ, распріею, любопріемъ и возношеніемъ, и инѣми таковыми ; отъ нихже полученія убо похотѣтельныя , а отъ не успѣха яростныя множатся помыслы: сего ради не можемъ, вины (ш) держаще , отвергти свойственная имъ дѣйства. Аще же ложно есть слово сіе, и безъ нашея вины отъ

---

(с) *Друг. чт.* оскудѣніи. (т) По неисполненію. (у) Не имѣли бы нужды ни по разумленіи Иисавія. (ф) *По друг. чт.* а не сластолюбивой. (х) Спокойіе того, кто страстно любить удовольствія. (ц) Хитримъ противъ истины. (ч) На прим. ношеніемъ худыхъ одеждъ, занятіемъ послѣдняго мѣста, уклоненіемъ отъ благовидности и т. под. (ш) Удерживалъ въ себѣ причины.

помысловъ стужаеми есмь : то разсмотримъ внимательно, яко Богу повѣдающагося. Кто бо не вѣсть , яко и дѣломъ и словомъ и мыслию предреченныя страсти приемлемъ на всякъ день; и содѣйствующихъ убо, яко врагомъ, отвращаемся и ненавидимъ? Аще ли же тако предреченныя страсти любимъ , яко явственнѣ та и защищаемъ , како единономысленный прилогъ ихъ возненавидимъ? Первомыслию же пріятую бывшу, како на семь зависящій помысли припослѣдствовать не имуть?

*Вопросъ.* Аще сія и положимъ тако быти, обаче во Евангеліихъ Господь обѣщася сотворити отмщеніе поюющихъ къ Нему ночь и день (Лук. 18, 7)?

*Отвѣтъ.* Господь не къ лежащимъ во сладострастіяхъ волю своею притчу сію глаголетъ, но къ ратуемымъ отъ единѣхъ предиріятій (щ), сосложенія (ъ) же не творящимъ : тѣмже за нихъ убо, яко отъ врагъ обидимыхъ , отмстити обѣщася ; онѣхъ же, яко помогающую заповѣдь отрицующихъ , обличаетъ, глаголя: что мя зовсте, Господи, Господи, и не творите, яже глаголю (Лук. 6, 46)? Ихже и приподобляетъ мужу уродиву, на пещѣ волей своихъ , а не на камени заповѣданій Господнихъ, зиждущему храмину свою (Матв. 7, 26). Сего ради не опирайся неутвержденнымъ умомъ и не разумнымъ намѣреніемъ на всѣхъ мнѣніяхъ своихъ , яко на истинныхъ , оюгда убо глаголи, яко азъ и крестихся, и Бога молю, и благодать Его привлекаю всею волею, хотя избавитися отъ лукавыхъ помысловъ, и не могу (ы), оюгда же паки отмщенія ожидаю Господня, еже сотворити во Евангеліихъ обѣщася , и вездѣ себе неповинна возставляя , еже великія есть хулы виновно. Обаче вопрошу ты и азъ о малѣ мнѣнія разумѣ (ь),

---

(щ) Прежде принятыхъ помысловъ. (ъ) Согласіи. (ы) Въ печатн. книгѣ дополнено : какъ будто бы ты безъ своей вини одержимъ былъ помыслами. (ь) О смыслѣ твоего мнѣнія.

и даждь ми отвѣтъ: вѣмъ же, яко отъ истины утѣс-  
няемъ, или болша возношенія глаголы речени, или  
вину свою исповѣси: почто Господь, рекъ: вскорѣ  
сотворить отмщеніе, не творить вскорѣ, но коснись,  
и оставляетъ тя въ лукавыхъ помыслѣхъ, аще и  
всесердечнѣ и безъ сочетанія (Ѣ) молящася, якоже  
реклъ еси?

Онъ же рече: азъ мню, ничесого же ради иного  
коснись Господь, точію моего ради терпѣнія: елико  
бо кто потерпитъ ратуемъ, толико и прославится.

Православный же Старець рече: азъ убо мнѣхъ,  
единому обдержашу тя возношенію произести от-  
вѣтъ, ты же и хулу приложилъ еси. Зане, да себѣ  
лжеименное терпѣніе припишеша, оставилъ еси  
Господа во Своемъ словеси солгавша: и лукавыя  
помыслы, не ктому, по Божественному писанію, лу-  
кавства и сладострастія и всякаго грѣха быти пода-  
тельны, отъ сердца исходящія, по словеси Господню,  
и сквернящія чловѣка глаголеши, но терпѣнія и  
яже отъ Бога славы намъ виновны. Азъ же никогда-  
же лукавыми помыслы содержимыя отъ Божествен-  
наго писанія похваляемы быти обрѣтохъ, ниже въ  
ветсѣмъ, ниже въ новѣмъ завѣтѣ: но паче, яко само-  
виновны, оканваемы и осуждаемы. Богъ бо якоже  
лукавыя помыслы ненавидитъ, тако и раждающее  
ихъ сердце. Тѣмже, имуще я, плакати должни есмы,  
яко грѣхлюбиви, а не напыщатися, яко съ чужды-  
ми брань творяще злыми. Разумѣй убо извѣстно,  
о чловѣчѣ, яко Господь назираетъ сердца всѣхъ че-  
ловѣковъ: и ненавидящихъ убо лукавыхъ помыш-  
леній первомысле, абіе заступаеть, якоже обѣщася,  
и не оставляетъ множество многомыслия воставшо  
осквернати ихъ и умъ и совѣсть: а не низвергаю-  
щихъ первая прозябенія помысловъ вѣрою и надеж-

---

(Ѣ) По друг. чт. безъ усумнѣнія.

дою на Бога, но аки бы для наученія и испытанія присладостраствующихъ, оставляетъ, яко неверныхъ и беспомощныхъ (э), окрестъ биенныхъ быти отъ послѣдующихъ помыслъ, ихже сего ради не отъемлетъ, яко видить первый ихъ прилогъ отъ насъ любимъ, а не отъ перваго явленія ненавидимъ. Аще же кто, по толицѣ явнсловіи, не вѣруетъ реченнымъ: то, дѣломъ обучився, да уразумѣетъ истину. Аще же ни Писанію вѣруетъ, ни дѣломъ хочетъ извѣствованъ быти таковой, явѣ есть, яко любить сласть возношенія: что бо паче сего (ю) сладострастнѣйше, чуждъ помысленный грѣхъ быти совѣтующаго, и кичитися и воздыматися, яко неповиннымъ, паче неже исповѣдатися и плакатися о лукавыхъ совѣтованіихъ, сотворяющаго?

*Вопросъ.* Ты предрекль еси, яко преступленіе убо Адамле не преемствовахомъ, но смерть яже отъ сего: тѣмже смерти державствующей, державствуютъ и лукавиі помысли.

*Отвѣтъ.* О зловѣрія (я)! Почто убо приде Господь во плоти? Не всяко ли, да единъ за всѣхъ умретъ по Писаніемъ, и упразднить имущаго державу смерти, сирѣчь діавола (Евр. 2, 14)? Аще же еще смерти яже отъ Адама державствовати кромѣ нашего зловѣрія непщуеши, явѣ, яко и пришествіе Господне отמעцеши, и крещеніе несовершенно имаша: еще крещенымъ безъ своея ихъ вины отъ отеческаго (о) закона, паче же смерти державствуемымъ. Сего ради, о человѣче, слыши, како благодатию Христовою новъ Адамъ былъ еси, и ничтоже отъ вет-

---

(э) *По друг. чт.* самопомощныхъ, допольствующихся только собственною помощію себя. (ю) Сего мнѣнія, внушающаго намъ, что грѣхъ, состоящій въ помыслахъ, не нашъ грѣхъ. (я) *По друг. чт.* О невѣрія! (а) *По друг. чт.* Отъ отеческія смерти.



хаго нужди въ себѣ носиши , разнѣ бы нѣчто отъ твоего зловѣрія и сластолюбія (v). Прииде насъ ради Господь, умре за ны, избавилъ есть насъ отъ отеческія смерти, очищаетъ ны и обновляетъ крещеніемъ, полагаетъ ны въ раи Церкви; отъ всякаго древа еже въ раи ясти попускаетъ: сирѣчь всякаго крещенна въ церкви любити, и терпѣти во умаленіяхъ , а не о премѣнахъ кождо осуждати и во мнящихся убо добрыхъ любити, во мнящихся же злыхъ ненавидѣти, еже есть древо еже вѣдѣти доброе и лукавое, отъ него же вкусивъ умъ , абіе падаетъ въ таяжде умаленія, и обрѣтаетъ свое обнаженіе лукавымъ изобрѣтеніемъ (а) на ближняго , еже прежде не вѣдѣше, состраданіемъ прикровенно. Сего ради въ раи Церкви положеннымъ, заповѣдаетъ Господь глаголя: не судите, и не судятъ вамъ : и не осуждайте , да не осуждени будете: отпущайте и отпуститесь вамъ (Лук. 6, 57): мало же выше сихъ глаголетъ: елика аще хотите да творятъ вамъ челоуѣцы , и вы творите имъ такожде: се бо есть законъ и Пророцы (Лук. 6, 51. Мато. 7, 12), законъ убо глаголи: возлюбиши ближняго своего, яко самъ себе (Лев. 19, 18): Пророцы же: имже образомъ сотворилъ еси ближнему твоему, буди тебѣ. Коликожды убо заповѣди сія оскверникомъ ! коликожды ближняго осудихомъ безъ состраданія ! Коликожды возненавидѣхомъ , или и ничимже обидѣща обидѣхомъ ! Аще же сія тако суть, то почто еще Адама обвиняемъ о нашихъ злыхъ ? Аще бо и надохомъ во свою его смерть, но подобнѣ преступникомъ и заповѣдь волею, якоже и онъ. Три убо случившася Адаму вещи, а не едина, якоже ты нещущиши, яже суть: прилогъ по смотренію , преступленіе по своему его невѣрію, смерть по ирраведному суду Божию, припослѣдовавши не смотрителному прилогу, но еже отъ невѣрія преступленію. Мы

(v) По друг. чт. преступленія. (а) Т. е. отысканіемъ грѣховъ ближняго.

убо не преступленіе, но смерть преемствовахомъ: за еже не мощи намъ отъ мертвыхъ живымъ быти, дондеже прииде Господь, и вся вѣрующыя оживотвори. Первомыслие же по смотренію имама, якоже и онъ: но и еже преслушати, или не преслушати, въ воли нашей имама, якоже и онъ: и увѣряютъ ны, яко произволително, а не понудително имама еже чрезъ помыслы преступленіе, не согрѣшившіи по подобію преступленія Адамля, якоже рече Апостоль (Рим. 5, 14): аще бо отъ Адама суще они возмогша не согрѣшити по подобію преступленія Адамова, явѣ, яко и мы, аще хоцемъ, можемъ. Почто убо предлагаемъ извиненія о грѣсѣхъ, и глаголемъ на Бога не правду, яко чуждими злыми ратуемымъ быти намъ попустивша неправедно? Должны убо есмы извѣстно вѣдѣти, яко всякой Адамлей винѣ убіеной бывшей отъ Господа, кійждо насъ аще что либо страждеть зло, по своей винѣ страждеть, отвергъ своимъ невѣріемъ, сирѣчь сластолюбіемъ, еже пріять таинственнѣ во крещеніи совершенство. Аще бо человекъ и не у позна еже пріять, несовершенъ сый вѣрою, и скуденъ дѣланіемъ: но Богъ совершенное тому дарова, глаголетъ бо: всякъ даръ совершенъ, свыше есть, сходяй отъ Отца свѣтовъ (Іак. 1, 17). И самое же сіе совершенное не простѣ, ниже якоже бы приключилося, обрѣтаеть кто, аще и всяку человекску премудрость, аще и всякъ мірскій разумъ приведетъ, но точію дѣланіемъ заповѣдей Христовыхъ, и сіе въ соразмѣрности: по различію бо дѣланія, различнѣ и даръ онъ намъ открывається. Никтоже убо себе да хвалить словесы и образы, онаго не имѣя хваленія, еже рече Апостоль: глаголетъ бо: не хваляй себе сей искуснѣ, но его же Господь восхваляетъ (2 Кор. 10, 12): по и той иже и отъ Господа хваленія пріемлетъ должепъ есть право мудрованіе употребити, и вѣдѣти извѣстно, яко слико бы кто ни подвизался противу своему невѣрію, и предуспѣлъ вѣрою, и прілъ кое благо, не

по разуму (б) точію нагу, но и по дѣйству; то ничтоже множае обрѣте, или обрѣсти можетъ, точію еже предпріять таинственнѣ крещеніемъ, еже есть Христось: елицы бо, глаголетъ, во Христа креститесь, во Христа облекостесь (Гал. 3, 27): Христось же, совершенъ Богъ сый, совершенну крестившыся благодать Святаго Духа дарова, приложенія убо отъ насъ не приѣмлющую: но открывающуюся намъ и являющуюся по мѣрѣ дѣланія заповѣдей, и прилогъ намъ вѣры подающую, дондеже достигнемъ вси въ соединеніе вѣры, въ мужа совершенна, въ мѣру возраста исполненія Христова (Ефес. 4, 15). - Аще убо что приносимъ Ему возродени бывше, сіе уже отъ Того и Тѣмъ бѣ въ насъ сокровенно, по писанному: кто разумѣ умъ Господень? Или кто совѣтникъ Ему бысть? Или кто прежде даде Ему, и воздастся ему? Яко изъ Того, и Тѣмъ, и въ Немъ всяческая: Тому слава во вѣки вѣковъ. Аминь.



## СОПРОТИВОСЛОВІЕ СХОЛАСТИКА КО АННВЪ МАРКУ. СЛОВО ЧЕТВЕРТОЕ.

Вопроси нѣкто отъ словесникъ діканікъ (в) старца постника, глаголя: молю увѣрите мя уразумѣти хотяща, что мудретвующе иноцы глаголете, яко подобаетъ обидящихъ не судити? или что дѣйствующе, отъ чувственныхъ вещей и дѣль удалаетесь? О нихже зѣло порицаю вы, яко безсудіе убо противу законовъ, праздность же противу естеству ухищряющихъ; аще же любомудрія ради сіе творящихъ уразумѣю, то нужднѣ и самъ отъ таковаго порицанія отступивъ, поревную добродѣтели вашей.

(б) Не по одному только знацію. (в) Закопникъ.

Постникъ же, прежде во умѣ помолився, тако рече: подобаше убо прочее, о словеснѣйше, о сихъ ти увѣритися хотяшу, отъ добръ вѣдущихъ научитися, мы бо еще отъ учимыхъ есмы. А понеже, якоже рекль еси, къ невѣждамъ самъ о себѣ пришелъ еси, яко имый увѣритися, о нихже глаголеши, слыши: Мнози странно Церкви не избраша мудрованіе: но Христово содержати тщатся, по Апостолу глаголющему: сіе да мудруется въ васъ, еже и во Христѣ Исусѣ, пже во образѣ Божіи сый, не восхищеніемъ нещена быти равенъ Богу, но себе истощилъ, зракъ раба пріимъ. (Филип. 2, 6, 7). Разумѣй убо, яко Богодарованно есть, и великія добродѣтели, глаголю же, смиренномудрія виновно (б): дѣлати же сіе дѣло заповѣда Господь въ церкви, рекъ: дѣлайте не брашно гиблющее, но пребывающее въ животь вѣчный. (Іоан. 6, 27).

Діканікъ глагола: Да уразумѣемъ и мы, молю, кое есть дѣло сіе?

Постникъ рече: Еже молитвою искати царствія Божія и правды Его, еже и внутрь насъ (Лук. 17, 21.) рече быти, и ищущымъ его тѣлесная вся приложити обща (Мато. 6, 33). Сія убо услышавшихъ отъ Господа, и вѣровавшихъ, и по силѣ дѣлающихъ, како внѣ естества насъ дѣяти глаголеши? Аще же видится ти противу естеству: то разумѣй, кого порицаеши: Богъ бо есть заповѣдавый. Подобнѣ же, и еже не обиждати (в) обидящія, Божія заповѣдь есть. Како убо законопреступаютъ творящии ту рекшу Богу Пророкомъ: мнѣ отмщеніе, азъ воздамъ, глаголетъ Господь (Второз. 32, 33.): и Христось во Евангеліихъ: не судите, и не судятъ вамъ: и не осуждайте, да не осуждени будете: отпускайте, и отпустится вамъ (Лук. 6, 37.): и Апостоль: прежде време не ничтоже

---

(б) Сицевое житіе. (в) *По друг.* Чит. не влещи на судъ.

судите (1 Кор. 12, 19): и паки: не себе отмщающе: и инде: ты что судиши чуждему рабу (Рим. 12, 19. гл. 14, 4.)? Кто же есть прочее паче сихъ праведнѣйши законы уставивый, и прежде времени судити восхотѣй обидящыя, яко безгрѣшенъ, и законъ Божій хранили покушающыя законопреступленіемъ обвиняяи, и незлобіе именуяи быти злобою?

*Вопросъ.* Сія слышавъ схоластикъ, рече: Князие убо согрѣшаютъ ли, обидящимъ отмщающе, а обидимымъ праведное сохраняюще?

*Отвѣтъ.* Отвѣща старецъ: Судіи не согрѣшаютъ, но предающіи, а не Богови оставляющіи: первѣе убо, зане все нашедшее на ня, за своя ихъ зла наведеніе есть, къ покаянію ихъ влекущо, а не ко отмщенію: второе же, яко, аще и несправеднѣ пострадала приключщееся злостуаданіе, подобаше отпустить обидѣвшему, слышавше Господа рекшаго: отпускайте, и отпустится вамъ, а не человѣческимъ воздаяніемъ непрощенна творити своя ся злая. Князи бо, по Апостолу, не суть боязнь добрымъ дѣломъ, но злымъ (Рим. 13, 5). Не бо вѣрныя и благоговѣйныя нудятъ обвиняти обидящихъ ниже упоряютъ непамятозлюбивыхъ, почто не употребляютъ судилищъ обидимы; но хотящимъ подають отмщеніе: Бога же ради долготерпящыя, яко паче благо мудрствующыя, и почитаютъ и похваляютъ. Якоже убо не хотящихъ приходити не привлекають, тако обвиняющихъ отмщающе, не согрѣшаютъ. Тѣмъже подобаетъ, премудрѣйше, по вѣдѣніимъ законѣхъ же и словесѣхъ, прочее и духовному научитися закону, и яже о благочестіи воспріяти труды, и яко своя терпѣти находящая скорбна; безъ никъже не можетъ кто воистинну быти премудръ.

Схоластикъ же ищущу уразумѣти, кѣмъ суть иже о благочестіи труды, рече старецъ: заповѣди Христовы быти, ихъже первая и величайшая есть любви, яко не мыслить зла, но вса любить, всему вѣру

емлетъ, вся уповаеть, вся терпять (1 Кор. 13, 5 7.) но Писанію. Сія же творящи, не можетъ судити мнящихся ту обидѣти. Сею единъ убо отъ другаго разиствуемъ: вси же отъ достоинства тоя остаемъся, ожидающе благодатию Христовою лишній исполненія, аще о дѣланіи еже по силѣ не вознерадимъ: Богъ бо вѣсть, колико немоществующе не можемъ творити, и колико нерадаще не дѣлаемъ дѣла любве. А понеже не отъ произволительныхъ трудовъ точію, но и отъ случателныхъ скорбей (г) укрѣпляется: сего ради многаго намъ потреба отъ Бога терпѣнія и кротости. Тѣмже убо глаголетъ Божественный Апостоль: хотяй быти мудръ въ вѣдѣ семъ; буй да бываетъ, яко да премудръ будетъ (1 Кор. 5, 18). Таковый убо вышшихъ себе о оскудѣніихъ (д) совершенныя любве, не осуждаеть: себе же наче ко онѣхъ превосхожденію, простираеть: и егда тѣхъ постигнетъ, паки инѣхъ ищетъ болшихъ себе, и обрѣтъ рѣтится (е) и тѣмъ: и никогдаже престаеть отъ теченія, дондеже обрящеть нѣкихъ того любовію предваряющихъ. Аще же кто себе съ вышшими не уподобляеть, онѣхъ (ж) же, яко несовершенныхъ, осуждаеть, себе самого осуждаеть, яко не вѣсть себе: глаголетъ бо (з): не осуждайте, да не осуждени будете (Лук. 6, 36). Отнюдуже иже въ словесѣхъ премудри, единѣхъ обидящихъ согрѣшати испшуютъ: а иже въ Душѣ, и обидими суще себе порицають, егда не съ радостию самопроизвольнѣ обиды терпятъ: не точію же за сіе, но яко и отъ древнія ихъ вины скорби израстають, аще и согрѣшеніе (и) согрѣшенія легше есть. Отмщавай убо себе, о безсудіи Богу мнитися зазирати: терпай же, яко свою, нашедшую

---

(г) Любовь. (д) По друг. чт. за желанія совершенной любви.  
 (е) Соревнуетъ. (ж) Оскудѣвающихъ, или не достигшихъ еще до степени совершенной любви. (з) Христось. (и) Одно согрѣшеніе другаго.

нань скорбь, предпріятіе свое исповѣдуетъ, егоже ради и терпѣть, стражда лютая.

*Вопросъ.* Вознегодовавъ же схоластикъ (i) о обличеніихъ, рече: аще сія духовный вашъ законъ повелѣваетъ, Богу уставившу, якоже рекль еси, почто падаютъ нѣдци отъ инокъ, сей держаще законъ?

*Отвѣтъ.* Старець же рече: держащии его не падаютъ, но оставшии, и о изрядныхъ его вознерадѣвши: о молитвѣ, глаголю, и смиренномудріи, отъ тщеславія и попеченія житейскаго окрадени бывше. Тѣмже и діаволь вся житейская помышляти намъ и творити не возбраняеть, точію да отъ молитвы и смиренномудрія скитатися сотворить: вѣсть бо, яко безъ двою сею бывающая, яко аще и добра суть, поздѣ нѣкогда онъ отыметъ. Молитву же глаголемъ, не точію плотію совершаемую, но и мыслию неразвлеченною Богу приносимую. Аще бо единю отъ нею безвременно отторгается, то ниже другое наединѣ предстоитъ Богови, но своей воли.

*Вопроси схоластикъ.* И имать ли волю плоть внѣ мысли?

*Отвѣтъ постника.* Имать, якоже глаголетъ Апостоль: яко бѣхомъ бо иногда и мы непокориви (Тит. 3, 3), творяще волю плоти (Еф. 2, 3): и пакы: плоть похотствуетъ на духа, и духъ на плоть (Гал. 5, 17). Се убо имать и похоть, и волю, еже мнози не вѣдять, невниманія ради о помыслѣхъ и сосложенія. Тѣмже не точію нерадящии о молитвѣ, но и не внимающіи о умѣ стужаемы суть. Сія же рѣхомъ, не яко инѣхъ осуждающе, нолишенія своя исповѣдающе: зане оно убо гордости, сіе же смиренномудрія есть знаменіе: и, гордымъ убо Господь противится, смиреннымъ же даетъ благодать (1 Петр. 5,

---

(i) По друг. чт. мірянинъ.

б), сюже не точію въ разумъ, но и во пметво (к) насъ ведетъ священныя добродѣтели, сирѣчь неразвлекаемыя молитвы, о нейже никакоже не радѣти насъ хотя блаженный Павелъ, глаголетъ: непрестанно молитесь (1 Сол. 5, 17): купно же и непарителность (л) ума являя, рече: не сообразуйтесь въку сему, но преобразуйтесь обновленіемъ ума вашего, во еже искушати вамъ; что есть воля Божія благая и угодная и совершенная (Рим. 12, 2). Понеже бо, по маловѣрїю напелму и немощи, различны заповѣди положилъ есть Богъ, яко да по своему тцанію кійждо избѣжитъ муки, и получить спасеніе: сего ради Апостоль наставляеть ны на совершенную Божию волю, никакоже насъ судимы быти хотя: вѣдый же, ко исправленію всѣхъ заповѣдей содѣйствующу молитву, не престаеть многочастнѣ и многообразнѣ о сей заповѣдуя, и глаголя: молящеся на всяко время духомъ, и въ сіе истое бдяще во всякомъ терпѣнїи и молитвѣ (Ефес. 6, 18). Отонудуже знаемъ яко молитва отъ молитвы разнствєяша есть: ино бо есть непарителною мыслію (м) молитися Богови: а ино еже предстояти убо тѣломъ, мыслію же парити: и паки, ино есть время смотрѣти, и по мірскихъ бесѣдахъ и неупраздненїяхъ упразднившуся помолитися: а ино, елико мощно, предпочитати и предвосхищати молитву паче мірскихъ попеченїй, по томужде Апостолу, глаголющему: Господь близъ; ни о чемже нецытєся, но во всемъ молитвою и молєніемъ прошенїя ваша да сказуются къ Богу (Филип. 4, 5, 6). Якоже и блаженный Петръ глаголетъ: уцѣломудритесь и трезвитесь въ молитвахъ, все попечєніе ваше возвергше на нь, яко той печется о васъ (1 Петр. 4, 7 и гл. 5, 7). Первѣе же и самъ Господь, вѣдый, яко вся молитвою утверждаются, глаголетъ: не пе-

---

(к) Не только въ познаніе, но и въ навѣкъ. (л) Неразвлеченность. (м) *По друг. чт.* не скитающеюся мыслію и не возмущаемымъ умомъ.



ытесе, что ясте, или что пѣте, или чимъ одеждитесе: но наче ищите царствія Божія и правды Его, и сія вся приложатся вамъ (Матѣ. 6, 31, 33). Негли же и въ болшу вѣру сими насъ призываетъ Господь: кто бо, о вривременныхъ попеченіе отвергы, и не скуденъ бывъ, не иметь вѣры Тому прочее и о вѣчныхъ благихъ? И самое же сіе явнотворя, Господь глаголаше: вѣрный въ малѣ и во мнозѣ вѣренъ есть (Лук. 16, 10). Обаче п въ семь о насъ челоуѣколюбства: вѣдый бо неизбѣжно суще дневное о плоти прилѣжаніе, не отсѣче повседневное попеченіе: но поустивъ намъ днешній, о утренѣмъ повелѣваетъ не пещися, зѣло приличнѣ и боголѣпнѣ, и челоуѣколюбнѣ: ибо нѣсть мощно плоть носящымъ и челоуѣкомъ сущымъ, о тѣхъ, яже суть тѣлесныя жизни, отнюдь непещися: зане сиртатися (и) убо многимъ въ мала молтвую и воздержаніемъ возможно есть; всеконечнѣ же презрѣнымъ быти, невозможно. Тѣмъ же хотяй въ мужа совершенна, въ мѣру возраста исполненія Христова достигнути (Ефес. 4, 13), по Писанію, не долженъ есть предпочитати наче молтвы всякая служенія, или безъ нужды привлекати, якоже бы приключилося, ниже приключающаяся по нуждѣ нѣкоей и смотренію Божію, извѣтомъ молтвы отрѣвати и отметати, но и различіе познавати, и смотренію Божію работати безъ испытанія. Не тако бо мудрствуий, ниже, по Писанію, заповѣдь заповѣди нышшу и обдержителну (о) быти вѣруеть, ниже, по Пророку, ко всѣмъ зановѣдемъ направлятися (Исал. 113, 128), смотрителнѣ сѣтающимъ его, хоцеть. Неизбѣжнымъ убо сущымъ нужднымъ и смотрителнѣ сѣтающимъ, отметати подобаетъ безвременная неураздненіи, предпочитая молтву: наче же (п) во многошждивеніе и лихонство имѣній насъ низвлескущая. Елико бо аще кто о Господѣ вос-

---

(и) Сократить многое въ малое. (о) Общую, главную. (п) Наче же отметати.

тягнетъ сія, и излишняя ихъ вещества отсѣчетъ, толико и мысль отъ пареній востягаетъ: и елико аще востягнетъ мысль, толико и чистѣй молитвѣ дастъ мѣсто, и вѣру же во Христа (р) показываетъ. Аще же кто, маловѣрія ради, или иныя ради нѣкія немощи, сего творити не можетъ, то поне истину да познавасть, и по силѣ да простирается, младенчество свое обвиняя. Лучше бо есть о оскудѣніи дати слово, а не о прелести и возношеніи: о немже да увѣрити тя притча Господня, единого фарисеа, а другаго мытаря приводящи. Тѣмже и мы да покушаемся всякое мірское попеченіе надеждою и молитвою отражати: не могуще же сіе совершеннѣ исправить; Богови да приносимъ о оскудѣніяхъ исповѣданіе, отъ тцанія же еже о ней да не отступаемъ: лучше бо есть порещися (с) о оскудѣніи частпѣмъ, а не о всеконечнѣмъ оставленіи. (т) О всѣхъ же, о молитвѣ и неизбѣжномъ служеніи реченныхъ, многа намъ отъ Бога разсужденія требъ есть: еже познати, когда и кое неуипраздненіе предпочитати паче молитвы должни есмы: понеже кійждо въ любимой ему потребѣ упражняся, должное служеніе соверпати мнѣтъ, не вѣдый, яко ко благоугожденію Божию паче нежели своему, вещи пстязовати долженъ есть. Еще же и паче сего неудоборазсудно, яко и сія нуждныя и неизбѣжныя заповѣди, не всегда, ниже тыяжде: но одина паче другія во свое время предпочитатися должна есть. Понеже не всякое убо служеніе всегда, но во свое время совершается; молитвы же непрестанна намъ служба узаконоположися: сего ради паче бывающихъ безъ нужды (у) неуипраздненій предпочитати ту должни есмы. О семъ различіи вси Апостоли учаще народъ, привлещи тѣхъ въ служеніе хотяще, глаголаху: не угодно есть,

---

(р) Въ печатн. изд. дополн. искреннюю. (с) Подвергнутися укоренію. (т) *Друге. чт.* скрытіи (таланта). (у) *По друге. чт.* даже и по нуждѣ.

оставлшымъ намъ слово Божіе, служити трапезамъ. Усмотрите убо отъ васъ самѣхъ мужы свидѣлствованы седмь, ихже поставимъ надъ службою сею: мы же въ молитвѣ и служеніи слова пребудемъ. И угодно быть слово сіе предъ всѣмъ народомъ (Дѣян. 6, 2—3). Чесому же сими научаемся? — Яко не у могущымъ терпѣти въ молитвѣ, добро есть быти во служеніи, да не отъ обою отпадутъ: могущымъ же, лучше есть еже не нерадѣти о лучшемъ.

*Вопросъ.* Діканікъ же слышавъ сія, тако рече: како убо сущи въ мірѣ премудри, о молитвѣ нерадище, не падають, но любомудріемъ себе хранять?

*Отвѣтъ.* Старець же, возстенавъ, рече: добръ рекль еси, яко не падають: падше бо единою ужаснымъ и сугубымъ паденіемъ, онѣмъ возношенія и нерадѣнія, глаголю, ниже востати могутъ безъ молитвы, ниже имуть, отъонудуже падуть. Кое бо есть еще попеченіе діаволу, боротися со присно долу лежащими и никогда же востающими? Едини убо суть, овогда убо побѣждающіи, овогда же побѣждаеміи: падающіи, востающіи: оскорбляющіи, оскорбляеміи: ратующіи, ратуеміи: а друзіи въ первомъ паденіи многога ради невѣжества пребывшіи, и ниже вѣдущіи яко надоша, къ нимже съ жалостію Пророкъ бесѣдуеть: еда падай не востаетъ, или отвращаяся не обратится (Іер. 8, 4.)? И наки: востани спяй, и воскресни отъ мертвыхъ, и освѣтитъ тя Христосъ (Ефес. 5, 14.): къ не хотящимъ же востанія трудъ воспріяти, и въ молитвѣ пребывати, и о благочестіи утѣсеннымъ быти будущаго ради царствія, глаголетъ: въ погибели твоей, Израилю, кто поможетъ тебѣ (Ос. 13, 9.)? Нѣсть струиъ, ни лзва, ни рана палящая (Ис. 1, 6.), ниже что отъ случающихся безъ воли золь: вольна бо есть сія рана сія есть иже ко смерти грѣхъ, ниже инѣхъ молитвами исцѣляемый. Врачевахомъ бо, глаголетъ, Вавилона, и не исцѣли (Іер. 51, 9.): занеже самопроизволенъ есть

сей недугъ, и пѣсть пластыря приложити, ниже ея, ниже обязаній (Ис. 1, 6.), сирѣчь помоществованій отъ нихъ. Сія и таковая провѣщаваеъ Божественное Писаніе ко уничижающимъ молитву, и, безъ нужды и немощи, часами и временами сію онредѣляющимъ: Господу убо, всегда ночь и день; Апостолу же, непрестанно сію приносить всемогущему Богу законоположившу. Се и ветхій завѣтъ како возбраняеъ уповающаго на себе и о премудрости своей возносящагося, глаголя: Буди упова на Господа всемогущимъ сердцемъ твоимъ: о твоей же премудрости не возносиа (Притч. 3, 5). Сія же не суть едины точію глаголи, якоже нѣкимъ возмѣся, и сего ради книги стяжаша, и уразумѣше написанныхъ силу, и ничтоже отъ сихъ содѣлавше, цренищаваются о нагихъ разумѣніихъ; п словеса и изысканіи себе хваляще, веліе у неискусныхъ любомудрія носятъ имя, трудолюбія же не коснувшеса, ниже дѣлу тайнонаучившеса, много отъ Бога и трудолюбивыхъ и благочестивыхъ мужей приѣмлютъ цореченіе: занеже вводителяго разума (Ф) Писаній не на дѣло, но на показаніе злоупотребивше, сущія по дѣйству благодати Духа святаго лишіася. Сіи суть хвалящіяся въ лице, а не въ сердца (2 Кор. 5, 12). Тѣмже неискусніи дѣла должни суть того коснутися: реченная бо въ Писаніи, не да уразумѣемъ точію, но яко да та и сотворимъ, рекошася. Да начнемъ же убо дѣло: тако бо послѣдованій предсѣюще, обрящемъ, яко не точію на Бога надежда, но и извѣстна (х) нѣра, и нелицемѣрна любы, и незлопомѣніе, и братолюбіе, и воздержаніе, и терпѣніе, и разумъ внутренній, и искушеній избавленіе, и даровъ дарованій, и исповѣданіе сердечно, и слезы прилѣжны, молитвою вѣрнымъ прибываютъ: не точію же сіа, но и находящихъ скорбныхъ терпѣніе, и чиста ближняго любы, и закона духовна познаніе, и правды

---

(Ф) Разумѣніи. (х) Твердал.

Божіа обрѣтеніе, и Духа свята наптіе, и сокровище духовныхъ даваніе: и вѣя елики обѣтова Богъ подати вѣрнымъ челоуѣкомъ, и здѣ и въ будущемъ вѣцѣ. И отнюдь по образу Божію явитися души не возможно, точію благодатію Божіею, и вѣрою челоуѣка, съ многимъ смиренномудріемъ и не парителною молитвою во умѣ (ц) пребывающаго. Како убо таковыхъ и толкихъ благихъ за невѣдѣніе и о молитвѣ нерадѣніе лишившіися, глаголють: не падохомъ, и премудрость себѣ приписують, ниже свое поверженіе вѣдуши, окаянни опаденіи, окаянши о неискусствѣ? Сіе точію приобрѣтающе, яко насъ устроятъ множае вѣровати Писанію глаголющему, премудрость міра сего буйство быти у Бога (1 Кор. 3, 19): сходящая же отъ Бога, свыше есть отъ Отца свѣтовъ, сяже знаменіе есть смиренномудріе. Хотящій убо челоуѣкомъ угождати, вмѣсто Божественныя челоуѣческую пріяша; и тою напыщаваеми и внутрь хвалящися, многи отъ простихъ прелестиша; уиѣдавше, не въ трудѣхъ благочестія и молитвы; но въ препрѣтелныхъ челоуѣческія премудрости словесѣхъ любомудрствовати: юже и Апостоль частѣ порицаеть, и испраздненіе креста именуеть: глаголетъ бо въ посланіи еже къ Коринояномъ: не посла мене Христось крестити, но благовѣстити; не въ премудрости слова, да не испразднится крестъ Христовъ: и наки: Буяя міра избра Богъ, да премудрыя посрамитъ: и худородная міра и уничиженная избра Богъ, и не сущая, да сущая упразднить: яко да не похвалится всяка плоть предъ Богомъ (1 Кор. 1, 17. 27—29). Аще убо Богъ не во глаголѣхъ еллинскія премудрости, но во трудѣхъ молитвы и смиренномудрія благовольтъ, якоже указася: то точно суемудрствуютъ, и первый образъ благочестія, яко неудобопсравляемъ, оставше, ниже вторымъ или поне третимъ

---

(ц) *Друг. Чит.* въ сердцѣ.

спастися хотять, но вѣ священныя оградѣ водворяются (ч)?

Схоластикѣ же хотяшу уразумѣти, кѣи суть сіи благочестія образы, постникъ отвѣща: Три образа суть благочестія: Первый есть, еже не согрѣшати: второй, еще согрѣшившу терпѣти находящая скорбна: Третій же образъ, еже не терпящему плакати о оскудѣннѣхъ терпѣннѣхъ: яко здѣ не исправимыя намъ приличными примиреніи, (ш) нужднѣ прочее тамошній на ны судѣ наводитъ: развѣ бы точию плачущая ны и смѣрившаяся видѣвъ Богъ, якоже вѣсть, все-силою своею благодатию не изгладилъ ли бы грѣхи наша. Аще же о нерадннѣхъ предреченныхъ плачь и смиреніе оставше, еще себе словеса мірскія премудрости защищаемъ, яко да сими и на благоговѣйннѣхъ возносимся; како помилуваннѣ будемъ прочее, противная милости творяще? О како увѣщательна есть страсть челоуѣкоугодія и неудобообрѣтна, яко и надѣ мудрыми обладаетъ! Зане прочіихъ убо страстей дѣланія, причастникомъ ихъ удобообна суть; тѣмже и плакати и смиренномудрствовати удержанныя ими сотворять: челоуѣкоугодіе же глаголы же и образы благочестія прикрывается, яко ниже прелогн (щ) его познати удобно есть оболцаемымъ.

Схоластикъ рече: и кѣи суть тѣи челоуѣкоугодія прелози? Паче же прежде сихъ хошу уразумѣти, что есть челоуѣкоугодіе? вижду бо ты не естества послѣдованіемъ отвѣты умышляюща: но неученія виною вещи разсмотрѣвающа, (ъ) и несогласными свидѣтелствы порицающа полезная: тѣмже сего ми наименованія первѣ рцы свойственность, и тако вѣру

---

(ч) *Друг. Чит.* „и простѣйшихъ оболцають?“ (ш) Случаяли.

(щ) Уклоненія, извороты. (ъ) *Друг. Чит.* „Вижу, что ты, послѣдунъ вѣщаніямъ божественнымъ, не говоришь сообразнаго съ природою, а хочешь всѣхъ обвинять въ невѣжество.“

имѣти будемъ тебѣ, яко и родитѣйшій (ы) того вредъ постигль еси.

Постникъ же рече: Человѣкоугодіе есть, якоже мню, еже человѣкомъ угождати: сію вѣмъ наименованія сего свойственность.

Діканікъ же, яко о велицѣ нѣчесомъ удивлєся, о глаголь семь, рече: зѣло приличнѣ рекль еси. Почто убо, благоговѣйнѣше, порицаеши неправеднѣ праведное? Или не мнѣтся ли ти праведно быти, еже коемуждо своихъ дѣлъ испытаніе не себѣ отдавати, но испытаніе и судъ благаго инѣмъ попушати паче, нежели самѣмъ себѣ? Азъ же глаголю, никакоже добродѣтели составляются или именоватися вещи не угодной (ь) человѣкомъ, ниже отъ ближняго имущей (ѣ) похвалу, еже и Божественное Писаніе слышахъ глаголюще: Да похвалить тя искренній, а не твоя уста: чуждїи, а не твои устѣвѣ (Притч. 27, 2): и паки: кїйждо васъ ближнему да угождаетъ во благое къ созиданію (Рим. 15, 2): и паки: безпреткновенни бывайте Іудеємъ и Еллиномъ, и церкви Божіей (1 Кор. 10, 52). Кто же можетъ, не угождая человѣкомъ, безпретковенъ быти? Почто убо толико углубилъ еси человѣкоугодіе порицаая? Аще же подобаеть, по тебѣ, не угождающыя человѣкомъ наче, неже угождающыя, похваляти: то время ти есть и разбойники, убійцы, и хищники, и навѣтники, и прелюбодѣи похваляти, понеже ни единому отъ человѣкъ угождаютъ. Аще же о реченныхъ тобою мы даже до нынѣ умолчахомъ, да не удивилися: не бо яко не вѣдающе Писаній, ниже яко не разумѣюще праведнѣе, но хотяще прежде услышати ваша слова. Вѣмы же и прощеніе подаяти въ словѣ погрѣшающимъ, егда не волею, но ненаказанія виною сіе

---

(ы) Главнѣйшій. (г) По друг. чт. „никакоже добродѣтели именоватися, еже бы не угождати.“ (ѣ) Пытти.

творять, и благимъ нареченіямъ злобу приписують, еже и ты кромѣ произволенія пострадалъ еси, благоговѣйнѣе: хотя бо, якоже мню, явно сотворити самоугодіе и сего злая, наименовалъ еси то челоукоугодіемъ. Понеже убо тебѣ не прилѣжаніемъ (э) но неученіемъ прииде: праведно бы было, наименованію явлшуся, (ю) и винамъ, яко ложнымъ, приумолчанымъ быти: яже толико злы и неудобообрѣтны показалъ (я) еси быти, яко и надъ мудрыми владѣти.

Постникъ же, познавъ, яко явѣ о обличеніихъ негодуеть, и ямущая рещися отмещеть, безгласенъ бысть мало, якоже назнаменати вѣсѣмъ слышашымъ, яко о умышленіихъ удивлся, составленія (о) остави. Отверзь же уста своя, рече: понеже не побѣдити, но сползоватися хотяще, на сія приидохомъ словеса: ты же даже донынѣ умолчалъ еси, не яко не вѣдый праведнѣе, якоже реклъ еси, но первѣе отъ насъ услышати повѣсть (v) хотя: сего ради молимъ честность твою, конецъ дати обѣщанію, и научити насъ, яко не самоглчнѣ, но иноименнѣ порицаетъ челоукоугодіе Божественное Писаніе, еже все добрѣ вѣдый, не добрѣ даже до нынѣ умолчалъ еси: тако убо яже отъ Писанія тебѣ глаголющу, не точію о предреченныхъ повинемся (а), но и по многихъ ивѣхъ повѣданіихъ послушаемъ тя праведна глаголюща: аще и отъ простоты, якоже реклъ еси, имена возпремѣннвшіе, добродѣтель вмѣсто страсти обвинихомъ.

Схоластикъ же, сія слышавъ, отвѣща: не рѣхъ, все писаніе вѣмъ, но отъ части. Ты убо мя во еже глаголати не призывай: но наченъ, аще убо скуденъ

---

(э) По друг. Чит. „не отъ небреженія, но отъ ненаученія.“

(ю) Пообъясненіи наименованія. (я) Мнилъ еси. (о) Такъ что вѣсѣмъ слушающимъ показалось, что онъ, бывъ пораженъ умозаключеніями, оставилъ составленіе доказательствъ. (v) Объясненіе дѣла. (а) Убѣдимся.



еси составленийъ (б), молчи, и отъ насъ прощеніе имѣти будеша: аще же мощно ти есть показати порицаемо по имени челоуѣкоугодіе, то глаголи, и мы нужднѣ, аще и не хощемъ, истину исповѣмы.

Постникъ же рече: да будутъ сія тако: неправедная же яже отъ тебе пореченія на ны, гдѣ положимъ?

Діканікъ глагола: въ долготерпѣнія законъ, о немже уже намъ прежде воспоминауль еси.

Старець же къ нему: похвалю твою премудрость, да не глаголю коварство, яко о невѣжествѣ милосердіе приввель еси, обѣщаніемъ подати (в), еже пріяти предусмотръвъ: обаче сія оставше, на подлежащее да приидемъ.

Слыши убо Писаніе, глаголющее пореченія на челоуѣкоугодіе. Первѣе Пророка Давида глаголюща, яко Богъ разсыпа кости челоуѣкоугодниковъ: постыдѣшася, яко Богъ уничижи ихъ, (Псал. 52, 6). И Апостоль глаголетъ: не предъ очима точію работающе, яко челоуѣкоугодницы (Еф. 6, 6): и паки: или иду челоуѣкомъ угождати? Аще быхъ еще челоуѣкомъ угождалъ, Христовъ рабъ не быхъ убо былъ (Гал. 1, 10). И многа ина такова въ Божественнѣмъ Писаніи прочеть обрящеша.

*Вопросъ.* Діканікъ же рече: что убо, яко и яже рѣхъ азъ, писана суть? Убо ли Писаніе несогласно есть себѣ?

*Отвѣтъ.* Постникъ рече: Писаніе нѣсть себѣ несогласно, но мы туо зримъ, ко усмотрѣнію (г) истины. Понеже бо не вси нечестиви суть челоуѣцы,

---

(б) Недоумѣваешь, какъ подкрѣплять положенія доказательствами. (в) Т. е. подати милосердіе, оказать состраданіе. (г) Къ показанію.

ниже вси благочестиви есмы : сего ради не всѣмъ угождати должни есмы , но точію благимъ : подобнѣ же не всѣмъ не угождати , но точію лукавымъ . Тѣмже и Господь , сіе явнотворя во Евангелиихъ , глаголетъ : Горе , егда добрѣ рекутъ вамъ вси человекѣ ( Лук . 6 , 26 ) . Не точію же въ снхъ , но и въ самыхъ мнящихся добрыхъ , человекѣугождати насъ возбраняеть : егда не обличенія ради и подражанія , но похвалы ради и нѣкоего ради воздаянія показуемъ добрая человекѣмъ . И въ лѣпоту : аще бо воздаянія ради тѣлесна угождати кто человекѣмъ хочеть , иедино отъ Бога дарованіе духовно пріемлетъ , ниже получаетъ тамошняа воздаянія , воспріемля мзду свою : якоже и Господь во Евангелиихъ яви не единою , но многократнѣ егда и о молитвѣ , и о постѣ , и о милостыни заповѣдая : крыти та отъ человекѣ повелѣ ( Мато . 6 , 2 . 3 . 16 ) .

Схоластикъ же , еще глаголемымъ словесемъ симъ , рече веліимъ гласомъ : довольно есть , извѣствованъ есмь : остаеть же тебѣ , не въ годаніихъ , ни въ подобіи , но явѣ рещи , кѣи суть человекѣугодія прелози ( д ) : да разумѣемъ извѣстно , суть ли , якоже рекль еси , темнши и неудобоборѣтнши , яко мощи тѣмъ отай и надъ мудрыми владѣти .

Постникъ глагола : слыши разумно , и возвѣщати по имени : ты же вонми , не обрящешши ли тыя новсѣхъ страстію усвоемы . Первая и мати прелоговъ снхъ есть невѣріе : тому же прочее , яко чада , припослѣдствуютъ : зависть , ненависть , лесть , рвеніе , распря , лицемѣріе , лицепріятіе , предъ очима работаніе , оглаголаніе , лжеговѣнія образъ , а не истины , и елики таковы неудобоявны и темны страсти : горшее же всѣхъ , яко суть нѣщны , иже премудростію словесъ хвалять сія , яко добра , и вредъ иже въ нихъ прикрываютъ . Аще же хоцешши , и коварство

---

( д ) Извороты .

Ихъ отчасти явѣсотворю: коварный челоуѣкоугодникъ иному совѣтуя, другому навѣтуеъ: иного похваляя, другаго порицаеъ: уча ближняго, себе хвалитъ: на судѣ соглагольникъ бываетъ, не да праведное судитъ, но да врагу отищаеъ: съ ласканіемъ обличаетъ, дондеже поношая врага своего, пріять будетъ: безыменно оболгаваетъ, да оглаголаніе свое прикрываетъ: заклинаеъ нестяжатели, да исповѣдять оскудѣвающая, яко подаати хотя: и егда рекутъ, яко просящихъ разглашаеъ; предъ неискусными хвалитъ, а предъ искусными смиреннословитъ, отъ обоихъ похвалу ловя; похваляемымъ добродѣтельнымъ негодуеъ, и привергъ ину повѣсть, отъемлетъ похвалу: князей отсутствующихъ оуждаеъ, а присутствующихъ въ лице славитъ: смиренномудрымъ ругаетъ, и учителей подглядаеъ, воеже укорити: простоту поношаеъ, да яко премудра себе покажетъ: всѣхъ добродѣтели пренебрегаеъ (е), злобы же въ памяти носитъ: и отнюдь (ж) времена ловитъ, и лицамъ работаеъ: яко да извѣстну сотворитъ многообразную челоуѣкоугодія страсть: скривати покушаеъ своя злая, чуждыхъ вопрошеніемъ. Истиннии же иноцы не тако, но сопротивнѣ: иныхъ милосерднѣ презираютъ (з) злая, своя же Богу явѣтворятъ: тѣмже отъ челоуѣкъ невѣдящихъ намѣренія сего, и оуждаеми суть: не бо толико челоуѣкомъ, слико Богу угождати тщатся: ово убо благоугождающе, ово же и себе умаляюще: о обоихъ ожидающе отъ Господа воздаянія, рекшаго: возвошаяй себе, смиритъ: смираяя же себе, вознесетъ (Лук. 18, 14).

Схоластикъ же, поболѣвъ о обличеніихъ, рече: азъ и разумѣніемъ твоимъ, о постыиче, и коварству удивихся: еже вѣмъ поемля (и), самъ осѣненнѣ содержиши: лишаяся бо окружнаго наказанія, еже

---

(е) Умалаетъ. (ж) И, да кратко реку. (з) Не хотятъ видѣть.

(и) Другихъ обвиняя.

по Бозѣ буйство пріялъ еси, глаголя то премудрость быти величайшу и Богу благоугодну, съ нимже и молитву, и яже о благочестіи труды намъ предложилъ еси: яко да явственное ненаказаніе неявишь благоговѣніемъ прикryеши. Ащели же отнюдь дѣлатель еси твоихъ повѣданій, то утрѣ паки противоположше (слова) познаемъ. И сія рекъ, воставъ отъиде.

Старецъ же, проводивъ его и возвратився, со слезами моляшеся. Братія же моляху его стenanія вину рещи; онъ же рече: вижду нѣкія отъ васъ смущенны, и знаменіе пріяхъ, яко не на пользу, но на вредъ пріясте діканіково слово: и не спользованы, но досаждены быти себе вмѣнисте о реченныхъ. Сія же вина есть моего унынія, яко духовный законъ инѣмъ глаголемъ, сами же не блюдемъ; аще не послѣдовахъ, якоже подобаше, хотѣнію дряхлыхъ лицемъ, но ти держать законъ Божій, и вся скорбная не неправедно на ня находить вѣроваша, по Писанію; то, яко старцу, мнѣ прощеніе малоумія подайте: точію да вѣруемъ, яко случающихся намъ печальныхъ есмы повинни, аще и не ново, аще и не тѣмъжде вещми, но отъ нетха долга (i).

Тогда нѣкто отъ братій, уповая на воздержаніе, и сего ради не вѣдый истины, и вся убо скорбная терпѣти покушаяся, обаче неправедно, яко мученикъ, страдати мняся, съ дерзостію отвѣща, глаголя: гдѣ Писаніе, по винѣ коегождо и по праведну суду Божію находить на человѣки бѣдамъ рече?

Старецъ же, о нихже той рече, зѣло возрадовался лицемъ, глаголя: во многихъ главахъ сіе взыскавъ обращени, возлюбленне, и въ ветсѣмъ и въ новѣмъ завѣтѣ. Ащели же хочещи, в мы тебѣ мала

---

(i) Сами виновны, если и не по тому, что теперь говорили, или дѣлали, то по причинѣ нашихъ старыхъ долговъ.

явимъ : ты же уразумѣвъ , отвержи высокоудріе , паче же зломудріе , и стяжи смиреніе Бога глаголющаго : возмите иго Мое на себе , и научитесь отъ Мене , яко кротокъ есмь и смиренъ седдема : и обратете покой душамъ вашимъ (Матѳ. 11, 29).

Послушникъ же , натекъ на слово то , рече : аще кійждо отъ насъ въ семь подражаетъ смиреніе Христова , во еже свой долгъ вмѣнати паходящая , якоже рекль еси , явѣ , яко и Христосъ пострадавъ , Свой долгъ соверши : тѣмже азъ хулника вмѣняю быти сія глаголющаго .

Слышавъ же сія Игуменъ , глагола : азъ убо покушахся , предваршій (к) твой вопросъ первѣе разрѣшити : а повеже и сей другій привергль еси , яко отъ сліянія вопросовъ прикрыти рѣшенія ; мы во Господѣ и о семъ извѣстно сотворимъ , приличная сопротивъ вопросивше . Рцы бо ми , возлюбленне , заемлющій долгъ свой , тѣ ли едини должницы суть , или и испоручающіися о тѣхъ ?

Послушникъ же отвѣща , глагола : явѣ яко и испоручающіися о тѣхъ .

Старець же къ нему : разумѣй убо извѣстно , яко и Христосъ насъ воспріемъ , должника себе сотвори , по Божественнымъ писаніемъ : агнецъ Божій , взямаий грѣхъ міра : бывъ по насъ клятва (Іоан. 1 , 29 . Гал. 5 , 13) : за всѣхъ воспріемый смерть , и за вся ны умерый : по тебе ли точію не воспріять , сіе исповѣждь яснѣ , и мы побѣждени есмы .

Братъ же припадъ рече : аще и яко младенець погрѣшнхъ по невѣдѣнію , но избавителя вѣрныхъ и Воспріемника не отрицаюся : вѣмъ бо , яко нѣсть иныя надежды спасенія чловѣкомъ , Апостолу глаголюшу :

---

(к) Прегній .

яко вси согрѣшиша, и лишени суть славы Божія; оправдаеми туне благодатию Его (Рим. 3, 23). Сползовавшимся же всѣмъ о познаніи и покаяніи брата, старецъ рече: остается прочее намъ показати отъ Писанія, яко ничтоже отъ случающихся печальныхъ на коегождо неправедно находить, но вся по праведну суду Божию: овѣмъ убо, о своихъ си злыхъ, овѣмъ же, о ближняго страждущимъ, въ нѣдро входятъ вся неправеднымъ: отъ Господа же вся праведная (Притч. 16, 33). Сего ради глаголетъ: нѣсть зло во градъ, еже Господь не сотвори (Амос. 3, 6): и пакы: вся дѣла Господня съ правдою: (Прит. 16, 9): и, еже съеть каждо, сіе и пожнетъ (Гал. 6, 7): и, аще неправда наша Божию правду составляетъ, что речемъ? Еда ли неправеденъ Богъ наносяи гнѣвъ? да не будетъ (Рим. 3, 5). Се и тріе отроцы, въ пещь повержени бывше, учатъ ны сему мудрованію: по своей винѣ (Дан. 3, 28, 31), и по Божию повелѣнію глаголюще ввержени быти, аще и ихъ воспріяша лице. И снятый Давидъ, отъ Семеа оскорбляемъ, повелѣніемъ Божиимъ и своя ради вины исповѣдаетъ оскорбляемъ быти (2 Цар. 16, 11): и Исаіа же, и Іереміа, и Іезекіиль же, и Данииль, и прочіи Пророцы людемъ и языкомъ будущая скорбна по коегождо грѣху находить на ны пророчествоваху: купно и вины и наведенія предъявивше глаголють бо: сихъ ради, понеже глаголаху сія, и творяху сія и сія, наидоша на ны сія и сія. И во исалмѣ блаженный Давидъ, сіе явнотворя, глаголаше: Разумѣхъ Господи, яко правда судьбы Твоя, и воистинну смирилъ мя еси (Псал. 118, 73): и пакы: Поношеніе безумному далъ мя еси. Овѣмѣхъ и не отверзохъ усть моихъ, яко Ты сотворилъ еси (Псал. 38, 9, 10). Тѣмже и мы о тѣхъ, яже слышахомъ отъ Діаканіка, яже святаго Давида глаголати ко Богу должны есмы, еже: овѣмѣхъ и не отверзохъ усть моихъ, яко Ты сотворилъ еси: и благодарити, яко прикровенныхъ въ насъ лукавыхъ мыслей обличителя того посла Богъ:

да мысли наша пзвѣстно разсмотривше, себе исправимъ, и не сомнимся, аще множайшее злобы своєю не вѣмы: совершенна бо мужа есть, незабывательну быти о своихъ умаленіихъ. Аще бо явственна умаленія неудоборазумѣваема суть, то много наче помышленія: мы же, множайшее злобы своєю не вѣдающе, смущаемся о наведеніихъ. Уразумѣимъ убо, яко словесни, яко на пользу нашу наводитъ Господь наведенія, и многа добра тѣми въ насъ дѣлаетъ: первѣе, обрѣтеніе тайнѣ содержащихъ ны злыхъ мыслей: по обрѣтеніи же сихъ, и смиренномудріе прилагаетъ истинное и непритворное: таже суетнаго возношенія избавленіе, и отнюдь всякія злобы внутрь таянціяся откровеніе по писанному: Проникоша вси дѣлающіи беззаконіе, яко да потребятся въ вѣкъ вѣка (Псал. 91, 8). Сіе убо извѣстно вѣдите, братіе, знающе, яко аще наведенія съ вѣрою и благодареніемъ не терпимъ, то внутрь сокровенную злобу обрѣсти не можемъ: сей же не обрѣтшейся, ниже настоящія злыя помыслы отврещи можемъ, ниже прежде бывшихъ золь очищенія взыскати, ниже о будущихъ утвержденіе пріяти.

*Вопросъ.* Аще глаголи схоластика обличеніе суть дѣла нашихъ, то почто реченнымъ повинны себе не обрѣтаемъ?

*Отвѣтъ.* Наведенія и обличенія, явѣ не уподобляются винамъ: по духовному же, всю хранятъ правду. Сіе же и отъ святаго Писанія уразумѣти можемъ: еда бо подъ столпомъ Сілоамскимъ умершіи на нѣхъ столпъ потрясоша? И отведеніи на покаяніе въ Вавилонъ плѣнницы седмьдесятъ лѣтъ, иныя нѣкія плѣнники взяша ли на покаяніе? Не тако суть наказателніи случаи: но якоже воины, егда яти будутъ согрѣшивше, біеми суть убо, но не таяже страждутъ, якова зла сотвориша: тако и вси наказуеми есмы находящими благовременнѣ убо и приличнѣ, и къ покаянію: но не подобообразнѣ, ниже въ тожде

время, ниже тѣмжеде вещми: и сіе есть сже при-  
водитъ многихъ въ невѣріе правды Божія, (сирѣчь)  
вина (л) времени, и неподобіе наводимыхъ.

*Вопросъ.* Тѣмже, понеже многи находятъ на ны  
скорбны вещи, оно убо отъ челоуѣкъ завидящихъ,  
оглаголюющихъ, клеветующихъ, ласкающихъ, заблуж-  
дати творящихъ, прелщающихъ, подкошывающихъ,  
крадущихъ, лишающихъ, соблазняющихъ, вражду-  
ющихъ, презирающихъ, ненавидящихъ, ратующихъ,  
біющихъ, гонящихъ, и елика челоуѣкомъ отъ чело-  
уѣкъ находятъ: или отъ тѣла своего безчинствующа,  
ратующа, покоя хотяща, въ различны недуги и язвы  
падающа, многообразнѣ немощствующа: или внѣ сихъ  
случающаяся: угрызения совѣ, ядометныхъ или пло-  
тоядныхъ звѣрей: къ симъ, губителства, глади, труси,  
потопи, случан, мрази, знои, старость, убожество,  
удинение (м), и елика такова: ово же отъ духовъ  
лукавствія, къ нимже брань нашу быти Апостоль  
яви, словеса наша и дѣянія наблюдающихъ, чрезъ  
няже послѣдованнѣ подобны и помыслы наша быти  
усмотрѣвають, и влѣпоту: аще бо самовластный нашъ  
умъ со искусительными прилоги по причинѣ невѣрія  
бесѣдовать не будетъ, и оставль соборную (н) на-  
дежду, помыслы не подвигнетъ: то ниже словеса  
произносятся, ниже дѣянія совершаются: ты же рекль  
еси, яко всякія бѣды по винѣ соразмѣрнѣ на ко-  
еждо находятъ, въ познание правды Божія насъ  
влекуще: яви убо намъ вины, да тако вѣру имемъ,  
яко повинни наводимымъ есмы, и должни есмы пре-  
терпѣвати находящая скорбна: да не на судѣ, точію  
яко грѣшницы, но яко и исцѣленія не приѣмше, тяжшу  
имѣти будемъ муку.

*Отвѣтъ.* Всякаго случая вина суть помыслы  
коеждо: могль же быхъ рещи, яко и словеса и дѣ-

---

(л) *Дуг. чт.* „отсрочка.“ (м) Одиночество. (н) Во всемъ на-  
дежду на Бога.



янiя : а понеже сiя прежде мысли не происходятъ , сего ради все помысломъ приписаль быхъ. Помыслу убо предидушу , прочее словеса и дѣянiя подають намъ другъ ко другу приобщенiе. Два же суть образа приобщенiя : единъ отъ злобы , а другiй отъ любви. Приобщенiемъ же , якоже не вѣмы , другъ друга воспрiемлемъ : а воспрiятiемъ наведенiя нуждѣ при послѣдствуютъ , якоже глаголетъ Божественное Писанiе: поручайся за своего друга , врагу предасть свою руку (Притч. 6 , 1) , Тако кiйждо не точiю о себѣ находящая тернить , но и о ближнемъ , въ нихже того воспрiять.

*Вопросъ.* Молимъ уразумѣти единъ образъ воспрiятiя , глаголемъ же бывающiй отъ злобы.

*Отвѣтъ.* Воспрiятiе еже отъ злобы не полно есть ; но тако случается : воспрiемлетъ искушенiя якоже не хочетъ : лишай , лишаемаго : клеветай , клеветцемаго : лихонмствуай , лихонмствуемаго : утомляй , утомляемаго : оглаголуй , оглаголуемаго : (о) оболгавай , оболгаваемаго : и да не по единому глаголю : всякъ обидай , обидимаго по соразмѣрности воспрiемлетъ искушенiя . О семъ же и Божественное Писанiе свидѣлетвуеть , глаголющо : Праведный отъ лова убѣгнетъ : въ негоже мѣсто предается нечестивый (Притч. 11 , 8.) : и паки : изрывай яму искреннему своему , впадется въ нѣ : и валяй камень , на себе валить (Притч. 26 , 27.) : и паки : въ нѣдро входятъ несправеднымъ : отъ Господа же вся праведная (Притч. 16 , 33) . Аще убо неправда наша Божiю правду составляетъ во другъ друзѣ , по Апостолу , что речемъ ? Еда ли неправеденъ Богъ наносяй гнѣвъ на наказуемыя наведенiями , но и противу симъ безъ разсмотренiя свирипѣющыя ?

*Вопросъ.* Сiя тако быти вѣруемъ чрезъ послѣдованiе , услышавше ; прочее рцы намъ и воспрiятiе еже отъ любви.

---

(о) Въ греч. дополн. „презираай , презираемаго.“

*Отвѣтъ.* Воспріятіе еже отъ любви есть, еже Господь Иисусъ намъ предаде: первѣе, исцѣливъ не мощи наша душевныя, таже дѣля всякъ цѣдуть, и всяку болѣзнь; взявша грѣхъ міра: естество чистое паки устроая вѣрующимъ Ему извѣстно; смерти избавленіе: благочестіе предавъ, благочестію уча: любви ради злострадати до смерти, показуя: къ симъ же терпѣніе причастиемъ Духа даровавъ намъ, и будущая благая, иже око не видѣ, и ухо не слыша, и на сердце челоуѣку не въздоша (1 Кор. 2, 9). Тѣмъ же и искушенія за ны воспріемлетъ: поношаемъ, поругаемъ, вяжемъ, предаемъ, по ланитомъ бьемъ, оцѣтомъ и желчію напоаемъ, гвоздми пригвождаемъ, распинаемъ, копіемъ прободаемъ. Тако намъ плотию и духомъ приобщився, и яже за ны страсти воспріемъ, паки святымъ Апостоломъ и учиникомъ предаде законъ сей, Пророкомъ, Отцемъ, Патріархомъ, овѣхъ убо прежде научивъ Святымъ Духомъ, овѣмъ же показавъ пречистымъ тѣломъ Своимъ. Сіе убо воспріятіе являя, глаголаше: не бойтеся, Азъ побѣдихъ мръ (Іоан. 16, 33.): и паки: азъ за нихъ свящу себе, да и ти будуть священи воистинну (Іоан. 17, 19.): и паки: болши сея любви никтоже имать, да кто душу свою положитъ за други своя (Іоан. 15, 13). Тѣмъ же и святой Павелъ, подражая Господа, глаголаше: Нынѣ радуюся во страданіихъ моихъ о васъ, яко исполняю лишеніе скорбей Христовыхъ во плоти моей за тѣло Его, еже есть церковь (Кол. 1, 24): и той еже отъ любви воспріятіе гадателствуя. Хочешіи же ли яснѣе познати, како намъ вси Апостоли мыслию и словомъ и дѣяніемъ приобщившася, и приобщеніемъ за ны воспріяша искушенія? Мыслию убо: писанія намъ предлагающе, пророчества отверзающе, Христу вѣровати, яко Избавителю, увѣщавающе, служити Ему, яко по естеству Сыну Божию, извѣствующе, за ны молящеся, елезяще, и елика вѣрныя суть мысли (п) Словесы же: моляще, запрещающе,

(п) *Друг. чт.* „и дѣлая все, что можно сдѣлать вѣрнымъ мыслию.

учаще, обличающе, маловѣрію нашему поношающе, невѣжество наше порипающе, Писанія сказующе, время явнотворяще, Христа исповѣдающе и Того за ны распята бывша проповѣдающе, Слово вочеловѣчшееся единого, а не два глаголюще быти, аще и изъ двою (р) быти разумѣвается, соединенныхъ нераздѣльно и несліянно, во всякомъ времени и мѣстѣ и вещи зловѣріе возбраняюще, лжѣ не согласующе, съ хвалящимся по плоти не собесѣдующе, со тщеславнымъ не пребывающе, кичителя не боящся, лукавнующа уничижающе, смиренныя приѣмлюще, благоговѣйныя усволюще, и насъ таяжде творити научивше. Дѣяни же: гоними, поругаеми, лишаеми, оскорбляеми, озлобляеми, въ темницу всаждаеми, убиваемы, и елика такова за ны пострадаша. Тако убо приобщеніемъ воспріяша и искушенія наша: аще бо, глаголють, скорбимъ, о вашемъ спасеніи: аще ли утѣшаемся, о вашемъ утѣшеніи: законъ отъ Господа приѣмше глаголющаго: болши сея любве пиктоже имать, да кто душу свою положить за други своя (Іоа. 13, 13). И тиі намъ предаша, глаголюще: аще убо Господь душу Свою по насъ положи: и мы должни есмы души наша по братіи полагати (1 Іоа. 3, 16.): и пакн: другъ друга тяготы носите, и тако исполните законъ Христовъ (Гал. 6, 2.). Аще убо познахомъ два образа другъ ко другу приобщенія, (сирѣчь) еже отъ нужды, и еже отъ любве послѣдствующее воспріятіе: то и сообразнѣ съ тѣми случающася искушенія не любопытствуимъ, еже како, или когда, или чрезъ кого находятъ: приличность бо коегождо: и не отложное ихъ тщаніе, (с) и всея твари о семъ содѣйствіе, единого Бога есть вѣдѣти. Мы же должни есмы точію вѣровати правдѣ Божіей, и вѣдѣти, яко все нашедшее на ны неволею, или любве ради, или за злобу намъ прииде: и сего ради терпѣти подо-

---

(р) Естество. (с) Ибо это свойственно каждому: а ускореніе ихъ, не отлагаемое до другаго времени....

баеть и не отрѣвати то, да не приложимъ грѣхъ на грѣхи наша. Прежде всѣхъ молю вы, братіе, опаснѣ внимати реченнымъ: да не и мы бесполезнѣ за словеса искушенія терпимъ, и вы за уныніе реченная забвенію предадите: забвеніе бо унынія есть дщи: обоя же невѣрія исчадія суть.

На сія отвѣщаша братія: усерднѣйше буди о повѣданіи семь, о Отче! Мы бо вѣмы, яже слышахомъ, извѣствуема отъ Писанія, сія глаголющаго, яко безъ правды Божія вичтоже отъ невольныхъ человекѣмъ случается, аще и таинственное случаетъ стеченіе, и приличное тѣщаніе (т), человекѣи суще, не постизаемъ, якоже и самъ прежде рекль еси. Тѣмже о реченныхъ безъ попеченія бывъ, рцы намъ прочее, что есть воля плоти, и како отъ ума бысть? (у) Схоластикъ бо вопросы точію, есть ли, а еже како, или что есть, не вопросы.

На сія рече постникъ: воля плоти есть естественное тѣлесе движеніе, съ послѣдующимъ безъ помысла раждеженіемъ: яже своимъ и удесъ отрадою крѣпость приемлють, о нихже и блаженный Петръ глаголетъ: не дивитесь еже въ васъ раждеженію, ко искушенію вамъ бываему, яко чужду вамъ случающуся (1 Петр. 4, 12). И блаженный Павелъ о сихъ рече: плоть похотствуетъ на духа, и духъ на плоть: тѣмже и заповѣдаетъ глаголя: духомъ ходите, и похоти плотскія не совершайте (Гал. 5, 17, 16). Сія же рѣша, не сочетанныхъ насъ съ таковыми движеніи быти хотяще, о Христѣ Исусѣ Господѣ нашемъ: съ нимже Отцу слава со святымъ Духомъ, во вѣки вѣковъ, Аминь.

---

(т) Ускореніе. (у) Друг. чт. вѣнь ума пребылати можетъ.

# ВОСПИСАНІЕ ОТЪ НИКОЛАЯ КЪ МАРКУ ПОСТНИКУ.

## СЛОВО ПЯТОЕ.

*(А въ рукописи 6-е потому что пятымъ названо  
тамъ посланіе къ Николаю иноку, которое напе-  
чатано въ Добротолюбіи.)*

Благодареніе Богови, благодареніе. Благодареніе, превосходящему и неисповѣдимому Его дару, яко челоуѣколюбствова о души во страстѣхъ лютыхъ содержимѣй, и вся крѣпости отчужденнѣй, и постѣтилъ есть милосерднымъ и всецѣло на Бога возложеннымъ произволеніемъ, глаголю же, добродѣтелною и Богу прилѣпленною преподобною твоею душею: еуже послася ми искра блистающа, исполнь свѣта Божественна, и удица пмуша льщеніе (ф) духовно: и свѣтпникомъ глаголювъ труда и любве, отъ согласнаго (х) Богу помысла рожденныхъ, исторже окалнную мою душу отъ мрачнѣйшія тмы и бури, и возникнути сотвори мысли моея изряднѣ Владыка отъ возвѣщенныхъ ми тріехъ исполнивъ. Воистинну бо исполнили суть велицы и свирѣни, никогдаже престающе ратовати челоуѣческой родѣ. Кого же тако свирѣно и люте содержати на земли, якоже мене злѣ и своєю волею отъ нихъ еще господствуема? Но иже никогдаже веселяйся о погибели живыхъ, помилова и показа долготерпѣніе Свое и милосердіе челоуѣколюбія, и подвиже оный благочестивый помысль, и возбуди сномъ глубочайшимъ низлежащее произволеніе, и показа и яви мнѣ предреченныя исполнины: глаголю же, первѣе, забвеніе изгнавшее Адама изъ райа, аще бѣ не бы забылъ заповѣдь Владыки, не бы отпалъ отъ таковыя славы: и уныніе, имже унывъ послуша супруги: и невѣдніе, имже не увѣдѣ, что бѣ и что бысть. Сія три духи явлены ми сотвори

---

(ф) Приманку. (х) соединеннаго.

Господь Иисусъ Святымъ Духомъ, живущимъ въ тебѣ. Посла бо воистинну мечь обоюду остръ, еже есть глаголь Божій, и разсѣче полма умъ со многою тишиною. Не точію же до сего ста, но и сладость нѣкую духовну воистинну твоихъ глаголь вложи въ произволеніе мое. Коликими убо усты и коликими языки возмогу достойнѣ возблагодарити истинному Владыцѣ Богу о воспоминаемыхъ ми тобою благодарныхъ, или пакы о посланіи благохудожныхъ и благоутробныхъ глаголь и возбуждателныхъ души ко взысканію истины и блюденію заповѣдей Божіихъ, и о многой пользѣ ходити хотящаго путемъ Господнимъ, отводящимъ въ жизнь вѣчную? Не точію же мнѣ таковая польза словеса сими бысть, но и елици та слышаша, велики просвѣтися ихъ мысль, и многу пользу пріѣша отъ явственнѣ глаголаныхъ глаголь. Сего ради глаголи сіи, яко вещи, извѣствовани (ц) быша: и словеса сія не слышашася яко словеса, но яко дѣло явно, подлежащее предъ очима нашими: абіе бо вложи слово сіе трезвѣніе много въ произволенія. И понеже дѣйствуя бѣ слово сіе, то не пребысть праздно: но абіе класы пзрати, и плодъ зрѣль показа: и не точію до сего ста, но и ненасытенъ бысть (ч), якоже бо вѣсть Богъ: елижды бо аще прочту, сытости не пріемлетъ окаянная моя душа. Молитвою убо твоя святости, будетъ даръ сей, еже пребыти во мнѣ небеснѣй искрѣ, и погубити всеовершенно предреченныя исполны до конца: да не когда забудуся, и отъ самовластнаго произволенія предателствомъ вложу себе въ предреченная злая, и буду съдѣ врагомъ. Но вѣрую Господеву Иисусу Христу, живущему въ тебѣ, яко твоимъ преподобіемъ, и подобіемъ тебѣ подвизающихся, не презритъ, ниже предасть мя устомъ предреченныхъ исполнѣ: но всегда преподобными рабы своими воспоминаю, (ш)

(ц) Оказались твердыми: (ч) Бысть вѣждо. (ш) Дѣлая мнѣ напоминанія.

пусть Свой скажетъ ми окаянному, молитвами твоими святыми. Молюся убо и мился дѣю благоутробнѣй и преподобнѣй твоей души, да не зазриши ми о семь, яко уповать, дерзнухъ возначертати писмена святости твоей: но понеже видѣхъ отверсты утробы отеческія, аще и худыми писмены, молюся и мился дѣю, еже поминати мя на всякъ часъ: зане присно Господь посвщаетъ присѣдѣтеля и непрестаннаго служителя, глаголю же, достойнѣ очищенный уль благословенныя твоея души: яко да святынею твоею и азъ отъ золь моихъ избавленъ бывъ, обращу исходъ благъ, благодатию челоуѣколюбиваго Христа Бога: съ Нимже Отцу честь и держава, со Святымъ Духомъ, во вѣки, Аминь.

## ТОГОЖДЕ О РАИ И ЗАКОНѢ ДУХОВНѢ.

### СЛОВО ШЕСТОЕ.

*(А въ рукописи седмое.)*

Якоже отъ явныхъ дѣлъ возможно есть уразумѣти сокровенныя совѣты, тако отъ дѣлъ души возможно есть уразумѣти повѣданія Писанія. Сіе же не вси, но елицы злостраданіемъ отчасти безстрастіе стяжаша. Якоже бо будущая Писаніе повѣдаетъ, тако и дѣла души: будущая бо вся въ ней духовнѣ сокровенна суть: и ихже кто причастникъ есть отсюду, сихъ и тамо причастникъ есть. Егда убо услышиши Писаніе, повѣдающее райская, и Адамля, и зміева, внимай безстрастно сердцу твоему: и обращещи, рай убо, слово Божіе: а еже въ немъ наслажденіе, причастіе Святаго Духа: змія же, убивающа преслушаніемъ, присвивающееся сладострастіе, чрезъ дружество приносяющее и прелщающее насъ вкусити отъ древа, то есть, отъ попеченія житейскаго: не пецѣтеса убо о утріи. (Матѣ. 6, 34). Обоя бо вкуцъ тойже Богъ рече, реченное: воньже аще

день съѣсте отъ древа, смертію умрете (Быт. 2, 17.) и: внемлите, да не отягчаютъ сердца ваша объяденіемъ (Лук. 21, 34.): умерщвляетъ бо душу отъ попеченія и обиденія бывающая тма, изгоняя ту отъ духовнаго слова, и лишая ту Божественнаго дѣйства. Отъ сего убо древа возбраняетъ насъ Господь, глаголя: Ни о чемже печытесе, развѣ о царствіи. Елицы бо внидоша въ рай Божій, и сохраниша заповѣдь сію, не изгнани быша: но елицы земнаго возбранени быша, духовнаго сторицею насладившася, дѣйствениѣ и подобообразнѣ Благодати утѣшающей. Помолимся убо и мы сохранити ю, да пребывше во словеси Господни, насладимся наслажденія Духа и здѣ, и въ будущемъ. Якоже бо изгонится Адамъ, вкусивъ отъ древа разумнѣя, тако не можетъ пребывать во словеси Христовѣ мудрствуяи земная, по писанному: яко любы міра сего, вражда на Бога есть (1 Іоан. 4, 4). Тѣмже Писаніе глаголетъ: всяцѣмъ храненіемъ блюсти свое сердце (Прит. 4, 23.): да кто, яко рай, храня еже въ немъ слово, насладится Благодати, не слушая внутрь свивающагося змія, совѣтующаго яже къ сласти, изъ неяже раждается ярость братоубійственная, и умираетъ душа раждающая. Но слыши Госнода глаголюща: прилежите о вѣрѣ и надеждѣ, отъ нихже раждается Боголюбивая и челоѣколюбивая любы, вѣчный животъ подающая. Въ сей рай вниде Ное, заповѣдь храня и дѣлая, и любовію избавился отъ гнѣва. Сего храня Авраамъ, гласъ Божій услыша. Сего храня Моисей, славу на лицѣ пріять. Подобнѣ Давидъ сего храня дѣлаше, тѣмже надъ враги господствова. Но и Саулъ, донелѣже храняше сердце, поспѣшенъ бываше: егда же наконецъ преступи, въ конецъ оставленъ бысть. Мѣрою бо и сообразнѣ дѣйствуетъ Слово Божіе въ коемждо. Елико бо одержитъ кто, толико одержимъ есть: и елико хранитъ, толико хранимъ бываетъ. Сего ради весь ликъ Святыхъ, Пророкъ, Апостоль, Мученикъ, слово въ сердцахъ своихъ храняху, яи о чемже иномъ не-



кущесея, но земное презрѣша, и пребыша нъ заповѣди Святаго Духа, боголюбивое и благое предпочетше, не словомъ единымъ и разумѣнемъ нагимъ, но словомъ и дѣломъ, самѣми тѣми вещми: вмѣсто богатства избирающе нищету, вмѣсто славы безчестіе, вмѣсто наслажденія злостраданіе: тѣмже и вмѣсто ярости любовь: ненавидяще бо сладостная житія сего, отъемлющихъ та паче любяху, яко содѣйствующихъ имъ къ намѣренію: удаляющесея еже вѣдѣти доброе и лукавое: ниже бо благихъ человекъ отрицахуся, ниже злыхъ обвиняху, вся посланники Владычняго смотренія вмѣняяще: ко всѣмъ убо имѣяху благочинно любленіе. Егда бо слышаху Господа глаголюща: отпущайте, и отпустится вамъ (Лук. 6, 37): тогда обидящія благодѣтели вмѣняху, во отпущеніе имуще яже отъ нихъ вины: егдаже паки слышаху глаголюща: якоже хотите, да творятъ вамъ человекъ, и вы творите имъ такожде (Лук. 6, 31.): тогда и благихъ по совѣсти любяху. Оставше бо правду свою, и правды Божія взыскавше, обрѣтоша послѣдованно и любовь, въ ней по естеству внутрь сокровенну.

И Господь бо о любви многа заповѣдавъ, правды повелѣ Божія искати: вѣдаяше бо сію матеръ любви суцу. Невозможно бо инако спастися, точію чрезъ ближняго, якоже Господь заповѣда, рекъ: Отпущайте, и отпустится вамъ (Лук. 6, 37). Сей есть духовный законъ въ сердцахъ вѣрныхъ написуемый, исполненіе первата закона: не придохъ бо, глаголетъ, разорити законъ, но исполнити. (Мато. 5, 17). Како же исполняется, разумѣй: первый законъ благословною виною (щ) согрѣшившаго, осуждаше обидѣннаго: въ немже бо судить кто иного, себе осуждаетъ: а въ немже отпущаетъ, отпустится ему; тако бо законъ глаголетъ: посредѣ суда судъ, и посредѣ отпущенія отпущеніе. Исполненіе убо закона, отпу-

---

(щ) Не подразумѣвается ли здѣсь слово: „осуждая?“

щеніе есть. — Первый же законъ рѣхомъ, не яко Богъ два закона предаде челоуѣкомъ, но единый: духовный убо законъ по естеству, по отпущенію же, праведно наводящъ изреченіе: отпущающему отпущеніе, и пріистязующему пріистязаніе, глаголетъ бо: со избраннымъ избранъ будещи, и со строптивымъ развратишия (Псал. 17, 27). Сего ради духовнѣ его совершающіи, и по мѣрѣ того благодати причастницы сущіи, не точію благодѣлствующихъ, но и поношающихъ и гонящихъ любяху, духовную любовь воздаяніе чающе (ъ) благихъ: благихъ же глаголю, не яко обиды простиша, но яко и душамъ обидящихъ благодѣша: тако бо тѣхъ вмѣняху предъ Богомъ, яко тѣми блаженство получающе, якоже глаголетъ, блажени есте, егда ижденуть васъ, и поносятъ, и прочая (Мато. 3, 11).

Отъ духовнаго же закона тако мудрствовати научахуся: терпящимъ бо имъ, и умную кротость блюдушимъ, Господь видя терпѣніе сердца ратуема, и любве не отступающа, расторже средостѣніе ограды, и совершеннѣ вражду отверже: и не ктому съ нуждею, но съ помощію вмѣяху любовь: Господь бо прочее возбраняше обращаемое оружіе, воздвигающее помыслы: и вхождаху во внутреннѣйшее завѣсы, идѣже предтеча о насъ вниде Господь (Евр. 6, 20.): и наслаждахуся во плодѣхъ Духа, и будущая со извѣствованіемъ сердца увидѣвше, по Апостолу, яко въ зеркаль и въ годаніи, глаголаху: ихже око не видѣ, и ухо не слыша, и на сердце челоуѣку не въздоша, яже уготова Богъ любящимъ его (1 Кор. 13, 12. гл. 2, 9). Но азъ о семъ чуднѣмъ вопрошу: Аще на сердце челоуѣку не въздоша, вы сіа како вѣсте? паче же въ Дѣяніихъ исповѣдавше, яко подобострастни намъ есте челоуѣцы. (Дѣян. 14, 15.)? — Но слыши, что отвѣщаетъ на сіа блаженный Панель: Намъ же, глаголетъ, открылъ есть Богъ Духомъ Сво-

(1) Пріемля, какъ воздаяніе.

имъ : Духъ бо вся испытуеть , и глубины Божія (1 Кор. 2, 10). Но, да никто жо речеть, яко тѣмъ дадеся Святый Духъ, яко Апостоломъ, намъ же по естеству невмѣстимъ есть Сей: сего ради глаголетъ, моляся : Да дастъ вамъ Богъ силу утвердитися во внутреннѣмъ челоуѣцѣ, вселитися Христу въ сердца ваша. (Ефес. 3, 16). Господь же Духъ есть: а идѣже Духъ Господень, ту свобода (2 Кор. 3. 17.): и паки глаголетъ : Аще кто Духа Христова не имать, сей нѣсть Еговъ (Рим. 8, 9).

Помолимся убо и мы, во всяцѣмъ извѣствованіи и ощущеніи пріяти благодать Святаго Духа, и внити отонудуже изгнани быхомъ, и прочее отвратитися душеубійственному змію и тщеславному совѣтнику, духу попеченія (ы) и объяденія: яко да утверждено вѣровавше, заповѣди Господемъ сохранимъ, и да возрастемъ въ Немъ въ мужа совершенна, въ мѣру возраста (Ефес. 4, 13.), еже не пообладанымъ быти отъ любви вѣка сего: но быти во извѣствованіи духа, и не невѣровати, яко и о грѣшницѣхъ кающихся благодать Божія благоволитъ: Благодатию бо даруемое не ктому съ приуподобленіемъ предваршія немощи мѣрится : зане Благодать не ктому была бы благодать: но всесилному Богу вѣровавше, простымъ и нелюболытнымъ сердцемъ приступимъ къ Дарующему вѣрою приобщеніе Духа, а не приуподобленіемъ дѣлъ естества: глаголетъ бо: Не отъ дѣлъ законна Духа пріилсте, но отъ слуха вѣры. (Гал. 3, 2).

*Вопросъ.* Реклъ еси, яко вся въ души духовнѣ сокровена суть: что убо есть, хощу пять словесъ въ церкви умоу моимъ глаголати (1 Кор. 14, 19.)?

*Отвѣтъ.* Церковь во двою лицу разумѣется, въ собраніи вѣрныхъ, и въ соединеніи (ь) души. Егда убо духовнѣ о челоуѣцѣ пріемлется, то церковь есть все его соединеніе : пять же словесъ суть обдержи

---

(ы) О житейскомъ. (ь) Сораствореніи, составѣ.

телныя (ѣ) добродѣтели, всего чловѣка созидающія, многообразнѣ раздѣляемы. Якоже бо глаголай о Господѣ, чрезъ пять словесъ всю премудрость объять: тако и послѣдуяй Господеви пятьми добродѣтелми, много созидаеть благочестіе. Пять бо суще, вся обдержать: Первая — МОЛИТВА, таже ВОЗДЕРЖАНІЕ, МИЛОСТЫНЯ, НИЩЕТА, ДОЛГОТЕРПѢНІЕ. Сія желаніемъ и произволеніемъ совершаема, словеса суть души, отъ Господа глаголема, и отъ сердца слышима: Господь бо дѣйствуетъ, и Духъ тогда умнѣ глаголетъ, и сердце, елико желаетъ, толико и явѣ совершаетъ. Добродѣтели же, якоже суть обдержителны всѣхъ, тако и едины другихъ родителны: первой бо оскудѣвающей, потребляются вся; подобнѣ второю (э) послѣдующія, такоже и прочія. Како бо кто помолится, не отъ Духа дѣйствованъ бывъ? и свидѣлствуетъ ми Писаніе глаголющее: Никтоже можетъ рещи Господа Исуса, точію Духомъ Святымъ (1 Кор. 12, 3). Како же претерпитъ безъ молитвы, воздержаваяся безпомощно? И иже во всемъ не воздержавайся, како помилуетъ убогаго, или обидящаго? (ю) И иже не милуй, не ниществуеть волю. Паки же желанію имѣній ярость есть своспитанница, аще имать имѣнія, аще и не имать. Добродѣтелная же душа тако присозидаеться съ сущими въ Церквѣ, не яко сотвори, но яко вождель: не бо собственное дѣло спасаеть чловѣка, но Даровавый силу. Аще убо не претерпитъ кто язвы, (я) да не имать разумѣтися въ чесомъ, яко поне что либо сотворилъ есть, или поне обучаетъ къ дѣйствию. Да не убо возмниши когда добродѣтелию предварити Господа, по глаголющему: яко той есть (дѣйствуяй) въ насъ, и еже хотѣти, и еже дѣяти о благоволеніи. (Фил. 2, 13).

*Вопросъ.* Почто убо Писаніе чловѣку заповѣдаетъ сіе творити?

---

(ѣ) Общія (э) Поддерживаются. (ю) *Друг. чт.* алчущаго, или или обидимаго? (я) Въ печат. изд. „язвы Владычни.“

**Отвѣтъ.** Предрекохомъ , яко обученіе чловѣкъ имать по естеству, и сего Богъ възскуеть. Заповѣдаетъ убо , да первѣе уразумѣеть , и разумѣвъ возлюбить , и волею обучится : а еже дѣйствиу быти уму, и понести трудъ, и совершити дѣло, благодать Господня подаде восхотѣвшему и вѣровавшему. Воля убо чловѣча аки стремленіе естествоно есть: не присутствующей же воли, ниже Той что творить аще и могій, яко Богъ, но самовластія ради. Совершеннодѣйствіе убо есть Божіе: воля же чловѣча. Обаче аще всю волю дамы Ему, то все дѣло намъ напишетъ. (о) Чуденъ есть Богъ во всѣхъ, и умомъ непостижимъ отнюдь: чловѣцы же часть нѣкую чудесъ Его глаголати покушаемся, на Писаніи утверждающеся, паче же отъ него уразумляеми. Кто бо, глаголетъ? разумъ умъ Господень, или кто совѣтникъ Ему бысть (Рим. 11, 34.)? Самъ же глаголетъ: коль краты восхотѣхъ собрати чада твоя, и не восхотѣсте. (Матѣ. 23, 37). Прочее отъ сего вѣровати должни есмы, яко Той ны собираетъ, нашел же токмо прищеть воли: кое же есть явленіе воли, аще не трудъ воленъ? Якоже бо желѣзо распиляюще, поскзающе, вемледѣлствующо, насаждающе, то убо нагнетаемо повинуется, обаче инъ есть движай и отводяй, и, внигда сотрено будетъ, разжигаяй и обновляяй: тако и чловѣкъ, аще и утѣняется и трудится, дѣлая благое, обаче Господь отай въ немъ дѣлаеть, и, внигда утрудитися тому и сокрушитися сердцемъ, утѣшаетъ и обновляетъ его: якоже и Пророкъ глаголетъ: еда прославится сѣкира безъ сѣкущаго? или вознесется пила безъ влекущаго (Ис. 10, 15.)? Тако же есть и о злобѣ: егда чловѣкъ послушенъ бываетъ и готовъ, тогда сатана женеть и поощряеть того, якоже разбойникъ мечь. Желѣзу же приуподобихомъ сердце за нечувствіе вещей и многу жестокость: не подобаше же намъ, яко нечувственну желѣзу, не вѣ-

---

(о) Приписывается.

дѣти державствующаю (понеже скоро отъ воздѣлателя Слова въ лукаваго помысль пренадаемъ): но паче, якоже вошь и осель, вѣдѣти гонящаго и наставляющаго въ разумѣ: глаголетъ бо: позна вошь стяжавшаго и, и осель ясли господина своего: Израиль же Мене не позна (Ис. 1, 3). Помолимся убо пріяти познаніе Бога, и духовнымъ наказатися закономъ въ послуженіе заповѣдей Его, Аминь.



## Тогожде, о пощеніи и смиреніи. Слово седьмое.

Подобаеть постничающимъ, начинающимъ и совершати: юнымъ же и старцемъ, здраво ямушымъ тѣло, ни труда ни озлобленія боящимся, всяцѣмъ усердіемъ полезншее и утвержденнѣйшее непрестанно любити пощеніе: мѣрою хлѣбъ ясти, такожде и воду пити, отъ времени до времени: только же, елико алчущимъ и жаждущимъ отходити отъ вечери, и нужднѣй ко Богу службѣ невозбраняемой быти отъ сласти. Аще бо восходемъ ядуще насытятся; то скоро унывше, на иное преложимся желаніе, и аще тѣмъ пріемше насытимся, и сіе яко первое отвергше, на ино преложимся желаніе отраднѣйшее: и аще то пріемше насытимся, и сіе, яко прочая, отвергше, останимъ: и не возможно есть намъ, аще умыслимъ себѣ желаніе, паче неже пощеніе, но утѣшенію, пребыти самѣмъ насыщаемѣмъ. Что манны во брашнѣхъ многоцвѣтнѣе? и яко сѣя идый насытятся Израиль, егда не имѣаше лучшаго пожелати, меньшаго пожела, чеснока и червленаго лука. Тѣмже всаждено есть насыщенію желаніе иного. Аще убо, насыщаяся хлѣба, желаемъ иныхъ; то и сего ядуще да не насытимся, да сего алчуще всегда, желаемъ насытитися, яко да и преда иже отъ желанія убѣжимъ, и правду яже отъ сердца приобрящемъ. Но

негли речеть кто отъ тѣхъ, иже къ пощевію лѣнн-  
вѣе расположены суть: еда убо грѣхъ есть, чловѣку  
причастится пици? Но ниже мы, яко, грѣху сушу,  
сею совѣтуемъ хранитися, во яко отъ сего грѣху  
припослѣдствующему: ибо (Израиль не) согрѣши, за-  
не пожела, но зане желаніемъ на Бога клеветаетъ,  
нечествова: рече бо: не возможетъ Богъ уготовати  
трапезу въ пустыни. И по еже уготовати имъ, тогда  
гнѣвъ Божій возгорѣся въ нихъ, и запятъ сильнымъ  
ихъ (Псал. 77, 19, 21, 22, 31.), да не живи суще,  
паки иныя пожелають пици, и словеса на Вышняго  
возглаголють, и потребятся остатніи ихъ. Неудобно  
есть безстуднымъ чревомъ пообладати: богъ бо есть  
побѣждаемыхъ тѣмъ, и невозможно есть неповинну  
быти — послушающему его. И не токмо насыщенія  
обрѣтаю бѣду, во и неяденія: внигда бо пребывати  
намъ дви многши ничесого причащающымся, уныніе,  
вмѣщеніе пріемшо, востанеть, и ратовати будетъ насъ:  
и бдѣніе убо наше nocturne прелагаетъ въ сонъ: мо-  
литву же дневную, во плотскія помыслы, якоже намъ  
отъ сна ничтоже спользоватися, и отъ плотскихъ по-  
мысль повредатися величайше: начинаемъ бо, яко  
паче инѣхъ постничествующе, велемудрствовати, и  
меншихъ убо уничижати: еже есть всякаго прегрѣ-  
шенія лютѣйше. Якоже бо земледѣлецъ неразуменъ,  
аще ниву свою многими иждивевіи воздѣлавъ, ненастѣ-  
лянну оставить, во тщету трудился есть: тако и мы, аще  
плоть свою многимъ вниманіемъ порабощше, сѣмя мо-  
литвы не пометаемъ, паче сами противу себе потщаком-  
ся. Но негли речеть кто: аще въ молитвѣ есть правда,  
то кая есть потреба пощенія? Многа всяцѣмъ образомъ:  
якоже бо кто отъ убогихъ земледѣлецъ, аще на ля-  
днѣхъ (v): сѣетъ, не обновивъ земли, то вмѣсто пше-  
ницы, терніе пожнетъ тако и мы, аще плотъ свою  
постомъ не удручивше, сѣмя молитвы пометаемъ,  
то вмѣсто правды, грѣхъ плодопринесемъ: плотъ бо

---

(v) Поле, заростее дурною травю.

сія, отъ земли оныя есть (а): и аще толикаго при-  
лѣжанія не получить, сѣкаго сна, то плода правды  
никогдаже израститъ. Сія же глаголемъ, не яко хо-  
тящія отъ пощенія сползоватися отсѣцающе, но по-  
вредитися не хотящія побуждающе: имже бо обра-  
зомъ пользуетъ съ разумомъ къ нему приходящихъ,  
такъ вредитъ неразумно къ нему приступающихъ.  
Пекущіяся убо о пользѣ его, должны суть хранити-  
ся вреда его, сирѣчь тщеславія: и хлѣбъ, егоже ямы  
во исполненіи (б) пощенія, еже опредѣляемъ себѣ,  
раздѣляти на дни неяденія: да части малыя на всякъ  
день причащающеса, обратимъ плоти своей мудро-  
ваніе, и сердце имама утверждено въ полезнѣйшей  
молитвѣ: яко да силою Божіею отъ возношенія со-  
хранени бывше, во смиренномудрїи пребывати вся  
дни живота нашего попечемся, безъ негоже никтоже  
благоугодитъ когда Богови. Аще быхомъ о смиренно-  
мудрїи прилѣжали, то не быхомъ требовали наказа-  
нія: вся бо злая и лютая, случающаяся намъ, за  
возношеніе наше случаются. Аще бо Апостолу, да не  
превознесетъ, аггелъ сатанинъ поущень бысть, да  
ему пакости дѣетъ; колми паче намъ превознесшим-  
ся самъ сатана поущень будетъ попирати ны, дон-  
деже смиримся. Праотцы наши дома обладаху, и  
богатство держаху, и жены имѣяху, и о чадѣхъ про-  
мышляху, и съ Богомъ бесѣдоваху, ненасыщеннаго  
ради своего смиренномудрїа: мы же отъ міра отшел-  
ствовахомъ, и богатство презрѣхомъ, и дома оста-  
вихомъ, и мнимся Богу присѣдѣти, и отъ бѣ-  
совъ ругаемы есмы, за возношеніе наше. Превоз-  
носился, не вѣсть себе: аще бо видѣлъ бы безуміе  
свое и немощь, не бы превознеслся: не вѣдый же  
себе, како можетъ Бога увѣдѣти? Аще бо безуміе  
свое, съ нимже пребываетъ, не возможно уразумѣти;  
како премудрость Божію, сяже далече есть и стра-  
ненъ, разумѣти возможетъ? Знаи бо Бога, созерцаеть

(а) Подобна той землѣ. (б) По окончаніи.



величествіе Его, и укоряетъ себе, якоже блаженный Иовъ, и глаголетъ: Даже до слуха слышахъ Тя первѣ, нынѣ же око мое видя Тя. Тѣмже укорихъ себе самъ, и истаяхъ: и мню себе землю и пепель. (Иов. 42, 5, 6). Подражающіи убо Иова, сїи знаютъ его. Аще убо и мы восхощемъ видѣти Бога, укоримъ себе и возмиренномудрствуемъ: да не точію Его прямо насъ видимъ, но въ насъ живуща и почивающа имуща, наслаждаемся Его: такобо безуміе наше премудростію Его упремудрится, и немощь наша силою Его укрѣпится о Господѣ нашемъ Исусѣ Христѣ, сподобшемъ насъ дара сего изобиліе, еже прославится нами, и врага нашего сатану соерника нашего превосходителнѣ посрамити нами. Яко Тому подобаетъ слава и поклоненіе со Отцемъ и Пресвятымъ Духомъ, во вѣки вѣковъ. Аминь.

---

# СВЯТАГО ШАРКА

## ГЛАВИЗНЫ КО ТРЕЗВЕНИЮ ОТНОСЯЩИЯСЯ (а).

1. Иже точію вѣренъ есть по Евангелію, гору злонавілъ своего вѣроу прелагаетъ (Мато. 21, 21), нестойательнымъ (б) низвращеніемъ отрѣвая отъ себе прежде бывшую въ чувствѣ склонность, во еже быти ей подъ чувствомъ. Могій же быти ученикъ, отъ Слова приемля рукама укрухи хлѣбовъ вѣдѣнія, препитоваемъ тысячи (Мато. 14, 19), дѣяніемъ показуя множащуюся Слова силу. А возможій быти Апостоль, цѣлѣть всякъ недугъ, и всяку болѣзнь, изгоняяй бѣсы (Мато. 10, 1), сиесть дѣйство страстей бѣжати творя, недугующія исцѣляяй, сиесть къ навькнове-нію благочестія лишеныыхъ того приводя надежду, и разболѣвшихся лѣнностію востыгивая словомъ вѣры: смуже бо повелѣся наступати на главу (в) змievъ и скорпіевъ (Лук. 10, 19), сей истребляетъ и конецъ грѣха.

2. Суббота субботъ (Лев. 16, 31) есть душевный покой души словесныя (г), и умъ даже отъ всѣхъ божественнѣйшихъ словесъ, яже въ сущихъ (д), стягнувшія, (е) и любительнымъ изступленіемъ въ еди-наго Бога всецѣло облекшія, и таинственнымъ Бого-словіемъ всесовершеннѣ той (ж) недвижимъ отъ Бога сотворшія.

---

(а) Переведены съ Греческаго на Славянскій языкъ въ 1849 году. (б) Безостановочнымъ. (в) ἀρχὴν начало. (г) Разумныя. (д) которыя сокровенно заключены въ существахъ (сотворенныхъ). (е) Сосредоточившія. (ж) Умъ.

3. Жатва жатвы (Лев. 23, 10) есть всякое непроходное (з), и по тайномъ зрѣніи мысленныхъ вещей во умѣ недовѣдомо составляющееся Бога созерцаніе, еже подобающимъ образомъ приносить той, иже отъ видимыхъ и невидимыхъ созданий достойнѣ чтитъ Создавшаго.

4. Иже шестой день евангельски проводяй, избивъ прежде первая грѣха движенія, добродѣтелями достигаетъ въ состояніе безстрастія, пусто суцо отъ всякаго зловравія, субботствуя (Исх. 16, 29. 30.) умомъ и отъ самаго тонкаго страстей мечтанія (и). Прешедый же Иорданъ (Быт. 32, 10, 22, 30), прелгается въ страну вѣдѣнія, въ нейже умъ, таинственнѣ зиждемый миромъ, бываетъ въ душѣ Божіе жилище.

5. Иже шестой день (Числь 29, 29) божественнѣ исполнявый себѣ съ приношеніями дѣлъ и мыслей, и самъ съ Богомъ добрѣ совершивый дѣла свои, преиде созерцаніемъ всякое существо, естеству и времени подчиненное, и въ тайное зрѣніе вѣковъ и вѣчныхъ преведесе, недовѣдомо во умѣ субботствуя и праздуя всецѣлое сущихъ оставленіе и превыше оныхъ востествіе. Аще же и осмага (Числ. 29, 33. Лев. 23, 56) сподобився, воскресе изъ мертвыхъ (отъ всѣхъ, глаголю, яже по Бозѣ, чувственныхъ и мысленныхъ, и словесъ и помысленій): Божією начать жити блаженною жизнью (закона, иже повестишь и свойственнѣ глаголется и есть жизнь), якоже и самъ по обоженію бысть богъ (Іоан. 10, 34).

6. Вся являемая (i) имуть потребу креста, снестъ навывковенія, воснящающаго дѣйствіе на насъ явленій, при семъ совершающихся въ чувствіѣ: вся же мыслимая потребу имуть погребенія, снестъ всецѣлыя недвижимости дѣйствій, при семъ совершающихся во умѣ. Егда бо, кушно съ дѣйствіемъ тѣхъ

---

(з) Недоступное для другихъ. (и) φαντασις представленія въ воображеніи. (i) Все чувственнос.

на насъ, отъемлется и всякое естественное дѣйство и движеніе; тогда разумъ, сый точію въ себѣ, и аки бы изъ мертвыхъ воскрешенный, возсіяваетъ прѣвыше всѣхъ, яже отъ него имуть очертаіе, и ничтоже, по естественному отношенію, свойства съ нимъ отнюдь не имать. Зане по благодати, а не по естеству бывасть спасеніе спасаемыхъ.

7. Доидеже изъ обычнаго прилѣпенія къ существу насъ самихъ и всѣхъ яже суть послѣ Бога, не изыдемъ чистѣ умомъ, не ѹ пріяхомъ въ добродѣтели непревратность. Егда же сіе достоинство любовію исправится въ насъ, тогда познаемъ Божія обѣтованія силу: подобаеъ бо достойнымъ вѣровать, яко тѹ есть неспреложное водруженіе (к), идѣже первѣе умъ любовію укорени свою силу. Не ишедъ бо изъ себе и изо всѣхъ, елика помыслити возможно есть, и не поставивъ себе въ молчаніе, еже прѣвыше есть мышленія, не можетъ умъ отъ превратности всяческихъ быти свободенъ.

8. Всякое мышленіе всяко включаетъ въ себѣ множество, или поне двойство. Зане мышленіе есть среднее между нѣкими крайними членами отношеніе, обоимъ соприкасающееся: мыслящему же и мыслимому. Но псидино отъ нихъ не сохраняетъ по всему простоты. Мыслящее бо есть нѣчто подлежащее, еже всяко имать сопримышляемую (л) съ нимъ силу мыслимымъ быти (м), или подлежащее той силѣ существо (овѣа) мыслящаго. Ничтоже бо отъ сущихъ есть всецѣло, само по себѣ, простое нѣкое существо или мышленіе, единица нераздѣльная. Богъ же, аще наречемъ Его существомъ, не имать естественнѣ сопримышляемая съ Нимъ силы мысли-

---

(к) Утвержденіе. (л) Силу, которой нельзя не представить при мысли о немъ. (м) Силу представлять себя въ самосознаніи отдѣльнымъ отъ себл. При томъ необходимо остается двойственность.

мымъ быти, да не будетъ сложенъ; аще же наречемъ Того мышленіемъ, не имать естественнѣ подлежащаго Ему существа (*οὐσίαν θετικῆς*) удобопріятельнаго для мышленія. Но Богъ Самъ по существу есть мышленіе, и весь мывленіе и единъ, и превыше существа весь, и превыше мышленія весь: тѣмже и единица нераздѣльная, частей не имущая и простая. — Сего ради иже нѣкіимъ образомъ имать мышленіе, сей не ѱ изыде изъ двойства: а иже по всему оное остави, сей бысть нѣкіимъ образомъ во единицѣ, по превосхожденію отложивъ мышленія силу.

9. Во многихъ убо инаковость и несходство и разнствіе: обрѣтися же внѣ снхъ въ Бозѣ, истинно единомъ и единственномъ, есть возвергнути себе превыше многихъ (п) къ созерцаніямъ яже о Бозѣ. И сіе являетъ Моисей, иже внѣ полка потче скинію (Исх. 33, 7. 11—23) ума, и посемъ бесѣдовалъ съ Богомъ. Не безбѣдно бо есть, словомъ произносимымъ покушати изречи Неизреченнаго, понеже произносимое слово есть двойство и болѣе. А еже безъ гласа единою душею зрѣти сущее, крѣичае есть, понеже (тогда) стоитъ она въ нераздѣльнѣй единицѣ, а не во многихъ. Архіерей бо, емуже едва повелѣно бѣ единою въ лѣто входити во Святая святыхъ (Евр. 9, 7.) внутрь завѣсы, научаеъ, яко единому точію прошедшему дворъ и Святое, и внутрь Святая святыхъ бывшему, снестъ все естество чувственныхъ и мысленныхъ минушему, и отъ всякаго свойства, временному бытію сообразнаго, чисту бывшему, подобаеъ непокровеннымъ и нагимъ умомъ приступати къ видѣніямъ яже о Бозѣ.

10. Великій Моисей, внѣ полка поставивый свою скинію, снестъ мысль и умъ водрузивый внѣ видимыхъ, поклонятися Богу (Исх. 34, 8.) начинаеъ, и вшедъ во мракъ (Исх. 20, 21), — въ невидимое и не-

---

(п) Выше множественности.

вещественное вѣдѣнія мѣсто, — ту пребываетъ посвящаемъ въ священнѣйшія тайны.

11. Иже во внѣшней жизни и поведеніи исполняй законъ, отъ единыхъ точію послѣдствій злонравія празденъ есть, закалая въ жертву Богу неразумное страстей дѣйство, и симъ образомъ таковой довольствуется для спасенія, ради своего духовнаго младенчества.

12. Иже евангельскую жизнь истиннѣ цѣлуй, (о) и начало и конецъ своего злонравія изсѣче, и всякую добродѣтель дѣломъ и словомъ проходитъ, принося жертву хваленія и исповѣданія, всякаго дѣйствительнаго страстей стуженія отчужденъ, и отъ боренія съ онымъ во умѣ свободенъ сый, и точію въ надеждѣ будущихъ благъ имѣяй питающую душу, ненасытную сладость.

13. Страхъ геенны, поощряетъ вводимыхъ (п) убѣгати злонравія; желаніе же воздаянія благъ, даруетъ преуспѣвающимъ усердіе къ содѣланію благихъ: а таинство любви, возъемлетъ умъ превыше всѣхъ сотворенныхъ, содѣловая его слѣпымъ ко всяческимъ, яже послѣ Бога суть. Единѣхъ бо содѣлавшихся слѣпцами ко всяческимъ, яже послѣ Бога суть, Господь умудряетъ (Псал. 143, 8.), показуя имъ божественнѣйшая.

14. Возжелѣвый вѣдѣнія, неподвижнѣ стояла (р) (Исх. 26, 19) души утверди предъ Господемъ, якоже глаголетъ Богъ Моисею: ты же здѣ стани со Мною (Второз. 5, 31). Подобаетъ же вѣдѣти, яко и въ самѣхъ стоящихъ предъ Господемъ есть разнствіе, аще точію не небрежнѣ любящія учитися прочтуть сіе: суть нѣщыи отъ здѣ стоящихъ; иже не имутъ вкусити смерти, дондеже видятъ царствіе Божіе пришедшее въ силу (Марк. 9, 1). Не всѣмъ бо всегда со славою является Господь, стоящимъ предъ Нимъ: но ко вводимымъ убо, приходитъ въ раби зрацѣ

(о) Возлюбившіи. (п) Начинающихъ. (р) Основанія подъ столпамъ.

(Филип. 2, 7): могучимъ же послѣдовати Ему восходящу на высокую Его преображенія гору (Мато. 17.), является во образъ Божіи (Фил. 2, 6.) въ немже бѣ прежде даже міръ не бысть (Іоан. 17, 5). Можетъ убо тойжде Господь, по тому же образу, являтися и всѣмъ при Немъ сущимъ, но овымъ убо сице, овымъ же инако открывая различная созерцанія, по мѣрѣ сущія въ коемждо вѣры.

15. Восходитъ солнце, и заходитъ солнце (Еккл. 1, 5), глаголетъ Писаніе: тѣмже и Слово, овогда убо мнится быти горѣ, овогда же долу, по достоинству, сирѣчь, и соразмѣрности и сообразности проходящихъ добродѣтели и окрестъ божественнаго вѣдѣнія движущихся. Но блаженъ, иже, по Іисусу Навину (Ис. Нав. 10, 12, 13), удерживаетъ въ себѣ незаходимое солнце правды, всею мѣрою злопечительнаго дне (Мато. 6, 34.) настоящія жизни и пещера невѣдѣнія неопредѣлимое, да возможетъ законитъ прогнати возставшихъ навъ лукавыхъ бѣсовъ.

16. Иже по благочестію проходиѣя любомудріе, и на невидимыя ополчаяся силы, долженъ есть молитися, да и естественное разсужденіе, свѣтъ соразмѣрный имущее, и просвѣтительная Духа благодать пресбудуть въ немъ: оное бо дѣянемъ, аки дѣтководитель, руководитъ плоть къ добродѣтели; сія же свѣтководствуетъ умъ, во еже предсудити паче всего сожитіе премудрости (Премудр. Сол. 7, 8. гл. 8, 9), еюже и злонравія твердыни, и всяко возношеніе, взимающееся на разумъ Божій, (с) разоряетъ (2 Кор. 10, 45). Сіе показываетъ молитвою своею Іисусъ Навинъ, прося, да станеть солнце прямо Гаваону, снестъ, да сохранится оный незаходимый свѣтъ Боговѣдѣнія надъ горою умнаго зрѣнія; и луна прямо дебри (Ис. Нав. 10, 12), снестъ, естественное разсужденіе, надъ плотскою немощію лежащее, да пресбудеть неизмѣнно добродѣтели.

---

(с) Познаніе Бога.

17. Иже, страха ради Иудейска, съдѣщїи въ Галилеи въ горницѣ, дверемъ затвореннымъ (Іоан. 20, 19.), сїесть, иже страха ради отъ духовъ злобы, безопаснѣ живущїи во странѣ откровенїи, на высотѣ божественныхъ созерцанїи, затворивше, якоже двери, чувства, прїемлютъ приходящее недовѣдомо Божїе Слово, безъ чувственнаго дѣйства являющееся имъ, и вглаголанїемъ мира (ст. 19, 21.) безстрастіе, вдохновенїемъ же (ст. 22.) раздѣленїа Духа Святаго дарующее, и на духи лукавыя власть подающее (Марк. 16, 17.), и показующее таинъ своихъ знаменїа (Іоан. 20, 20).

18. Земля Халдейская (Дѣян. 7, 4.) есть житїе во страстехъ, въ немже идола грѣховъ зиждутся и поклоняема бывають. Месопотамїа (т) же (ст. 2.) есть житїе, обомъ противнымъ нравомъ прїобщающесея. А земля обѣтованїа (Евр. 11, 9.) есть состоянїе исполненное всякаго блага. Всякъ убо, иже по подобїю ветхаго Израїля, къ ветхому своему навѣковенїю обращается, низвлекается наки къ рабству страстей, лишаяся даннаго свободы.

19. Назнаменовати (у) достоитъ, яко никтоже отъ святыхъ является шедшимъ въ землю Вавилонскую: понеже не лѣтъ есть, ниже приличествуетъ разумному смышленїю, любящимъ Бога избирати вмѣсто благихъ худшая. Аще же нѣщїи отъ нихъ нуждею купно съ народомъ тѹ отведени быша, подѣ сими убо разумѣемъ онѣхъ, иже не по избранїю предпочтительнѣйшаго, но по нуждѣ спасенїа (ближнихъ), — ради руководствованїа имущихъ потребу, оставша высшее вѣдѣнїа слово, и проходятъ ученїе о страстехъ. Сего бо ради и великїи Апостоль, еже во плоти пребыванїе (Филип. 1, 24.), полезнѣйше быти суди, сїесть, ради нравственнаго наученїа, ради учениковъ, все желанїе имый разрѣшиться (ст. 23.)

---

(т) Месопотамїа знач. страна между рѣками. (у) Замѣчанїа достойно.



отъ нравственнаго наученія другихъ, и со Христомъ быти въ премірномъ и простомъ зрѣнїи умнѣмъ.

20. Отходить отъ плоти (2 Кор. 8, 8.), иже къ вѣдѣтельному (ὑποσχηλῶ ἕξιiv) навыкновенію перейде отъ дѣятельнаго, восхищаемъ, яко облацы, высшими разумѣннми, въ пресвѣтлѣйшій (φ) тайнаго зрѣнїя воздухъ, да съ Господемъ возможемъ быти. Отходить же всяко отъ Господа (ст. 6), не могій безъ чувственныхъ дѣйствій чистымъ умомъ созерцати по мѣрѣ силъ (вышая) разумѣнїя, и простое слово о Господѣ не вмѣщай безъ гаданій (x).

21. Како во святомъ Писанїи, подъ различными гаданнми, видимъ убо отблесенное (ц) Слово Божїе и Бога, но безтѣлеснаго, и простаго, единаго же и единственнаго Отца, якоже въ безтѣлеснѣмъ, еди-нѣмъ и единственнѣмъ Сынѣ, не ѹ зримъ умнѣ, по реченному: видѣвый Мене видѣ Отца: и, Азъ во Отцѣ, и Отець во мнѣ (Іоан. 14, 9, 10)? Тѣмже многаго разума потреба, да прешедше нервиѣ сквозъ покровы реченїй о Словѣ, возможемъ тако узрѣти Его чистымъ умомъ обнаженна стояща и показующа Себе чловѣкомъ. Сего ради благочестиво взыскующему Бога, нуждно есть не быти связану ничимже реченнымъ, да не вмѣсто Бога, яже о Бозѣ прїиметь въ невѣдѣнїи, снестъ, вмѣсто Слова да не возлюбить точїю реченная (ч) въ Писанїи, на преткновенїе себѣ, самому Слову удалившуся отъ ума, иже, держаея одеждъ, мнится держати самое безтѣлесное Слово, по подобїю оныя Египтяныни, яже не Іосифа, по ризы его восхити (Быт. 39, 12), и оныхъ древнихъ людей, иже единымъ видимымъ благолѣнїемъ плѣнени, въ невѣдѣнїи послуживша твари паче Творца (Рим. 1, 23).

22. Егда умъ отриветъ лежащая на немъ многая о словесѣхъ истины мнѣнїя, тогда явится ему ясно Слово истины, дающее ему истиннаго вѣдѣнїя залогомъ,

(φ) Прозрачнмй. (x) Безъ образовъ и сравненїй. (ц) ἁποχωρησῶν. (ч) Въ буквальномъ смыслѣ.

и прежде пріятая имъ мнѣнія, аки чешую (Дѣян. 9, 18), отъ зрительныхъ силъ отметающее, якоже бысть съ великимъ и божественнымъ Апостоломъ Павломъ. Зане мнѣнія, къ единымъ точію реченіямъ Писанія прилѣпленная, и пристрастная видимыхъ вещей созерцанія въ чувствѣ, воистинну чешуя суть, лежащая на прозрительнѣй силѣ души, и прехожденіе къ чистому Слову истинны восплащающая.

23. Иже доблственнѣ поборовый страсти тѣлесныя, и противу нечистыхъ духовъ довольнѣ ратовавый, и тѣхъ умышленія изъ страны души своея изгнавый, долженъ есть молитися, да сердце чисто подастся ему, и духъ правъ да обновится во утробѣ его (Псал. 50, 12), сиестъ, да будетъ совершеннѣ тощъ отъ злыхъ помыслъ, и да исполнится божественныхъ мыслей по дару благодати, и тако да содѣлается мысленнымъ міромъ Божиимъ, свѣтлымъ и великимъ, изъ нравственныхъ, и естественныхъ, и Богословскихъ зрѣлищъ состоящимъ.

24. Сердце чисто (Псал. 50, 12) есть представленное Богу совершеннѣ безвидную и образъ не имущую память, и готовое едиными назнаменованіями Божиими папечатѣнми, отъ нихже тое явленно (ш) содѣловатися обыче.

25. Испытуютъ нѣдѣи отъ любящихъ ученіе, коимъ будетъ образомъ разнствіе вѣчныхъ обителей и обѣтованій? Еда по существенности (щ) мѣстнѣй, или посущественности мысленнѣй и духовнѣй, яже коейждо обители усвоетъ особое качество и количество? — И овымъ убо мшится первое, овымъ же второе. Но вѣдѣй, что есть реченное: царствіе Божіе внутрь васъ есть (Лук. 17, 21), и, обители многи у Отца (Іоан. 14, 2), пріиметь второе.

26. Иже божественнымъ желаніемъ побѣднѣй душевное къ тѣлу расположеніе, неограниченъ (ιερειυφικος) бысть, аще и въ тѣлѣ есть. Привлекая

(ш) Отъ которыхъ оно обыкновенно дѣлается свѣтлымъ (εμφανής).

(щ) καθ' ὑπόστασιν.

бо желающаго вождельніе Богъ, безъ сравненія прѣ-  
 выше есть всяческихъ, и не попускаетъ желающему  
 пригвоздити вождельніе свое къ чesому либо отъ  
 сущихъ послѣ Бога. Возжелаимъ убо Бога всею крѣ-  
 постію вождельнія нашего, и сотворимъ наше свобод-  
 ное избраніе неодолимо ничимже тѣлеснымъ, и по-  
 ставимъ себе въ расположеніи душевнѣмъ прѣвыше  
 всѣхъ воистинну чувственныхъ и мысленныхъ вещей,  
 и никуюже отнюдь волею пріимемъ тщету отъ есте-  
 ственнаыя жизни, ко еже быти намъ съ Богомъ не-  
 описаннымъ по естеству.

*Вопросъ.* Еда во всякое время входитъ человекъ  
 во оное состояніе?

*Отвѣтъ.* Благодать убо непрестанно есть съ че-  
 ловѣкомъ, и отъ юнаго возраста укоренися и, аки  
 закваска, внѣдрися въ немъ, и аки что естественное  
 и срасленное (ъ) бысть соприсуща ему, яко едана  
 сущи благодать: но многообразнѣ, якоже хочеть, на  
 пользу человекъу домостроительствуетъ. Овогда бо-  
 лѣе возжиззается и разгарается огонь; овогда же крот-  
 чаѣ и мягчаѣ. Самый свѣтъ по временамъ болѣе  
 возгарается и сіяетъ; овогда же удаляется, и бы-  
 ваетъ примракъ. И свѣтильникъ всегда горитъ и свѣ-  
 титъ; егда же очищенъ бываетъ, болѣе издаетъ свѣта,  
 спестъ, болѣе явленъ бываетъ во причастіи любви  
 Божія; овогда же и соприсущій свѣтъ притупляется.  
 Еще же нѣкимъ во свѣтъ явися знаменіе креста,  
 и водрузися во внутреннѣмъ человекѣ. Иногда же  
 паки, въ молитвѣ, яко во изступленіи бысть чело-  
 вѣкъ, и обрѣтесе стоя во олтари въ церкви, и при-  
 несени быша ему три хлѣба, аки бы на елси вскис-  
 шія; и елико ядыше тыя, толико болѣе умножахуса  
 и величайши творяхуса. И паки иногда явися аки  
 одѣяніе нѣкое свѣтло; яковоже не обрѣтается на  
 земли въ вѣщъ семь, ниже руками человеческими  
 уготовано быти можетъ. Имже образомъ Господь, со  
 Іоанномъ и Петромъ восшедъ на гору, преобразися,  
 и ризы Его быша блестящяся (Марк. 9, 3): сице бѣ

одѣяніе то; и ужасея человекъ облеченный во оно. Во ино пакы время, непрестанно видѣнь бысть въ сердцѣ, пже отверзе внутреняѣйшій свѣтъ, глубочайшій и сокровенный; видѣнь бысть новый, свѣтлый міръ, вкупѣ съ Господемъ, хваляй и славословяй: тѣмже убо человекъ той, весь поглощенъ бысть во оной сладости и созерцаніи, не ктому имѣяше себе, но баше акы буй и иноязычникъ міру сему, за превосходящую любовь и сладость, и за сокровенныя тайны; и во оно время бывъ освобожденъ скоро достиже до совершенныхъ мѣръ, и бѣ чистъ отъ грѣха. Но по сихъ сокрыся благодать, и прииде покрывало противныя силы. Являются же сія нѣкако отчасти, акы бы сталъ человекъ на единъ степенъ нижайше мѣры совершенства: сиесть, подобаше ему, да тако речемъ, прейти нѣкія дванадесять степеней, и тако достигнути въ совершенство; и въ нѣкое убо время доспѣ и достиже во ону мѣру, и инде въ совершенство: по потомъ пакы умалается благодать, и той сниде на единъ степенъ, и ста на единонадесяти. Аще же кто богатъ благодатию, той выну, нощію и днемъ, въ совершенныхъ своитъ мѣрахъ, свободенъ сый и чистъ, купно же и плѣненъ (ы) присно и горѣ носимъ. И нынѣ, аще бы тая дивная дарованія, яже явишася человекъ, и ихже искусь пріять, быша пребыли съ нимъ выну, могль бы той слова строительство (ь) или тяжесть пріяти, ни понесль бы еже слышати что, или вещися о чесомъ, аще бы и отъ тѣхъ было, яже о немъ, ниже о утрѣи, развѣ точію лежалъ бы во единомъ углѣ, горѣ носимъ и упоенъ. Тѣмже совершенная мѣра не дадеся ему да возможетъ въ попеченіи о братіи, или въ служеніи слова упражнятися. Обаче средостѣніе ограды разорися (Еф. 2, 14.) точію сичево естъ состояніе его, акы бы мрачная нѣкая сила належала надъ нимъ: яко же

---

(34) Т. е. благодатию. (35) Сросшееся.

бо воздухъ легкій и тонкій покрываетъ лампаду, аще и вынута горить и свѣтитъ, тако и въ немъ лежитъ надъ свѣтомъ онымъ покрывало. Тѣмже исповѣдую, яко таковый нѣсть совершенъ, ниже свободенъ всецѣло отъ грѣха; но да тако реку, и свобень, и не свободенъ; и средостѣніе убо ограды разорися и раскопаса, и паки, въ нѣкоей части, не разорися всецѣло; ниже выну равна бѣ молитва. Есть время, егда та болѣе возжигается, и утѣшается, и упокоенасть; и есть время, егда сокрывается и подъ мракомъ бывасть, якоже сама благодать устрояетъ на пользу челоувѣку. Обаче въ мѣру совершенную входивъ, овогда же и онаго вѣка вкусивъ и искусъ имый, ниединого аще видѣхъ христіанина совершенна или свободна. Но и упокоится убо кто либо во благодати, и входитъ въ тайны и откровенія и во многую сладость благодати; обаче и грѣхъ внутри съ нимъ есть. Сии убо за превосходящую благодать и свѣтъ иже въ нихъ, нещуютъ себе быти свободныхъ и совершенныхъ, зане имуть дѣйство благодати; обаче неискusstва (б) ради погрѣшаютъ. Азъ же ниединого еще видѣхъ свободна, аще и самъ въ нѣкая времена отъ части вхождахъ во ону мѣру, и могу усмотрити, кое имать устроение совершенный.

27. Абіе по знаменіи креста, благодать еще дѣйствуетъ: умиротворяются вся уды, и душа, многія ради радости, являютя, аки дѣтище незлобиво и просто, и не ктому уже осуждаетъ челоувѣкъ Еллина, или Іудея, или грѣшника, но внутренній челоувѣкъ на всѣхъ зреть, аки на единого чистымъ окомъ, и такожде (э) радуется о всемъ мірѣ, и хочетъ да вси, Еллини же и Іудее, поклоняются Сыну Божію, якоже Отцу. И отверзаются ему двери, и входитъ внутрь во многи обители; и елико входитъ, толико паки болѣе отверзаются ему по соразмѣрности, и вступаетъ отъ ста обителей во иныя сто обителей,

(б) Служеніе ближнимъ посредствомъ слова. (в) По неопытности.

(э) Одинаково.

и богатѣть; и пакы, ину бывшу ему, иная новая и дивная показуются, и, яко сыну и наслѣднику, вѣряются ему вещи, яже естествомъ челоувѣческимъ или сими усты и языкомъ изречены быти не могутъ. Во иный часъ прочее, яко посольствуи предъ Богомъ, отъ многія къ Нему любве, начинается молитися о мѣрѣ, да спасется мѣръ весь, яко всецѣлый Адамъ; распалаяйся же любовію и хотяи всемъ спастися, поучаетъ (ю) слову жизни и царствія посольствуя о Христвѣ (я) (Еф. 6, 20), и повѣдая, слико мощю слышати, небесныя и божественныя тайны безконечнаго и непостижимаго вѣка. Во иный же часъ вооружается весь челоувѣкъ, оболкся во вся оружія Божія (Ефес. 6, 11), и пріемлетъ воинство небесное, и начинается постыцати полки вражія, и творити ту заколенія многа труповъ многыхъ. Въ ины пакы часъ дѣйствуетъ Господь въ душѣ, и веселятся взаимно душа и Господь, и бываетъ челоувѣкъ во многомъ свѣтѣ и радости (ѳ) о Господѣ и братіяхъ. Лампада убо и свѣтъ горитъ ноцію и днемъ; цѣлое же, по Божію смотренію, не измѣняется, и весь челоувѣкъ есть чистъ, и мало нѣчто не дастаетъ ему, да будетъ, якоже подобаетъ; обаче и средостѣніе расторжеса, и смерть побѣдися. Овогда лампада болѣе разгарается и просіяваетъ, яко не мощи челоувѣку сносити онаго сіянія и блистанія, но быти аки разрѣшену. Овогда же горящій еще свѣтъ, аки бы меркнетъ, и ложится на немъ, аки на кожѣ, нѣкій тонкій и мрачный воздухъ противныя силы. Сего ради и глаголетъ таковой челоувѣкъ, яко нѣсть всецѣло свободевъ.—Во вѣки слава Господу! Аминь.

28. Добро есть постъ, бдѣніе странничество (v); обаче сія суть тоцію труды наружнаго благаго житія. Но чинъ христіанъ внутревнѣйшъ есть, неже сія, и не долженъ есть кто въ сихъ надѣяніе имѣти. Прилучается бо нѣкіимъ, яко и благодати причастни

(ю) ближнихъ. (я) Отъ имени Христова. (ѳ) Обращаясь къ Господу и къ братіямъ. (v) Удаленіе отъ сожитія съ людьми.

бываютъ; и зло; еще сущее внутрь ихъ; строить ковы, уступаетъ имъ волею (а) и не дѣйствуетъ, но творить человѣка непщевати, яко очистися умъ его: и вносить прочее человѣка въ мнѣніе, (б) яко онъ есть хрістіанинъ совершенный; и по сихъ, егда вознепщуетъ человѣкъ, яко свободенъ есть, и безпечень сотворится, тогда злоба находитъ навъ разбойническимъ образомъ, втайнѣ засаду творя, и искушаетъ его, и низводитъ его въ преисподняя земли. Аще бо разбойницы, или воины, человѣцы суще двадцати лѣтъ, умѣють впротиву сопостать строити ковы, и творять подсаду и тайныя стражбы, и приѣмлютъ хребты (в) врагъ, и окружають ихъ отсюду, и избиваютъ: колми паче злоба, толико тысящъ лѣтъ живущи, и сіе ямущи дѣло, како бы погубляти души? Вѣсть она тайную засаду творити въ сердцѣ, и въ нѣкія времена не дѣйствовати, да внесетъ душу во мнѣніе (г) совершенства. Основаніе хрістіанства сіе есть, да человѣкъ, елики ни творить правды, не почіетъ на нихъ, и не имать себе аки нѣчто велико, но да будетъ нищъ духомъ; и аще сотворится причастникъ благодати, да не вознепщуетъ себе аки постигша что, и да не возмвѣтъ быти кто, и да не начнетъ учить; и проводя доброе житіе, много постясь, устранныяся, моляся, причастникъ бывъ благодати, да не имать душу свою честну. Но воистинну тогда наипаче и бысть начало благодати сего ради, да имать трудъ, алчбу и жажду, да не будетъ насыщенъ, да не имать себе праведна, или богата во благодати: но да будетъ плача и слезя, якоже плачетъ мать, яже имѣяше сына единороднаго, и научи его, и егда той бысть мужъ, случися ему умерети..... (Прочія главизны не обрѣтаются).

---

(а) Охотно. (б) Самомиѣніе. (в) Нападаютъ на враговъ съ тылу.  
(г) Въ самомиѣніе о своемъ совершенствѣ.

## О ВЕЩЕХЪ ВОЗБРАНЯЮЩИХЪ КО СПАСЕННО.

Глаголаше Авва Аммонъ (а): четыре вещи суть, яже възбраняють иноку спастися: и аще едину отъ нихъ удерживаетъ въ себѣ кто либо отъ челоувѣкъ, то съ таковою ни чисто покаятися, ни пріятную Богу молитву приносити не можетъ.

Первое есть гордыня, егда помышляетъ челоувѣкъ, яко добръ живеть, и яко житіе его угодно есть Богу и челоувѣкомъ, и яко созидаются мнози отъ бесѣдъ его, и яко премѣнися отъ многихъ грѣховъ, отшедъ въ пустыню. И аще сія тако помышляетъ челоувѣкъ, не живеть въ немъ благодать Божія: но паче подобаетъ коемуждо отъ насъ не яко добра и разумна себе имѣти инока, но смирати себе и осуждати, и горша безсловесныхъ себе имѣти, и мнѣти, яко не угодно есть дѣло наше Богу. Помышляти же всегда въ себѣ и реченное Пророкомъ: яко вся правда челоувѣча, яко рубище (Ис. 64, 6) нѣкое скверное поверженное есть предъ Богомъ. Аще убо тако не смиритъ себе душа, и не держитъ всегда въ себѣ, яко воистинну нечиста есть, и безсловесныхъ скотовъ и псовъ горша, не пріемлетъ Богъ молитвы ея: понеже безсловеснии скоти не согрѣшаютъ предъ Богомъ, ниже и судъ пріимуть; но, якоже сотворилъ ихъ Богъ, тако и пребываютъ; безсловесни бо суть, ни

- 
- (а) Преп. Аммонъ былъ современникъ Св. Антонія Великаго. 18 лѣтъ провелъ въ дѣвственномъ супружествѣ; потомъ 22 года въ пустынь. Повѣствованіе о его добродѣтеляхъ, чудотвореніяхъ и наставленіяхъ см. въ Четь-миней въ 4-й день Октября, и въ книгѣ: достопамятныя сказанія о подвижничествѣ св. Отцевъ: 1846.



клеветууть, ни гордятся, но еще и любятъ питающыя ихъ. Откуда же вѣдомо есть, яко человекъ грѣшнѣйшій и окаяннѣйшій скотовъ? — Отсюда: яко человекъ не любитъ создавшаго ѿ Бога, якоже должно ему есть любить, питающаго его обильно, и дающаго ему вся на пользу.

Второе есть сіе: Аще имать злопомнѣніе на коего либо человека; аще бо сей и самое око избодетъ ему, да аще злопомнѣніе имѣти будетъ нань, молитва его не восходитъ ко Богу. Да не прелщаетъ убо себе таковой: аще бы и мертваго воздвигъ, не имать милости или прощенія отъ Бога, аще истиннаго покаянія не сотворить.

Третіе, еже осуждати брата своего согрѣшающаго: таковой бо и самъ осужденъ будетъ, аще и чудеса и знаменія сотворить. Понеже рече Господь: не осуждайте, да не осуждени будете. Имже бо судомъ судите, судитса вамъ: и въ нюже мѣру мѣрите, возмѣритса вамъ (Лук. 6, 37. Матв. 7, 2). Подобаеть убо всякому христіанину не осуждати никогоже: ниже бо Отецъ небесный судить кому, но судъ весь даль есть Сынови (Іоан. 5, 22). Убо судай прежде Христа, сопротивникъ есть Христу, Сыну Божію. Многи убо видѣхомъ днесъ разбойники и блудники, завтра же быша преподобни и праведни: и грѣхи ихъ убо мы видѣхомъ, покаянія же и сокровенныя ихъ добродѣтели не ѹ видѣхомъ.

Четвертое есть се: Аще кто не имать любве, безъ неяже человекъ не можетъ спастиса, якоже глаголаше Апостоль: Аще языки человекскими глаголю и Ангельскими, аще и всю вѣру имамъ, яко и горы преставляти: любве же не имамъ, ничтоже есмь. Аще раздамъ вся имѣнія моя нищымъ, и аще предамъ тѣло мое на муки, во еже сжести є, любве же не имамъ, никакая польза ми есть (1 Кор. 13, 1—3). Но аще речеть кто: и како мощно есть вся суцая нищымъ дати, и любве не имѣти? И на се глаголю вамъ: яко любовь милостыни есть дѣло: милостыни

же нѣсть совершенна любовь, но часть нѣкая любви. Мнози бо суть, иже инѣмъ даютъ, а другихъ обидятъ и обдираютъ, и единѣхъ страннопріемлютъ, другихъ же злопомятъ и озлобляютъ: единѣхъ покрываютъ, а другихъ укоряютъ: странныя милуютъ, а своихъ ненавидятъ. Аще ли и ты тако твориши? Нѣсть сіе дѣло любви Божія и ближняго, но тщеславія и лицемѣрія. Любовь бо совершенная и истинная сіа есть: яко никогоже укоряетъ, ниже кого осуждаетъ, ни печалитъ, ни единого же гнушается, ни вѣрна ни невѣрна, ни раба ни свободна, ни мала ни велика, ни славна ни безчестна, ни странна ни пришельца, ни грѣшника, ни блуднаго и нечистаго: но всѣхъ равно и любить и милуетъ, паче же грѣшныя и немощныя и нерадивыя, о нихже паче болѣзнуетъ и сѣтуетъ и плачетъ, и болѣе иныхъ страдаетъ: подражая Господа Иисуса Христа, иже грѣшники призва, ядый и пій съ ними (Матѣ. 9, 15. Марк. 2, 16). Сего ради и показуя намъ, кака есть истинная любовь, научаетъ глаголю: Бывайте блази, милосерди, и щедри, якоже и Отець вашъ небесный милосердъ есть. Якоже Онъ солнце свое сіяетъ на злыя и благія, и дождитъ на праведныя и на неправедныя. (Лук. 6, 35. Матѣ. 5, 45): сице иже и любовь имѣяй истинную, всѣхъ любить, всѣхъ милуетъ и о всѣхъ молится. Суть убо нѣдци, пже милостыню творять, а многихъ ненавидятъ, и тѣло свое оскверняютъ: таковіи себе прелщаютъ, на милостыню уповающе, юже творять, а злая дѣла творити не престающе. Но аще хотите спастися, преставайте отъ зла, и стяжите истинную и совершенную любовь, юже сподоби насъ получитьи, Христе Боже нашъ, нынѣ и присно и во вѣки вѣковъ. Аминь.

Братъ нѣкій вопросы старца, глаголю: коего ради грѣха неприятна бываетъ молитва человѣческая? И отвѣща старецъ: помнѣнія ради зла, якоже рече Господь: Аще рече, принесеши даръ твой ко алтарю, и ту помянеши, яко братъ твой имать нѣчто на те,

остави тѹ даръ твой предъ олтаремъ, и шедъ прежде смирися съ братомъ твоимъ, и тогда пришедъ принеси даръ твой (Мато. 5, 25. 24.) Богови. Аще ли злопомнѣніе имаша на кого, тогда разумѣй, яко молитва твоя непріятна есть предъ Богомъ, но паче прогнѣвляеть Его.

Вопросиша иногда старца, который грѣхъ есть тяжчайшій всѣхъ грѣховъ? И отвѣща: Якоже глагола святыи Апостолъ Павель: яко болѣе всѣхъ добродѣтей любовь. (Кор. 13, 13). Сице разумѣй, яко и болѣе есть всѣхъ золъ ненависть ко брату и немилосердіе.

И паки вопрошенъ бысть: кая заповѣдь прощаеть челоувѣка отъ всѣхъ грѣховъ? И отвѣща: Господь глагола: не осуждайте, да не осуждени будете: И, отпускайте, и отпустится вамъ (Лук. 6, 37). Разумѣй се: еже не оклеветати брата своего, ниже осуждати, прощаеть всякій грѣхъ. Отпустите, рече Господь, и отпущу вамъ: и въ нюже мѣру мѣрите, возмѣрится вамъ.

Вопросиша егоже: Аще кто сотворить грѣхи великія, и умилвися начнетъ каятися, и тако въ третій день умреть, како о немъ разумѣти? И отвѣща: Аще истинно возжелаетъ и начнетъ каятися, и обратитъ душу свою отъ злыя мысли, и положить къ Богу завѣтъ свой, яко ктому не согрѣшати, и не творити первыя грѣхи своя, яже содѣя: то аще и наутріе умреть приеъмлетъ Богъ его покаяніе, якоже и разбойника пріять. Еже убо начати каятися, въ воли челоувѣчестѣй есть: а еже жити или умрети, въ воли Божіей есть. Мнози убо начаша каятися, и восхити я Богъ, устрояя о нихъ лучшее: зане аще многа лѣта пожили бы, паки во грѣхи впаали бы и погябли.

Вопрошенъ убо бысть и еще тойже великій старецъ: Аще кто во грѣсѣхъ состарѣется, и не можетъ поститися и бдѣти, ни труды творити или жестоко житіе проходить, ни имѣнія имать, еже бы за грѣхи

раздати, ни житія міра сего можетъ отрещися: како убо можетъ таковой спастися? И отвѣща: Имже образомъ спасесе мытарь; якоже и Пророкъ глагола: смирихся, и спасе мя Господь (Псал. 114, 5). Якоже убо безкровная жертва и милостыня въ прощеніе грѣховъ приносится Богу, тако и смиреніе сердечное: жертва, рече Пророкъ, Богу, духъ сокрушень, и сердце сокрушено и смиренно Богъ не уничижитъ (Псал. 50, 19). И пакы: близъ Господь сокрушенныхъ сердцемъ, и смиренныхъ духомъ спасеть (Псал. 33, 19). И якоже ублажаются милостивии и чистии сердцемъ, такожде ублажаются и смиреннии духомъ: яко тѣхъ есть царствіе небесное. (Матт. 5, 3. 7. 8). Симъ путемъ можетъ спастися убогій, и больной, и престарѣлый, грубый, и невѣжда.



### БЕСѢДЫ ДУШЕПОЛЕЗНЫ ПРЕПОДОБНАГО ОЦА НАШЕГО ЗОСИМЫ (\*).

Повѣда намъ ученикъ отца Зосимы глаголя: нѣкогда, рече, сѣдѣшу ми со отцемъ моимъ Зосимою, и душеполезная словеса глаголющимъ намъ, вопрошихъ его о семъ: како подобаетъ намъ отгнати отъ себе ярость! Отверзь старецъ уста своя, начать глаголати сице: начало убо, еже удержати ярость, се есть, еже не глаголати всяко, егда кто оскорбитъ тя, или укорить. О семъ бо вопрошенъ бысть отецъ Моусей, аще смутися, егда укориша его глаголюще, почто муринь сей входитъ посреде насъ? И отвѣща: аще и смутихся, но не глаголахъ. Егда же пакы укориша его второе: не точію не смутися, но и самъ себе укори, глаголя: черноплотне! добръ сотвориша: не сый чловѣкъ, что ходиши посреде чловѣкъ?

(а) Жиль въ V и VI вѣкъ по Р. Хр. см, Четь-Мин, Іюн. 4. д. Іоанна Мосха Лугъ духовн., гл. 20. 22. 25. (Изд. 1848 г.)

Мы же даже до старости не можемъ новоначальныхъ дѣлъ научитися и творити, за многое небреженіе наше; и номышляемъ, яко неудобно намъ есть сотворити заповѣданная намъ отъ Бога. Еже бо смутившися не глаголати новоначальныхъ есть, а не совершенныхъ: великихъ же есть, еже нимало смущатися, но рекшему Пророку Давиду: уготовихся и не смутихся (Псал 118, 60). Но мы о семъ не хотимъ положить начало, не ищемъ, ни показуемъ произволеніе наше, яко да привлечемъ благодать Божію на помощь намъ, но аще и мнимся показовати Богови произволеніе, гнило нѣкаково и ничтоже суще, и недостойно пріяти что отъ Бога. Вся бо наша, якоже въ сѣяत्वѣ, тако и въ жатвѣ суть: коліко приноситъ кто произволеніе толико и пріемлетъ благодати. Якоже бо оратай сѣетъ убо мало сѣмень, аще же Богъ благоволитъ въ труды его, собираетъ множество: сице аще благоволитъ Богъ въ произволеніе наше, можемъ по времени безстрастнѣ и безтруднѣ и съ покоемъ все творити, и отъ всѣхъ прибутки себѣ имѣти. Еже бо съ нуждею молитися и терпѣти, раждаетъ часто съ покоемъ молитися: и еже съ нуждею молитися, отъ произволенія есть; а еже съ покоемъ, се отъ благодати есть: сице же и во всѣхъ художествахъ видѣти есть. Придетъ бо кто художеству научитися, и искривляетъ дѣло, множицею же и пометаеть сѣ: но обаче не оставляетъ дѣла онаго, но паки начинаетъ; и аще множицею искривитъ, не престаеть дѣлая, но показываетъ наставнику своему произволеніе свое: аще ли же стужитъ си и отбѣгнетъ, не можетъ навикнути дѣла; искривляя же многажды и не отбѣгая, но пребывая трудяся и дѣлая, прочее дѣйствомъ Божиимъ бываетъ во обычаи, и вся безъ труда и съ покоемъ творить. Сице и въ духовныхъ: аще кто хочетъ исправить добродѣтель, не долженъ есть имѣти во умѣ своемъ, яко абіе исправить сію. Аще и есть немощень, обаче да начнетъ; и аще въ началѣ искрив-

лаетъ, да не облѣнився оставитьъ, за не тако не можетъ исправить ничтоже: но паки да начинается, якоже и хитрости научиться хотяй. И егда тщится терпѣти множицею и не унывати: тогда и Богъ призираетъ въ трудъ произволенія его, и подаетъ ему, якоже рѣхомъ, безъ нужды вся творити. И егда падаетъ, да не малодушествуетъ, но паки да начинается. Тако бо рече отецъ Моусей: дѣло, хотящимъ стяжати добродѣтель, труда требуетъ и времени многа: еже бо хотѣти и любити труды, наше есть произволеніе; но къ сему потреба и Божія помощи. Аще бо не содѣйствуетъ Богъ произволенію вашему, всеу трудитися. Якоже и земледѣлателю дѣлающему ниву свою и сѣющу, аще не одождитъ Богъ на сѣяніе его, всеу будетъ трудъ его; тако и молитва и трудъ требуетъ дѣйства Божія: тою бо привлечимъ помощь Божію, на заступленіе наше. Аще же облѣнившися въ молитвѣ, или стуживше, скоро отбѣгнемъ; то како призреть Богъ на дѣланіе наше? Понеже ничтоже добльственнѣ приносимъ; сего ради и ничтоже сподобляемся пріяти: зане Богъ на произволенія наше взираетъ, и противу произволенію и дарованіе подаетъ. Еда бо отецъ Моусей не бѣ прежде разбойникомъ начальникъ? Еда не сотвори многа зла, якоже и отгнану быти ему отъ господина своего, злонравія ради его? Но понеже добльственнѣ приступи къ Богу, съ теплымъ произволеніемъ, и се видѣхомъ вси, въ какоу мѣру достиже, яко и причестися ему съ великими и равноангельными отцы. Мы же аще и мнимся имѣти теплоу во отверженіи нашемъ отъ міра, но лѣности ради нашея погубляемъ ю, пристрастіе имуще къ нѣкимъ земнымъ вещемъ, ничтоже сущимъ и воединому слову достойнымъ, и презираемъ любовь Божію и ближняго, присвояюще себѣ вещи нѣкія, яко отъ себе имуще сія, а не отъ Бога приемиюще. Что бо имаши, рече, его же нѣси пріялъ? Аще же и пріялъ еси, что хвалишися, яко не приеъмъ (1 Кор. 4, 7)? И глаголаше: еда убо Христось, сый Богъ, не

имать, откуда дати намъ благая дарованія? Аще бы всяко видѣль насъ пользующихся отъ имѣній, могъ бы насъ обогатити, якоже и отцы наша: но понеже видить насъ не пользующихся въ малыхъ и непотребныхъ, сего ради и не ввѣряетъ намъ многая, милуя насъ, да не конечнѣ погибнемъ. Ибо аще бы видѣль насъ пользующихся въ малыхъ, могъ бы подати намъ и великая, якоже рѣхомъ: аще бо кто инъ, кромѣ Его, сотвори господій селомъ, или домовомъ, пометати имѣнія своя предъ ногами святыхъ Апостоль (Дѣян. 4, 35)? Но, якоже присно глаголю, Богъ, благъ сый, даетъ и намъ отъ всего пользоваться; мы же, отъ пристрастія, и отъ еже злѣ приимати дарованная отъ Бога, погубляемъ, и пакость приедемъ отъ дарованныхъ намъ отъ Него, нашего ради злаго произволенія.

Рече паки: никтоже можетъ озлобити душу добродѣтельную; но вся, яже страждетъ, прибытокъ себѣ сія вмѣняетъ быти. Якоже бо вѣрный утѣшается отъ вѣры своей: сице мучится невѣрный отъ невѣрія своего. Вѣрный бо, аще и много терпитъ за дѣла благая, яже творить, но яко вѣренъ сый, надѣется пріяти послушанія ради мзду, и имать много утѣшенія. Невѣрный же, аще и мало постраждетъ что, смущается, томя себя помышленіи своими, и глаголетъ въ себѣ: сице овъ рече ми, азъ же хочу рещи ему множае тѣхъ, яже рече ми, злопомѣніемъ тая, и помышляя вещи, ихже не можетъ сотворити. Ни бо, яже помышляютъ человѣцы, могутъ и сотворити сія: заве не попускается имъ то отъ Бога, имиже вѣсть судьбами Единъ. Множицею предприемлють озлобити кого; но, не попускающу Богу, точію веуе трудятся, тогда бо точію искушаются произволенія человеческая; и колицы убо начинаху еже озлобити святыхъ отцы, но, понеже не попусти имъ Богъ, никто же отъ нихъ возможе озлобити рабовъ Божіихъ но и обличи о нихъ цари: не прикасайтесь, рече, помазаннымъ Моимъ, и во пророцѣхъ Моихъ нелукав-

нуйте (Псал. 104, 14, 15.). Егда же хочеть Богъ явити кому премногую благодать Свою, и та самая сердца немилостивыхъ преклоняеть на милосердіе, яко же пишеться о Давидѣ Пророцѣ: даде бо Господь Давиду благодать и милость предъ Навуходоносоромъ царемъ. И блаженна душа, воистинну уготовавшая себе къ пріятію посылаемыхъ ей отъ Бога, яко ни въ единомъ же оставляетъ сію, но во всѣхъ защищаетъ ю, въ нихже и невѣсть что просити отъ Него. И добръ речено есть: мужъ мудръ отъ Бога заступаемъ есть, и сего ради блаженъ есть. Рцы же ми, колико гоняше Сауль Давида царя, еже умертвити его? Но понеже защищаемъ бѣ отъ Бога, ничтоже возможе сотворити ему; и неточію се, но и мвожницею предаемъ бываше отъ Бога въ рудъ Давиду; онъ же щадяше его: повеже отнюдь святой не имаше злобы раздражающія.

Нѣкогда вопросихъ старца, како долженъ есть кто уничтожаемъ или злословимъ отъ нѣкихъ негѣватися? И глагола ми: аще кто имать себе уничтоженна, не смущается. Якоже рече авва Пимень: аще себе смириши, на всякомъ мѣстѣ обрящеша покой. И глаголаше, яко два брата нѣкая смущеніе имѣяху между собою, якоже прилучается во общемъ житіи въ братіяхъ. Слышавъ се азъ шедъ глаголахъ единому отъ нихъ брату яко ко смиренію: тѣмъ же убо и смиристася на время, и сотвориста другъ другу метаніе, и цаки къ первой любви возвратистася. По сихъ же не вѣмъ что тѣмъ бысть, яко обратившася на мя и глаголаста ми: вскую мниши ты, калутере, яко смирилъ еси насъ? Мы бо сами хотѣхомъ примиритися; и воста на мя глаголюще: мы сперва имѣхомъ тя не яко челоуѣка, но яко Ангела Божія; нынѣ же соблазнилъ еси насъ, уничижая насъ. Рѣхъ же къ нимъ: азъ убо, братіе, первѣе приѣмлю уничиженіе сіе, имже уничижихъ васъ: и да даруетъ ми Господь даже до конца имѣти е съ собою, яко да о всякомъ смущеніи еже на мя, азъ первѣе сотворю



брату моему поклоненіе, и испрошу прощеніе, и сподоблюся сохранити заповѣдь Господа моего, глаголюща: аще принесеши даръ твой къ олтарю, и ту помянеши яко братъ твой иматъ нѣчто на тя, остави ту даръ твой предъ олтаремъ, и шедъ прежде смирился съ братомъ твоимъ, и тогда пришедъ принеси даръ твой, (Мато, 5, 23 24). Вы убо имѣете мя, якоже глаголете, яко Ангела Божіа: азъ же имѣю себе грѣшнѣйша паче всѣхъ чловѣкъ, якоже и есмь. Нынѣже благодарю Бога моего яко и азъ о себѣ тожде мню, еже и вы. Слышавше сіе, оба брата умилишася, и начаша молитися и глаголати: прости насъ Господа ради, авво, яко согрѣшихомъ къ тебѣ. Сиде кто предварить, и иматъ себе уничиженна и меньши, не смущается, аще и укоренъ будетъ отъ нѣкинхъ. И аще прилучится ми сицево о нѣкоемъ услышати, яко злословить мя; скорблю убо пагубы ради его, яко братъ ми есть, и прельщается отъ общаго врага: себѣ же прибытокъ и пользу сіе вмѣняю быти, и присно глаголю: блажащія мя отъ любве окрадаемы глаголють, яже хотятъ, суетно мнѣніе имуще, и не могутъ пользовати мя: а егда виду кого уничижающа мя и досаждающа (б), помышляю, яко Богъ Господь сіа посла для пользы моея, хотя искутити мя: и имѣю уничижающа мя, яко благодѣтеля, яко его ради отвергну малу тяжесть тщеславія, юже имутъ ко мнѣ чловѣцы.

Повѣдаши ми вещь сицеву: яко поносить мя нѣкто отъ братій, пребывающихъ со мною, иже и образъ иноческій отъ мене пріять, и о немже много азъ потрудихся, ибо бѣ отъ благородныхъ. Той единою глаголаше ми: отче мой много люблю тя; рѣхъ же ему азъ: еще не обрѣтохъ, чадо, любящаго мя, якоже азъ люблю его. И се нынѣ глаголеши, яко любиши мя: и вѣрую. Аще ли прилучится нѣчто не угодно тебѣ, не пребудеши тожде: азъ же елика ни

---

(б) Обижающаго.

постражду отъ тебе, ни что же мя поможеть отлучити отъ любви твоея. Милу же причони приидишу, не вѣмъ, что ему бысть, и начатъ глаголати на мя много нѣкая, даже и до скверныхъ нѣкиихъ вещей. Азъ же, вся слышавъ, глаголахъ въ себя: со причонство Иисусово есть, и послася исцѣлити тщеславную мою душу: отъ сицевыхъ бо человекъ можетъ зѣло пользоваться, аще трезвится, якоже и отъ блажащихъ его отщетаваются; сицеви воистину благодѣтели суть. Тѣмже и вѣнчяхъ его, яко врача и благодѣтеля, и глаголахъ повѣдающимъ ми, яже глаголаше на мя: яко вѣнчя моя точію видѣ, и та не вся, но точію часть нѣкую: сокровенная же моя безчленива суть. По нѣкоемъ же времени по прилучаю срѣте мя въ Кесаріи, и по обычаю объеми облобызавъ мя, и азъ того, яко ничтоже слышавъ: ибо, егда клеветаше на мя, елико срѣтахъ его, творяхъ себе, яко ничтоже вѣдуща, аще и вся вѣдѣхъ, яже глаголаше на мя. Единую же припадъ и держа нозѣ мои, глаголаше: прости мя отче, Господа ради, яко много и люта глаголахъ на тя. Азъ же, облобызавъ его, рѣхъ ему радуясь: помниши ли, чадо, егда реклъ ми еси, яко много люблю тя, и рѣхъ ти: еще не обрѣтохъ любяща мя никогоже, якоже азъ люблю его; аще же прилучится вѣчто неугодно тебѣ, не пребудеши тожде: азъ же, елика ни настрадаю отъ тебе, ни что же можетъ мя разлучити отъ твоея любви? Да извѣстится сердце твое, чадо, яко не утаися ничтоже отъ мене, отъ ихже глаголашь еси на мя, но вся слышахъ, и гдѣ, и предъ кимъ, и никогдаже рѣхъ, нѣсть тако, ниже преможе мя кто, еже рещи на мя зло. Но и глаголахъ: яко яже глаголетъ, истинну глаголетъ, и не преставаль поминая тебе въ молитвахъ моихъ: и, да покажу ти знаменіе любви истинныя яже къ тебѣ, нѣкогда болѣхъ зѣло очима, и помянувъ тя, сотворихъ знаменіе честнаго креста и рѣхъ: Господи Иисусе Христе, молитвами брата исцѣли мя; и абіе исцѣлѣхъ. Сія слышавъ братъ, отъ того часа

любяше мя любовію безмѣрною. Сія же до здѣ яже о братѣ.

Глаголаше же авва: егда мало кто понесеть брата своего, аще той разъярится, или скорбитъ, таже помалѣ приходитъ въ себе, и видитъ, како понесе его; тогда и самую душу свою готовъ есть положить за него, и радуется радостію неизглаголанною. Къ сему же и повѣдаше яко егда пребывахъ со отцемъ Захаріею, той бѣ помалу гнѣвался и скорбя на мя, азъ же точію възрахъ на нь и ничтоже вѣщахъ; и повнегда, гнѣваншуся ему много и преставшу, хотѣхъ показати ему, яко ничтоже вниде въ сердце мое, отъ ихже глагола, и никую же скорбь имамъ о сихъ; той удивися и глагола ко мнѣ: прости мя, радости моя и свѣте мой; кто можетъ носити мене, якоже ты носиши?

Поминаше же нѣкоего ивока, повѣдавши ему, яко имѣяше старца кротчайша, егоже, добродѣтели ради его великія и знаменій, яже творяше, имѣяше вся страна она, яко Ангела Божія. Нѣкогда же нѣкто, подвижаемъ отъ врага, пришедъ укори его послѣдними досадами предъ народомъ: слыша сія, старецъ стояше и зряше во уста его и глаголаше: Благодать Божія во устѣхъ твоихъ, брате мой. Оному же неистовящуся и глаголющу: ей блядиве и тунейдче, сія глаголеши, да явишия кротокъ быти, отвѣща старецъ: воистинну, брате, яже глаголеши, истинна суть. Потомъ же вопросы его братъ нѣкій, глаголя: убо не смутился ли еси, авво? и рече: ни; но сице ощущахъ душу мою, яко отъ Христа покрываему. И глаголаше блаженный (в): убо воистинну долженъ есть кто благодарити таковыя, и имѣти ихъ, аще страстенъ есть, яко врачи, исцѣляющи душевныя его язвы: аще ли безстрастенъ есть, яко благодѣтели, ходатайствующи ему царство небесное. И поминаше отца

---

(в) Зосима.

Макарія, глаголя: что не сотвориша ему, егда оболгаху его за отроковицу ѡну, заченшую во утробѣ? егда и чрепины и корчажна ушеса обѣсиша на выю его, и досаждаху ему, водяще его по всей всси и біюще, яко ему еле живу остатися отъ ранъ: той же невѣщаше ничесоже, но, якоже мню, непрестанно моляшеса о нихъ. И вѣрую, яко аще и нѣкое мало согрѣшеніе имѣаше Святый, но ради того уничиженія очистися. И тако имѣаше Преподобный тѣхъ, яко благодѣтелей, и безчестіе добльственнѣ терпяше, яко истинный рабъ Христовъ и присный дѣлатель заповѣдей Его. Егда же восхотѣ Богъ прославити раба, и прояви дѣло: тогда Святый отай бѣжа, вмѣняя славу человѣческую скорбѣ быти, рече бо: яко да не оскорбятъ мя человѣды, воставъ придохъ здѣ, и се есть вина моего пришествія въ скить.

Глаголаше пакы, яко сущу ми еще въ монастыри въ Тирѣ, приде къ намъ нѣкій старецъ добродѣтельный, мы же прочитовахомъ въ отечнищѣ слова отеческая, любяше бо блаженный всегда проходити сія, тѣмже и наполнися отъ сихъ всякія добродѣтели. Таже чтуще придохомъ до старца онаго, къ немуже придоша разбойницы, и рѣша ему, яко вся, яже въ келліи твоей, взяти придохомъ, и тому рекшу: вся, елика хочете, возьмите, они, взявше вся и отшедше, забыша едиу ризу висящу тамо: старецъ же сію возьмъ, погна въ слѣдъ ихъ, вопія и глаголя къ нимъ: чада, возьмите, яже забысте въ келліи вашей: она же, почудившеса незлобію старца, возвратиша вся пакы въ келлію его, и показавшеса рѣша другъ ко другу: воистинну сей человекъ Божій есть. Якоже убо прочтохомъ главизну сію, глагола ми старецъ: вѣси ли, отче, яко главизна сія много ми пользова? И азъ рѣкъ къ нему: како, отче? И глагола ми: нѣкогда живущу ми во странахъ Іорданскихъ, прочтохъ главизну сію, и чудихся старцу, и глаголахъ: Господи сподоби мя по стопамъ старца сего ходити, якоже сподобилъ мя еси и образъ сей

пріяти. И якоже имѣхъ желаніе сіе, по двою дню се и разбойницы пріидоша, и яко толкнуша во дверь, разумѣхъ, яко разбойницы суть, и рѣхъ въ себя: благодареніе Богови! Се пріиде время показати плодъ желанія моего. Отверзъ же пріяхъ ихъ съ тихостію: возжегъ же свѣтильникъ, начахъ показовати, яже имѣхъ въ келліи моеи, глаголя имъ: не смущайтесь, чада моя: вѣрую Богови, яко не скрюю отъ васъ ничесоже. Рѣша же ми: имаша ли злато? И глаголахъ имъ: ей, имамъ три златника; и отверзохъ влагалище мое предъ ними: они же вземше отъидоша съ миромъ. Азъ же (рече блаженный Зосима) склабляхъ рѣхъ къ нему: не возвратиша ли и тебѣ якоже и старцу оному? И глагола ми: ни! да не сотворишь сего Господь! Ибо не хотѣхъ, да возвратятъ. И глаголаше авва: се зри желаніе старца и приуготовленіе, что ему исходатаи, яко не точію не оскорбися, но и возрадовася, яко такового дарованія блага сподобися?

Нѣкогда азъ имѣхъ любовь съ діакономъ нѣкимъ Лавры Святаго Герасима, и не вѣмъ откуда пріять на мя инѣніе о вещи приносящей ему скорбь: и начать отъ мене устранитися. Видѣвъ же его азъ устраниющася, вопросихъ увѣдѣти вину; и рече ми: яко сію вещь сотворилъ еси. Азъ же, неповинна себе вѣдый о вещи, начахъ извѣщавати ему, яко не вѣмъ себе ничтоже таково сотворша. И глагола ми, прости мя, яко не извѣщаваюся (г). Отшедъ же азъ во свою келлію, начахъ испытовати себе, аще что таково сотворихъ, и не обрѣтохъ. И яко видѣхъ его въ церкви держаща святую чашу, и подающа братіи Божественныхъ Таинъ причащенія, кляхся ему сими, яко не вѣмъ себе сотворша вещь, юже глаголеши: и не вѣрова. Азъ же паки пріидохъ въ себя, и воспоминавъ словеса святыхъ отецъ, и вѣровавъ имъ, обратихъ мало помыслъ мой, и рѣхъ въ себя: діаконъ

---

(г) Не удостовѣряюсь.

искренно любить мя, и отъ любве подвижаемъ исповѣда, яже имѣ въ сердцы своемъ, яко да трезвлюся, и ктому прочее да не сотворю сицеву вещь. Обаче, душе окаанная, аще и глаголеши, яко не сотворила еси вещь сицеву, обаче ина безчисленна зла сотворила, и забыла сія. Гдѣ суть, яже сотворила еси вчера и въ другій день, или прежде десяти дней: помниши ли сія вся: такожде и сія сотворила еси, якоже и она, и забыла, якоже и прежняя. И тако положихъ въ сердцы своемъ, яко поистиннѣ сотворихъ сіе, но, якоже забыль первая, тако и сіе. И начяхъ благодарити Бога и діакона, яко тѣмъ сподоби мя Господь разумѣти согрѣшенія моя, и покаяться о семъ. Воставъ убо въ сицевыхъ помыслѣхъ, идохъ покаяться діакону и благодарити его, яко тѣмъ познахъ согрѣшеніе мое. И яко толкнухъ въ дверь его, отверзъ сотвори ми метаніе прежде онъ, и глагола: прости мя, яко отъ бѣсовъ поруганъ, помыслихъ о тебѣ вещь ову. Воистинну убо извѣсти ми Богъ, яко неповиненъ бѣхъ о вещи ничесоже. И глаголаши блаженный: се есть истинное смиреніе, еже тако устрои сердце любящаго є, яко не точію не соблазнися на діакона и не оскорбися нанъ, но и ктому согрѣшеніе себѣ вмѣни; и не точію се, но и благодари его. И глаголаше: видиши ли, что творить добродѣтель, и колики степени. подаетъ любящимъ ю? Аще бо хотѣлъ бы, безчисленны вины пріялъ бы на діакона: первое убо, яко ложно нанъ помысли потомъ же, яко тѣмъ извѣщенъ бывъ, не пріялъ извѣщенія. Но понеже устремися на добродѣтель, не точію не оскорбися нанъ, но и благодари его, добродѣтели предварившей сердце его. Тако и мы, аще быхомъ предваряли и полагали въ сердце наше сѣмена кротости и смиренія, не бы убо имѣлъ диаволь сѣяти въ нѣ злая своя сѣмена. Но понеже обрѣтаетъ насъ пусты всякаго блага помысла, или еще и раздражаемъ себе на злобу и злопомнѣніе, сего ради и диаволь, пріемля отъ насъ вины, своя исполняетъ.

Якоже сопротивнѣ (д) и при добродѣтели прилучается: егда бо видитъ Господь душу жаждущую спастися и дѣлающую сѣмена благая, видя благое ея произволеніе, Своими дарованьми исполняетъ ю.

Повѣдаху о старцы ономъ, иже нѣкогда иде на торгъ купити себѣ ризу, и купи: возьмъ же ю и положъ, сѣде верху ея; давъ же единъ златникъ, хотя наддати цаты: и яко начать чести (е) цаты, се нѣкій примде созади и влечаше ризу, хотя украсти. Благоутробенъ же старецъ смѣй, ощутивъ сіе, начать подвизатися помалу, яко простираяся къ разстоянію цатамъ, дондежс тать взя, и отыде: и не обличи его старецъ. И глаголаше блаженный: не вѣмы, koliko бѣше риза достойна, или сосуди, ихже погуби, но обаче произволеніе велико показа: и имѣай сія, сице бѣ, якоже бы и не имѣлъ ничтоже; и егда погуби сія, такожде пребыть безъ смущенія: ибо, якоже присно глаголю, не еже имѣти вредно есть, но еже по пристрастію имѣти. Таковый же, аще и всего міра сокровища имѣеть, сице пребываетъ, яко ничтоже имый.

Глаголаше паки: яко можетъ произволеніе теплое во единомъ часѣ привести Богу добродѣтель, елико не можетъ въ пятидесяти лѣтѣхъ принести произволеніе лѣнственное. И, аще видятъ бѣсове, яко уничиженъ есть кто, и досажденіе пріять отъ кого, или отщетися, или всяко пострада что, и скорбитъ, не яко пострада злѣ, или укоренъ бысть, но яко прекослови и не претерпѣ добльственнѣ; сицева произволенія боятся бѣсове: вѣдятъ бо, яко начать шествовати путемъ истиннымъ, и хочетъ теши путемъ Божественнымъ, и нослѣдовати преиодобнымъ отцемъ нашимъ. Паки глаголаше: яко аще кто внушитъ глаголь оскорбившаго, и плететь тьмы помышленій навъ, той навѣтуеть свою душу, яко бѣсове. Не достанеть бо ему времени помышляющу таковая, аще не во

---

(д) Съ другой стороны. (е) Считать деньги.

споманеть врача своего Иисуса : зѣло убо себѣ таковыи вредить. Что бо глаголеши и помышленія плетеши нань, и не помышляеши его, яко врача, исцѣляющаго тя, и показующаго твоя извы? Долженъ бо еси благодарити его и имѣти яко врача, посланна отъ Христа. Аще ли не премѣниши злобу, но сице пребывая, будеши помышленія плетый нань: неовиненъ тебѣ Господь Богъ; оно же страданіе бывающее болѣзнь и тягота души бываетъ: аще бо не бы болѣзнь, не бы страдалъ. И подобаетъ ти благодарити брату, зане его ради позналъ еси недугъ твой, и пріимати отъ него оскорбленія, яко былія цѣлебна, посланная тебѣ отъ Иисуса. Аще ли же не точно не благодарити его, но и помышленія плетеши нань; сице глаголеши Иисусу: не хочу пріяти былія Твоя, не хочу исцѣлитися отъ Тебе, согнати хочу въ язвахъ моихъ; послушливъ быти хочу бѣсомъ. И что уже сотворить Господь? благъ бо сый Господь нашъ, противу злобамъ нашимъ даде намъ святыя заповѣди, воеже таковыми лѣчбами горкими очищати болѣзни душъ нашихъ. Иже убо хочетъ и любить цѣль быти, и премѣнитися отъ недуга, терпѣть прилѣжно наносимая ему отъ врача: самъ бо недугуяй никакоже можетъ рѣзати плоть свою, или цѣлити себе; но съ прилѣжаніемъ повинуется врачу, зане кромѣ того невозможно премѣнитися недугу. Тѣмже вдаетъ себе врачуви, вѣдмый, яко малымъ терпѣніемъ многовременныя болѣзни исцѣлитися могутъ. Аще ли же не терпиши таковая, самъ себе навѣтуеши. Кто исходатайствова святымъ мученикомъ вѣнцы оны? Не обидяци ли ихъ? Кто дарова святому Стефану толику славу? Не убивавши ли его каменіемъ? И принесе авва притчу Емагриеву: яко азъ, рече, укоряющимъ мене никакоже укоряхъ: но паче, яко благодѣтелей тѣхъ вмѣвахъ, и бояхся, да не како и о моей души речеть: цѣлихомъ Вавилона, и не исцѣль (Іер. 51, 9). Якоже стяжавый милосердіе щедротъ, и любовь и благость, переѣ себе



веселить и пользуется, таже и ближняго: тако и сопротивное, злобу имѣя въ себѣ, истолчываетъ себе, и томленіе непрестанное себѣ содѣловаетъ.

И глаголаше паки: яко вопросы мя нѣкто, глаголи ми: отче, многа суть вчинена учении, и изнемогаеть умъ мой въ нихъ: молю тя убо, какъ сохранить ми, какъ ли не сохранить, да скажеш ми. И рѣкъ ему, да не удивляетъ тебе сіе: но сіе помышлай, яко аще не прилежиши къ вещемъ, удобнѣ имаша исправити добродѣтель; и аще сопротивишися имъ, не имаша памятозлобникъ быти. Кій трудъ есть молитися за враги? копати ли есть землю, или орати, или ходити путемъ? Но точію находящая ти претерпѣвай со благодареніемъ, и будеша ученикъ святыхъ Апостоль, иже хождаху радующеся, яко сподобишася имене ради Христова обезчестими быти. Они убо, чисти суще и святы, за Имя Христова безчестія, и гоненія, и раны, и мученія пріяша; мы же должны есмы безчестими быти грѣхъ ради нашихъ: и безчестни есмы, аще и никтоже обезчеститъ насъ, пачеже и проклятїи: прокляти бо, рече, уклоняющїися отъ заповѣдей Твоихъ (Псал. 118, 21). Еда бо всѣхъ есть обезчещеннымъ быти Имене ради Христова? не всѣхъ, но святыхъ и чистыхъ точію, якоже рѣхъ. А еже въ насъ безчестіе помышляти благоразумнѣ подобаетъ: яко поправдѣ, обезчестими есмы грѣхъ ради нашихъ и злыхъ дѣлъ. Но стравна суци душа, мнїтъ, яко по неправдѣ страждетъ. Сѣдитъ помышляючи, и плетуци помышленія, и глаголюци: яко онъ—сице рече ми, и обезчести мя, и досади ми; и тако смышляетъ всегда, и исполняетъ волю бѣсовскую. И аще видятъ бѣсове душу послушающую ихъ, и удобъ приемлюшу лукавыя помыслы: предають ю прочее сатанину художеству, и не требуютъ присѣдѣти ей, вѣдаяще, яко сіе довольно есть ей на погнѣбель: точію назирають ю издавеча, еда како усопѣла есть. Что честнѣе и что благо, токмо еже всѣхъ любить, и любимымъ быти всѣми? Кій покой

не имуть заповѣди Христовы? Но никакоже на благое устремляется помысль нашъ, но на вся совротивная; аще же ко благимъ устремился бы, благодатию Христовою вся ему удобна быша были. Кое убо упокоевiе не имать кроткiй и смиренный? Поистиннѣ кротцыи наслѣдить землю (Псал. 36, 11.).

Иногда же бывшу ми во святѣмъ градѣ, прииде вѣкто отъ Христолюбивыхъ, и рече ми: за еже вѣкую прю малу имѣхомъ между собою азъ же и братъ мой: то уже и бесѣдовати ко мнѣ нехощеть: тѣмже молю тя, яко да шедшу ти бесѣдуеши ему яже ко смиренiю. Азъ же съ радостiю приѣмъ слово, идохъ ко брату его и призвахъ его, и глаголахъ ему еже ко смиренiю: и много прекословившумися съ нимъ, и рече ми: не могу бесѣдовати ему; понеже заклыхся въ честный Крестъ. Азъ ослабился рѣхъ къ нему: дивство! Толику ли силу имать клятва твоя, еже: тако ми честнаго Твоего Креста, Христе, яко не имамъ сохранить заповѣди Твоя, но волю вражiю исполнити хочу? Не должни убо есмы оставляти злое, бываемое отъ насъ точiю, но паче каятися и скорбѣти о злыхъ, ихже наносимъ на ся, якоже рече богоносный Василiй: Иродъ аще покаялся бы, не бы совершилъ клятву свою, не бы содѣлалъ великiй онъ грѣхъ, усѣкнувъ Христова Предтечу. И потомъ принесохъ ему притчу Святаго Евангелiя: яко егда восхотѣ Господь умыти нозѣ Петру, како отвѣща? И глаголахъ: аще кто поживеть лѣта Маусалова и не пройдетъ таковаго праваго пути, его же придоша вси святiи, рекше: еже обезчещему быти, и досаждаему, и обидиму, и терпѣти доблественнѣ, во еже достигнути въ мѣру святыхъ и богоносныхъ отецъ; таковый точiю лѣта провождаетъ и ничтоже успѣеть.

# О ДѢЯНІИ И ВИДѢНІИ (а)

## ГЛАВЫ СВЯТАГО ФЕОГНОСТА.

1. Тогда вмѣняй истинну имѣти добродѣтель, егда вся, яже на земли, совершенно презриши, готово имѣя сердце чистою совѣстію всегда, еже отыти ко Господу. Аще же вѣдомъ хощещи быти отъ Бога, невѣдомъ буди отъ чловѣкъ, елико еже по силѣ.

2. Зри излишняя тѣлесе утѣшенія, и опританъ буди отъ нихъ, да не како уймуть (б) вѣчто отъ трудовъ твоихъ: поелику (в) сирѣчь къ трудомъ, иже предваряху прежде безстрастія, здѣшняя отъ сихъ приходитъ отрада (г). Тщету убо вмѣняй, не лишение сладкихъ, но еже сихъ наслажденіемъ лучшихъ отнати.

3. Вѣждь мравія самага себе имѣя и черви во всякомъ чувствѣ (д), яко да будещи богозданъ чловѣкъ. Аще бо ве оно первѣе, ни убо сіе правослѣдствуетъ. И елико аще снидещи, только въздещи. Егда же и себе самага, яко ничто же (Псал. 38, 6), предъ Господемъ вмѣняещи, по Псалмопѣвцу; тогда будещи великъ отъ мала отай. И ввсегда мнишия имѣти и вѣдѣти ничто же, тогда богатѣши и дѣяніемъ и разумомъ (е) о Господѣ похвальнымъ.

---

(а) Въ Христ. Чтеніи на 1826 г. Ч. XXIII. с. 131, сія надпись читается такъ: главы о дѣятельности и о созерцаніи, и о священствѣ. — Тамже пишется: „Акростихъ сихъ главъ въ подлинникъ есть слѣдующій: Преподобнѣйшимъ Отцамъ Лазарю и Варлааму Феогностъ всескудный, недостойный всего міра.“ (б) Отнимуть. (в) Поколику. (г) Хр. Чтен. ослабленіе (д) Хр. Чт. Нитай въ себѣ постоянно то чувство, что ты муравей и червь. (е) Вѣдѣніемъ.

4. Сокруши мѣщину грѣшному и лукавому (Псал. 8, 8): сласть глаголю и лукавству, отъ нихже всяка раждается злоба (ж). Сокруши же воздержаніемъ и еже отъ смиренія незлобіемъ: да аще и възыщется весь твой грѣхъ крѣпкимъ словомъ, во время испытанія содѣянныхъ не обрящется что. Изглаждаются согрѣшенная, вневгда вины сихъ, имиже совершенно дѣйствовашася, возненавидѣвше, мы на ня воевати имама, первое побѣжденіе послѣднѣйшею побѣдою воззываютъ (з).

5. Ничто же есть лучше чистыя молитвы, отъ нея же, яко отъ источника, истекають добродѣтели: разумъ (и) и кротость, любви и воздержаніе, и еже отъ слезъ внутрь бывающее отъ Бога заступленіе, вкупѣ же и утѣшеніе. Доброта же сея (і) въ единѣхъ глаголемыхъ и разумѣваемыхъ есть мыслию, и насытно выну божественныя бесѣды желаніе, вневгда своего владыку видѣніемъ сущихъ изельдуя умъ, и ища горящимъ желаніемъ жаждательнѣ обрѣсти и увидѣти Невидимаго, таже зря тму закровъ Его (Псал. 17, 12), возвращается паки въ себе всеблагоговѣйно спрятуся: доволенъ сый убо нынѣ полезнѣ открывающимся видѣніемъ, и симъ утѣшаемъ, благонадеженъ же сый, отнюдь тогда постигнути желаемое, егда, явленіемъ разрѣшившимся, и еже въ сѣнехъ мечтанію, яко въ зеркаль же и гаданіихъ, преставшу, предъ лицемъ чисто зрѣніе будетъ выну.

6. Спрятанъ буди отъ высочайшихъ видѣній, аще не ѱ на крайнѣйше безстрастіе возшелъ еси: и не тецы испостижнѣ (к), лже паче тебе желая. Аще бо хощещи, рече, Богословъ быти вкупѣ и зрите-

---

(ж) Злые навьки. (з) Хр. чт. пораженіе, недавно постигшее насъ, вознаграждала немедленно побѣдою. (и) Разсудительность. (і) Хр. чт. молитвы состоятъ въ погруженіи размышленія только въ слова произносимыя, и мысли содержимыя оными, и во всегдашнемъ не насытимомъ желаніи.... (к) Хр. чт. „къ тому, до чего достигнуть не можешь.“

лень: жителствомъ възды, и очищеніемъ стяжи чистое. А понеже Богословіе воспоминаюхомъ, зри не на высоту сего, въ безмѣріе простираеся (л): и смотри, яко нѣсть праведно намъ, млекоу еще напаяемымъ добродѣтелей, къ сему покушатися возлетати: да не како періе отвержемъ, яко птенцы несовершенніи (м), аще и медь разума (н) ясти желавіе понуждасть. Внегда же цѣломудріемъ и слезами очищаема, отъ земли, яко Илія, взимаемся, или Аввакумъ, еже на облацѣхъ (1 Сол. 4, 17) отынь тогда (о) начинающе восхищеніе, и чистою молитвою зрительною же и неарительною внѣ чувствъ обрѣтающесея, ищемъ Бога: тогда негли и Богословія отчасти прикоснемся.

7. Вождельль ли еси Божественна сподобитися видѣнія и явленія во умѣ? Мирно убо и безмолвно первѣ возлюби житіе (1 Тим. 2, 2), и упразднився познай и самаго себе и Бога. Аще бо сіе будетъ, ничто же возбранитъ ти, яко въ дыханіи тонцѣ (5 Цар. 19, 12), въ чистѣмъ устроеніи и не мятежнѣмъ (ц) всякою страстію, всѣми Невидимаго узрѣти во умѣ, спасеніе тебѣ своимъ изобразительнѣйшимъ разумомъ (р) благовѣствующаго.

8. Якоже молніи предтекущей, абіе ожидаемъ есть и громъ: тако идѣже Божественно умилостивленіе возсія, тамо и страстей буря утишается. А идѣже сіе сприсядѣтъ стяжавшему, тамо и обрученіе (с) тамошняго блаженства. Нѣсть же божественныя милости или безстрастія надежды въ души любящей міръ наче Создавшаго, и пристрастнѣ обрѣтающейсея къ видимымъ, и присно держащейсея плотскихъ сластей же и наслажденій.

---

(л) Хр. чт. „не измѣрай высоты онаго своею неопытностію.“

(м) Хр. чт. „дабы не пасть, подобно птенцамъ неоперившимся.“ (н) Вѣдѣнія. (о) Будущее. (п) Не возмущаемомъ никакою. (р) Черезъ яскѣйшее откровеніе себя. (с) Залогъ.

9. Божество что есть и где, не ниц уомъ: пресущественно бо есть, и мѣстомъ не удержиимо, яко паче всего. На единого же описаннаго Бога Слова (человѣчествомъ), яко въ зеркаль, зриай, слико возможно достигнути, лучи свѣта испущающа Божественнымъ естествомъ, и въ мѣстѣ разумѣваема, сущаго вездѣ за неописанное Божества. Обаче елико аще очищаешися, толико и просвѣщенія сподобишися.

10. Истинна разума рачительствуя, и изкѣтствованія (т) спасенія несумнѣнна, первѣ возлюбумудрствуй разторгнути страстныя души къ тѣлу узы: и нагъ бывъ пристрастія вещественныхъ, сниди въ бездну смиренія, и обрящени многоцѣнный бисеръ спасенія твоего, яко во чрепнѣ (у), въ божественнѣмъ разумѣ (ф) сокровень, и свѣтлость тебѣ царствія Божія предобручающъ.

11. Мысленное исправлшему повиновеніе, и покорившему плоть духови, нѣсть потребности человѣческаго повиновенія: повинуется бо сей слову Божию и закону, яко благоразумень послушникъ (х). А въ нижже рать и брань есть тѣла противу души, вуждно есть повинутися, и стяжати воеводу и кормчія, кормилодержаща художно, и изрядно (ц) вооружающа: да не како отъ мыслеввыхъ супостатъ потребимся, и отъ страстей за неискусство (ч) потонемъ.

12. Егда отъ нѣкія страсти не стужаемъ еси, и божественное желаніе растеть внутрь въ сердцѣ твоємъ; и внигда, яко сонъ вмѣняа смерть, не боишися тоя, во и паче желеши разрѣшенія: тогда и обрученіе стяжалъ еси спасенія, якоже подобаетъ, и царствіе небесное обносиши внутрьду, неизглаголанною радостію радуяся.

---

(т) Желяя пріобрѣсть истинное вѣдѣніе и увѣренность.... (у) Хр. чт. „въ раковинѣ.“ (ф) Вѣдѣніи. (х) Хр. чт. „какъ вѣрный подданный. (ц) Самымъ лучшимъ образомъ. (ч) По причинѣ нашей неопытности.

**О священствѣ.**

13. Священства сподобля Божественнаго и говѣйнаго (ш), самаго себе первѣ долженъ еси имѣти пожрениа (щ) умертвиемъ страстей и сластей: и тако смѣти прикасатися животнѣй (ъ) и страшнѣй жертвѣ: аще не хоцеша, яко вещестно удобосгараемо, божественнымъ сожженъ быти огнемъ. Аще бо Серафимъ безъ клещей не смѣ божественному прикоснутися углу; како ты коснешися безъ безстрастіа, имже и языкъ имѣти будеша освященъ, и устнѣ очищеннѣ, и душу чисту съ тѣломъ, и самѣ тѣ руцѣ, всакаго злата свѣтлшѣ, яко служительнѣ (ы) пресущественнаго огня и жертвы.

14. Разумнѣ крѣпцѣ глаголемыхъ силу, яко на оно на всякъ день зриаеши свасеніе, еже единою видѣвъ Симеонъ старецъ, ужасеся, и о отпущеніи моляшеся (Лук. 2, 30). И аще вѣсть не пріялъ еси отъ Святаго Духа пріятенъ быти ходатай (ь) Богу и человекомъ, яко равноангеленъ: да не смѣши (ѣ) дерзостнѣ на страшное и пречистое божественныхъ священносовершеніе, его же и Ангели ужасаются, и мнози отъ Святыхъ, яко отъ нетлѣнна, всеблагоговѣвно опряташася (э), да не како, яко Оза онъ, мнѣнїемъ благаго потребишися.

15. Внемли себѣ, по рекшему (1 Тим. 4, 10). Аще что тебѣ прежде, или нынѣ, янутрь бываетъ негли сквернавое отъ немощи, божественнымъ да изнуриется огнемъ, о своихъ первѣ грѣсѣхъ выву приносящу (ю). Тако бо, яко избранъ и благопотребенъ сосудъ и чистъ, и таковыа Жертвы достоинъ, возмоглъ бы еси во сребра естество, или и злата

---

(ш) Досточтимнаго. (щ) привести въ жертву. (ъ) Къ живоносной. (ы) Хр. чт. „какъ служебныя орудія.“ (ь) Посредникъ между Богомъ и человекѣми. (ѣ) приступать. (э) Хр. чт. „отъ пресвятаго, съ глубочайшимъ смиреніемъ уклонились.“ (ю) Приносящу жертву.

(1 Кор. 5, 12) преложитися, аще нѣщипи и скудельпи и древяни были быша (я), аще точію имѣти будеши Божество приклапемое (о). Идѣ же бо Богъ изъ послушаніе (v) готовъ, нисдино прешятіе отъ сего въ сіе преложенію.

16. Зри же, еликія сподобилея еси равноангельныя чести, и тщися пребывати неповиненъ (а) во степені, въ онѣже позванъ былъ еси, добродѣтелию всякою и чистотою. Падшаго бо денницу нѣси, отъ какова яковъ бысть за возношеніе. Еже да непостраждеши и ты, неликими о себѣ самомъ мечтаеся: но имѣй себе землю, и пепель (Быт. 18, 27), и помои (б), и пса нѣкоего, и плачи выпу, яко всяко сподобляешися въ приобщеніе Божественно и средство (в) призываемъ быти прикосновеніемъ святыхъ Таинъ страшнаго священносовершенія, челоуѣколюбіемъ Божиимъ неизреченнымъ и неизглаголанною благодію.

17. Священничествующему и всѣхъ убо подобаетъ быти чисту страстей: изряднѣе же блуда и злопомнѣнія, ниже тонко имѣти мечтаніе (г), аще не хочеть якоже поврежденъ, или сажею помазанъ на очію, тѣла касаяся царска, ненавистенъ быти и мерзокъ.

18. Струями слезъ первѣе паче снѣга убѣленъ (Пс. 80, 9.), такоже и съ совѣстію убѣленною чистотою, прикоснися Святымъ, яко святъ, вышшимъ Ангелообразнымъ бѣлоодѣяніемъ внутреннюю явля души красоту. Зри же, не извѣствоватися о божественныхъ таинствоначали (д) сущими у челоуѣкъ точію преданія, но да будетъ ти благодать, тайно купно и таинственно, вышшимъ вразумляюща.

---

(а) Хр. чт. „хотя бы прежде былъ ты чѣмъ нибудь деревяннымъ или глинянымъ.“ (о) Преклонно къ тебѣ. (v) Хр. чт. „къ услышанію.“ (а) Хр. чт. „непоколебимымъ. (б) Пометь. (в) Хр. чт. „и соединеніе съ Богомъ.“ (г) Хр. чт. „и не давать свободы воображенію.“ (д) Хр. чт. „въ священнодѣйствіи Божественныхъ Таинъ.“



19. Нетлѣнія рачительствуя и безсмертія, честно и благоговѣнно вѣрою приступи къ животворящимъ и нетлѣемымъ (е): желая и еже отсюду отшествія, яко совершенъ бывъ вѣрою. Аще же боишися смерти, не у сорастворился еси любовію со Христомъ: его же сподобился еси своеручнѣ жрети (ж), и его же насыщаешься плотей. Аще бо бы растворился еси, потщался бы еси пойти, идѣже Любимый: о жизни же и плоти иедино прочее твора (з).

20. Плоти Божія и жрецъ бывъ и приобщникъ причащеніемъ, снасажденъ быти и подобію смерти Его (Рим. 6, 5) долженъ еси: не ктому живый себѣ, по Апостолу, но за тя распеншемуся и умершему (2 Кор. 5, 15). Аще же плоти и міру живеша страстно, готовися смертію къ мученію безсмертну, аще не станеша (и) волею прежде кончины отъ безкровныя жертвы. Обаче коль мнози и здѣ отъ недостойнѣ священнодѣйствующихъ, внезапною восхищеніи бывше смертію, въ тамошняя послани быша мучилища.

21. Священникъ бо нѣкій, въ томъ же времени купно и ннокъ, благоговѣнія славу и нѣя, и многими вышнимъ появленіемъ (и) честенъ вмѣняемъ, внутрьуду же тайно блудствуя и оскверняяся, Божественную и священную совершая службу, къ херувимскому приблизися пѣснопѣнію, таже выю поклонивъ, якоже обычно, предъ святою трапезою, и еже: „никтоже достоинъ“, прочитая, внезапно обрѣтесе мертвъ. Въ таковомъ образѣ остави его душа!

22. Слова права и разума (к) ничтоже есть предпочтеннѣйше; отсюду бо прибываетъ иже ко Богу страхъ и любви: овъ убо очищая благоговѣніемъ и

---

(е) Т. е. Тайнамъ. (ж) Приноситъ въ жертву. (з) Не заботясь уже. (и) Хр. чт. „не преставешь совершать.“ (и) Хр. чт. „за внѣшнее поведеніе.“ (к) Хр. чт. „праваго разума и познанія.“

спрятаніємъ; ова же совершеннотвора просвѣтительнымъ имствомъ (к) же и разсужденіемъ, и умъ высокошественъ содѣловая высокимъ видѣніемъ и восхожденіемъ. Не возможно же безъ страха къ божественному раченію прійти, и тѣмъ полетѣти ко уповаемымъ и почити въ нихъ.

23. Прійди же мнѣ покаряяся, иже спасенія разжженнѣ и непогрѣшительнѣ желай. Дондеже постигнеши, тебѣ: ища съ болѣзнію, прося непрестанно, и толча терпѣливо, дондеже получиши, основаніе (л) водрузивъ вѣру твердо и смиреніе. Тогда же постигль еси желаемое, не егда оставленіе грѣховъ точію получиши, но егда не ктому страшишися, иже боишися страсти нѣкія возстанія, безъ страха и со дерзновеніемъ плоти разлучаяся.

24. Ищи извѣствованіе (м) пріяти со многими слезами, обаче не прежде кончины, аще смиренномудръ еси, да не како во прочее (н), яко безъ попеченія бывъ, презриши; но тогда обрѣсти, близъ исхода: обаче не погрѣшительнѣ, да не уповавъ имѣти, поругаемъ отъ возношенія, погрѣшиши (о) желаемого, уповаемому тогда постигшу времени. И гдѣ пойдеши, окалнне, безъ обрученія (п) и спасающаго не сомнѣннаго извѣствованія, даемаго Духомъ.

25. Безстрастія рачительствуя боготворнаго, послушаніемъ первѣе и смиреніемъ обрящещи желаемое: да не имѣмъ нутемъ шествовавъ, трудовъ себѣ виновенъ будещи. Безстрастіе же стяжалъ есть, не иже овогда убо отъ страстей стужаемый, овогда же безмолвствуяй и почиваяй, но иже всегда наслаждааяся въ безстрастія, и, винамъ присутствующимъ страстей, пребываяй неподвижимъ: изряднѣе же и иже не страждай въ сяхъ помышленіемъ.

---

(к) Навыкомъ. (л) Хр. чт. „вмѣсто лѣствицы.“ (м) Хр. чт. „увѣренность въ спасеніи.“ (н) Время. (о) Лишнншься. (п) Куда пойдеши, несчастный, не имѣя залога....

20. Текущихъ желаніе не пнзлечеть тя на землю, небесными мечтающася (р). Аще же нѣкое тя пристрастіе земныхъ къ себѣ привязуеть, подобень еси орлу, держиму въ сѣти за ногу, и возбраняему высокопаренію. Имѣй убо вся и вмѣняй уметы, упованіемъ воздаяній. Но и саму ту плоть, времени зовущу, оттрясь, послѣдуй исторгающею тя Ангелу Божию.

27. Якоже не возможно златницѣ, не имущей начертанія царска, въ сокровища царска со обычными учиненнѣи быти: тако не возможно, безъ разума (с) права и безстрастія, пріяти обрученіе тамошняго блаженства, и со дерзновеніемъ и извѣствованіемъ взыти отъ здѣшнихъ ко уповаемымъ, и сочинену быти со избранными. Разумъ же глаголю, не (т) премудрость, но незаблудное Бога и божественныхъ вѣдѣніе, имже боголюбивый возносится, не низвѣщаемъ отъ страстей, ко обоженію благодатію Духа.

28. Аще и всю дѣятельную (у) пройдеши, не тако уповати да имаши на себе, яко достигль еси въ безстрастіе, ниже безъ попеченія да пребываеши въ мірѣ: да не како образы страстей отсюду вообразишь, неудобно обрящеши отходя: но присно страхомъ пѣстнуемъ, о преложнѣмъ прилѣжи (ф) и измѣняемъ твоемъ естествѣ. Удалися премудростію винъ страстей: въ конецъ бо неизмѣнное безстрастіе, въ достигшихъ есть совершенныя любви, и видѣніемъ всегдашнимъ превземшихся чувственныхъ (х) и тѣло превозшедшихъ смиренія (ц), ихже не касается пламень страстей ктому, пресѣченъ бывъ (Псал. 28. 7) гласомъ Господнимъ, за еже преобразитися силъ уже въ нетлѣніе (ч).

---

(р) Когда воображаешь небесное. (с) Знаніи. (т) Хр. чт. „не (мірскую) мудрость.“ (у) Хр. чт. „пѣть дѣла благочестія.“ (ф) Не забывай. (х) Вознесшихся надъ всѣмъ чувственнымъ. (ц) Уничужденное. Филип. 3, 21. (ч) Хр. чт. „для нетлѣнія.“

29. Безстрастія желей, не прежде време, да не постраждеши еже пострада первозданый, безвременно причастився древа разума (ш). Но, дѣлая съ терпѣніемъ, обдержительнымъ (щ) воздержаніемъ, и прилѣжнымъ моленіемъ, и храня самоукореніемъ и смиренномудріемъ крайнимъ содѣлавная, ожидай по сихъ благодати безстрастія, — по многой бури и смущеніи пристанища покоя. Не бо неправеденъ есть Богъ, еже бы затворити право ходящимъ безстрастія дверь, ввсегда подобаетъ.

30. Иди ко мнѣ, ко нравію худостію и ничтожествомъ, о лѣннине (Притч. 6, 6), ксему же и веискусенне: и научишися отъ мене, яко благихъ вашихъ нетребуеть (Псал. 13, 2) Богъ нескудный и преисполненный, но боготдаритъ благодѣтельствуеть и спасаеть благодатію произволительныхъ благоразумныхъ, еще же и еже посиль дѣланіе челоувѣколюбнѣ пріемлетъ. Аще убо, яко должникъ прежде бывшихъ отъ Него благъ, твориши: благо твориши, и близъ есть Божественная милость. Аще же должника благихъ, яже мнишися дѣлати, испщущи имѣти Бога: отъ праваго заблудилъ еси. Како бо должникъ есть благодѣтель? Обаче и тако тецы, яко наемникъ: и помалу предсѣя, постигнеши, милостію Божіею, вщемое.

31. Хочещи ли тебѣ и инъ спасенія, пачеже безстрастія, покажу путь? Понуди Создателя моленми, елика сила. Не погрѣшиши подлежащаго (ъ), ходатаевъ къ Нему выну предлагая небесныя вся Силы, и вся вкупѣ Святыя, съ пречистою Богоматерію. И безстрастія убо не ищи, яко не достоинъ сего дара. Проси же спасенія болѣзненно, и пріимеши съ симъ и безстрастіе. Оно бо убо сребру, сіе же злату подобно есть чисту. Имѣй же и тайное, елико

---

(ш) Познанія. (щ) Всякаго рода. (ъ) Не лишисься успѣха въ достиженіи предположенной цѣли.

возможно есть, дѣланіе Божію служительницу, и нѣкихъ сокровенныхъ у Него тайнъ словеса, Боготворяща тя, имже веселится Богъ вкупѣ и прикланяется.

32. Подвигнися обрученія (ы) спасенія пріяти тайно внутрь въ сердце твоемъ, извѣствованіемъ несомнѣннымъ, да не ужась обрящещи и страхованіе печально во время исхода. Тогда же пріялъ еси, аще не ктому имаша сердце зазирающе о оскудѣніихъ, и совѣсть бѣишу о прогнѣваніихъ; аще звѣрскихъ страстей свирѣпство укротися въ тебѣ божественною благодатию; аще и слеза утѣшенія истекаетъ, и умъ чистъ и невысимо (ь) молится, и ввсегда сладцѣ во уготованіи сердца ожидаетъ бѣгательныя многимъ вкупѣ и страшныя смерти (ь).

33. Глаголы живота вѣчнаго, яже имѣти Богъ Слово отъ верховнаго Апостоловъ свидѣтельствовася (Іоан. 6, 68), словеса суть бывшихъ (э) Тѣмъ (Іоан. 4, 3): и тайноводствуемый къ Нему, въ тайны тѣхъ, яко нескверенъ, бывъ посвященъ, уже отсюду (ю) стяжа и животъ вѣчный, и обрученіе (ы) Духа, и невестыдное упованіе спасенія. Не сподобляется же сихъ, предпочитай чаче души плоть, и пристрастіе имѣай къ земнымъ, и тѣми держимый.

34. Словесевъ, не иже произносно имый слово, есть; сіе бо имать всякъ человекъ; но иже словесною (я) частію души нескій же и изслѣдуй обрѣсти Бога. Обаче и той никакоже когда обращеть, что убо есть существомъ Пресущественный: всякому бо естеству сіе невозможно: но (о) содѣлательною сущихъ премудростію, и промысломъ, и управленіемъ: со-

---

(ы) залогъ. (ь) Хр. чт. „неразсѣянно.“ (ъ) Хр. чт. „смерти, которой большая часть людей страшится и желала бы избѣжать.“ (э) Хр. чт. „слова о томъ, что Цмъ сдѣлано.“ (ю) Хр. чт. „здѣсь.“ (я) Разумною. (э) Но какъ открывается Онъ въ создавшей всѣ существа премудрости, промыслѣ, распоряженіи, содержаніи, управленіи и сохраненіи всего.

держаніемъ же куино и окормленіемъ и соблюденіемъ, имиже обрѣтается и аки зримъ есть Изряднохудожникъ, еликимъ образомъ и домоздатель дѣломъ своею руку.

35. Нестяжанія, якоже подобаетъ, безъ безстрастія не исправиши, ни безстрастія безъ любве; ни сея безъ страха и чистыя молитвы; ни сихъ безъ вѣры и безъ безпеченія, имиже воскресилъ умъ, долѣтное повергаетъ мудрованіе, летитъ же на высокаа и превыспренняя, своего Владыки взыскаа.

36. Возлюби чистоту, яко зѣницу ока, да будеши Храмъ Божій и домъ вождельменъ: ве возможно бо безъ цѣломудрія присвоитися (v) со Богомъ. Раждаетъ же добродѣтель сію желаніе божественно, и безпристрастіе и бѣгство міра; соблюдаетъ же смиренномудріе вкупѣ и воздержаніе, молитва всегдашняя, и видѣніе духовно, и съ безгнѣвїемъ прилѣжна слеза. Доброты же разсужденія безъ безстрастія не получши.

37. Никто же тя да прелстятъ, брате, яко безъ святыни, по Апостолу, зримъ есть Богъ (Евр. 12, 14). Не бѣ прїемлетъ (а) Господь пречистый, и всякія чистоты паче сый, нечисту явится. Яко же бо же достоинъ Его есть, иже отца или матеръ паче Его любяй: или паки дщерь и сына: тако и иже нѣчто когда отъ привременныхъ и вещественныхъ (б); и много множае, иже мерзостный и злосмрадный предпочиталъ грѣхъ паче любве Господни. Отмещетъ бо не отвращающася скверны Богъ: зане ниже тлѣніе нетлѣнія наслѣдствуетъ (1 Кор. 15, 50).

38. Божественныя любве безъ разума (в) не сподобишися, ниже сего безъ вѣры. Вѣру же глаголю не нагую простъ: но отъ дѣянїя прибывающую добродѣтелей. Истинное же умиленіе тогда получиши,

(v) Хр, чт. „войти въ ближайшее общеніе. (а) Не хочетъ.

(б) Любящїй. (в) Знанїя.

егда воздержаніемъ и бдѣніемъ, молитвою же и смиреніемъ всажденную плоти увидивъ сласть, ераснишися со Исусомъ: не ктому живый страстно, но Богови Духомъ, и живый и ходя упованіемъ вышняго наслѣдія.

39. Въ семь познахъ, яко восхотѣль мя еси, вопіеть ко Богу, яко не возрадуется врагъ мой о мнѣ (Псал. 40, 12) даже до конца мучительствуя страстьми, и удручая мя. Но да прежде кончины отъ руки его нехитиши мя, и жити духовнѣ и Тебѣ благоугоднѣ сподобивъ, чрезъ благій конецъ спасенна Твоему представиши судищу, здѣ обрученіе спасенія, Твоею милостію, и несомнѣнное извѣствованіе приємлюща, яко да не смущенъ во время исхода и неготовъ обрѣтуся, и да не испытаю нестерпиму скорбь и паче смерти и муки горчайшу и тягчайшу.

40. Нѣсть простъ худа вещь и приключшаяся (г), вѣра и надежда: но вѣра убо крѣпкія души требуетъ; надежда же разсмотренія и сердца права. Како бо кто вѣровати имать невидимымъ удобь безъ благодати? Како же надѣятися имать кто о будущихъ безвѣстныхъ, аще не удержитъ отъ правоты дарованій Господнихъ, ими же и о оцѣхъ приметъ извѣствованіе, яко о настоящихъ? Тѣмже во обоихъ и добродѣтели потреба, и Божія приклоненія же и помощи, имже не присутствующимъ намъ, всуе труждаемся

41. Плодь истинныя добродѣтели есть, или разумъ, (в) или безстрастіе: или и оба сія. Аще ли же ни, то суетна бысть намъ мнящаяся добродѣтель, и нѣсть непритворна: аще бо бы была, окосмотъвала бы (д) и плодами, а не листвіемъ точію. Нынѣ же, или угодіемъ чловѣкъ, или самоугодіемъ, или инѣмъ чимъ отъ неугодныхъ сущихъ Богу,

---

(г) Не есть что либо неважное и обикновенное. (д) Хр. чт. „украшалась бы.“

таймичишь (е), а не боголюбивъ есть. Но мы, вину исправльше, получимъ на пользу несумѣнно, приносящую, ввегда подобаетъ и елико подобаетъ, разумъ (в) же и безстрастіе, благаго Бога нашего благодать.

42. Разумѣвай умышленія вражія, просвѣщеніемъ благодати, и повергая себе предъ Богомъ съ плачемъ, извѣщевай немощь свою, ничтоже имѣя себе, аще и мѣтися кого быти (ж) увѣщаваетъ лстець. Ниже убо молися о любодарствіи (з) дарованій, аще не бы были ты спасенія виновны, и смиренномудрія хранительны. Ищи же разума (в) не кичащагося (1 Кор. 8, 1), яко боговидѣнія виновна, и еже не насилуему быти, яко мучительми, страстии: но отпущену быти (и) въ безстрастіи, или въ милосердіи (і) о согрѣшеніихъ, еже есть смиреннѣйше.

43. Якоже не возможно есть возлетѣти на высокая и выспренная безъ крилу, тако ниже получитьи уповаемая, безъ сущаго отсюду несомнѣннаго извѣствованія. Извѣствованіе же бываетъ отъ смиренномудрія крайняго, или отъ благодати Святаго Духа, въ совершеннѣ прямиряемыхъ со Богомъ: въ нихже и безстрастіе есть востинну, или отчасти, или совершеннѣе, по (к) примиренію и очищенію. Инако же тѣла разлучающіися, яко въ зимѣ (Матв. 24, 20) страстей еще, или въ субботѣ (праздни, явѣ яко, добродѣтелей), подъ судомъ суть и истязаніемъ, яко повинни во время воздаяніа.

44. Спасаемъ туне, благодари Спасителеви Богу. Аще же хочещи и дары принести, приноси отъ вдовствующія души твоя двѣ лептѣ благоразумно: смиреніе, глаголю, и любовь: и приметъ сіа, добръ вѣмъ, паче множества добродѣтелей, ввергаемыхъ

---

(е) Поддѣльный, не истинный. (ж) Почитать себя за значущаго что нибудь. (з) О низпосланіи. (и) Разрѣшиться. (і) Въ жалѣніи. — Хр. чт. „въ сознаніи грѣховъ. (к) По мѣрѣ примиренія.



отъ многихъ во спасенія сокровищное хранилище. Аще же и , яко Лазарь , требуеши оживленія , умерь отъ страстей : самъ тѣ , яко сестръ родитъ (Іоан. 11, 5) , предлагай ходатаицѣ къ Нему , и получиши воистинну ищемое.

45. Дѣятельную (л) исправляя , не возможеши тою единою приблизитися къ безстрастію , якоже чистѣ , купно и непарительнѣ (ь) , молитися , аще не и духовна умъ преемствуютъ видѣнія , просвѣтительнаго же разума (м) , и сущихъ разумѣнія : имиже воскрилемъ и просвѣщаемъ , возносится отнюдь (н) истинныя молитвы раченіемъ , выспрь простираяся къ сроднымъ свѣтамъ горнихъ невещественныхъ Чиновъ , и отъ оуду , елико достигнути мощно , къ великому восхищается свѣту и трисолнечному Богоначальныя Троицы.

46. Не имамы мучитися въ будущемъ , яко согрѣшихомъ , ниже осуждени будемъ сего ради , предложно и премѣнно получивше естество : но яко согрѣшивше не покаяхомся , ниже обратихомся отъ лукаваго пути ко Господу , власть приемише и время покаянія : да и паче , благо быти Божество (еже и есть) , покажемъ , а не сопротивное , яко страстно есть , аки мстящее и гнѣвающееся : развѣ точію на злобу , а не на ны . Богъ бо всякія страсти и всякія мести виѣсть : аще и глаголется сообразоватися дѣломъ и расположеніемъ нашимъ , яко зеркало , комуждо по достоинству содѣянныхъ воздаяніе подая .

47. Колеблемъ отъ лучшаго стоянія , не ужасайся , но исправляйся , скорѣе паки теча въ прежнее устроеніе , печалію и дряхлостію (о) и самоукореніемъ зѣльнымъ ; но убо и слезъ довольнымъ изліяніемъ въ сокрушеніи духа , имиже изшедъ отъ приключившагося паденія , во удолю приидеши спаситель-

---

(л) Часть (Іо. 11 , 30). (м) Если не запятъ умъ духовными созерцаніями , касающимся какъ благодатнаго знанія , такъ и . . . (н) Весь . (о) Скорбѣніемъ .

наго радованія; во прочее утверждаяся, елика сила: да не паки Судію прогнѣвавъ, требуеши слезъ и скорби ко умилостивленію. Аще же не здѣ сіе будетъ, то всяко въ муцѣ въ будущемъ.

### О с в я щ е н с т в ѣ .

48. Паки о говѣнїѣмъ (п) священствѣ намъ слово: яко Ангельска требуетъ чина и очищенія, и многшаго по сихъ утвержденія (р) и цѣломудрія, паче неже прежде. Тѣмже подобаетъ убо и предъ симъ скверному нѣколико чисту быти: чистое же како убо осквернито? Развѣ тоцію аще бы хотѣли, свѣту тму примѣшающе, и мру злосрадіе, горе наслѣдствовати и погибель, яко священно-татіе воистинну, якоже Ананія и Сафѣира.

49. Отъ сосуда погнѣша, вкупѣ и не потребна (аще негли и мнѣшиа достойнѣ взыти на священство равноавгельное и небесное), малымъ очищеніемъ, сосудъ избранъ и Господеву благопотребенъ (я Тит. 2, 21), по Павлу, бывъ, блюди честь нескверну, елже сподобился еси. Храни божественный даръ, яко зѣницу ока, да не осквернився невнимательно, отверженъ будеши съ высоты воистинну въ пропасть, не удобъ обрѣтая иоавращеніе.

50. Разумѣвай, яко мудроимецъ (р), яко Богу оправдающе, осуждай никтоже (Рим. 8, 34): и аще звавъ бывъ, вшелъ еси въ премірную Божественнаго Священства благодать, никоеже ти радѣніе о предваршемъ житїи, аще нѣгдѣ чимъ негли и оскверниа, Богомъ же паки и твоимъ очистилося естъ исправленіемъ. Но да будетъ ти тщаніе и трезвѣніе, по сихъ не осквернити благодать: да аще кто весмысленно о твоємъ и расуждаеть священносовершенство за предваршая (с), внушитъ (т) божественну учашу гласу: яже Богъ очистилъ естъ, ты не скверни (Дѣян. 10, 15).

(п) Досточимомъ. (р) Хр. чт. „и по полученїи Священства большей строгости къ себѣ.“ (р) Прїемлющїй мудрость.

(с) По прежней твоей жизни. (т) Дабы внѣлъ.

51. Легокъ есть священства санъ и нго благо (Мате 11, 30) но донелѣже аще избирается, кунно же и исправляется, якоже есть законъ, и аще не купежа есть (у) благодать Божественнаго Духа. Внегда же тщаніемъ чловѣческимъ и даромъ тлѣннымъ куплствовалося бы непродажное, и званіе не свыше: тяжко убо есть бремя зѣло, яко носимое внѣ достоинства и паче силы, и жестоко зѣло нго ствращающе и выю и крѣпость влекущаго, аще не оставится, дождеже сего изнуритъ и потребитъ совершеннѣ.

52. Пришедъ подѣ нго Священства дерзостиѣ, исправляй пути твоа, и право прани слово истинны (2 Тим 2, 15), со страхомъ и тренетомъ тою твою содѣловая спасеніе (Филип 2, 12): зане Богъ нашъ огонь есть потребляяй (Евр 12, 29) И аще убо касаешися Сего, яко злато или сребро, не бойся западенія: яко ни иже въ Вавилонѣ отроцы огня. Аще же сѣновать еси и тростнисть, удобозапалимѣшаго вещества, (ф) яко земленомудръ; трепещи, да не созжень будещи Божественнымъ огнемъ, аще не убѣжиши, яко Лотъ, гнѣва удаленіемъ отъ ужаснѣйшихъ. Не вѣмъ, развѣ точію аще бы нѣкая была отъ немощи малѣйшая умаленія, (х) Божественнымъ снмъ огнемъ потребляема во святѣйшей жертвѣ, и отсюду пребываещи самъ неопалимъ во огни и невредимъ, яко немощный онъ кунины садъ. (ц).

53. Страдательнаго имства (ч), яко сѣменоточнаго, немощь отторгнутися за многовременный обычай, како дерзаещи на неприкосновенная и Ангеломъ, окалнне? убо или ужаснися и удалийся прочее Божественнаго священносовершенія, и тако умилостивится Богъ; или ожидай, яко нечувственъ купно и не исправленъ, въ рудѣ Бога жива ѿ гнѣвомъ внас-

---

(у) Не куплена. (ф) Подобенъ травѣ и тростнику, самымъ удобосгараемымъ веществамъ (х) Недостатки. (ц) Подобно оному слабому растенію купины. (ч) Навыка.

ти (Евр 10 31 ), не щадяща челоуколюбно, но немилосердно тя мучаща, за еже дерзати безстыдно на царскій бракъ оскверненною и душею и одѣянїемъ, яко недостойна и самага входа, колми же наче возлежанія.

54. Въмъ азъ отъ священничаствующихъ нѣкоего, иже на Божественная дерзаше недостойнѣ, повеже въ страсть блуда внаде. Узвляемъ бываетъ убо первѣ недугомъ неисцѣльнымъ и лютымъ, и уже къ смерти приближашеся. И понеже, всяко творя о избавленїи злаго, совершаше множае ничтоже (ш), паче же тому и злое простирашеся: въ сочувство негли пришедь, и познавъ, яко умерщвляемъ есть симъ, еже внѣ достоинства священнодѣйствовати, отрицается убо абїе съ клятвою священныя Литургїи (щ). При ногу же абїе и исцѣленїе припослѣдствова, яко неже слѣду въ семъ остатися недуга.

55. Свѣтло священства достоинство же и одѣянїе, но, донелѣ же имать спросївающю внутрь и душу чистотою. Внегда же опорочитя отъ невниманїа, и совѣсть, свидѣтельствующи о студѣ, презирается, свѣтъ бываетъ тма, и вѣчныя тмы и огня виновна, аще не како убо оставше сей путь, яко обоюду стремнемъ, на инѣ уклонимся добродѣтелию и смиренїемъ, безбѣдно въ царство Божїе ведущїй.

56. Спасенїа полученїе худостїю (ъ) и добродѣтелию приходитъ, а не славнымъ Священствомъ и равноангельна истязующимъ жительства. Убо или буди, якоже Ангели безстрастенъ, яко внѣ міра и плоти сый мудрованїемъ, и тако на небесную сію иди лѣствицу: или познатель своя немощи бивъ, бойся высоты велика паденїа не мужедоблстеующимъ, (ы) и многими любимо прїими житїе, не миѣ онаго Босу усвояющо: въ немже аще и случиттися пасти, удоб-

---

(ш) Не получилъ никакой пользы. (щ) Совершать священную Литургїю. (ъ) Самоуничиженїемъ. (ы) Хр. чт. „угрожающей великимъ паденїемъ тѣмъ, кои худо исполняютъ свое дѣло.“

но паки востаніе раскаяніемъ бываетъ, милостію Божією, купно и благодатію.

57. Плоть и кровь царствія Божія не на слѣдствуютъ (Кор 13, 30). И како ты, плоти Божія причащаяся и крове, не бываеши стѣлесевъ (Ев 3, 6) и не растворяешия съ Сего кровію, уже внутри имѣя царствіе небесное; но отъ страстей объедаемъ еси плоти и крове? Боюся, да не како не пребудеть въ тебѣ Духъ Божій яко въ плотскомъ (Быт. 6, 3), и полма пресѣчешь (Мато. 24, 31) будеши тогда во время суда, вземлющюся отъ тебе говѣйному (и) священству, яко отъ недостойна таковыя Благодати (ъ).

58. Предъ очима твоима страху не сущу Божію, мниши худу (ѣ) нѣкую вещь быти, еже недостойнѣ священнодѣйствовать, отъ самолюбія прельщаемъ, и блага отсюду Бога нещуща. Сіе и Даоавъ древле пострада и Авиронъ, дондеже сихъ земля пожре. Чесого ты бояся, и устрашяся идѣже воистинну есть страхъ, разумѣвай величіе вещи, и или достойно и чисто, да не реку: равноангеленъ, дѣйствуй Божественнаго священства вещь, или удержиися отъ страшныя Жертвы, яко разуменъ: да не како, въ семь презирающу тебѣ, и свою прелщающую совѣсть обличающую, речеши, тогда осуждаемъ, съ болѣзнію, егда вся судятся и истязуются: страхъ, есгоже ужа-сахся, прииде мнѣ, и есгоже бояхся, срѣте мя (Іов. 5, 25).

59. Трезвеннѣ и болѣзненнѣ о себѣ первѣ при-неси, съ сокрушеніемъ и слезами, міроспасительную и священную жертву во умилоствленіе. Кого бо имѣти будеши боляща о тебѣ, такожде и приносяща (э) по смерти? Тѣмже, яко быстроумень (ю), пред-

---

(1) Въ Хр. чт. дополнено: „и ты преданъ будешь вѣчному наказанію. (ѣ) Малопажное дѣло. (э) Въ Хр. чт. дополнено „такъ, какъ ты самъ...“ (ю) Хр. чт. „предъусмотрительный.

варивъ , самъ себе погреби уже и прежде помани въ ходатайство спасенія , сама та Святая на святой трапезѣ предложивъ Богови, и вольное здѣ и чѣловѣколюбное вспомяна Того закованіе.

60. Неизреченна и несказанна сладость есть со извѣствованіемъ разлучающіяся души отъ тѣла , и совлекающіяся сего , яко ризы. Полученіемъ бо уже уповаемыхъ , отлагаетъ сіе безпечально , идущи съ миромъ къ свыше пришедшему свѣтлому же и тихому Ангелу, и невозбранно преходящи съ нимъ воздухъ , отнюдь не повреждаема отъ духовъ лукавствія , но восходящи въ радости , съ дерзостію и гласы благодарственными , дондеже къ поклоненію достигнетъ Творца , и отъонуду приметъ изреченіе , съ подобными учинитися и равномерными добродѣтелию , даже до общаго воскресенія.

61: Странно слово глаголю, и не удивляйся: аще и не получиши безстрастія , за мучительствующія негли предпріятія (я); но, обрѣтаяся во время исхода въ безднѣ смиренія , ничимже мнѣ безстрастнаго , паче облакъ вознесешися. Аще бо безстрастныхъ сокровище и отъ всякія добродѣтели собрася , но драгоценный камень смиренія паче всѣхъ есть достоинъ , не умилостивленія точію стажавшему его виновенъ у Бога , но и совшества со избранными въ невѣстникъ царствія его.

62. Очищеніе приемля отъ Бога согрѣшеній , слави Незлопамятнаго купно и Незлобиваго , утверждаяся надъ вольными согрѣшеніи всею силою: аще бо и о тѣхъ есть умилостивленіе даже до исхода по вседневнѣ , но мнишия (ѳ) неразуменъ быти, еже въ разумъ (ѵ) удобъ согрѣшати. Обаче , отгоняющу

(я) Прежде принятія расположенія душевныя. (ѳ) Но ты очевидно.... (ѵ) Въ видѣннѣи.

тебѣ благонадежія каменемъ пса отчаянія, и безстыдно всегда и пребывательно просящу, отпустятся мнози грѣхи: да одолженно (а) и самъ возлюбивши Многомилосерднаго и Преблагаго въ будущемъ вѣдѣ.

63. Егда отъ Божественныхъ дѣйствуемъ будещи благодати, предъ Богомъ со слезами въ молитвѣ валийся, крестообразно простертъ на земли, и бѣя главою, и ищи еже отсюду (б) отпущенія, яко свободы отъ тлѣнія, и искушеній отчужденія: обаче ве по угодному тебѣ, но, якоже Богу изволяется, и внигда, и идѣже: желая убо уже отшествова, и любя сіе, аще бы соотшелъ еси со слезами ко Господу во глубинѣ смиренія, да станещи безъ попеченія бывъ отъ пламене желанія и моленія; терпя же обаче отлаганіе пынѣ въ настоящемъ, яко лучшее что предзрящу Богу. Непогрѣшительное же, понудительнѣ и неослабнѣ ищи, — что убо не творя, что же не глаголя, что же не смотря и содѣвая, яко да не отпадеши отъ Бога.

64. Плотноносець сый, не покушайся мысленная, якоже суть, испытovati, аще и умное души ведетъ къ симъ чистотою. Аще бо безтѣлесное, дыханіемъ и кровію удержанное, не разрѣшится дебелства, и съ мысленными не будетъ, не возмощетъ сія, яко же подобаетъ, разсмотрѣти и постигнути. Предъуготовляяся убо изыти отъ вещества, яко отъ нѣкѣихъ иныхъ вторыхъ матернихъ ложеснѣ и темныхъ, ко онѣмъ невещественнымъ же и свѣтлымъ, благодѣшествоуй, слава Благодѣтеля преводящаго ны смертію ко уповаемымъ нами, и трезвися выну, ради окрестъ ходящихъ нечестивыхъ бѣсовъ, и нашу присно благоискусотву (г) навѣтующихъ, и пята нашу лстивнѣ блюдущихъ, сирѣчь житія окончаніе: тrespеца даже до исхода, за безвѣстное будущаго: яко

---

(а) По долгу. (б) Изъ сей жизни. (в) Грѣбаго вещества. (г) Благооправданію.

преложень созданъ бывъ и удобъ премѣняемъ за самовластное.

65. Тогда свирѣпыми насъ и страшными преду-срѣщаетъ врагъ искушенми, егда ощутитъ душу великихъ добродѣтели мѣръ являющуюся: назнаменуеть же сіе (д) и отъ глаголь молитвы, и отъ вышеестественнаго надъ оною двоицею, плотію же и чувственными, восхожденіи. И толико завистно челоуконенавистный искушаетъ, яко отчаятися намъ и жизни. Не вѣсть же, якоже мнится, елико виновень намъ бываетъ благъ, искүсны (е) дѣлая ны отсюду терпѣиёмъ, и свѣтлѣйши вѣнды исплетая намъ.

66. Нѣсть ивъ болій подвигъ паче цѣломудрія и дѣвства. И отъ самыхъ бо тѣхъ Ангеловъ удивляемъ есть безбрачіе почитай, и страдальцевъ не мнѣ увѣнчаваются: плотію бо связанному кому и кровію, тщатися присно чистотою подражати невещественность безплотныхъ, коликихъ есть трудовъ и потовъ! И колико востанну веліе и высоко исправленіе (ж), яко безмала и не возможну быти мнѣтися, яко паче естества! Развѣ негли точію Богъ свыше номожеть, немощное естества укрѣпляя, и гнилое подкрѣпляя, и образомъ нѣкіимъ отъ земли вознося раченіемъ Божественнымъ, и упованіемъ отложенныхъ почестей.

67. Омокотънаема плоть многопитіемъ и многоспаніемъ, веліе есть къ цѣломудрію препятіе. Цѣломудріе же истинно и въ мечтаніихъ, яже во снѣ, пребываетъ недвижно: еже бо притекати въ сія уму, знаменіе есть, яко обноситъ еще недугъ страсти глубоць. Аще же благодатію сподобится и безъ тѣла, во снѣ, бесѣдовати съ Богомъ; то пребываетъ сей чистъ, (з), и души и тѣла хранитель бодръ, безмолвствующема тѣма, якоже нѣкіи несъ, навѣтныхъ ради волковъ бдѣи и неокрадаемъ.

(д) А догадывается о семъ. (е) Опытными. (ж) добродѣтель.

(з) Хр. Чт. „непоколебимъ.“



68. Преславно (в) тебѣ слово глаголю, и не удиви-  
вляйся. Есть нѣкое таинство, тайнѣ между Богомъ  
и душою совершаемо. Высочайшихъ же есть сіе мѣръ,  
и совершеннаго очищенія, и любве, и вѣры: егда че-  
ловѣкъ, въ конецъ примирився, соединится со Бо-  
гомъ усвоеніемъ, молитвою и видѣніемъ непрестан-  
нымъ. Симъ (таинствомъ) Іліа убо затворяетъ небо  
бездождіемъ, небеснымъ посылаетъ огнемъ жертву;  
Моисей же съчетъ море, и руку простертіемъ побѣ-  
ждаетъ Амалика, и Іона отъ Кита и глубины спа-  
сается. Нужно водить Бога человекѣколюбнѣйшаго,  
идѣже бы хотѣлъ. Сподобивыйся сего, аще и во плоти  
живетъ, во превзыде мѣру тленія и мертвости, яко  
обща сна, смерти ожидая, сладцѣ препосыла-  
ющія ко уповаемымъ.

#### О священствѣ.

69. Стыдися Владычныхъ страстей, и еже за ны  
Бога Слова истощанія, но убо и растворенія съ нами  
животворящаго и Божественнаго Тѣла же и крове,  
ихже не причащенія токмо, но и священнодѣйствія  
сподобихомся, смирай себе, яко и овча заколенія;  
преимущихъ тебе всѣхъ воистину вмѣня (і): и тщая  
ничію не узвляти совѣсть, наипаче же безсловес-  
но (к). Безъ освященія же не дерзай на святыхъ  
прикосновеніе, да не яко сѣно попаленъ бывъ Бо-  
жественнымъ огнемъ, и яко воскъ истаявъ, воззуби-  
емъ (л) будещи.

70. Воистину аще, якоже подобаетъ, дѣйствуеша  
Божественнаго и говѣйнаго (п) Священнодѣйства  
страшное таинствоначаліе, и не касаеттиса (м) со-  
вѣсть; ни отъ чесогаже толику, яко отъ сего, на-  
дежду имѣти будещи спасенія: паче бо всякаго дѣ-  
ланія и видѣнія отсюду прибудеть ти польза. Аще

---

(и) Дивное. (і) Истинно почитая всѣхъ лучшими тебя. (к) Безъ  
основательной причины. (л) Погибнешь. (м) Хр. Чт. „не  
обличаешь.“

же не тако, самъ узриши, и лучше отнюдь отступити, познаиємъ своя немощи, отъ высоты священства, нежели, беззаконно и не чисто сего держануся, и многимъ мнущуся быти високу, въ паденіи плача достойномъ лежати отъ недостойства.

71. Толико превышше лежитъ говѣйнаго (п) Священства служба, и къ Богу умилостивленіе и моленіе, паче всякаго пѣнія (н) и молитвы, елико паче звѣздъ солнце. Самаго бо Того Единороднаго закалаемъ и предлагаемъ, и приносимъ въ моленіе (о) о грѣшницѣхъ, туве закланнаго за челоуѣколюбіе, не о грѣховъ отпущеніи точию, но и о нихже еще молимся на пользу воистинну, и о наслѣдіи царства небеснаго, аще не осквернена есть совѣсть. И тѣло убо, соединенно Божеству, якоже нѣкій уголь горящъ, поналяетъ всяко вещество беззаконій, и сердца просвѣщаетъ съ вѣрою приступающихъ: такожде же и Божественная кровь и честная отираетъ и очищаетъ, паче всякаго весола, скверну всяку и окаляніа, елика сила, чистѣ, а не нечистѣ на святая держающихъ. О дабы кто поить былъ (и) въ такомъ случаи.

72. Не тѣло поспрятое (р) Бога Слова, якоже нѣкто рече отъ Святыхъ съ небесе сходящо жрется; но самый той хлѣбъ и вино прелагается въ Тѣло и Кровь Христову, вѣрою, и страхомъ, и любовію, и благоговѣиємъ отъ сподобшихся Божественнаго Священства священнотайствуемъ, и отъ сего въ сіе премѣненіе приємля, дѣйствомъ и наитіемъ Пресвятаго Духа, не бывая ино тѣло паче онаго Владычнаго, во въ сіе прелагаяся, обезтѣняяся нетлѣемо. Коликія убо требуетъ чистоты и святости Священникъ, Божественнаго касаяся тѣла! И какова

---

(п) Хр. чт. „псалмопѣнія.“ (о) Ходатайство. (п) взять былъ изъ сего жизни. (р) Хр. чт. „не вознесшееся тѣло.“

дерзновенія ходатай (е) Богу и челоуѣкомъ бывая, и смолитвенники объѣмая, съ Пречистою и Богоматерію, вся небесныя Ангеловъ Силы и иже отъ вѣка Святѣи. Мнѣ мнится Ангельскаго, или Архангельскаго требовати тому (т) яко же убо достоинства тако и усвоенія (у).

73. Назнаменовати тебѣ подобаеъ, о вѣрній, (ф) яко сего ради откровенна предлежать Святая, по символъ вѣры, на святѣй трапезѣ, имущая освѣщатися, акибы требовали образомъ нѣкимъ отъ приносящихъ, (х) и звали неглагольными гласы къ Живущему на небесѣхъ. Зря бо Той не презираеъ, и видя не мимо ходитъ, видѣніемъ воспоминая еже о грѣшницѣхъ вольное истощаніе, и неизреченно снизхожденіе, и челоуѣколюбнозаколеніе. Не бо оправданнымъ сущимъ намъ избавленіе цѣну дарова страстію и спасеніе, благій же и незлобивый, но приравнившихся (ц) помилова и воззва.

74. Аще, о чистѣй прилежа молитвѣ, соединяющей Богу невещественно невещественный умъ, и достигль еси, яко въ зеркалѣ, увидѣти имущее преемствовати (ч) тя достойніе по концѣ здѣшнія жизни, яко обрученіе Духа приѣмъ, и царствія небесное внутрь стяжавъ во всякомъ чувствіи (Филип. 1, 9) и извѣствованіи: да не претерпиши разрѣшиться отъ алоты безъ провѣднія смерти; но и молиси прилежно о семъ, и буди благонадеженъ сіе получить близъ исхода, аще есть полезно: къ немуже готовися всегда, боязнь всяку отмеца, яко да воздухъ прешедъ, и духовъ лукавствія избѣгъ, дерзновенно и безбоязненно внутрь будеша небесныхъ кру-

(е) Посредникъ между Богомъ и челоуѣками. (т) Ему надобно имѣть. (у) Близость къ Богу. (ф) Хр. чт. „замѣть, Писиній. (х) Хр. чт. „чтобъ нѣкоторымъ образомъ они молились за приносящихъ.“ (ц) Падшихъ. (ч) Ожидающее.

говь, чиномъ ангельскимъ сочиняемъ, и прилогъ (ш) иже отъ вѣка избраннымъ и праведникомъ бывъ, и Бога зря, елико достигнути мощно; аще ли же ни, то яже у Него благая, и Слово Божіе смотря, лучесвітоозаряющее небесная, служимо единѣмъ поклоненіемъ съ Пречистою плотію Его, купво съ Отцемъ, и Духомъ, отъ всего небеснаго воинства и всѣхъ Святыхъ. Аминь.



**Преподобнаго и Богоноснаго отца нашего  
Симеона, Митрополита Евхаетскаго, (\*)  
посланіе ко Іоанну иноку и затворнику.**

*Сіе же приличествуетъ и всякому иноку, спящему  
наединѣ въ безмолвіи.*

Пріяхъ твое, отче духовный, Боголюбивое сіе писаніе, и похвалихъ еже по Богу смиреніе твое, яко отъ мене, ничтоже благо имущаго, слово пользы услышати удостоиль еси. Азь же, аще не быхъ боляся прещенія преслушанія, негли и преслушалъ быхъ тебе: вѣдый, яко не сотворивый и учай, яко лицемѣрь, мнѣ наречется отъ подвижающихся получить царствіе небесное. А понеже послушаніе не безмездно и вѣра твоя многа, на сію уповаю и на твою молитву, наставленъ буду отъ нихъ, и пишу, якоже повелѣлъ еси.

Три части глаголють отцы имѣти словесный (а) нашей души: умъ, еже и словесное (б) глаголють,

(ш) Присоединецъ. (\*) Полагаютъ, что Преп. Симеонъ, Митрополитъ Евхаетскій, былъ современникомъ Патріарха Фотія,

яростное (в) и желательное (г). Въ сихъ тріехъ добродѣтели убо естественнѣ вънутрь суть, злобы (д) же лишеніемъ добродѣтелей приводять.

Добродѣтели же словесныя (а) части суть: вѣра права, вѣдѣніе, мудрость, смиреніе и еже къ Богу присно двизатися и носитися мыслями добрыми и помыслы чистыми, и Боголюбными видѣніи. Злобы (б) же ея суть: Невѣріе, невѣжество, безуміе забвеніе, тщеславіе, гордость, скитаніе (е) номысль, и симъ подобная.

Желательныя (г) же добродѣтели убо суть: цѣломудріе, отвращеніе отъ всѣхъ тлѣнныхъ, сирѣчь: ястей и питій, имѣній, прибытковъ, славы преходящія, и еже къ Богу приснонаправляти всяку любовь, и все горѣ вrostирати желаніе къ Нему. Злобы (д) же ея суть: Неудержаніе (ж); еже любити міръ и аже въ немъ; еже въ сихъ осквернати любочестіе души; еже предпочитати преходящая (з).

Яростный (в) же части злобы суть: ярость, гнѣвъ (и), памятозлюбіе, зависть, оглаголаніе, и симъ подобная.

Добродѣтели же ея: кротость, мужество, долготерпѣніе, незлобіе, милость, любви, благость (і).

Сего ради и (л) отцы наши въ пустыняхъ и въ горахъ, (м) и въ пропастьхъ земныхъ, и въ лаврахъ,

---

(а) Разумной. (б) Разумность. (в) Раздражительная сила. (г) Вождельвательная сила. (д) Злые навыки. (е) Блужденіе. (ж) Невоздержаніе. (з) Въ Греческой рукописи, хранящейся въ Московской Патріаршей Библіотекѣ за № СССХІІ, л 188, сіе мѣсто читается такъ: предпочитати преходящая и исчезающая велицей славѣ Божіей и благамъ аже тамо. (и) Греч. кн. Патр. Библіот. гнѣвъ, горечь, памятозлюбіе (і) Въ Греч. ркп. Патр. Библіот. послѣ сего написано слѣдующее: „сихъ ради злобъ и добродѣтелей бывають, и отреченія и (отъ своей воли) подчиненія, сихъ ради удаленія отъ торжищъ, подвиговъ, уединенія и всякъ претерпѣваемъ трудъ тѣлесный, и

и въ монастырѣхъ, и въ келліахъ, и въ затворѣхъ, и на столпѣхъ шожша: да отъ всѣхъ нѣхъ упрядившееся, или совершеннымъ терпѣніемъ и повиненіемъ (п) и отсѣченіемъ воли (о) злобу отмыють, и добродѣтель пріобрѣщаютъ, или уединеніемъ, и отнюднымъ (н) отъ здѣшнихъ упрядненіемъ, нравы же и чувства накажутъ, и умъ и помысль некрадомы и невысымы (р) соблюдутъ отъ ничтоже сущихъ мыслей, и Бога обрящутъ, его же ради вся творять и тщатся: и сія убо тако.

А понеже суть тѣлесная убо дѣланія: постъ, бдѣвія, долѣгганія, служеніе, руководіе: повиновеніе, послушаніе; душевная же: любви, долготерпѣніе, кротость, воздержаніе, молитва и симъ подобная: подобаеть, отче духовне, злобы убо отсѣцати умерщвленіемъ всего міра, воздержаніемъ соборнымъ (с), терпѣніемъ благодарнымъ, смиреніемъ истиннымъ, злостраданіемъ, молитвою непрестанною, и любовію духовною. Сими бо душевными и тѣлесными подни-

---

всякое пощеніе и бдѣніе и злостраданіе: да злобы, якоже волчцы и терніе и плевелы отъ души отвергнемъ; добродѣтели же, яко доброе сѣмя, посѣяваемъ и воздѣловаемъ въ насъ. И возможій, Божиимъ свыше содѣйствіемъ и благодаріемъ, злобу изгнати отъ души, добродѣтель же вселити въ ню, блаженъ есть и въ нынѣшнемъ вѣцѣ и въ будущемъ. Восхотѣвый же, обаче не возможій, и, аще убо по нерадѣнію и безпечности, аще ли по невѣднію, вознебрегій о еже творити доброе, всеокаяненъ есть, якоже азъ любосластный, и сладострастіемъ прелщаемъ, и тщеславіемъ поругаемъ, и завистию и памятозлобіемъ умерщвляемъ. Сего ради и Христосъ отвергнутиися настоящихъ повелѣ всѣмъ хотящимъ послѣдовать Ему.“ (л) Въ Греч. ркп. „и святіи отцы.“ (н) Греч. ркп. и въ горахъ, и въ пещерахъ. (п) Греч. ркп. „и совершеннымъ отреченіемъ.“ (о) Греч. ркп. „воли во обещаніяхъ. (р) Греч. ркп. „и всекопечнымъ отъ внѣшнихъ.“ (с) Греч. ркп. „непарительны“ (не разсѣивающіеся). (с) Т. е. воздержаніемъ во всемъ.

зательствы злобы убо погибають, добродѣтели же возрастають. Злостраданіемъ убо, вся тѣлесныя страсти увядати творимъ смиреніемъ же и любовію, такожде и душевныя; воздержаніемъ же и терпѣніемъ (т), и невольнѣ находящая доблственнѣ восимъ, и въ волныхъ нашихъ тершимъ тщательствѣхъ. Невольна же суть находящая на ны печальная: вольна же, елика мы отъ себе ухищряемъ (т), сирѣчь: пощенія, бдѣнія и симъ подобная. Молитвою же, отъ Божественныя помоществуемъ есмы благодати: ничтоже (у) бо безъ вышнія помощи, но ниже безъ нашего произволенія (ф), сползоватися можемъ.

Познавый убо Божію къ намъ любовь, и яже обѣтова намъ благая, и повседневная Его благодѣянія и заступленія поминай, и како забавляетъ ны отъ бѣдъ и искушевій человѣческихъ, и отъ бѣсовскаго навѣта, сей невѣденія и забвенія кромѣ есть (х). Убо якоже земная любящія, вся тѣхъ ради творять и страждуть, да сихъ ве отпадутъ: тако и небесныхъ благъ желающія все, аще кое есть, добро содѣвають, и все находящее (ц) терпятъ, да желаемого не погрѣшатъ (ч).

---

(т) Греч. ркп. „терпѣніемъ любви.“ (т) Тщимся творити. (у) Нисколько (ф) Греч. ркп. „произволенія и тщанія.“ (х) Послѣ сего въ Греч. ркп. помѣщено слѣдующее: „сей истинно воспѣваетъ: благослови душе моя Господа, и вся внутренняя моя ния святое Его. Благослови душе моя Господа, и не забывай всѣхъ воздалній Его (Псал. 102, 1, 2). И якоже отъ познанія и памяти благихъ Его всякое стяжаваемъ добро, и всякое находящее намъ печальное терпимъ, и не различаетъ ны отъ любви Божіи ни скорби, ни тѣснота (Рим. 8, 35), по Апостолу, ни ино что печально: тако отъ невѣднія и забвенія добрыхъ бываетъ безвечность, нераднѣ, самолюбіе, еже есть неразумное любленіе тѣла, отъ негоже приходитъ любосластіе, и сребролюбіе, и тщеславіе, яже раждають въ человѣцѣхъ вся злая. (ц) Въ Греч. ркп. „находящее печальное. (ч) Не лишатся.

И ты же, отче духовный, понеже благодатию яже свыше укрѣпленъ бывъ, весь мѣръ, юнъ сый, презрѣлъ еси, вѣровавъ глаголющему Христу: иже не отречется всего своего вмѣнія, не можетъ быти Мой ученикъ (Лук. 14, 33.); и иже любить отца или матеръ паче Мене, нѣсть Мене достоинъ (Матв. 10, 37.); и иже оставить домъ, или села, или виноградъ, и чада, и жену, сторицею приметъ, и животь вѣчный наслѣдитъ (Матв. 19, 29.); и, придите ко Миѣ вси труждающіеся и обремененніи и азъ упокою вы (Матв. 11, 28.); понеже сія слышалъ еси, и вѣровалъ, и сотворилъ еси, и изряднѣйшее житіе истинности (ш) противъ восхотѣлъ еси: подобаше убо твердо положити основаніе, и во обученіи первѣе послушанія пріити, и терпѣніемъ, и нестяжаніемъ, и совершеннымъ воли отсѣченіемъ, страстей убо свободитися, къ смиренію же возвестися, и частными добродѣтелями, къ вышшему взыти сихъ, сирѣчь къ помысловъ храненію. А понеже сіе не бысть, но на столпѣ твой душевный домъ (щ) наздалъ еси, вѣру, и надежду, и любовь (ъ), аки нѣкая крѣпкая основанія, водрузивъ: аще убо имаша отъ разумныхъ наставляюща (ы) кого, повинуйся словесемъ его: и ничтоже твори безъ заповѣди его и совѣта: да не отъ самочинія и самоугодія, или иного нѣкоего обстоянія поколебавшеся, таковая твоя утвержденія сокрушатъ зданіе. Аще же не имаша чловѣка, имѣй истиннаго учителя и наставника (ь) Христа, иже вразумитъ и укрѣпитъ тя во всѣхъ добрыхъ. Разумѣй убо во первыхъ намѣреніе, егоже ради ишелъ еси. Ишелъ же еси всяко, воеже возненавидѣти убо совершеннѣй грѣхъ; отсѣщи, же страсти творящія грѣхъ. Грѣси убо суть, чревоустройство, блудъ и таковая; страсти же: ярость, вождельніе, печаль и еласть. Ишелъ

(ш) Подвижничества. (щ) Греч. ркп. „твой домъ.“ (ъ) Греч. ркп. „любовь ко Христу.“ (ы) Путеводствующаго. (ь) Путеводителя.



еще не токмо сіа возненавидѣти, но и противу страстнымъ подвизатися помысломъ, да не сосложениемъ (ѣ) умъ оскверняютъ; да стяжеша сердце чисто, въ немже правый обновляемъ духъ (Псал. 50 12.) молитвою чистою царствія небсваго (э) намъ виновенъ будетъ. Прилаголи убо всегда себѣ по оному святому (Арсенію): чесо ради ишелъ еси? И аще убо стужаютъ, бѣсове вредныя (ю) похоти, постомъ бдѣніемъ, и злостраданіемъ, и смиреніемъ, и молитвою прилѣжною вооружися на нихъ. Аще же гнѣва, и печали, и злопомнѣнія: кротостію, и долготерпѣніемъ, и милостынею, и милосердіемъ, и состраданіемъ, и презрѣніемъ всякаго вещества и славы житейскія, имже яростное души возмущается. Аще же тщеславія и мнѣнія нападуть помыслы, смиреніемъ и молитвою всегдашнею, и еже къ Богу раченіемъ, и памятію смерти (я) сопротивиса къ нимъ: вѣдый, яко аще не Господь созиждетъ домъ, всеу трудншася зиждущіи (Псал. 126, 1.) Воистинну бо, отче духовне и добрая, яже содѣваемъ, аще добръ разсмотримъ та, совершеннѣ суть зла, и порочна (о), и оскудна (v). Кто бо можетъ цѣломудръ быти, яко Иосифъ? Кто возлюбитъ Бога, яко Авраамъ? Кто постится, яко Моисей, и Ілія, и Давидъ? Кто есть умирая на всякъ день, яко Апостолы и Мученицы? Кто злострадати яко святіи отцы наши Антоній, (а) Симеонъ, Алиній и Даниль столпники, и прочіи отцы; и яже въ пустыни жены, да не глаголю мужей? И нынѣшніи ревующе тѣмъ, аще

---

(ѣ) Да не оскверняютъ умъ, бывъ приняты съ удовольствіемъ и согласіемъ. (э) Греч. „Божіа.“ (ю) Вредной похоти. (я) Греч. ркп.... „къ Богу раченіемъ, и самоукореніемъ, и тайнымъ дланіемъ, и памятію смерти, и отцевъ мужественными паче естества доблестями сопротивиса имъ. (о) Порицанія достойны. (v) За сие въ Греч. ркп. слѣдуетъ: „кто бо можетъ терпѣти, якоже Іовъ?“ (а) Въ Греч. „Антоній, Евоній.“

и не якоже они, но убо по силѣ своей тщатся: слышу бо многи быти и нынѣ въ пустыняхъ, и горахъ, и въ монастырехъ подвижники: вижду же множайшихъ паче заповѣди и паче мѣры (б) въ добродѣтеляхъ подвижающихся. Но да сихъ, яко еще подвижающихся, оставимъ; конецъ бо безвѣстенъ: обаче онѣхъ иже прежде сихъ тако и паче подвизашася, в преста-вишася добръ, укоряющихъ себе всѣхъ обрящемъ. И овъ убо землю и пепель (Быт 18, 27) себе глаголаше, овъ же недостойны страсти (в) нынѣшняго времени къ хотящей слави явится въ насъ (Рим 8, 18), Видяще бо многую Божию къ намъ благодать, и яко насъ ради человекъ быти и умерти достойно есть, вся тѣми содѣваемая, яко рубище кровоточивая (г), вмѣниху, и яко уметы (Филип 3, 8), сѣнь, и яко ничтоже (Псал. 108, 23 — 38, 6). Сія и намъ помышляющимъ, киченіе подобаетъ востыгати душевное и мнѣніе, и аще что творимъ, сіе яко умоленія, и прилогъ грѣховъ, и долга нашего вмѣнати, и яко должни есмы яко раби всяку заповѣдь исполнати, данную намъ отъ Владыки, и тогда глаголати: неключими раби есмы (Лук. 17, 10.) Всяко постничество (ш), еже аще твориши, тайно сіе дѣлай, и Бога ради сіе твори, и яко ничтоже твоя, и яко не по слову (д) сіе дѣлая, и волею твоею ходя, укорай себе всегда, и глаголи помыслу: само сіе первое осужденіе мнѣ есть, яко волю мою исполняю (е); и чедовѣческая (ж) цохвала, и яже отъ нихъ благославія, укрѣпляютъ мя къ таковому постничеству (ш). Сущіи въ повиновеніи вся убо творять, яже негли и не хотятъ, и всякъ трудъ, егоже хочеть предстоятель, терпятъ, уничижаеми, оскорбляеми, озлобляеми, безчестуеми: азъ же, яко само-

(б) Греч. паче заповѣди въ мѣрѣ добродѣтели.“ (в) Страданія.

(г) Якоже порть нечистая. Ис. 64, 6. (д) Не по разуму.

(е) Греч. рки. „исполняю, яко самочинный и самоудовольствитель.“ (ж) Отъ людей.

любець, (з) и малодушенъ, повиновенія убо убъжахъ: съжу же здѣ, блажимъ отъ повинующихся, за видимое и мнимое постничество (ш).

Аще тако твориши и тако помышляеши, и паче всякаго челоуѣка себе страстниша вмѣняеши и грѣшивѣйша, и окаеваеши себе, яко праздноживуща, и не якоже мірскіи воини, злостраждаща и подвизающася, (и) и во всякомъ дѣланіи твоємъ смиреніе и любовь пріемлеши: по Богу есть дѣло твое, и якоже подобаетъ, съдиши въ келліи твоей. Аще ли же ни, смотриай, отче духовне, да не труждаешия вотще. Превосхожденій (і) и оскудѣній добродѣтелей бѣгай выну: среду же свхъ со трудомъ ници, во время и въ мѣру твоя. Превосхожденія же убо суть: протяженъ постъ и бдѣніе, (к) и нагота, и желѣзоношеніе, и прочая (л). Среда же, еже на всякъ день причащатися пици и не насыщатися, умѣренный сонъ и трудъ, и еже вся творити по извѣстному (м) преданію святыхъ отецъ, сирѣчь церкви и иноческаго устава. Рече бо нѣкто отъ святыхъ отецъ, ако краи (н) бѣсовстїи суть. Аще же и нѣщии отъ подвизниковъ, надеждоу къ Богу и любовію укрѣпившеся, крайнѣ пожительствоваша, но рѣдѣ бысть сіе: а не по заповѣди, и правилу (о), нѣсть прїято Отцами, яко погрѣшно и кромѣ совѣтно, и вреда (п) множицею виновно бывшо подражати хотѣвшимъ. Истинный же по превосхожденію (р) путь, добродѣтели верхоградіе, и къ Богу угодобленіе сей есть: Аще враги любяши, аще ненавиждїя любителствуеши, аще злотворящимъ благодѣтельствуеши (Матѣ. 5, 14), аще носи-

(з) Греч. ркп. „самолюбець, и не подчиненъ.“ (и) Въ Греч. дополнено: „но туже питаема и спасаема отъ Бога. (і) Излишество. (к) Греч. „бдѣніе неумѣренное. (л) Греч. ркп. „и симъ подобная. Оскудѣнія же: многоденіе, почиваніе, пренебреженіе, и симъ подобная. (м) Твердому. (н) Крайности — отъ бѣсовъ. (о) Трудиться. (п) Греч. „прелестя“ (самообольщенія). (р) Провосходивѣйшїй (1 Кор. 12, 31).

ши (с) тяготы (Гал. 9, 2), аще укоряемъ и злословимъ благословляеши (Кор. 4, 12), аще же вся челоуѣки, яко самъ себе, паче же, паче самаго любиши, якоже и Христосъ возлюбилъ есть насъ (Ефес. 5, 2); аще радуешися съ радующимися, и плачешися съ плачущими (Рим. 12, 15), аще во всеѣхъ всегда благодарши (Ефес. 5, 20), аще непрестанно молиши (Сол. 3, 16); аще Бога отъ всея души и отъ всего сердца любиши (Матѣ. 22, 37) и Тому работаеши. Сія суть пачеестественная исправленія; сїи суть плоды Духа, имиже подобни Богу бываемъ. Прочая же вса, елика воздержаніемъ и злостраданіемъ ухищряемъ (т) пути суть, и коренія, и орудія, и дѣянія, къ сямъ вѣдуще и направляюще. Что бо пользуетъ земледѣльца сѣятва, и о земли и виноградъ и древесѣхъ прилежаніе, аще не пшеницу, и гроздь, и вино плодопринесеть? Что же сѣкира здателя, и рыбаей весла и ладія и тростіе, аще не свое коемуждо прїобрѣтенїи тѣмъ дасть (у)? И аще сїа сей имуть образъ, и на конецъ, сирѣчь на прїобрѣтеніе и на пользу, взирающе, дѣлаемъ; ниже инокомъ отнюдь польза кая отъ труда прибываетъ, аще не къ самому тому доброму и не за то текутъ (ф).

Сего ради, отче, подабаеть вса творити Бога ради и не за нѣчто преходящее, или челоуеческо: таковїи (х) бо воспрїемлютъ мзду свою, якоже самъ Господь рече (Матѣ. 6, 2, 3, 16). Подабаеть убо тѣлесными добродѣтелями созидати душевныя. Соблазняющимся же о тебѣ, аще и иноцы суть, аще ни, всячески служи, (ц) и укоряй и осуждай самаго

(с) Греч. „всякія тяготы.“ (т) Тщимся сотворити. (у) Греч. „если не способствуютъ каждому къ достиженію его цѣли?“ (ф) Греч. рки. „и не ради того приводитъ (трудъ). Доброе же собственнѣесть Богъ, и къ Нему вѣдущїя насъ добродѣтели: любви, радость, миръ, долготерпѣніе, благодать (Гал. 5, 22), и прочая, Апостоломъ исчисленная, яже къ Нему взирають и возводятъ. (х) Трудящїяся для преходящаго. (ц) О соблазняющихся.... радѣи.

себе, яко согрѣшающа, и молися о нихъ, елика ти есть сила. Зрите бо, глаголетъ Господь, да не соблазните единого отъ малыхъ сихъ (Лук. 17, 2); и Отцы глаголють; отъ ближняго есть животь и смерть: и, никогдаже положихъ (ч) волю мою предъ братомъ моимъ. Пользы ради приходящихъ къ тебѣ съ разсужденіемъ окормли, (ш) да и тѣхъ назидаети, и себе самага не разоряши. Безмолвствующимъ бо прилично есть всеконечное о вѣшнихъ безпоеченіе и неприлѣжаніе: приходящимъ (щ) же бесѣда и отвѣтъ (ъ). А понеже убо и самага себе не повреждати, и братію ползовати хочещи; вообрази дни отъ седмицы три на безмолвіе, а чстыре на бесѣду.

И безмолвствуя убо, имѣй дѣланіе въ келліи твоей: чтеніе, молитву, и псалмопѣніе, негли и рукодѣліе. Дажь поученіе во умъ: память смерти, память прежнихъ грѣховъ, повседневныхъ согрѣшеній, нерадѣнія и преступленія въ молитвѣ и псалмопѣніихъ и во прочихъ добродѣтеляхъ, поминай языка твоего поползновенія, ярости и похоти безсловесная движенія, скитанія мысли, привредныя (ы) помыслы, краденія челоуѣкоугодія, хрестанія (ь) тщеславія. Сія всѣ ослзуй, и обрѣтая твори исправленіе, и искореня отвергай отъ мысли далече, да не како аки плевелы подавятъ ишенцу добродѣтели, и безплодни будемъ. Дажь паки дѣланіе: (ѣ) память смерти, будущаго суда, вѣчныя муки, мучениковъ храбрости; постниковъ мужедоблества, всѣхъ Святыхъ исправленія. Дажь самъ себѣ поученіе въ ращеніе любве Божія: снисхожденіе помышляти Христова, страсти, крестъ, смерть; слика сотвори насъ ради, елика и якова обѣтова; и яко Онъ убо сія, мы же ни едиу заповѣдь Его ниже

---

(ч) Не предпочиталъ воли моей пользы брата моего. (ш) Направляет. (щ) Тѣмъ, которые обращаются (къ людям). (ъ) Греч. „вразумленіе.“ (ы) Страстныя. (ь) Притворныя движенія. (ѣ) Греч. ркп. „дѣланіе помысламъ, для возбужденія въ себѣ сокрушенія и ревности: память....“

сотворихомъ, пиже творимъ, и обаче, по Своему челоуколюбію, отъ безчисленныхъ нуждъ и скорбей, и отъ навета бѣсовскаго и прелести, и отъ стуженія челоукъ избавилъ есть множицею и на всякъ день избавляетъ ны: мы же на всякъ часъ и дѣлы и словесы и помышленія лукавыми преогорчеваемъ благость Его; врага же нашего діавола (э) любимъ и привлекаемъ къ себѣ. Сія помышляема въ кое насъ не ввергнуть смиреніе, и сокрушеніе, и умиленіе, и слезы; къ симъ помышляй добродѣтели Богоносныхъ отецъ, и елико сихъ отстоимъ: сирѣчь совершенное смиреніе, послушаніе, безстрастіе, чистоту, преимущій всякъ умъ (Филип. 4, 8) миръ, (ю) премудрость, молитвою съ Богомъ соединеніе, во всѣхъ добродѣтеляхъ правду и умѣреніе, сими бо всяко смиреніе прибѣдетъ ти, и смиренномудріемъ вселится Богъ въ тя, и ходити имать въ тебѣ по Своему обѣщанію. Глаголи же страстнымъ помысломъ, отступите отъ мене вси дѣлающіи беззаконіе (Псал. 6, 9.), и не творите домъ Божій домъ купли (Іоан. 2, 16.). Постави наставника тебе словесство, — (я) словесству же учителя Христа; очисти бо отъ страстей умъ ученія отъ иного (э) не требуетъ. И глаголи души твоей и тѣлу на всякъ день, како прешель еси день, како ночь? И о тѣхъ убо, яже исправилъ еси, глаголи со смиренномудріемъ благодаря: Не авъ, но благодать Божія, яже со мною; о тѣхъже на противъ, яже, яко челоукъ, согрѣшилъ еси, истязуй самъ себе обвиненій духовныхъ якоже судіи сущихъ въ мѣрѣ тѣлеснѣ бѣющіи.

Аще множицею стужить ти помысль недобръ; отъ челоука, къ нему же держаеши и вѣру имаша сползоватися, да не скрыеши сего, но открий внутрь таящася и объяви, да не како тя уязвитъ дѣломъ и умер-

---

(э) Греч. „діавола, и ратующа на ны.... (ю) Послѣ сего въ Греч. ркп. „неложное вѣдѣніе.“ (я) Разумъ. (э) Греч. „иного учителя.

твѣть. Горѣ , глаголетъ , единому , яко аще падеть , нѣсть воздвижай его (Екклес. 4, 10.): и имже нѣсть окормленія , падають яко листвіе , спасеніе же есть во мнозѣ совѣтѣ (Притч. 11, 14.). Сія убо во триехъ днехъ безмолвія самъ въ себѣ прилѣжно испытуй и обращай и размышляй , яко да не непотребна и бесполезна помышленія приввергъ сопротивный , помрачить иже въ тебѣ свѣтъ , и яко во мракѣ сострѣляетъ (Псал. 10, 2.) правоту твою душевную. Во прочія же четыре дни седмицы , приходящимъ къ тебѣ и хотящимъ открывати помыслы своя , глатоли яже ко спасенію , да по бѣгствѣ отъ злобы паки не впадутъ въ тыяжде согрѣшенія. Аще же случится паки тѣмъ , аки челоувѣкомъ , согрѣшити , учи притекати имъ скоро ко исповѣди и покаянію. И сіе же заповѣдай , да даемыя отъ тебе хранятъ заповѣди , да собраній и обычныхъ пѣній не остаются , аще и внутри стоятъ церкви , аще и виѣ ; да и милостыни ко убогимъ , и другъ ко другу любве не забываютъ , да прощаютъ другъ другу бывающія посредѣ преогорченія. Сей бо есть путь къ прощенію грѣховъ со удобствомъ : въ нюже бо мѣру мѣрите , возмѣрится вамъ (Матѣ. 7, 1); и остави намъ долги наша , яко и мы оставляемъ должникомъ нашимъ (Матѣ. 6, 12). Ничтоже бо паче сего пути ко отпущенію согрѣшеній легче : нѣсть potrzeby поста , ни труда коего : воостави точію , и оставится , глаголетъ. Прилѣжати же симъ совѣтуй и о воздержаніи еже по силѣ , и о естественныхъ , и о впѣ вшедшихъ тѣла движеніихъ.

Аще нѣщии у инѣхъ шнокъ повинушася и исповѣдашася , сихъ во твое повиновеніе не приѣми , отче , за соблазны и зависти : учи же паче повиноватися отцамъ своимъ , и тѣхъ ученія ходити. Аще же нѣкій имуть вопроеъ недоумѣемъ онѣми , и просвѣтитъ тя Христосъ : преподаждь тѣмъ изобильно рѣшеніе вопроеа.

Жены же пріимати и съ сими бесѣдовати исповѣдающимися, или учиными, отнюдь не прилично и не согласно; и наипаче юнымъ инокомъ: ниже бо безстрастно словеса женская услышать, ниже гласа ихъ слухъ, ниже лица зрѣніе безъ вреда прейдуть. Лѣпо убо есть отнюдь уклонятися отъ сихъ, и ко инокинямъ добродѣтельнымъ, аще суть ту, сихъ отсылати, и чрезъ оныя слышати та, яже оны уврачевати не возмогутъ. Аще же когда нужда понуждаетъ нѣкая еже увидѣти жены; не часть сія, но чрезъ многи дни пріемли, не лице ихъ зря, ниже убо отъ нихъ зримъ: и мала къ нимъ рекъ, и менша отъ нихъ слышавъ, отсылай сихъ вскорѣ отъ келлія твоея, да и не сущимъ съ тобою вреда виновны бываютъ. Аще же нѣкій вредъ малъ или въ тебѣ, или въ сущихъ съ тобою, раждатися уразумѣши отъ таковыхъ лицъ, отнюдь тѣхъ удали отъ ведущаго къ тебѣ пути.

Стужаемыхъ же отъ бѣсовъ, или вонствиву, или по притворенію, присно уклоняйся и отгоняй, не попуская тѣхъ приближатися къ келлія твоей. Мнози бо, ихже и мы вѣмы, тѣми низвержени быша и погибоша.

Соній, и мечтаній, и пророчествъ, и прорицаній, и симъ подобныхъ отнюдь отрицайся. Многія бо сія и прелести и зазора виновна быша повинующимся тѣмъ инокомъ, и отъ сихъ прорицаній безчисленна смущенія и нестроенія, и многи брани и заколенія произыдоша. Хранися убо отъ таковыхъ Господа ради, елика сила, и сѣди въ келлія твоей, якоже речеса, въ тайнѣ и на единѣ, аки въ пчелницѣ добродѣтели, Христовъ содѣловая медъ (v).

Даемая отъ нѣкихъ христороубцевъ, аще убо не имаша пищи и одѣвнія, по Апостолу (1 Тим. 6, 8), пріими не множаѣ нуждыя потребности твоея и сущихъ съ тобою. Аще же имаша, да не пріемлеша,

(v) Греч. рки. „Христову содѣловая медъ.“



аще мощно, но буди добродѣтели дѣлатель безмездень: аще же приѣмлеши (а), да не въ зданій удобренія, ни въ стяжанія земна, или иныхъ вѣкиихъ тлѣнныхъ сія суетно иждиваеши: ни на други и сродники, ниже на трапезы долги и многоиждивны, да не соблазнъ будеши виновенъ и оболганія неразсудно вещи судящимъ: аки созидае паки, яже разорилъ еси. Но подобающее и самодовольное точію отъ нихъ приѣмли, избыточествующее же все вдовицамъ давай, и сиротамъ, и нищимъ. Молися о мирѣ всего міра, о спасеніи христіанъ (б), и о всѣхъ чловѣдехъ. Молися (в) и о Моемъ недостойнствѣ: яко ннедино сотворилъ когда благо, ниже имѣя кій либо добродѣтели останокъ, во истекая ранами и страстми, пишу, благодатию Божіею всякія добродѣтели и разума исполненнымъ и учу. Прости же ми, Господа ради, и о семъ, о нихже множицею отъ безумія и невѣдѣнія глаголахъ, и негодобательнѣ написахъ. Тебе же Господь Богъ покрметъ отъ всякаго видима и невидима озлобленія и укрѣпитъ въ святую волю Свою. Тому слава во вѣки. Аминь.

---

(а) Послѣ сего въ Греч. ркп. „подавай нищимъ монахамъ, живущимъ въ добродѣтели и имѣющимъ нужду.“ (б) Греч. ркп. „Христіанъ, и о царѣхъ нашихъ, и о единомысліи и мирѣ всѣхъ церквей. Пользуй приходящихъ къ тебѣ, и отъ житія твоего, и отъ слова твоего: да сіяетъ свѣтъ твой предъ чловѣки, и добрыми дѣлы твоими да прославляется Богъ (Матѣ. 5, 16). (в) Молися, Господа ради.

## О Г Л А В Л Е Н І Е.

Иже во Святыхъ Отца нашего Іоанна Архієпископа Константина града Златоустаго, о молитвѣ, слово первое.....	1.
Тогожде: о молитвѣ, слово второе.....	8.
Тогожде: посланіе къ монахомъ всякія пользы и трезвѣнія исполнено.....	17.
Тогожде, како вставати въ нощи молотися.....	25.
Тогожде: о молитвѣ, яко не продолжити ся, не вкратцѣ со умиленіемъ молитися.....	27.
Тогожде: Слово о иже съ вѣрою молящихся на всякомъ мѣстѣ.....	28.
Иже во Святыхъ Отца нашего Григорія Паламы Архієпископа Фессалонитскаго, о молитвѣ.....	30.
Преподобнаго Отца нашего Мелетія Исповѣдника, въ Галисійстѣй горѣ подвизавшагося: о молитвѣ.....	36.
Святѣйшаго Фотія, Патріарха Константинопольскаго: свидѣтельство о кнзѣ Преподобнаго Отца нашего Аввы Марка.	49.
Преподобнаго и Богоноснаго Отца нашего Марка Слово первое.....	51.
Тогожде: Совѣтъ ума къ своей ему души. Слово второе.	68.
Тогожде, отвѣтъ недоумѣвающимъ о святѣмъ Крещеніи. Слово третіе.....	74.
Спротивословіе схоластика ко Аввѣ Марку. Слово четвертое .....	108.
Восписаніе отъ Николая къ Марку Постыяку. Слово пятое.	134.
Тогожде: о раи и закояѣ духовнѣ. Слово шестое.....	136.
Тогожде: о пощеніи и смиреніи. Слово седьмое.....	143.
Святаго Марка главизны ко трезвѣнію отвосящіяся.....	147.
Аввы Аммона: О вещехъ возбраняющихъ ко спасенію...	161.
Бесѣды душеполезны Преподобнаго Отца нашего Зосимы.	165.
О дѣяніи и видѣніи, главы Святаго Θεогноста.....	180.
Преподобнаго и Богоноснаго Отца нашего Сумеона, Митрополита Евхантайскаго, посланіе ко Іоанну инокѣ и затворнику .....	205.



# П О Г Р Ъ Ш Н О С Т И :

	<i>Напечатано:</i>	<i>Должно читать:</i>
Стр. Строк.		
1	5 спасенія	спасенія своего
14	5 низ. приводятъ	приводятъ
—	3 низ. узяща	узяища
17	5 — святой	Святой ,
—	8 — дiаволь	дiаволь
19	14 — молитися молитвами	молитися. Молитвы
23	3 — врачу	врагу
26	21 — къ нощныя	въ нощныя
35	5 — множая	множае
43	1 низ. согрѣшательнытъ,	согрѣшательныхъ ,
49	13 — поправляюще	направляюще
50	8 — схоластика	схоластика
51	3 низ. согласятся	не согласятся
54	2 — нищныя	низшныя
—	7 низ. Прич.	Притч.
55	10 — благополучія	на благополучія
63	7 — ради	ради
68	5 — отъ страстей ,	отъ страстей, не вѣдѣхъ,
69	14 — еслыцы	елыцы
81	6 низ. еще	еже
—	13 — добро	добрѣ
85	13 — еще	еже
83	12 низ. воздержавайся	воздержаваяся
91	3 низ. разумѣмъ	разумѣмъ
95	3 — свободна	свободны
100	14 низ. быть	бысть
101	8 низ. видѣти	вѣдѣти
—	9 низ. подобае	подобаше
103	5 — яко врагомъ	яко благодѣтелей любимъ , воз- браяющихъ же яко врагомъ
110	15 — упоряютъ	укоряютъ
118	19 — увѣщавше	увѣщавше
119	8 — не исправlichemъ	не исправlichemъ
123	20 — гаданіихъ	гаданіихъ
129	7 низ. точию	не точию
131	3 — слезаще и елика	слезаще, умирающе и елика
137	4 — быжающая	прибывающая
—	17 — (1 Іоан. 4, 4.)	(Іак. 4, 4.)

139	10	сниз. гаданіи	гаданіи
143	10	сниз. но утѣшенію	ко утѣшенію
157	15	сниз. стоятъ	стоятъ
—	11	сниз. могъ бы	не могъ бы
158	6	— сведеть	свободеть.
164	10	— добродѣтей	добродѣтелей
165	1	сниз. 20. 22. 25.	120. 122. 125.
167	18	сниз. произволенія	произволеніе
170	10	— повѣдаши	повѣдаша
174	2	— въ себя	въ себя
175	18	сниз. и глаголаши	и глаголаше



ПЕЧАТАТЬ ПОЗВОЛЯЕТСЯ

съ тѣмъ, чтобы по отпечатаніи до выпуска изъ Типографіи представлено было въ Цензурный Комитетъ узаконенное число экземпляровъ сей книги. Іюля 11-го дня, 1847 года.

*Московская Духовная Академія.  
Цензоръ, Протоіерей Феодоръ Голубинскій.*

